

STENOGRAM

36. Radne sjednice Skupštine Kantona Sarajevo,
održane u srijedu, 05.05.2021. godine sa početkom rada u 10,00 sati

Predsjedavajući Elvedin Okerić (u daljem tekstu predsjedavajući):

Otvaram 36. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i sve koji prate rad današnje sjednice.

Svima nama želim uspješan rad i ugodnu radnu atmosferu.

ONLINE sjednici prisustvuje 24 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je zastupnik Sabahudin Delalić.

Prijedlog dnevnog reda 36. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 23.04.2021.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 30.04.2021.godine, prihvatio je da se Prijedlog dnevnog reda 36. Radne sjednice, dopuni sa sljedećim tačkama:

1. Prijedlog Odluke o izmjenama i dopunama Odluke o donošenju Kantonalnog plana zaštite okoliša Kantona Sarajevo; (razmatraće se kao tačka 6.);
2. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2019. godinu; (razmatraće se kao tačka 7.);
3. Izvještaj o radu i finansijskom poslovanju Kliničkog centra Univerziteta u Sarajevu za 2019. godinu; (razmatraće se kao tačka 8.);
4. Izvještaj o radu i finansijskom poslovanju JU Psihijatrijska bolnica Kantona Sarajevo za 2019. godinu; (razmatraće se kao tačka 9.);
5. Izvještaj o radu i finansijskom poslovanju JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2019. godinu; (razmatraće se kao tačka 10.);
6. Izvještaj o radu i finansijskom poslovanju JU Opća bolnica „Prim.dr. Abdulah Nakaš“ za 2019. godinu; (razmatraće se kao tačka 11.);
7. Izvještaj o radu i finansijskom poslovanju JU Zavod za hitnu medicinsku pomoć Kantona Sarajevo za 2019. godinu; (razmatraće se kao tačka 12.);
8. Izvještaj o radu i finansijskom poslovanju JU Zavod za javno zdravstvo Kantona Sarajevo za 2019. godinu; (razmatraće se kao tačka 13.);
9. Izvještaj o radu i finansijskom poslovanju JU Zavod za medicinu rada Kantona Sarajevo za 2019. godinu; (razmatraće se kao tačka 14.);
10. Izvještaj o radu i finansijskom poslovanju JU Zavod za zdravstvenu zaštitu žena i materinstva Kantona Sarajevo za 2019. godinu; (razmatraće se kao tačka 15.);
11. Izvještaj o radu i finansijskom poslovanju JU Zavod za bolesti ovisnosti Kantona Sarajevo za 2019. godinu; (razmatraće se kao tačka 16.);
12. Izvještaj o radu i finansijskom poslovanju JU Dom zdravlja Kantona Sarajevo za 2019. godinu; (razmatraće se kao tačka 17.);
13. Izvještaj o radu i finansijskom poslovanju JU "Apoteke Sarajevo" za 2019. godinu; (razmatraće se kao tačka 18.);
14. Izvještaj o radu i finansijskom poslovanju JU Kantona Sarajevo Zavod za zaštitu zdravlja studenata Univerziteta u Sarajevu za 2019. godinu; (razmatraće se kao tačka 19.);
15. Izvještaj o radu i finansijskom poslovanju JU Zavod za sportsku medicinu Kantona Sarajevo za 2019. godinu; (razmatraće se kao tačka 20.);
16. Izvještaj o realizaciji Plana povratka u i iz Kantona Sarajevo za period 01.01.-31.12.2020 godine, sa osvrtom na problematiku obezbjeđenja alternativnog-

privremenog smještaja i Plan povratka u i iz Kantona Sarajevo za 2021. godinu; (razmatraće se kao tačka 21.).

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na Prijedlog zakona o izmjenama i dopunama Zakona o preuzimanju, izmjenama i dopunama Zakona o zakupu poslovnih zgrada i prostorija, po hitnom postupku.

Ima li potrebe da predstavnik? Zastupnik Vedran Jakupović se javio za riječ.

Poslanik Vedran Jakupović:

Zahvaljujem predsjedavajući. Pozdravljam vas i kolege i gledaoce pored malih ekrana. I želim nam uspješan rad. Ispred Kluba Naroda i pravde povlačim ovu tačku dnevnog reda zbog konsultacija vezano za dopune koje su bile neopodhorne nakon što smo dobili mišljenja vlade i pojedinih ministarstava koji su bili zainteresovani. Ovu tačku ćemo delegirati na prvoj narednoj sjednici. Hvala.

Predsjedavajući:

Zahvaljujemo se zastupniku Jakupoviću.

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 36. Radne sjednice, glasi:

1. Informacija o epidemiološkoj situaciji u Kantonu Sarajevo;
2. Poslanička/zastupnička pitanja inicijative i odgovori;
3. Nacrt zakona o podršci povratnicima u Srebrenicu;
4. Prijedlog odluke o potvrđivanju ministara u Vladi Kantona Sarajevo;
5. Prijedlog Odluke o izmjenama i dopunama Odluke o donošenju Kantonalnog plana zaštite okoliša Kantona Sarajevo;
6. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2019. godinu;
7. Izvještaj o radu i finansijskom poslovanju Kliničkog centra Univerziteta u Sarajevu za 2019. godinu;
8. Izvještaj o radu i finansijskom poslovanju JU Psihijatrijska bolnica Kantona Sarajevo za 2019. godinu;
9. Izvještaj o radu i finansijskom poslovanju JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2019. godinu;
10. Izvještaj o radu i finansijskom poslovanju JU Opća bolnica „Prim. dr. Abdulah Nakaš“ za 2019. godinu;
11. Izvještaj o radu i finansijskom poslovanju JU Zavod za hitnu medicinsku pomoć Kantona Sarajevo za 2019. godinu;
12. Izvještaj o radu i finansijskom poslovanju JU Zavod za javno zdravstvo Kantona Sarajevo za 2019. godinu;
13. Izvještaj o radu i finansijskom poslovanju JU Zavod za medicinu rada Kantona Sarajevo za 2019. godinu;
14. Izvještaj o radu i finansijskom poslovanju JU Zavod za zdravstvenu zaštitu žena i materinstva Kantona Sarajevo za 2019. godinu;

15. Izvještaj o radu i finansijskom poslovanju JU Zavod za bolesti ovisnosti Kantona Sarajevo za 2019. godinu;
16. Izvještaj o radu i finansijskom poslovanju JU Dom zdravlja Kantona Sarajevo za 2019. godinu;
17. Izvještaj o radu i finansijskom poslovanju JU "Apoteke Sarajevo" za 2019. godinu;
18. Izvještaj o radu i finansijskom poslovanju JU Kantona Sarajevo Zavod za zaštitu zdravlja studenata Univerziteta u Sarajevu za 2019. godinu;
19. Izvještaj o radu i finansijskom poslovanju JU Zavod za sportsku medicinu Kantona Sarajevo za 2019. godinu;
20. Izvještaj o realizaciji Plana povratka u i iz Kantona Sarajevo za period 01.01.-31.12.2020 godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2021. godinu.

Molim službu da pripremi anketu za izjašnjavanje zastupnika.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Zaključujem glasanje. Molim službu da objavi rezultate glasanja.

ZA JE GLASALO 28, PROTIV I SUZDRŽANIH NIJE BILO.

KONSTATUJEM DA JE SKUPŠTINA ZA 36. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- Izvještaj o korištenju sredstava Tekuće rezerve iz Budžeta Kantona Sarajevo za period od 01.01. do 31.12.2020. godine
- Izvještaj o radu Kantonalnog suda u Sarajevu za 2020. godinu i Izvještaj o radu Općinskog suda u Sarajevu za 2020. godinu
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar - mart 2021. godine

Zastupnik Damir Nikšić je tražio riječ. Izvolite.

Poslanik/zastupnik Damir Nikšić:

Hvala predsjedavajući. Da li se čujemo, vidimo? Sve je u redu. Pozdravio bih vas sviju, sve prisutne i gledaoce. Samo bih htio da predložim kao što smo i na prošloj sjednici, da predložim da se tačka 2. Zastupnička pitanja i inicijative stave kao zadnja tačka dnevnog reda, da bi malo ubrzali rad sjednice. I ako se mogu kolege i kolegice izjasniti u vezi toga.

Predsjedavajući:

Zahvaljujemo se zastupniče Nikšiću. Stavljam na glasanje zahtjev zastupnika Damira Nikšića da se Zastupnička pitanja i inicijative stave na dnevni red kao posljednja tačka.

Molim službu da pripremi anketu za izjašnjenje a zastupnike da se izjasne.

Zaključujem glasanje. Molim službu da objavi rezultate.

Za je glasalo 25, protiv ništa. Suzdržan 1 zastupnik.

Konstatujem da je Skupština prihvatila prijedlog zastupnika Damira Nikšića.

Prelazimo na prvu tačku.

AD – 1.

INFORMACIJA O EPIDEMIOLOŠKOJ SITUACIJI U KANTONU SARAJEVO

Molim predstavnika Predlagača da podnese uvodne napomene. Ministar Vranić da li je s nama? Da li imamo nekoga u svojstvu predlagača ispred Vlade ili eventualno Kriznog štaba? Premijeru, ministre Vraniću da li se čujemo? Da li imamo nekoga od predstavnika Vlade?

Ministar Haris Vranić:

Ima, dok se upalimo. Evo imamo predstavnika i Vlade i članove Vlade. Čujemo li se predsjedavajući. Jel me čujete, vidite li me? E drago mi je. Dobar dan, pozdravljam sviju, prvo vas predsjedavajući a potom sve uvažene zastupnice i zastupnike. Prva tačka uobičajena je Izvještaj o epidemiološkoj situaciji. Ona će na svu sreću, kao i na moju radost, kao i na vašu, biti vrlo kratka. Epidemiološka situacija je izuzetno povoljna. Danas bilježimo samo 21 našeg sugrađanina sa pozitivnim PCR testom. Bolnice su poprilično ispražnjene. U Državnoj bolnici negdje imamo oko 70 možda i manje. U KC 120 bolesnika. Vrlo malo je na respiratoru. Smrtnost je praktično svedena na minimum. Dakle, mjere su date rezultata. Povoljno vrijeme nam sada i dolazi. Počela je ova vakcinacija. Tako da sve u svemu mogu vam reći da je Vlada Kantona Sarajevo i Krizni šta Ministarstva zdravstva sve drži pod kontrolom, naravno ovo nije vrijeme da se možemo otpustiti i reći da je epidemija završena. Ona je još uvijek u toku. Ona je samo sada iu jednom smirujućem trendu, što ne znači da se ne može ponoviti ponovno razbuktavanje novo zaraženih u Kantonu Sarajevo. Nadam se da se to neće desiti.,ako i se i dalje budemo pridržavali svih ovih epidemioloških mjera. Ako se nastavi ovaj trend pada novozaraženih i stabilnosti ove epidemiološke situacije Krizni štab Ministarstva zdravstva Kantona Sarajevo će u narednom periodu prema Vladi uputiti zahtjev za još popuštanjem mjera. Tako da naši stanovnici bi mogli na radost sviju naših početi polako vraćati u normalne tokove. E hvala predsjedavajući.

Predsjedavajući:

Zahvaljujemo se ministru Vraniću? Da li predstavnici radnih tijela žele riječ? Ima li pitanja? Zastupnica Danijela Kristić, izvolite imate riječ.

Dopredsjedavajuća Danijela Kristić:

Zahvaljujem predsjedavajući. Pozdravljam sve prisutne kao i gledaoce kraj malih ekrana. Ja imam jedno pitanje za ministra. Da li će se produžavati ugovori u Domovi zdravlja za zdravstvene radnike koji su primljeni u vrijeme pandemije? Dio tih ugovora ističu sada krajem petog mjeseca, pa mi kao zastupnici imamo dosta upita, pa evo ako nam možete vi kratko odgovoriti na ovo pitanje? Hvala.

Ministar Haris Vranić:

Hvala zastupnici Kristić na pitanju. Imam samo jedno pitanje prema predsjedavajućem. Da li ću ja odgovarati na sva sada pitanja koja mi se budu postavljala u sklopu pitanja prema Ministarstvu zdravstva ili ću odgovarati samo na pitanja što se tiče Epidemiološke slike u Kantonu Sarajevo jer koliko znam ovu tačku zastupnička pitanja i inicijative ste pomjerali kao zadnju tačku. Ja ću odgovoriti.

Predsjedavajući:

Uvaženi ministre, odgovarajte samo na pitanja koja su vezana za ovu tačku dnevnog reda Epidemiološka situacija u Kantonu Sarajevo a zamolio bih zastupnice i zastupnike da postavljaju pitanja u okviru ove tačke. Sačekajte imamo još pitanja pa možete odgovoriti. Evo zastupnica Bilsena Šahman također ima pitanje.

Poslanik/zastupnik Bilsena Šahman:

Hvala predsjedavajući. Pozdravljam sve kolege. Pozdravljam naše sugrađane, imam par

pitanja za ministra vezano je za epidemiološku situaciju, naravno. Prvo pitanje bi bilo, znam da mi ne možete danas to odgovoriti, ali možda u toku dana da saznate, da li u Opštoj bolnici imamo spalionicu koja može vršiti spaljivanje infektivnog otpada i vakcina. Jer jučer smo dobili informaciju da sve vakcine tog dana se ne iskoriste i koje se ne mogu koristiti narednih dana ili se desi neka incidentna situacija da se mogu u Opštoj bolnici uništiti po propisima. Drugo, da li znate da postoji u Zavodu za javno zdravstvo da su oni dobili Kantonalni Zavod za javno zdravstvo frižider koji može na minus 80 i koji može skladištiti vakcine koje su recimo evo Pfizer, on je za -80. da li ste upoznati sa tim i da li nam možete reć put koji ide vakcine stignu na aerodrom, Veledrogerija vozi vakcine u Mostar, takav je dogovor Federalni Zavod za javno zdravstvo, iz Mostara ko dalje distribuira vakcine, gdje i kako taj put, iako smo mi kao Komisija jučer bili u Zavodu za javno zdravstvo odgovor nismo dobili. Zahvaljujem.

Predsjedavajući:

Zahvaljujemo se zastupnici Šahman. Zastupnik Zvonko Marić ima pitanje. Izvolite.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, svi vi koji pratite rad ove sjednice. Ministre Vraniću, hvala vam na informacijama i hvala vam na optimističkim predviđanjima. Nadamo se da će tako i biti naravno. Ali kroz vašu informaciju je provejavao oprez svojevrstni koji treba možda podcrtati i naglasiti da građani čuju da se moraju striktno pridržavati mjera opreza itd. Molim vas s obzirom da je u ovom trenutku aktuelna imunizacija koja nam daje relaksiranja pogled na budućnost, možete li nam kazati, ali konkretno, bez onih obećanja, doći će 50.000. pa to slušamo mjesecima, nego konkretno, kada će se u Kantonu Sarajevo desiti masovnija imunizacija, da osjetimo da smo i mi zemlja koja ipak ima nadu s obzirom na način nenabavljanja vakcina i stalnih obećanja i laži koje slušamo od predstavnika vlasti i oni koji bi trebali do sada nešta da nabave a ja sam već rekao da smo i zaista srozani na najmanji i najniži nivo zbog politike koja je retorički obećavala vakcine, a nismo u stanju, zemlja koja možda je posljednja na toj ljestvici. Molim vas također ministre Vraniću s obzirom da ste vi predsjednik Kriznog štaba da li možete da nam kažete kako ćete vi usklađivati sada u budućnosti mjere, jer bilo je puno polemika o tom policijskom satu, o produženju itd. Evo na isteku je ramazan. Dakle spriječili ste, preventivno se djelovalo na neki način da se izbjegnu ta masovna okupljanja. Kada će doći, evo s obzirom na poboljšanje te slike epidemiološke, kada će doći do popuštanja tih mjera u smislu policijskog sata? Sigurno građane to zanima ili će se i dalje zadržati policijski sat ali da će biti pomjereno vrijeme u korist građana i zbog potreba da se susreću. Jer ipak smo u jednoj vrsti svojevrstne izolacije. Hvala vam puno.

Predsjedavajući:

Zastupnik Aljoša Čampara se javio za pitanja.

Poslanik/zastupnik Aljoša Čampara:

Zahvaljujem predsjedavajući. Nadam se da se dobro čujemo. Pozdravljam sve prisutne kao i gledaoce pored malih ekrana. Ja bih imao jedno pitanje ako mi može gospodin ministar Vranić odgovoriti, mislim da je vezano ipak na neki način za ovu sveukupnu situaciju. U medijima se pojavila informacija da 13 anesteziologa sa KCUS napušta KC. Radi se o anesteziolozima pretpostavljam koji su i ranije pisali pismo, taj interni akt. Da li on ima informacije oko toga? I da li to predstavlja određenu vrstu zabrinutosti zato što 13 vrsnih ljekara anesteziologa u ovakvoj situaciji napušta KC, a vjerovatno smo svjesni situacije, da postoji potreba za anesteziolozima na svim klinikama. I šta to znači za naše građane, odnosno za pacijente? Koliko još ostalo anesteziologa na KC i kako će to uticati na zdravlje naših

sugrađana, odnosno pacijenata koji se nalaze trenutno na KC? Ukoliko ima te informacije. One su se pojavile u javnosti, dobro bi bilo da nam ih obrazloži i da nam kaže šta se dešava. Da li je Vlada upoznata sa tim. I gdje ovi anesteziolozi odlaze, da li u Opću bolnicu i kakvo je stanje sada na KC sa kadrovima, evo prije svega anesteziolozima. Znači, ozbiljniji je stvar ako vas 13 anesteziologa napusti. U nekom trgovinskom lancu kada bi 13 ljudi napustilo to bi bila vijest a kamo li 13 specijalista, anesteziologa, pa evo ako ima ta informacija jer građani dijele ovu zabrinutost zato što se informacija stvarno pojavila u javnosti i dosta medija je već ovo objavilo. Hvala.

Predsjedavajući:

pitanje ima zastupnik Igor Stojanović.

Poslanik/zastupnik Igor Stojanović.

Hvala predsjedavajući. Pitanje za ministra Vranića je sljedeće. S obzirom da imam informaciju da ljudi koji su radili u proteklom periodu u COVID ambulantama, koji su bili angažovani ili preko Službe za zapošljavanje ili na kratke ugovore, imam informaciju da direktori Domova zdravlja ne planiraju produžiti velikom broju tih ljudi ugovore. Zanima me da li je to dobra odluka u ovom trenutku? Da li će se produžiti s obzirom da možemo očekivati i rep, kako se to kaže, rep ovog talasa epidemiološkog, posljednjeg kojeg smo imali. Dane bi smo došli u situaciju da nam ponovo nedostaju zdravstveni radnici. Šta će se desiti. Da li je prerano za jednostavno smanjenje broja ljudi u COVID ambulantama? To je moje prvo pitanje? I drugo pitanje je vezano za jučerašnju posjetu skupštinske komisije vezano za vakcinaciju. Direktorica Zavoda za javno zdravstvo informisala nas je da je ona lično uputila prema premijeru Forti kao i prema vama gospodine Vraniću, uputila je jednu informaciju šta bi sve trebalo nabaviti i postavlja se pitanje da li ste vi to uradili ili ko je trebao u suštini napraviti taj hladni lanac koji bi omogućio da vakcine kada dođu, kada budu na neki način kada budu na aerodromu i do se budu transportovale da ih ne bi smo eventualno uništili, izgubili njihova svojstva koja su vrlo značajan. Dakle možete i nam dati neke preciznije informacije ko je zadužen, ko je nadležan s obzirom da jučerašnje informacije koje skupštinska komisija dobila nisu nam dali jednostavno adekvatne odgovore oni koji su zastupnici postavljali direktorici. Hvala.

Predsjedavajući:

Zastupnik Vedran Jakupović ima pitanje.

Poslanik/zastupnik Vedran Jakupović.

Zahvaljujem predsjedavajući. Imam nekoliko pitanje. Primarno u kojoj je fazi vakcinacija farmaceuta, magistara farmacije i farmaceutskih tehničara u apotekama, ne samo u Apotekama Sarajevo već i u privatnim ustanovama. Stomatolozi su preko komore, govorim o privatnim stomatolozima uglavnom dobili priliku da se vakcinišu. Ono što imam ko informaciju nije provjereno da je nešto bilo govoreno da će se dati farmaceutima, pa neće itd. Ja bih zamolio pošto imam upite kolega da date tačno i zvaničnu informaciju kada ide vakcinacija farmaceuta u Kantonu Sarajevo? Druga stvar postojala je stavka u Budžetu u prethodnom Budžetu koja se odnosila na poštivanje hladnog lanca. To se čak postavilo kao pitanje prije pojave COVID. Kolegica, doktorica Amra Junuzović-Kaljić je postavila to pitanje. Čak je bila stavka, mislim oko 200.000 KM u Budžetu. Ta stavka je sada uklonjena. Odnosi se na hladni lanac, primarno u DZ. Obzirom da vakcinaciju provode DZ osim nekih specifičnih, odnosno skladištenje vakcina i vakcinaciju provode DZ osim nekih specifičnih bolesti koje nisu tema danas naravno. Treće pitanje, da konkretiziram pitanje šta je s tim novcem, hoćete li nabaviti? Jel postoji taj novac u Budžetu? Hoće li ići u rebalansu? Hoće li se ići u nabavku frižidera konkretno, obzirom da ono što smo mi jučer vidjeli u posjeti u DU u

HES DZ ne zadovoljava potrebe koje posebno, ako imamo u vidu slijedi nam proces velikog broja građana Kantona Sarajevo. Uslove moramo poboljšati, treća stvar u kojem je statusu formalno Zetra punkt za vakcinaciju u Zetri? Jel ima neki dogovor između ZOI i DZ, Zavoda za javno zdravstvo, Ministarstva zdravstva, kakav je formalno pravni status Zetre? I konačno, evo četvrto pitanje, sada smo u maju mjesecu već se nagovještava, ne bih da plašim građane četvrti val na jesen. Da li se rade neke pripreme? Planirate li nešto ono što ojačao situaciju u eventualnoj pojavi četvrtog Vlada COVID pandemije. I ja evo bio sam jučer na tom sastanku komisije i meni je apsolutno jasan put vakcinacije, odnosno put hladnog lanca od samog prijema, do tog momenta davanja vakcine. Ono što jedino nije riješeno je ovo upravo što sam ja postavio pitanje odnosi se na DZ, kapacitete DZ da ispoštuju ovu vakcinaciju obzirom da je riječ o jako zahtjevom čuvanju i Pfizerove vakcine na -780 i Sputnjika na -20. i konačno pitanje ko je od velerogerijs u Kantonu Sarajevo imate u planu, možda vam nije, upitno je da dajte sada tačna imena, ali imate li velerogerijs u Kantonu Sarajevo koje mogu ispoštovati ove zahtjeve? Hvala.

Predsjedavajući:

Zahvaljujemo se. Zastupnica Bibija Kerla se prijavila za pitanje. Izvolite, imate riječ.

Poslanik/zastupnik Bibija Kerla

Dobro jutro. Pozdrav svima. Ja imam samo jedno jedino pitanje za ministra Vranića zna li se tačan broj vakcinisanih stanovnika Kantona Sarajevo što onih što su vakcinisani u samom Kantonu i koji su vakcinisani u drugim državama. Znači stanovnici Kantona Sarajevo koji su vakcinisani tačan broj tih ljudi. Hvala lijepa.

Predsjedavajući:

zastupnica Bišćević-Tokić, izvolite imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Evo pozdravljam sve prisutne kolege kao i premijera i članove Vlade. Imam pitanje za ministra zdravstva, tačnije kao predsjednika Kriznog štaba. Na osnovu kojih zakonskih i podzakonskih akata je Vlada Kantona Sarajevo preuzela ingerencije Kriznog štaba Ministarstva zdravstva Kantona Sarajevo i donosila svojim zaključcima higijensko epidemiološke mjere u cilju suzbijanja epidemije i širenja korona virusa u Kantonu Sarajevo? Znamo da su svi ti zaključci imali reperkusije na prava i slobodu građana na kretanje, rad pravnih subjekata, zatvaranje određenih djelatnosti i obavezno nošenje maski na otvorenom prostoru. U obrazloženju na stranici Vlade Kantona Sarajevo objavljeno je da je Vlada Kantona Sarajevo 09.04.2021 na vanrednoj sjednici usvojila nove higijensko epidemiološke mjere, na osnovu preporuka Kriznog štaba Ministarstva zdravstva Kantona Sarajevo, te je njima djelimično ublažila prethodne, kao i da se radi o mjerama koje su navedene u predmetnom zaključku. A u tački 13 je navedeno da ovaj zaključak stupa na snagu danom donošenja. S obzirom da u preambuli Vlada Kantona Sarajevo se poziva na članove 26 i 28 tačnije stav 4 Zakona o Vladi Kantona Sarajevo mene interesuje, s obzirom da isti taj član 28 stav 2) propisuje da se mogu samo odlukom utvrđivati pojedina pitanja, kada se odnose na Vladu Kantona Sarajevo, i da Vlada Kantona Sarajevo nije mogla zaključkom donijeti mjere koje je predložio Krizni štab Ministarstva zdravstva Kantona Sarajevo već odlukom kako je to propisano u članu 28, stav 2). također su se pozivali na Pravilnik o organizaciji i načinu rada Kriznog štaba Federalnog Ministarstva zdravstva, a koj i se odnosi na kantonalne krizne štabove, kao i Presudu Ustavnog suda koja tvrdi, u suštini koja eksplicitno kaže da se moraju usvajati naredbe i odluke Kriznog štaba Ministarstva Kantona Sarajevo. Te također postavljam pitanje kako su upravo pripadnici uprave policije MUP Kantona Sarajevo mogli represivno djelovati prema građanima sa prekršajnim nalogima koji su izricali na osnovu

zaključaka Vlade Kantona Sarajevo a ne na osnovu naredbi Kriznog štaba Ministarstva zdravstva Kantona Sarajevo čija uloga i ingerencija je definisana zakonskim i podzakonskim propisima FBIH. Zahvaljujem se predsjedavajući.

Predsjedavajući:

Zastupnik Damir Nikšić ima pitanje.

Poslanik/zastupnik Damir Nikšić:

E hvala. Ovako, uvaženi ministre, moje pitanje da li imate informaciju na šta je potrošeno 400.000 KM koje su bile predviđene usvojenim amandmanom na Budžet u 2020, upravo za hladnu komoru i hladni lanac. Znači novac je postojao ali nakon perioda vladavine ove koalicije prethodne, mi smo izašli iz svega da hladnog lanca nema. Para je bilo, hladnog lanca nema. Isto tako me brine i htio bih da znam koji su razlozi i argumenti prevagnuli pa taj isti amandman, tj ta ista suma nije predviđena u Budžetu za 2021 ako smo znali da hladnog lanca nema. Dakle, ponavljam, imate li informaciju na šta je otišlo 400.000 KM koje su na vrijeme bile predviđene usvojenim amandmanom na Budžet 2020 upravo za hladnu komoru i hladni lanac kojeg danas nemamo. Hvala.

Predsjedavajući:

Zastupnik Mahir Dević ima pitanje.

Poslanik/zastupnik Mahir Dević:

Hvala predsjedavajući. Pitanje za ministra. Ne znam da li je sada u prilici da odgovori usmeno na to, ukoliko ne bude, možda je bilje da tražim pismeni odgovor. Znači zanima me prosjek PCR testiranja na dnevnoj bazi u Kantonu Sarajevo u zadnjih 30 dana. Postoje neke špekulacije u ovom momentu da se na neki način po instrukciji ZZO Kantona Sarajevo zbog velikih finansijskih troškova pribjeglo metodi da se manji broj ljudi testira PCR testovima, te iz tog razloga da imamo na neki način netačnu statistiku. Naravno imamo, hvala Bogu da smo u situaciji da je broj novozaraženih opada, ne postavljam to pitanje u smislu da pandemija na neki način ne jenjava. Drago nam je da je to tako. Ali me zanima u zadnjih 30 dana dnevni bilans testiranja na području Kantona Sarajevo PCR testovima. Ukoliko ministar može da mi to dostavi u pismenoj formi. Hvala.

Predsjedavajući:

Dopredsjedavajuća Viteškić ima pitanja.

Dopredsjedavajuća Smiljana Viteškić:

Zahvaljujem predsjedavajući. Pozdravljam sve koji prate naš rad. I moje pitanje slično je pitanjima kolegice Kristić i kolege Igora Stojanovića, ali malo evo konkretnije. Koliko je zdravstvenih ustanova izrazilo potrebu i uputilo zahtjev Ministarstvu zdravstva za saglasnost za novi angažman kadra koji je 30.04. dobio otkaz ili će ih dobiti u narednom periodu? Hvala.

Predsjedavajući:

Zastupnik Haris Zahiragić.

Poslanik/zastupnik Haris Zahiragić:

Da li se čujemo predsjedavajući? Pitanje za ministra Vranića i kao šefa Kriznog štaba Vranića i za premijera Fortu, kako to da se moglo desiti da je Skupština Kantona Sarajevo na posljednjoj sjednici Skupštine donijela zaključak kojim je između ostalog tražila da se rad ugostiteljskih objekata i drugih privrednih subjekata odredi da se završetak radnog vremena

veže za policijski sat, a Krizni štab i Vlada Kantona Sarajevo su potvrdili ponovo radno vrijeme do 20 sati. Skupština Kantona Sarajevo podsjećam, na moj prijedlog je usvojila zaključak koji prvim članom definiše da traži od Vlade Kantona Sarajevo i Kriznog štaba da donesu zaključak koji će radno vrijeme tj ograničenje radnog vremena vezati za početak policijskog sata. Trenutno je to i prošle sedmice je to bilo do 21,00 sat. Ukoliko Federalna Vlada i Federalni krizni štab pošto imamo najave produže to, to bi automatski značilo da tim zaključkom oni trebaju produžiti radno vrijeme privrednih subjekata kojima je rad ograničen. Oni su se na žalost oglašili o takav zaključak Skupštine Kantona Sarajevo i pitam ih na koji način oni smatraju da su za njih zaključci Skupštine Kantona Sarajevo kako su kazali neobavezujući, savjetodavni. Podsjećam ih da je Skupština Kantona Sarajevo kao takva čak jedina nadležna da takve odluke donosi. Trenutno sada imate podršku Skupštine Kantona Sarajevo ali kad Skupština donese zaključak vi bi ste morali takve zaključke poštovati. Također u tom zaključku je zatražena od Ministarstva zdravstva i informacija o svrsishodnosti generalno policijskog sata i zaključka federalne Vlade da razmotri tu mjeru, pa me zanima da li je Ministarstvo zdravstva u periodu između dvije sjednice uradilo išta na analizi zapravo zahtjevu iz tog zaključka.

Predsjedavajući:

Zahvaljujemo se zastupnicama i zastupnicama i molim ministra da ponudi odgovore na postavljena pitanja.

Ministar Haris Vranić.

Hvala predsjedavajući. Hvala zastupnicima. Prvo pitanje je bilo zastupnice Kristić, ovo produženje ovih ugovora. Dakle, bilo je nekoliko pitanja, i kolegica Viteškić je postavila slično pitanje koliko je ustanova dostavilo zahtjev za produženje. Ja mislim da su skoro sve javno zdravstvene ustanove u Kantonu Sarajevo podnijele zahtjev za produženjem ugovora o radu zdravstvenim radnicima koji su bili na ograničeni period. I sve oni zahtjevi koji su bili opravdani, a skoro svi su bili opravdani, oni su od strane Ministarstva zdravstva i mene lično produženi. Drugo pitanje je bilo od uvažene zastupnice Bilsene Šahman. Bilo je prvo pitanje spaljivanje otpada. Da, spaljivanje otpada u Kantonu Sarajevo se jedino vrši u Općoj bolnici. Opća bolnica se jednim dijelom finansira iz tog, ugovornim djelima sa javno zdravstvenim ustanovama kojim dostavljaju materijal za spaljivanje. Oni se jednim dijelom finansiraju iz toga. Dakle, tu je angažiran tzv Sintion aparat. Sve durge ustanove prema ugovoru imaju obavezu da dovoze sav infektivni aparat u Opću bolnicu gdje se on prerađuje. U 2020 godini Opća bolnica je imala nekih 115 korisnika za razliku od 2019 gdje je bilo samo 84 što ukazuje da su mnoge ustanove u jeku ove epidemije koristile usluge Opće bolnice za spaljivanje medicinskog otpada. Drugo pitanje je bilo frižider na -80 da li Zavod za javno zdravstvo posjeduje frižider kojim temperaturu do -80. ja sam jučer na sastanku štaba za vakcinaciju prvi put čuo da je Zavod za javno zdravstvo dobio frižider na -80. direktorica mi je rekla da je taj frižider došao prije mjesec dana. Ja nisam znao kao ni ostali članovi Koordinacionog tijela za vakcinaciju. I mislim da je to veliki propust što mi o tome nismo obaviješteni iz prostog razloga zbog toga što smo Ministarstvo zdravstva je zajedno sa premijerom krenulo čak i u nabavku frižidera i da nismo znali da Kanton Sarajevo posjeduje frižider koji može skladištiti vakcine na -80. put vakcina je određen Federalnim pravilnikom o vakcinaciji i on je po mom mišljenju tako zamišljen kako je federacija odredila, on je dosta nelogičan ali on se sprovođi u cjelosti zbog toga što smo mi dužni da poštujemo taj put vakcina. Pa recimo vakcine koje su bile donirane Kanton Sarajevo koje su došle iz Beograda, 10.000 vakcina Astra Zeneke. One su iz Sarajeva, umjesto da idu u skladište u Sarajevo, a s obzirom da su Astra Zeneca najpovoljnije vakcine za skladištenje, one su na žalost morale ići u Mostar, onda iz Mostara su morale da se vraćaju nazad u Sarajevo. Iako je bilo od aerodroma do skladištenja vakcina u Kantonu Sarajevo možda par kilometara. Mislim da taj put treba promijeniti zbog toga što su

se stvorili uslovi da i Kanton Sarajevo može da skladišti vakcine u svom posjedu. Dakle još uvijek postoji to prelamanje ko će čuvati te vakcine do vakcinacije. Put vakcinacije je jasan. Međutim put skladištenja još uvijek nije jasan zbog toga što Zavod za javno zdravstvo smatraju da oni ne trebaju da budu ti koji će čuvati vakcine već oni samo su u njihovom objašnjenju zaduženi za preuzmu vakcine i da ih nekome prosljede. Tako da prošli put sam ja imao, lično sam ja imao problema dok sam uspostavio taj tzv hladni lanac da bi se moglo skladištiti ove vakcine koje su bile za vakcinaciju u Zetri. Mislim da u narednom periodu moramo to jasno definisati ako treba i promijeniti. Uvaženi zastupnik Zvonko Marić je postavio pitanje kada će se desiti masovnija imunizacija. Dakle evo kao što znate vakcine pristižu svaki dan u različitim količinama, razne vrste vakcina i one se raznim putevima dobavljaju. Neke dolaze kao donacija, neke dolaze kao u okviru COVAX programa, neke kao EUROSTAD programa, dakle sve se mora na nivou države raspodijeliti. Nama obično pripada 21% vakcina. S obzirom da ne znamo koliko je do sada odnosno da znamo tačno koliko je došlo do sada vakcina, međutim ne znam tačan raspored vakcina koje će biti podijeljene prema procentima koji su određeni. Tako ne mogu vam tačan odgovor dati, ali ono što znamo do jučerašnjeg dana, kada smo imali krizni štab, Kanton Sarajevo je trebao dobiti ponovo nekih 10.300 vakcina za vakcinaciju, ne računajući onih 5000 vakcina koje su dostavljene vakcinaciju bezbjednosnih snaga BIH. Oni koji su izrazili želju da se vakcinišu u Sarajevu. Dakle, pitanje je bilo za policijski sat. Vi kao što znate mi ne možemo da mijenjamo federalne uredbe o dužni policijskog sata. Ja evo to je nešto slično pitanje je bilo i od zastupnika Zahiragića. Federalnom uredbom je određeno da je policijski sat od 21,00 sat. Mi smo kao što znate početkom marta Ministarstvo zdravstva i ja smo uputili molbu prema Federalnom kriznom štabu i ministru zdravstva i Vladi FBiH da se taj policijski sat pomjeri od 23 sata i Vlada FBiH na čelu s premijerom su odbili taj zahtjev i držali su se uputa Federalnog Ministarstva zdravstva da ostane i dalje policijski sat. Dakle naša molba o pomjeranju policijskog sata nije uslišena a mi se moramo pridržavati federalnih propisa. Uvaženi zastupnik Aljoša Čampara je postavio pitanje da li sam čuo da je 13 anesteziologa odlazi iz KC? Na žalost evo jutros sam to čuo, saznao. I to je provjerena informacija. Na žalost 13 anesteziologa, ili na sreću njihovu je dalo otkaze u KC tako da u roku onih sedam dana otkaznog roka oni će prestati da rade u KC. To nas je sada i mene kao ministra i Vladu zateklo. Međutim mi smo dali čvrsta obećanja da neće niko ostat bez posla i da niko neće, da će svako nastaviti raditi svoj posao, jer ne dozvoljavamo bilo kakvo ugrožavanje digniteta, ili svojevrsni mobing koji je natjerao te anesteziologe da dadnu otkaz da bi oni trpili profesionalno. A i s druge strane naša obaveza Kantona Sarajevo je zadržati te iskuse ljekare u svom posjedu da ne bi oni otišli u neke druge centre ili u najgorem slučaju izvan granica BIH. Tako da ću ja vjerovatno u narednom periodu, možda narednim satima kada se završi Skupština tražiti od uvaženog premijera da zakaže hitnu sjednicu Vlade da vidimo kako ćemo odgovoriti na ovo što se sada desilo. To je stvarno iznenađujuća situacija. Opet se postavlja pitanje da li ćemo sada stvarno doći do konačnog odgovora na pitanje zašto se ovo dešava, da li je stvarno problem unutar KC za ovolikim odlaskom ljekara a ovih 13 anesteziologa što odlazi je ogroman, ogroman signal. Ako sada ne reagujemo mi kao Vlada, ni skupštinska većina, a pogotovo sada ponovo pozivam Federalnu Vladu, pozivam federalnog ministra, ponavljam federalnog ministra da se probudi iz dubokog sna i da reaguje na ovo što se dešava u njegovoj nadležnosti jer je on saučesnik u svemu onome što se dešava. Ja stvarno nemam drugog odgovora uvaženom zastupniku Aljoši Čampari osim da kažem da sam nemalo iznenađen sa ovom reakcijom a onda sigurno svi možete sebi sami dati odgovor šta je natjeralo tih 13 anesteziologa da u jednom danu dadnu otkaz i da praktično rizikuju čitavu svoju karijeru da pristanu da budu i bez posla a da ne ostanu raditi u takvim uslovima. U narednom periodu vjerovatno da će se neko i od njih oglasiti ili već ko je njihov zastupnik, predstavnik ili šta ja znam, pa će dati svoje razloge zašto su to uradili. Uvaženi zastupnik Stojanović je postavio pitanje u vezi COVID ambulanti, nisam najbolje razumio, ali tako da

ne mogu dati adekvatan odgovor. Ako može samo ako nije problem predsjedavajući da uvaženi zastupnik Stojanović samo ponovi pitanje nisam ga stigao zapisati. Jel moguće to?

Predsjedavajući:

Zastupniče Stojanović možete li ponoviti pitanje?

Poslanik/zastupnik Igor Stojanović:

Evo ako može pitanje je bilo vrlo slično kao pitanje Danijele Kristić i kolegice Smilje Viteškić. Pitanje s obzirom da imam informacije da direktori nisu poslali zahtjeve upravo za ljude koji su bili na nekoliko mjeseci zaposleni u COVID ambulancama, a mislim da je prerano da te ljude šaljemo kući s obzirom da se može desiti jedan epidemiološki rep u ovom posljednjem talasu, i mislim da bi trebali imati adekvatno mobilne ljude spremne da reaguju u svakom slučaju, zanimalo me da li će se ti ugovori produžiti bez obzira na to što neki direktori nisu tražili produženje ugovora za ove ljude, s obzirom da bi trebali biti spremni za eventualno neki novi skok zaraženih. To je bilo moje pitanje.

Ministar Haris Vranić:

E hvala. Djelimično sam odgovorio. Apsolutno se slažem sa uvažnim zastupnikom Stojanovićem da je ovaj kadar neophodan ne samo zbog COVID-a nego inače imamo ogroman nedostatak medicinskog kadra i popunjavanje u javnom zdravstvenim ustanovama. Na žalost to je tačno da neki rukovodioci javno zdravstvenih ustanova nisu poslali zahtjev za produženje tim radnicima. A opet sada apelujem na njih da oni još jednom razmisle o tome kadru, mislim da su oni potrebni, da mi pošalju što prije, jer ja nemam zakonske osnove da sam angažiram nekoga na svoju ruku u nekoj od javno zdravstvenih ustanova. Ne mogu poslati deset sestara i reći sada ovih deset sestara će raditi od sutra u Domu zdravlja, ako Dom zdravlja ne ispoljava potrebe za njihov dalji rad. Sljedeće pitanje je bila nabavka materijala za, ja mislim, za COVID koliko sam ja razumio. Tu imamo kontinuiranu nabavku materijala. Ja mislim da za sada nema nikakvih poteškoća u nabavci materijala. Uvaženi zastupnik Jakupović je postavio nekoliko pitanja. Pitanje jedno je bilo o vakcinaciji farmaceuti. Ovo je već nekoliko puta odgovaram na ovo isto pitanje. Kada se steknu uslovi farmaceuti će biti vakcinisani a ono što govorim sticanje uslova to je da dođe veći broj vakcina, ja mislim da bi u ovom sada sljedećoj grupi koja treba da bude masovne vakcinacije će biti uključeni i farmaceuti. Ja sam već ranije pokrenuo bio akciju da se vakcinišu farmaceuti. Tražio sam od Federalnog Zavoda za javno zdravstvo da nam to odobri. Oni nam nisu odobrili. I evo ponavljam po ko zna koji put, dakle što se tiče s naše strane mi smo učinili sve da omogućimo vakcinaciju i farmaceuti jer smatramo da oni to sa svojim radom i angažmanom u svakom slučaju zaslužuju, a nekako su oni u toj hijerarhijskoj podjeli i prioritetima ispali iz te Svjetske zdravstvene organizacije. Ona ih je stavila u neku kategoriju koja je eto da kažem između nekih prioriternih grupa. Ali evo, mi ćemo se u narednom periodu potruditi u svakom slučaju da angažiramo, pogotovo ako budemo mi oni koji ćemo određivati prioritete. Na jučerašnjem sastanku štaba za vakcinaciju smo mi sami dali prijedloge neke za prioritene grupe i mislim da smo i farmaceute u to uključili. Da li će biti vakcinisani svi farmaceuti u ovom prvom ciklusu, ja nisam siguran, ali određeni broj vakcina će biti pa će oni sami između sebe odrediti koji su prioriteti, kao što su bili cijepljeni zdravstveni radnici u bolnicama. Nisu svi odjednom cijepljeni nego su išli u etapama. Dakle drugo pitanje je bilo za hladni lanac. Zastupniku Jakupoviću je jasan ovaj put vakcina hladnog lanca, odnosno vakcine. Dakle svima je put vakcina jasan. Međutim ja nisam baš siguran da je svima jasan put hladnog lanca. Evo ja odgovorno tvrdim da sam nekoliko puta pokušavao dokučiti zbog toga što hladni lanac se prati do onog momenta dok dođe do Zavoda za javno zdravstvo i onda prestaje funkcija tog hladnog lanca i on postaje vrući lanac zbog toga što trebate smjestiti te vakcine negdje a vi ne znate gdje ćete jer Zavod za javno zdravstvo Kantona Sarajevo kaže da on ne

želi da ih uzme jer nije u njihovoj nadležnosti. I onda se vi kao ministar zdravstva trudite da iznađete sve moguće mogućnosti evo kao što ste spomenuli koje su to veledrogerije, pa tražite veledrogerije, pa tražite pravne načine kako to da uobličite, da bi ste mogli i da nabavite auto koje je adekvatno za transport tih vakcina, i to sve u danu kada su došle vakcine. Ali eto, kada se trudite pojačanim angažmanom sa trošenjem malo više živaca, onda možete i to da ostvarite. Mislim da ćemo u naredno periodu morati ozbiljno sjesti i ovo sve razmotriti i tačno odrediti ko je nadležan da skladišti vakcine u Kantonu Sarajevo. Pitali ste Zetra u kojem je statusu. Zetra je zakupljena na šest mjeseci. Dakle, imamo jš vremena da koristimo Zetru i njene usluge i ove sve boksove koji su instalirani. Ona je u potpunosti očišćena, sve je u potpunosti dezinficirano, i spremno za početak drugog ciklusa masovne vakcinacije. Uvažena zastupnica Bibija Kerla je postavila pitanje koliki je tačan broj vakcinisanih. Ja vam to uvažena zastupnica Kerla mogu dostaviti u pisanoj formi. E sada vam tačan broj ne mogu stvarno reći a ne bih želio da dobijete krivu informaciju ali taj broj vakcinisanih u Kantonu Sarajevo ne prelazi 20.000 a iz ove aplikacije koju smo pokrenuli za prijavu naših građana koji su se vakcinisali izvan granica BIH na žalost prijavilo se tek nekih 2000 naših građana. Dakle, a mi imamo neka saznanja nezvanično da je to bilo od 7 do 12.000. evo ja ponovo molim naše građane da se prijave i da nije sramota ako ste se vakcinisali izvan BIH da se prijavite. Na žalost nije vam vaša država omogućila da se vakcinišete i naravno iskoristili ste mogućnost da se vakcinišete tamo gdje možete. Zastupnica Tokić je postavila jedno pravno pitanje koje vrlo malo ima dodira sa zdravstvom ali ništa neuobičajeno. Mogu vam reći da forma akta u kojoj je Vlada odlučivala o mjerama to je pitanje koje treba postaviti stručnoj službi Vlade Kantona Sarajevo i tehničke je prirode. Odluka Ustavnog suda ne odnosi se na Kanton Sarajevo nego na Federaciju, ali vrlo jasno je data uputa da u pitanjima koja se tiču prava građana ne može odlučivati usko stručno tijelo poput Kriznog štaba FBIH, pa i Kantona. Pravni osnov za nalažanje mjera od strane Vlade sadržan je u pravilniku o načinu formiranju Kriznih štabova koji propisuju da Krizni predlaže mjere a Vlada iste donosi. Dakle ono što je predloženo od strane Kriznog štaba skoro pa uvijek je Vlada jednoglasno usvojila. Dakle tu nije bilo nikakvih dilema bez da su bile samo neke sitne korekcije. Ako je uvažena zastupnica Tokić nezadovoljna odgovor onda neka se obrati pravnoj službi, stručnim službama Kantona Sarajevo da dadnu možda bolje pojašnjenje nego što sam ja mogao u ovom trenutku da dadnem. Zastupnik uvaženi Nikšić je postavio pitanje iz 2020 bilo planirano 400.000 KM za nabavku ovog hladnog lanca. I gdje ono utrošeno. Ja stvarno ne znam gdje je utrošeno ali znam da smo mi sada u Budžetu napravili projekciju nabavke frižidera i pravljena hladnog lanca, odnosno nabavkom frižidera za Domove zdravlja tako da ćemo mi u narednom periodu pokrenuti brzu akciju za ostvarenje ovih budžetskih stavki za ostvarenje hladnog lanca. I to je moram vam reći, to je predviđeno u Budžetu Ministarstva zdravstva. Uvaženi zastupnik Dević je postavio pitanje, ono će biti dostavljeno u ovoj formi kao što je on rekao pismenoj formi jer ja tačan broj prosjek ovih testova vam ne mogu reći, ali mogu reći da se kretao od nekih 2000, 2500, u jednom trenutku 3000 pa evo sada je spao na nekih 300, a sada ovo dakle nije Zavod zdravstvenog osiguranja bilo čime uticao da se smanji testiranje, nego na svu sreću i na naše zadovoljstvo manji broj se javlja u ambulate tako da je smanjen broj testiranja, jer ne možete testirati nekoga bez neke simptomatologije ili ako vam se ne javi u ambulantu. Zastupnica kolegica Viteškić je postavila pitanje ovo sam ja mislim odgovorio koliko je ustanove izrazilo potrebe. Većina ustanova je izrazila potrebe za produženjem i Ministarstvo zdravstva i ja na čelu smo sve to odobrili. One ustanove, evo ja sada opet pozivam da još jednom razmisle o prijemu ovih kadrova koji se u ovom jeku epidemije iskazali. I vrhunski odradili posao, da se obrati pažnja da se i njima pošalje zahtjev za produženje ovih ugovora kako bi im omogućili dalji rad. Zastupnik Zahiragić je postavio pitanje produženja radnog vremena. Dakle ovo sam pitanje već odgovorio. Mi smo već uputili bili zahtjev da se pomakne policijski sat, to je odbijeno od Vlade FBIH. Ono je ostalo isto. Evo čujem sada da je Krizni štab FBiH jučer zasjedao i da je dao prijedlog da se produži

odnosno skрати vrijeme policijskog sata, da on počinje mislim od 23 sata. Mi slijedimo naredbe Federalne Vlade i preporuke Federalnog, što je za nas obavezujuće. A produženje radnog vremena naravno da će slijediti i u skladu sa produženjem policijskog sata jer ovo radno vrijeme ako imate policijski sat do 21 sat onda naravno da radno vrijeme mora biti kraće, ne može biti istovremeno kad au policijski sat. Zaključak da se sprovede odluke Skupštine. Dakle, ovo što ste vi rekli, zaključci Skupštine oni mogu biti u formi prijedloga, oni ne mogu biti obavezujući, govorim sada sa medicinskog stanovišta. Ne može Skupština donijeti odluku da od sutra se sve otvara, da sve počinje sa radom, ako to epidemiološka slika ne dozvoljava. Dakle Skupština ima pravo da donese odluke kakve ona smatra da bude, ali one ako se krše sa medicinskim uzusima i onim epidemiološkom slikom naravno da bilo koja odluka Skupštine neće biti usvojena koja će dovesti u rizik živote naših građana i izlaganje naših zdravstvenih radnika koji već petnaesti mjesec rade neprestano još većem radu. Dakle ono sve što Skupština predloži a Vlada bude smatrala, u ovom slučaju medicinski krizni štab bude smatrao da je opravdano, to će biti usvojeno, a odluke koje se kose sa medicinskim uzusima u svakom slučaju, bilo koja Skupština da ih predloži Krizni štab ni Vlada ih neće usvojiti. Hvala.

Predsjedavajući:

Zastupnik Sead Milavica ima pitanje.

Poslanik/zastupnik Sead Milavica:

Hvala predsjedavajući. Zaista se izvinjavam, pozdravljam prije svega sve prisutne. I zahvaljujem se ministru na ovom obrazloženju. Mogu vam reći da iskreno malo pogodila ova informacija vezano za anesteziologe i Klinički centar. Dakle vrlo kratak ću biti. S obzirom da znam da je i ministar radio u KC i znamo da je deficitaran kadar, pogotovo anesteziologa može li nam ministar malo detaljnije ovu informaciju dakle pojasniti šta znači sada za sam, uzročno-posljedično, šta to znači za KC kada vam u jednom danu ode 13 anesteziologa?

Predsjedavajući:

Zastupnik Amel Mekić također ima pitanje. Izvolite, imate riječ. Zastupniče Mekiću upalite mikrofona.

Poslanik/zastupnik Amel Mekić:

Hvala vam predsjedavajući. Pošto se prvi put javljam, želim da pozdravim gledaoce ispred TV ekrana, vas predsjedavajući, dopredsjedavajuće, premijera, ministre, zastupnike i službe. Pitanje za ministra Vranića. Kada se planira vakcinacija vrhunskih sportista i trenera jer imaju očit problem pošto će im biti onemogućeno da se takmiče i ganjaju normu za olimpijske igre. I također kada se planira vakcinacija šalterskih radnika, vozača autobusa, tramvaja, trolejbusa, minibusa it taksija vozača? Hvala vam.

Predsjedavajući:

Zastupnik Igor Stojanović, odnosno niste dobili odgovor pa možete sugerisati.

Poslanik/zastupnik Igor Stojanović:

Drugo moje pitanje vjerovatno ministar Vranić nije shvatio na pravi način. Dakle sada ću ga pokušati pojednostaviti. Jučer je komisija skupštinska bila u posjeti Zavodu za javno zdravstvo. Direktorica nam je rekla da je tražila u svom planu da Vlada nabavi adekvatne frižideri. I ne zna, nije nam znala odgovoriti zašto to Vlada i Ministarstvo zdravstva nije urađilo. Tražim od ministra da mi pojasni, ko je nadležan da se nabave frižideri s obzirom da smo saznali da je cijena, nije neka posebna koju Vlada ne bi mogla obezbijediti. Radi se otprilike o nekih 6000 KM po frižideru kako nam je direktorica Zavoda za javno zdravstvo

rekla. Dakle ko je odgovoran, ko je nadležan, šta je nadležnost Zavoda za javno zdravstvo u promociji vakcinacije i u nabavci svih potrebnih sredstava za vakcinaciju stanovništva. I da li Zavod za javno zdravstvo ispunjava svoju ulogu i da li je Vlada eventualno, jesmo li mi kao skupštinska većina trebali obezbijediti taj novac za hladni lanac ili nismo? Eto da nam pojasni malo ministar vezano za stav direktorice Zavoda za javno zdravstvo. Hvala.

Predsjedavajući:

S obzirom da sam dozvolio i ostalim zastupnicima da postavim dodatna pitanja na ovoj tački dnevnog reda nije predviđeno Poslovnikom nezadovoljstvo odgovorom, ali evo zamolio bih zastupnicu Jasminu Bišćević-Tokić i zastupnika Harisa Zahiragića evo da postavim dodatno pitanje ministru. Zastupnik Haris Zahiragić.

Ministar Haris Vranić:

Predsjedavajući. Predsjedavajući mogu li nešto reći? Ja mislim da sam odgovorio na sva pitanja i sada će ovo ići u nedogled ako se bude ponovo javljalo. Zastupnici su trebali. Molim vas lijepo ja sam odgovorio na sva pitanja koja su mi. Dobit ćete u pismenoj formi, ako niste zadovoljni obratite se pismeno. Ovo samo mogu odgovoriti na pitanje Igora Stojanovića koje sam zaboravio da odgovorim na ovo pitanje. Na pitanje zastupnika Milavice ne mogu odgovoriti šta to sada znači odlazak 13 anesteziologa za KC i za sve ostalo zbog toga što sam pročitao vijest u 10 sati kao i vi svi. I za uvaženog zastupnika Stojanovića mogu odgovoriti. To je da je hladni lanac predviđen za nabavku. Ja odgovorno tvrdim da trebamo dobro sjesti i razmotriti ko će skladištiti te vakcine. Ja sam mišljenja da Zavod za javno zdravstvo je taj koji treba da, pošto je on zadužen za distribuciju vakcina da on treba i da drži te vakcine u svome posjedu. Dakle nije samo u pitanju preuzimanje vakcina u papirološkom smislu, pa onda da vi šaljete dopise koja će pojedinačna ustanova dobiti vakcina, nego da se i brinite o tim vakcinama. Ako je to nemoguće, ako to Zavod ne može da radi, ne zna da radi onda ćemo naći načina ko će to raditi. Sredstava su kao što sam već naglasio planirana za nabavku ovih frižidera koje će biti u Domu zdravlja za disperziju, ne samo COVID vakcinacija, nego i uobičajene vakcinacije, one obavezne zakonske vakcinacije. I mislim da je Zavod za javno zdravstvo u svakom slučaju mogao daleko, daleko više da uradi na promociji vakcinacije u Kantonu Sarajevo. Mislim da je tu malo zakazao, a i evo imamo sada još uvijek vremena da se to popravi zbog toga što je odziv na vakcinaciju za mene lično nezadovoljavajući. Jer imamo nekih 64.000 prijavljenih građana za vakcinaciju. Mislim da bi taj postotak trebao daleko biti veći. Nadam se da će u narednom periodu Zavod za javno zdravstvo se malo trgnuti i uključiti u ono što ima je zakonska obaveza po njihovom statutu, da rade, a to je promocija zdravlja. Hvala.

Predsjedavajući:

Zahvaljujemo se ministru Vraniću. Kazao je da će pismenim putem dostaviti odgovore na pitanja za koje zastupnici misle da nisu dobili odgovore u potpunosti. Otvaram raspravu. Za diskusiju se javio zastupnik Haris Zahiragić.

Poslanik/zastupnik Haris Zahiragić:

Da li se čujemo predsjedavajući? Dakle evo prije nego što krenem diskutovati o samoj tački dnevnog reda ne mogu da se ne referišem na ponašanje, skandalozno, ministra Vranića koji jednom po jednom pokazuje svoju potkapacitiranost svake vrste da bude ministar u ovako teškim vremenima. Žao mi je predsjedavajući što ste vi dopustili.

Predsjedavajući:

Kolega Zahiragiću nemojte molim vas vrijeđati, nema potrebe. Dao sam vam mogućnost. Nije Poslovnikom predviđeno da izražavate nezadovoljstvo odgovorima. Ministar vam je kazao da

će pismenim putem vam dostaviti odgovor. Nemojte molim, evo krenite diskutovati po ovoj tački dnevnog reda.

Poslanik/zastupnik Haris Zahiragić:

Molim vas način na koji ministar govori, na koji se obraća, ton kojim se on obraća, cinizam koji je u njegovom glasu stalni, meni jednostavno ne dozvoljava da drugačije govorim, oprostite ali ne mogu drugačije. Kada je zaključak u pitanju, kada nezadovoljstvo moje odgovorom i generalno moje nezadovoljstvo nepoštivanjem Kriznog štaba i Vlade Kantona Sarajevo tj nepoštivanje zaključka Skupštine, kaže ministar za njega nisu obavezujući zaključci Skupštine i oni ih ne moraju implementirati ukoliko su oni štetni za zdravlje. Naravno da su za vas obavezujući, pročitajte propise ministre Vraniću. Vi ste tu imenovani od strane Skupštine, Skupština je vama nadređena i vi morate poštovati svaku vrstu naloga koji dođe iz Skupštine a koji se tiče nadležnosti Skupštine. A Skupština je nadležna da vam daje i takve vrste smjernica ministre Vraniću, to ste trebali znati prije nego što ste preuzeli Ministarstvo i Krizno štab. Također, Skupština Kantona Sarajevo zasigurno neće donijeti nešto što je protivno zdravstvenom sistemu, sigurnosti i zdravlju građana, tako da nećete morati biti primorani uopšte da poštujete. Kada je spomenuti zaključak u pitanju sa prošle sjednice, radno vrijeme sa 8 sati je moralo biti pomjereno na 9. nemojte se vi sikirati kada je policijski sat, koliko vremena treba. To su dva potpuno odvojena stanja i stvari. Činjenica da ljudi nisu mogli proteklu sedmicu, uprkos zaključku Skupštine Kantona Sarajevo raditi iza 8 sati a svjesni smo da je to radi iftara i radi mogućnosti organizacije iftara, ljudi koji žive u blizini ugostiteljskih objekata, npr koji su mogli stići do kuće za pet minuta, nije im potreban sat vremena, dovoljno govori o vašim lošim namjerama. Imam čak informaciju da ste prilikom argumentacije, prilikom određivanja radnog vremena, sa Vlade imam informacije, argumentirali na način da želite spriječiti takvu vrstu. A s druge strane ne želite spriječiti pun grad turista ponovo iz Srbije i puni su ih ugostiteljski objekti. Prošetajte malo pa ćete to vidjeti. Sa druge strane, drugi dio zaključka koji nije od vas tražio mišljenje, da vi kažete Vlada FBiH nadležna za policijski sat mi smo tražili oni nisu dali. Mi smo tražili od vas analizu svrsishodnosti policijskog sata sa aspekta struke i epidemiologije. Koliku svrhu ima uopšte policijski sat koji je kao jedna rigidna mjera najozbiljnije suspenzija ljudskih prava i kao takva bi trebala biti vrlo dobro obrazložena. Mi smo tražili od vas to a ne da nam kažete svoj stav i šta ste vi tražili od Vlade FBiH. A vi ili ne čujete ili se pravite da ne čujete, ili ne znate ili se pravite da ne znate. Također ono što moram, insistiramo ponovo, taj zaključak i dalje na snazi, insistiram od Vlade Kantona Sarajevo i nadam se da ću dobiti podršku ostalih koelga da ne moramo ponovo predlagati zaključke takve vrste, da ispoštujete to i da radno vrijeme privrednih subjekata odredite sa početkom trajanja policijskog sata. A kako će se ljudi kretati, to se nemojte vi sekirati, ima policija koja treba da prati poštivanje te mjere. I te dvije mjere nemaju veze jedna sa drugom. Kada je u pitanju generalno epidemiološka situacija u Kantonu Sarajevo. Ne mogu a da ne prokomentarišem činjenicu da iako ste na početku preuzimanja same Vlade, kada je krenuo ovaj treći val pandemije bili vrlo, pa evo neću da kažem, u najmanju ruku niste bili dovoljno hrabri da krenete sa radikalnijim mjerama, pa radi kašnjenja u Kantonu Sarajevo došlo u situaciju za koju premijer Forto kaže da je Kanton Sarajevo Bergamo. Nakon toga, nakon naših kritika, iako na početku nismo željeli da koristimo tu situaciju u političke svrhe, počeli su govoriti ljudi iz Vlade i Kantona Sarajevo kako eto nisu oni krivi za širenje trećeg vala, da je to objektivna okolnost, sada kada se taj val hvala bogu smirio oni naručuju medijske članke, pokušavajući smanjenje incidence, smanjenje broja predstaviti ako uspješan čin Vlade. Pa zbog toga evo pozivam i apelujem da ne koristimo brojke u političke svrhe jer ukoliko budemo koristili zasigurno one neće ići u prilog ove Vlade Kantona Sarajevo i misli da bi trebali izbjeći takvu vrstu diskusije. Također s obzirom da je već prošlo nekoliko mjeseci od snažnih obećanja želim da uopšte kažem da obećati vakcine na način na koji nam je premijer Forto i ministar Vranić obećali, pustiti

informaciju u javnost da se provjeravaju biografije ministra Vranića i premijera Forte, da eto proizvođači provjeravaju biografije sa aspekta koruptivnih nekih procesa jer proizvođači žele da znaju s kim razgovaraju i da su oni sigurni da nakon što provjere biografije oni će Kanton Sarajevo ponuditi. Nije se takvo nešto desilo. S tim u vezi molim vas nemojte davati više u Kantonu Sarajevo takve stvari obećavate i nemojte da prebacujete odgovornost koju ponovo ministar Vranić u svojim odgovoranjima konstantno radi. Dakle u trenutku u kojima i kantonalna Vlada i Vlada FBiH po izostanku reakcija adekvatnom Vijeća ministara oni moraju što prije nabaviti vakcine i ne može biti amnestiran niti jedan nivo vlasti, niti jedan premijer, niti jedan ministar u zdravstvu. Bio to Mandić ili bio to gospodin Vranić, apsolutno to je irelevantno. S tim u vezi, evo želim da vjerujem da ova sjednica neće nastaviti u smjeru kojem je zahvaljujući pojedinim pitanjima započela, nećemo politizirati ponovo ovu tačku dnevnog reda, jer vjerujte iama otprilike veliki broj zahtjeva građana i veliki broj prijava na rad određenih direktora ustanova, veliki broj stvari koje ćemo tek u budućnosti raspakovati ali ne bih želio da tačku Informacije o stanju epidemije koristimo za takve vrste političkih obračuna, već želim da vjerujem da ni ostale kolege to neće pristati da rade. Eto toliko predsjedavajući. Molim vas, samo da vas zamolim da u buduću kada date meni riječ da ne dozvolite ministru Vraniću da on vama drži lekcije ni nama na koji način on može ili ne može odgovarati. On je tu da odgovara na naša pitanja u sklopu onoga što vi i Poslovnik o radu dozvolite. Nemojte da nam on jednom po jednom drži ovakve vrste lekcija. Hvala.

Predsjedavajući:

Zastupnica Bibija Kerla replika nije zastupnica zapisala kome replika, ali evo, imate riječ. Zastupnice Kerla da li ste s nama? Sljedeći zastupnik koji se prijavio za diskusiju, zastupnik Aljoša Čampara.

Poslanik/zastupnik Bibija Kerla:
Ide u sklopu diskusije. Halo.

Predsjedavajući:
Dobro zastupnice Kerla, dobro.

Poslanik/zastupnik Aljoša Čampara:
Zahvaljujem predsjedavajući. Pa evo ja ću vrlo kratko iskoristiti ovu diskusiju da predložim jedan zaključak prije svega. Kroz ovu raspravu i kroz sve ovo što smo vidjeli danas na ovim uvodnim tačkama, odnosno pod prvom tačkom, radi digniteta same Skupštine Kantona Sarajevo evo dobili smo i potvrdu informacije od ministra Vranića za ova dešavanja vezano za 13 anesteziologa, ja mislim da Skupština treba donijeti zaključak da se Vlada hitno sastane, hitno šta znači u roku sat, dva i da jednostavno iz svoje nadležnosti, iz svog domena raspravi ovo pitanje i pokrene određene aktivnosti. Dakle mislim da se Vlada mora sastati što hitnije i razriješiti ovu situaciju. Oni znaju najbolje kako, odnosno na prijedlog Ministarstva. I to bi bio moj zaključak u okviru ove tačke dnevnog reda i molim da se Skupština izjasni da se Vlada hitno sastane i odgovori i riješi pitanje 13 anesteziologa radi građana Kantona Sarajevo. Zahvaljujem.

Predsjedavajući:
Zahvaljujemo se zastupniku Čampari. Zastupnice Čampara možete li nam samo dostaviti u pisanoj formi na mail. Sačekat ćemo prije nego što zatvorimo ovu tačku dnevnog reda. Zastupnice Kerla niste se prijavili za diskusiju iako ste se usmeno kazali i spomenuli da želite da diskutujete a niste se prijavili vamo u viber grupi. Može li nam pojasnit, da li ćete diskutovati?

Poslanik/zastupnik Bibija Kerla.

Koliko ja vidim prije mene ima puno koji će diskutovati. Znači ima vremena i da se prijavim za diskusiju.

Predsjedavajući:

Zastupnica Jasmina Bišćević-Tokić, izvolite.

Poslanik/zastupnik Jasmina Bišćević-Tokić:

Hvala predsjedavajući. Ja sam se isto javila za nezadovoljstvo odgovorom. Prije svega neću uopšte komentarisati ponašanje ministra zdravstva Vranića, stvarno da kažem dovedeno na najnižu mjeru. Ponovila sam pitanje na koje nisam dobila odgovor, bez obzira da li je pravno ili ne. Tačno je da u Kriznom štabu sjedi pripadnik i Uprave policije MUP Kantona Sarajevo i trebao bi znati kao predsjednik Kriznog štaba sve informacije bez obzira da li se radi o zdravstvu ili pravu. Pitala sam ga kako su pripadnici Uprave policije MUP-a Kantona Sarajevo mogli represivno djelovati prema građanima sa prekršajnim nalogima koje su izricali na osnovu zaključaka Vlade Kantona Sarajevo a ne na osnovu naredbi Kriznog štaba Ministarstva zdravstva Kantona Sarajevo čija uloga i ingerencija jeste definisana zakonskim podzakonskim propisima Federacije BiH. Ministar Vranić mi je rekao da presuda Ustavnog suda se odnosi na FBIH pa evo ja da sada pitam ministre Vraniću ako je to istina da se odnosi samo na FBIH zašto u preambuli vašeg zaključka stoji da je i u vezi sa odlukom Ustavnog suda BiH prije svega od dana 22.12.2020. godine Službene novine FBIH 16/21 onda nemojte ministre Vraniću stavljati ovakve stvari u preambulu ako se odnosi samo na FBIH. Zašto je vi uopšte kao Kanton Sarajevo koristite? Dalje, na osnovu člana 26 i 28 stav 4) Zakona o Vladi Kantona Sarajevo Službene novine na ko je se isto pozivate, Kanton Sarajevo broj 36/14 ili novi prečišćeni tekst i 37/14 gdje je bila ispravka, ne možete donositi zaključke preko Vlade Kantona Sarajevo morate donijeti odluke. Ali s obzirom da se radi o pravnom pitanju kako ste već vi naglasili, ja ću ovo poslati Uredu za borbu protiv korupcije i poslat ću naravno Kantonalnoj inspekciji kako bi u suštini dobila adekvatne odgovore na ovakva pitanja. Zahvaljujem se predsjedavajući.

Predsjedavajući:

Zastupnik Mahir Dević diskusija.

Poslanik/zastupnik Mahir Dević:

Hvala predsjedavajući. Da li se čujemo? Referirat ću se naravno na dvije stvari vezano za ovu informaciju o stanju COVID u Kantonu Sarajevo. Moje pitanje prema ministru koje se ticalo PCR testiranja imalo za cilj da provjerimo stanje kada je to u pitanju. Prema nekim, rekao sam nezvaničnim informacijama, dnevno je to testiranje išlo je do 100.000 KM pa je u tom smislu taj broj smanjen. Naravno da nije nikakvo obrazloženje to što kaže ministar da se neki ljudi nisu prijavili za testiranje. Znamo mi kako ide proces testiranja u Kantonu Sarajevo. Nakon pregleda a doktori upućuju ljude na testiranje. Nije ovdje stvar nekih što kažu samoinicijativnih testiranja pa da sada kao ono pao je interes građana za testiranjem. To nisam pitao da bih ovu statistiku kada je u pitanju smirivanje pandemije dovodio u pitanje već čisto da provjerimo da li je to tačan podatak. Naravno evo dobit ćemo to u pismenoj formi. Također referirao bih sa na ono što je kolega Zahiragić govorio. Ja zaista sve više počinjem da sumnjam na loše namjere ministra koji često puta vrlo da kažem cinično se odnosi i arogantno prema pitanjima koja mu dolaze iz Kluba SDA. Ministar bi trebao da razumi da je on ministar svih građana Kantona Sarajevo i da ovo nije nikakav politički predizborni skup bilo koje stranke niti je ovo bilo kakvo političko prepucavanje koje on može organizirati ukoliko je stručan sa bilo kojim članom Kluba SDA na određenim temama i emisijama, međutim on vrlo vješto, a naravno uz vašu podršku (smetnje). Da li se čujemo predsjedavajući? Vrlo

vješto svaki put zloupotrijebi tu poziciju i vas predsjedavajući na neki način da održi neku vrstu lekcije nama za bilo koja pitanja koja smo mi postavili. Potpuno nam je nelogično i nejasno zašto se nije postupilo po zaključku kolege Zahiragića i Kluba SDA u smislu pomicanja radnog vremena ugostiteljskih objekata ili to ima neke veze sa iftarima. Znači mi sve više počinjemo da sumnjamo da to ima otvorene i direktne veze sa iftarima. Znači ukoliko e policijski sat u Kantonu Sarajevo u 9 sati, ne vidimo ni jedan razlog da se odlukom Vlade, a ne poštujući zaključak Skupštine Kantona Sarajevo radno vrijeme ugostiteljskih objekata vraća na 8 sati. I evo od prošle sjednice Skupštine Kantona Sarajevo je propšlo skoro sedam dana i Krizni štab, odnosno ministar zdravlja Kantona Sarajevo nije postupio u skladu sa zaključkom Skupštine Kantona Sarajevo. I vama predsjedavajući najdobronamjernije, te neke cinične odgovore, ta neka predavanja, ta neka podbadaanja koja već iz sjednice u sjednicu, nije to danas prvi put ministar uradio, on to radi već nekoliko sjednica, ili nam omogućite iste uslove da mi ministru odgovaramo ili zaustavite tu vrstu cinizma kojeg zaista vide građani Kantona Sarajevo. Hvala predsjedavajući.

Predsjedavajući:

Replika zastupnik Konaković zastupniku Deviću.

Poslanik/zastupnik Elmedin Konaković.

Hvala predsjedavajući. Ton, provjera jel se čujemo? Hvala. Pošto se javljam prvi put sve svoje kolege Srdačno pozdravljam i želim nam ugodnu radnu atmosferu. (nerazumljivo) ovo pitanje već danima jer sam vidio u medijima slične izjave poput ove kolege Devića. Ne bih u ovom ramazanskom raspoloženju da ih komentarišem. Optužbe d aovo ima veze s iftarima. Ali me zanima jedna stvar kako to rezonuju kolege koje su tražile ovakav zaključak koji naravno ne mislim da ima ikakve svrhe i logike jer je to evo kolega Zahiragić i njemu repliciram, a pogotovo kolegi Deviću, objasnio kako oni koji žive pored ugostiteljskih objekata mogli bi za pet minuta doći kući i zapravo kakva je to težnja ili tenzija da se za vrijeme ramazana iftari održavaju u ugostiteljskim objektima. Kojim se to dijelom naše tradicije, vjere ili nekog drugog dijela evo ne znam čega, šta mi mogu reći naše kolege šta je to što nas obavezuje da iftarimo u ugostiteljskim objektima. Zamislite. Razmazansko iftarsko vrijeme je vrijeme za pordicu, vrijeme za prijatelje, za druženje. Zašto bi smo išli u ugostiteljske objekte i pogotovo u vremenu pandemija kada se rizikuju ljudski životi. Volio bih neki odgovor kada bi mi mogle kolege, možda pogotovo kolega Dević kao čovjek koji je završio, mislim da je svršeni Medrese, da nam kaže eh to ti je ovdje ovako i ovako. Da nam malo samo da nas prosvjetili da vidimo zašto ovolika ofanziva na činjenicu da su racionalno ljudi razmišljali i kažu ako je policijski sat u 9, a iftar počinje u 8, kako da ljudi koji žive na drugom dijelu grada, eventualno, to znači samo će oni lokalni koji žive blizu u komšiluku nek idu u ugostiteljski objekat blizu. Pa što ne bi ljudi kući, što se ne druže u porodičnoj atmosferi kako inače naša tradicija i naša vjera nalaže? Hvala.

Predsjedavajući:

replika zastupnik Dević zastupniku Konakoviću.

Poslanik/zastupnik Mahir Dević:

Da li se čujemo predsjedavajući? Hvala lijepo. Nemam namjeru zaista prosvjetljivati kolegu Konakovića, to bi bio izuzetno težak zadatak. Ovdje se ne radi samo iftarima, ovdje se radi o postačima koji cijeli dan poste i iskoriste taj određeni vremenski period da odu u baštama objekata iza iftara da popiju kafu. Ukoliko kolegi Konakoviću to nije poznata stvar, prošetajte malo pogledajte pa ćete vidjeti da većina omladine koja posta cijeli dan iskoristi priliku da ode popiti kafu u bašti. Ovo što ste sada kazali tačno se ustvari i vidi vaša namjera da se ovo ovako uradi. Mi ovo ni na koji način ne politiziramo već smo postavili jednu realnu sumnju

da li se ovo radi namjerno. I čini mi se da se ipak radi namjerno. I čini mi se da se ipak radi namjerno. To gdje će ko iftariti kolega Konakoviću, da li će on odlučiti da to uradi u krugu porodice ili će to raditi po nekim stranačkim skupovima širom BIH šaljući tako najbolji primjer porodičnog života ili će to uraditi stvarno u krugu porodice to je ipak pravo svakog čovjeka da sam odluči. Ovdje se radi o sljedećem: ukoliko je policijski sat u 9 sati ne postoji ni jedan argument i ozbiljan razlog da se rad ugostiteljskih objekata ne dozvoli do 9 sati. Naravno da će se svaki građanin prilagođavati tom stanju, nekome će taj ugostiteljski objekat biti od kuće 5 minuta nekome će biti sat remena. Ali ta odluka je sama po sebi vrlo diskriminatorna i očigledno da je izgleda čak i planska. Hvala.

Predsjedavajući:

Zastupnik Haris Zahiragić replika.

Poslanik/zastupnik Haris Zahiragić:

Čujemo se li se predsjedavajući? Ne znam kako drugačije da započnem repliku osim mašala mumina šejha gospodina, kolege Konakovića koji je iz svog širokog dijapazona znanja pokazao nama ovdje i poznavanje tradicije Bošnjaka i iftara u Sarajevu. Zaista sam fasciniran količinom znanja kolege Konakovića. Međutim moram mu zaista odgovoriti na to, kolega Mahir je djelimično odgovorio. Apsolutno nije bitno (smetnje) da li neko želi da iftari u kući ili vani, apsolutno nije bitno da li neko poslije iftara želi da posjeti određeni ugostiteljski objekat. Bitno jeste da su ugostiteljski objekti u vrijeme pandemije kako kaže gospodin Konaković do 8 puni a nakon 8 se ne može popiti kafa. I dakle određeni broj ljudi koji živi u Kantonu Sarajevo zbog nepoštivanja odluke i zaključka od strane Vlade, jeste u hajmo doslovno reći u diskriminatornom položaju. To je diskriminisanje određenih broj ljudi posljednjih mjesec dana zbog toga što oni nemaju pravo da u ugostiteljskom objektu popiju kafu. To gdje se iftari, gdje ko iftari, dobro je kolega Mahir kazao kolegi Konakoviću, vi dok hodate po Bosni i svaki dan nam slike postavljate, ne noćite uopšte u kući svojoj, nemojte nama govoriti gdje se treba iftariti. Svak nek cijeni gdje treba, kako treba i kolike su njegove porodične i druge vrijednosti o tome bi smo mogli govoriti. Ali mislim da nije adekvatno na Skupštini Kantona Sarajevo da o tome govorimo. I na kraju predsjedavajući želio bih se zahvaliti kolegi Konakoviću na jednoj vjerskoj poduci, vjerskoj lekciji ili ustvari tradicionalnoj poduci, tradicionalnoj lekciji od našeg šeha efendije gospodina Konakovića. Hvala vam.

Predsjedavajući:

Diskusija zastupnik Igor Stojanović.

Poslanik/zastupnik Igor Stojanović.

Mislim da ova diskusija o iftarima i ramazanu na tački epidemiološke mjere najbolje oslikava stanje ozbiljnosti svih nas koji smo u sferi politike i treba da donesemo značajne odluke vezano za pandemiju. Hoću da kažem da ovo što je rekao kolega Dević da je realna sumnja da se planski vrši diskriminacija su najgnusnije optužbe koje ne mogu da prihvatim, pogotovo ne mogu da prihvatim u kontekstu tačke Epidemiološka situacija u Kantonu Sarajevo u kojem smo sa skoro 100 mrtvih došli danas u situaciju da imamo dvoje. I da su se mjere pokazale kao izuzetno adekvatne. Ne mogu da prihvatim da neko može da zloupotrebljava ovu situaciju u ovom trenutku, govoreći kako neko diskriminira nečija vjerska prava tako što zabrani nekome nešto i tako što kao ne da nekome da ostane polsije iftara negdje. Dakle svima je jasno da je Krizno štab tražio od Federalne Vlade, dakle Krizni štab Kantona Sarajevo da se pomjeri policijski sat. I to nije prihvaćeno od strane federalne Vlade. Ne znam uopšte čemu sada optužbe na ovakav način. Pa mislim kada bi se pomjerio policijski sat vjerovatno bi se pomjerio i samim tim i rad ugostiteljskih objekata. Ali u svakom slučaju, na osnovu čega god

da se Krizni štab odlučio za ovakvu odluku, smatram ove optužbe krajnje gnusnim. I krajnje destruktivnim po život u Sarajevu. To je jedna stvar. Druga stvar nije mi jasna baš ni diskusija kolege Zahiragića kao sada jel u istom ovom kontekstu kao i kolega Dević, kao vrši se neka diskriminacija u kojoj na jedan način ne dozvoljava se nekome da može stići na iftar a sa druge strane kao Vlada je dozvolila turistima iz Srbije da dođu. To je neka opet insinuacija kao dolaze turisti iz Srbije. Ne spominje kolega Zahiragić da dolaze turisti iz Hrvatske i arapskih zemalja. Valjda oni nisu problem, a problem su turisti iz Srbije koji dolaze. Pa ako on već vodi toliko brigu o privrednicima i o radu ugostiteljskih objekata onda bi bilo logično da su svi turisti dobrodošli. jer će pomoći ovdje privrednicima na jedan načini ostaviti novac, vidjeti sve ljepote BIH i Sarajeva i bez obzira odakle dolaze imamo priliku da pokažemo šarolikost života u Sarajevu, multietičnost, pa duh koji se trenutno Sarajevo nalazi vezano i za iftare i za ramazan, i sve ono drugo što Sarajevo može ponuditi a sada vršiti takvu vrstu diskriminacije zašto dolaze turisti iz Srbije a ko biva ovi iz ostalih zemalja su dobro došli, ja smatram to također vrlo neprimjerenim i očigledno da se planira i tu neka diskriminacija koji su turisti dobrodošli a koji nisu dobrodošli. Vratiti ću se na tačku epidemiološke mjere jer mislim da je ona u ovom trenutku mnogo bitnija od ovih nekih površnih ocjena mjera kriznog štaba koje dolaze iz Kluba SDA.

Predsjedavajući.

Ispravka krivog navoda kolega Stojanoviću, oprostite zastupnik Haris Zahiragić.

Poslanik/zastupnik Haris Zahiragić.

Hvala predsjedavajući. Dakle apsolutno nisam ni na koji način problematizirao da me ne bi pogrešno shvatili, da ne bih pogrešno interpretiran kao što je kolega Igor pokušao kazati da sam ja u pogrešnom kontekstu označio turiste iz Srbije. Ja sam njih izdvojio zbog činjenice da ih Sarajevo zaista puno. Trbea da pratite statističke podatke i od kada traje pandemija najveći broj turista je iz Srbije. Dolazili su na skijanje, dolazili do neki dan na skijanje i pun ih je grad, i govorim u kontekstu poštivanja mjera u ugostiteljskim objektima i širenja pandemije. Njih sam izdvojio jer ih je najviše. Isključiv je to razlog. Pa gospodine Stojanoviću nemojte molim vas stavljati da nekoga ja diskriminišem ili nemojte stavljati riječi u usta. Onaj ko diskriminiše ostale države taj ili pozitivno diskriminiše Srbiju jeste Vlada Kantona Sarajevo koja nakon što je isprosilu vakcine je obećala vaučere da će dati Srbiji. A zašto nije obećala ne znam Turskoj, Maleziji, Kini, EU i drugim državama koje su također dodijelile vakcine? Eto, to je jedno drugo kontra pitanje. Hvala kolega Okeriću.

Predsjedavajući:

Možete nastaviti zastupniče Stojanoviću.

Poslanik/zastupnik Igor Stojanović:

Ne bih se u svakom slučaju osvrto na ovu repliku, ispravku krivog navoda kolege Zahiragića ali sasvim je jasno koje je turiste spomenuo, a na koje se nije osvrnuo i koji mu vjerovatno smetaju ili ne smetaju. U svakom slučaju to nije tema ove tačke. Tema ove tačke su epidemiološke mjere. Ja mislim da je puno značajnije razgovarati o zahtjevima direktora DZ koji prema Ministarstvu nisu tražili obnavljanje ugovora, a mi smo trenutno i dalje u jednoj vrlo kritičnoj situaciji kada je epidemiološka situacija u pitanju. I dalje možemo očekivati značajan broj zaraženih. Da li to direktori rade namjerno u ovom trenutku ne bi li pokazali kako Vlada ne želi da im produži ugovore i da vrlo jasno pošalju ljudima koji su zaposleni sa biroa zdravstveni radnici, koji su, da ne kažem nekih ima po sedam, osam, deset godina koj i su na birou, prvi put su dali sve od sebe da se dokažu da su neravnopravno bili nezaposleni, i sada direktori koji znaju da će biti smijenjen u DZ, vjerovatno sada ne žele da im produže ugovor kako bi prikazali ovu Vladu, obraćunali se politički ja bih rekao sa ovom Vladom i

iskoristili ovu situaciju ponovo u ove neke, zloupotrijebili ove neke političke svrhe, otprilike kao i ovo što slušamo o diskriminaciji za iftar. Ja mislim da je to značajnija tema, i zamolio bih ministra da pronađe načina, iako nas je ovdje upozorio da nema zakonski osnov, ali ako ništa da sjedne sa ovim direktorima da razgovara, pa čak i sa ovim ljudima koji su radili u COVID ambulantomama u ovim najtežem periodu trećeg Vlada da izvrše pritisak na direktore i da zatraže da nam COVID ambulante, ljudi koji su radili tu, da ostanu prisutni makar još koji mjesec dok ne vidimo kako će se ova epidemiološka situacija razvijati, pa onda da razmotrimo eventualna slanja kući i ponovo na biore ovih ljudi. Ja mislim da je sada u ovom trenutku prerano. I to sam tražio da mi ministar odgovori u svojim pitanjima. I također ovo što je vezano za tačku mnogo značajnije i od turista i od ove diskriminacije o kojoj SDA priča je ova situacija sa 13 anesteziologa o kojoj je zastupnik Čampara ponudio zaključak. Dakle ja smatram da u ovom trenutku mi imamo veliki problem u kojem treba razmatrati ko ostaje od anesteziologa u KC, šta je razlog ovakvog odlaska ovih ljudi koji su u procesu liječenja od COVID možda i najznačajniji faktor u ovom trenutku. Mi moramo znati zašto ovi ljudi odlaze, šta je razlog da baš 13 ljudi, nije to jedan čovjek, dva čovjeka. Govorimo o 13 ljudi, šta su razlozi. Da li smo ugrozili sistem u ovom trenutku ako se pojavi neki novi val koji će biti ovako jak kao što je bio ovaj treći. Da li imamo spremnost u KC, šta se dešava. Dakle ja mislim da mi moramo razriješiti te situacije koje mogu na neki način narušiti borbenu gotovost naših zdravstvenih ustanova. I da vidimo šta su razlozi i da donesemo određen zaključke. I ja zato podržavam ovaj zaključak zastupnika Čampare da Vlada što prije utvrdio šta su razlozi i da razriješimo ovu situaciju. Hvala.

Predsjedavajući:

Zastupnik Mahir Dević replika pretpostavljam Stojanoviću.

Poslanik/zastupnik Mahir Dević:

Hvala da li se čujemo predsjedavajući? Znači u Kantonu Sarajevo cijeli dan rade ugostiteljski objekti sve do 20,00 sati. U tim ugostiteljskim objektima se servira i hrana i piće. Tu istu hranu i piće konzumiraju građani Kantona Sarajevo do 8 sati. Nakon 8 sati, ili tačnije rečeno nakon iftara imamo još sat vremena do početka policijskog sata. U tom momentu se zatvaraju objekti ugostiteljski na području Kantona Sarajevo. Znači mi ovdje opravdano sumnjamo da se sistemski i planski namjerno diskriminiraju postači u Kantonu Sarajevo koji u toku dana ne konzumiraju ni hranu ni piće sve do akšama. Ili po odluci tog famoznog ministrovog Kriznog štaba dolazi do izrazito velike invazije korona virusa poslije akšama pa do 9 sati pa se u tom periodu ti objekti moraju zatvoriti. Znači odluka je potpuno nelogična. To gdje će neko biti u toku dana pa slušam maloprije kolegu Konakovića koji to brani na način da kaže da eto mi u tradiciji Bošnjaka je da iftarima kod kuća. To je privatno pravo bilo koga. Ali ukoliko imamo pravo bilo ko u Kantonu Sarajevo da do 8 sati koristi usluge ugostiteljskih objekata hrane i pića, i svega drugog, a onda od 8 do 9 nemamo, i to u terminu naravno kada nastupa akšamsko vrijeme, taj sat vremena mi nemamo prostor da evo da kažem da popijemo kafu na Bašaršiji u Sarajevu. I sada vi meni kažete da to nije diskriminatorska odluka koja prije svega diskriminira postače u Kantonu Sarajevo. I konačno tu se nešto ne uklapa sa logikom. Znači ako je korona do 8 kako to da korona nije od 8 do 9 navečer. Znači volio ih da mi se da odgovor na to pitanje. Kako je to korona 8 a od 8 do 9 nije, jer je policijski sat u 9. i konačno ono što je najgore još, znači Skupština Kantona Sarajevo kao najveći zakonodavni organ u Kantonu Sarajevo usvoji zaključak kojim naloži kriznom štabu i Vladi Kantona Sarajevo da tu diskriminatorsku odredbu uskladi ili da je promijeni sa početkom policijskog sata odnosno do 9 sati i to se ne radi sedam dana. I naravno kada mi sada problematiziramo tu vrstu priče vi nama kažete da je to zlonamjerno. Zlonamjerno je ovo sada stanje kakvo jer ono potpuno odgovorno tvrdim diskriminira postače, ako vam to nije jasno, ovakva odluka diskriminira prije svega postače, Bošnjake, Muslimane u Kantonu Sarajevo. Hvala lijepo.

Predsjedavajući.

Odgovor na repliku zastupnik Stojanović.

Poslanik/zastupnik Igor Stojanović.

Kolega Deviću vaša pitanja su sva legitimna osim ove konstatacije koju govorite da sumnjate u nekoga da diskriminira postače. Ja bih vas zamolio da budete vrlo direktni. Ko diskriminira? Haris Vranić Bošnjak kao šef Kriznog štaba? Aida Pilav kao Bošnjakinja diskriminira nekoga? Ili ostali Bošnjaci koji sjede u Kriznom štabu? Ja bih vas molio da budete precizni jer ja ću se sa vama lično boriti da niko ne bude diskriminiran a pogotovo ne postači u ovom mjesecu ramazanu. Molim vas da budete direktni jer ja odbacujem najgnusnije te bilo kakve sugestije da neko bilo koga diskriminira u ovom trenutku. Dakle to prije svega, pogledajte sastav vladajuće većine. Vidjet ćete koliko je Bošnjaka, ja ih znam koliko ih posti, niko ne bi dozvolio da to uradi Krizni štab. Molim vas budite direktni na koga sumnjate da ga odstranimo iz Kriznog štaba, da ga udaljimo ako on to radi. A ja lično tvrdim vama da niko to ne radi jer bih ja sigurno da to znam, sigurno bih ja tražio prvi da se on udalji. I zato vas molim budite direktni, imenom i prezimenom. Hvala.

Predsjedavajući.

Odgovor na repliku zastupnik Dević.

Poslanik/zastupnik Mahir Dević.

Kolega Stojanoviću, ovakva odluka Vlade Kantona Sarajevo i Kriznog štaba je diskriminirajuća prema postačima, Bošnjacima, Muslimanima u Kantonu Sarajevo. Ja ne izdvajam nikoga pojedinačno. Bilo ko ju personu u Vladi ili kriznom štabu. Ali faktičko stanje na terenu je takvo da ovo jedino imate u Kantonu Sarajevo koliko je meni poznato. U drugim kantonima mislim da policijski sat i rad ugostiteljskih objekata su u korelaciji. I ja sam vam rekao evo jedan opravdan primjer. Ukoliko neki postač koji živi na Bašćaršiji u Sarajevu nakon iftara u bašti želi da popije kafu do početka policijskog sata, zašto bi mu mi to zabranili kada bilo koji građanin Kantona Sarajevo može da pije kafu ujutro od 8 sati navečer do 8 sati? A vama je jako poznato šta je u tradiciji Bošnjaka to iftarsko vrijeme, evo na Bašćaršiji prije svega. I tu diskriminaciju treba da ukloni Vlada Kantona Sarajevo i Krizni štab Kantona Sarajevo a persone pincetom ne želim da izvlačim koje čine tu, ko je Bošnjak, ko nije tamo Bošnjak itd. Odluka je diskriminirajuća i suprotna je zaključku Skupštine Kantona Sarajevo. Prenesite to vašim kolegama u koaliciji, u Vladi da tu odluku usklade sa zaključkom Skupštine i da tu diskriminatorску odluku uklone. Hvala.

Predsjedavajući

Replika zastupnik Zahiragić zastupniku Stojanoviću.

Poslanik/zastupnik Haris Zahiragić:

Čujemo li se predsjedavajući? Dakle evo i ja bih želio da malo spustimo lopticu u diskusijama. Nećemo dozvoliti sebi da ovako tema koja je m nogim ljudima ovdje značajna bude ispolitizirana. Nemoj da šaljemo lošu poruku. Ne trebamo sukobljavati na ovoj temi. Međutim zaista, predsjedavajući vama prije svega to govorim, s obzirom da ste vi čini mi se glasali posljednji put za onaj zaključak i da ste vi predsjedavajući Skupštine koji treba štiti dignitet i autoritet Skupštine Kantona Sarajevo. Neprihvatljivo je da Skupština usvoji zaključak a da odmah sutradan Vlada i krizni štab se naprave da taj zaključak nikada nije ni usvojen. Ono što ću vam reći kolega Stojanoviću da ja imam informacije i dokaze sa Vlade Kantona Sarajevo od strane dva ministra iz dvije različite stranke da je argumentacija prilikom određivanja radnog vremena bila da se spriječe masovni iftari što bi možda i moglo imati smisla kada su

brojke bile puno veće, i kada je situacija u Kantonu Sarajevo kada ugostiteljski objekti ni su radili. Međutim danas kada rade svi ugostiteljski objekti nema razlog niti jedan da sat još jedan koji postoji do policijskog sata ne bude otvorena mogućnost i ugostiteljima da zarade sredstva, imaju mnogi ugostitelji ko ji ne žele da rade u toku radnog vremena isto tako iz vjerskih razloga, rade samo poslije. Pa dajte im sat vremena da barem rade ljudi. I ono što je još bitnije od toga da ovaj zaključak kolega Stojanoviću uopšte nije bio vezan za od 8 do 9. nego je bio vezan za početak policijskog sata. Koliko ja imam informaciju danas bi taj politički sat trebao biti produžen. Tako da po našem zaključku obaveza Vlade i kriznog štaba je da produži do momenta policijskog sata radno vrijeme. Kada god je policijski sat da toliko traje radno vrijeme ne svaki put da se usklađuje, da se mjeri na sat privrednim subjektima i ugostiteljima do koliko oni trebaju da rade. Kada je policijski sat u pitanju i ono što ste kazali da mi smo tražili od Vlade FBiH itd i mi smo tražili. Ne samo Vlada nego Skupština Kantona Sarajevo pročitajte taj moj zaključak, i mi smo tražili od Vlade FBiH da produže do 23, a u perspektivi da ukinu policijski sat, jer je to jedna rigidna i besmislena mjera koja već 50 metara, metar od Sarajeva, tj u Lukavici nema. Dakle na dijelu Trebevića nema policijskog sata, u Lukavici je nema itd. Policijski sat kao takav je nesvrhsishodna mjera. To što policija inspekcije nisu u stanju da regulišu rad određenih ugostiteljskih objekata i gdje su nastajali derneći do kasno u noć i kršile se sve mjere, to je drugi problem. Ali zb og toga ne smije ispaštati sloboda kretanje kao temelj ljudskog prava. I evo predsjedavajući da li možemo kroz diskusiju konstatovati, da li možete vi ispred nas kao prvi među jednakim intervenisati se i obratiti se Vladi ili da ponovo se izjašnjavamo, da onaj zaključak od posljednji put bude ispoštovan. To jeste danas do 9. već sutra će biti do 10 ili 11 sati, a u perspektivi pratiti će policijski sat. I onaj zaključak apsolutno nije ispolitiziran i nemojte da koristimo vjeru za politiku. Ali isto tako nemojte da bude neprihvatljivo kao što nekima smeta, vidim već u medijima nas prozivaju što se spominje ramazan u kontekstu Skupštine.

Predsjedavajući.

Vrijeme za repliku vam je isteklo kolega Zahiragiću.

Poslanik/zastupnik Haris Zahiragić:

Ja znam da određenim ljudima ramazan, iftar sve su to pojmovi koji njima nisu (nerazumljivo) međutim moraju prihvatiti činjenicu da živimo u društvu u kojima su se ljudi borili za slobodu i da se u Skupštini mogu ovakve teme. Hvala predsjedavajući.

Predsjedavajući:

Ispravka krivog navoda Zastupnik Konaković.

Poslanik/zastupnik Elmedin Konaković.

Hvala predsjedavajući. Puno je krivih navoda oko ovih. Čujete li me? Predsjedavajući, jel čujete? Jel se čujemo? E hvala vam. Puno je ovih krivih navoda oko toga ko radi i gdje je policijski sat. (smetnje) samo u okviru ovog krivog navoda samo da pitam kolegu Zahiragića i Devića

Predsjedavajući:

Opet imate problema, oprostite imate problema. Mikrofon vam izgleda.

Poslanik/zastupnik Elmedin Konaković:

Jel čujete predsjedavajući. Puno je u ovim diskusijama i replikama kolege Zahiragića i Devića je bilo puno smušenih nekih informacija poput one koji kantoni, Sarajevo, diskriminacija, mogao bih (smetnje). Da se otvore svi ugostiteljski objekti i ovi u kojima se toči alkohol kako bi postač mogao nakon ramazana i akšama otići popiti tamo kafu ili možda misle samo na one na kojima se ne toči alkohol jer mene nisu ovi odgovorili u koji dio naše

tradicije ili vjere to spada. Ako mogu samo da preciziraju da li svi ugostiteljski objekti, da neko pored mene nakon dana posta pije vino a ja popijem kafu. Da mi samo to pojasni malo ako je to moguće.

Predsjedavajući:

Zastupnik Igor Stojanović.

Poslanik/zastupnik Igor Stojanović:

Sada ste mi tek dozvolili da upalim mikrofona. Hvala. Želim samo da kažem kolegi Zahiragiću kao i kolegi Deviću kojem sam također rekao, sva pitanja koja ste vi postavili ovdje kolega Zahiragiću i kolega Deviću su sasvim legitimna. I zato smo imali opciju postavljanja pitanja ministru i eventualno prijedloga za unapređenje ovih mjera i vi ste rekli imamo zaključak i mislim da ministar treba da objasni taj dio. I kao što ste rekli kolega Zahiragiću da ste taj zahtjev uputili i Vladi FBiH da se pomjeri policijski sat. Međutim Vladu FBiH niste optužili za diskriminaciju što ga nije pomjerila. Da eventualno se pomjeri i radno vrijeme ugostiteljskim objektima. A Vladu Kantona Sarajevo optužujete za diskriminaciju prema ljudima koji poste. Ja mislim da je to krajnje nekorektno. Valjda onda ako neće neko da produži mjere da dozvoli, omogućiti da se kada se završi radno vrijeme u ugostiteljskom objektu stigne na vrijeme kući, da ne žuri zbog policijskog sata onda valjda je zato odgovorna i federalna Vlada koja je trebala da pomjeri taj policijski sat, kojeg ste i vi tražili. Nije valjda da je ne znam Edin Forto i Haris Vranić diskriminiraju sada vjernike a Fadil Novalić ne diskriminira. Šta je, ima bolji, neki gori sada Bošnjak. Ja mislim da to uopšte nije tema u ovom trenutku. Mislim da se radi prvo o zdravstvenim mjerama. A činjenica je da ove zdravstvene mjere koje je Krizni štab u Kantonu Sarajevo usvojio da su dale rezultate i sada slažem se da mjere popuštaju, međutim ja mislim da kao što sam konstatovao u svojoj diskusiji prerano se opuštamo. Opuštamo već radnike iz COVID ambulanti. Dajte odmah da dozvolimo da se po cijelu noć može biti u kafani a već znamo da i sada su u toku iftari koji se dešavaju po čitavu noć. To je sve potencijalno opasno. I ja, naravno da se ne slažem da ih sada treba onemogućiti po svaku cijenu, ali da treba kontrolisati kretanje na neki način ljudi da ne dođemo opet u istu situaciju kada smo imali po 100 mrtvih, mislim da je to nužno.

Predsjedavajući:

Ispravka krivog navoda zastupnik Dević.

Poslanik/zastupnik Mahir Dević:

Ispravka krivog navoda se odnosi na kolegu Stojanovića kada kaže da je to sistemska mjera. Kakva je to kolega Stojanoviću sistemska mjera da u objektu možete jesti i piti od 8 do 8, a ne možete od 8 do 9? znači možete raditi 12 sati i tih 12 sati nema pandemije a u onaj sat od akšama do policijskog sata ima pandemije. Znači kolega to je diskriminacija i to treba otkloniti.

Predsjedavajući:

Zastupniče Stojanović nastavite.

Poslanik/zastupnik Igor Stojanović:

Dakle prvo nisam rekao sistemska ali sam smatrao da je Krizni štab kao što je obrazložio kolega Konaković da ako je policijski sat do 9 da vjerovatno je Krizni štab razmišljao da ljudi koji rade do 8 mogu stići na vrijeme kući. Ali evo slažem se da vi imate određenu argumentaciju o kojoj Krizni štab treba da razmotri tu vrstu diskriminacije, ukoliko uopšte postoji. Ono što na kraju želim da završim i ne mislim više polemizirati da odbijam svaku moguću insinuaciju da neko namjerno diskriminira nekoga po bilo kom osnovu a pogotovo ne

krizni štab u kojem sjedi 95% Bošnjaka muslimana da sada diskriminira Bošnjake muslimane koji poste, građane Kantona Sarajevo. Dakle to odbijam najjasnije, najčistije jer smatram da je to čisto političko insinuiranje od strane Kluba SDA. Hvala.

Predsjedavajući:

Replika Haris Zahiragić zastupniku Stojanoviću.

Poslanik/zastupnik Haris Zahiragić:

Izvinjavam se, da li se čjemo predsjedavajući. S obzirom da smo već izgubili neku nit. I gospodin Konaković je kazao ispravku krivog navoda ap onda odgovorio a onda sam ja iskoristio priliku da stavim repliku ispravku ali ukratko odgovorio i kolegi Konakoviću da ne bi smo dalje išli u diskusiju i ne bi smo svaki navod ispravljali. Prvo kolega Konaković je pitao na šta se to odnosi, da li se odnosi na one kojima se sipa alkohol il na one u kojima se ne sipa alkohol i spominjao je vino.

Predsjedavajući.

Ispravka krivog navoda zastupnik Dević zastupniku Stojanoviću.

Poslanik/zastupnik Mahir Dević.

Kolega Stojanoviću ispravka krivog navoda se odnosi na to da ovo nije nikakva insinucija Kluba SDA u Skupštini Kantona Sarajevo već pokušaj Kluba SDA da se ukloni sistemska diskriminacija prema postačima u Kantonu Sarajevo. Koja je proizašla iz odluka Kriznog štaba i Vlade Kantona Sarajevo. Hvala.

Predsjedavajući:

Zastupnik Zahiragić. Prije nego što vam dam riječ evo sada upozoravam sve zastupnike ukoliko budu dalje nastavili na ovu temu zloupotrebljavali Poslovnik da ću iskoristiti svoje pravo kao predsjedavajući i oduzeti riječ. Zastupnik Zahiragić izvolite imate riječ.

Poslanik/zastupnik Haris Zahiragić:

Hvala vam. Ja sada moram odgovoriti ne želim naravno zloupotrebljavati predsjedavajući. Samo moram odgovoriti pošto su kolega Dino i Igor iznijeli neke konstatacije i postavili pitanja također možda zloupotrebljavajući Poslovnik ali evo hajde. Kazao je gospodin Konaković da li mi predlažemo da se.

Predsjedavajući:

Ispravka krivog navoda zastupnik Nikšić.

Poslanik/zastupnik Damir Nikšić:

Nije, uvaženi zastupnik Dević je rekao da odluka proizilazi iz Kriznog štaba Kantona. Jel tako bilo? Ispravka krivog navoda je da proizilazi odluka iz kriznog štaba Federacije. Hvala.

Predsjedavajući.

Ispravka Mahir Dević zastupniku Nikšiću.

Poslanik/zastupnik Mahir Dević:

Nije kolega Nikšiću. Ona proizilazi iz odluke Vlade Kantona Sarajevo da ugostiteljski objekti rade do 20 sati. Tu niste u pravu.

Predsjedavajući:

Ispravka zastupnik Nikšić.

Poslanik/zastupnik Damir Nikšić:

Ja se izvinjavam. Odluka Kriznog štaba koliko ja znam Federacije je da je u 9 policijski sat. Odluka Kriznog štaba Kantona je pretpostavljam da je do 8 sati radno vrijeme radi toga da bi ljudi stigli kućama da ih ne bi kažnjavali nakon ovoga. Ja se slažem da to sve treba promijeniti, da bi mogli promijeniti na 10 sati pomjeri. Ali vi morate dati obećanje da se nećete biti tužibabe ovaj put, da se nećete žaliti Novaliću i da Ustavni sud neće kazniti nas zato što nismo poštivali odluke Federacije. Eto ako možemo tako da se dogovorimo, recimo.

Predsjedavajući.

Zastupnik Zahiragić izvolite imate riječ.

Poslanik/zastupnik Haris Zahiragić.

Konačno, zaboravio sam. Gospodin Konaković pita nas da li smo mi da se odobri tamo gdje se sipa alkohol i gdje se ne sipa alkohol. Ja ne znam kakvi su ovi radikalni stavovi našeg šejha Konakovića ali ja vam kažem mi ne smijemo diskriminisati.

Predsjedavajući:

Zastupniče Zahiragiću zamolio bih vas da čuvate dignitet Skupštine da ne nazivate zastupnike razno raznim imenima, vodite računa kako se izražavate.

Poslanik/zastupnik Haris Zahiragić.

Predsjedavajući, meni šejh u tom smislu znači učitelj i gospodin Konaković je poučio nas...

Predsjedavajući:

Kolega razumijemo vas potpuno ali evo vodite računa, imajte obzira, mjesec je ramazan. Građani nas gledaju. Tema je epidemiološka situacija u Kantonu Sarajevo. Mi sat vremena raspravljamo i iftarima.

Poslanik/zastupnik Haris Zahiragić:

Sat vremena predsjedavajući raspravljamo i nepoštivanju Vlade Kantona Sarajevo zaključka Skupštine Kantona Sarajevo.

Predsjedavajući:

Hajte molim završite evo što ste započeli, završite da idemo dalje.

Poslanik/zastupnik Haris Zahiragić.

Samo da kažem apsolutno nije bitno šta ko prodaje u ugostiteljskim objektima. Dakle poenta je sva u tome da je Skupština Kantona Sarajevo donijela zaključak da se radno vrijeme ugostiteljskih i drugih objekata koji je ograničena na 8 sati, pomjeri na početak trajanja policijskog sata. Sva diskusija između vremena koja je nastala je viška baš zbog toga pošto oni nisu željeli da to urade. Ovaj put predsjedavajući apelujem da onaj zaključak koji smo usvojili ponovo pošaljemo Vladi Kantona Sarajevo i kriznog štabu uz propratni akt da vi kažete jesu li oni obavezno doslovno slijediti. Kada je policijski sat u pitanju on je u 9 sati danas i radnici koji rade imaju pravo i dozvolu za kretanje mimo policijskog sata i zbog toga služe one potvrde koje isto tako mi imamo. I treća tema, policijski sat će biti produžen, samim tim po onom zaključku i radno vrijeme u Kantonu Sarajevo, nemojte da pravimo političku temu od ovoga, nemojte da se gađamo vjerskim propisima, niti da se pozivamo na tradicije koje to nisu, a posebno ukoliko mi isti takve stvari ne poštujemo. I na kraju gospodine Stojanoviću izvinjavam se nemojte da pogrešno shvatite i hvala vam na podršci koju ste nam dali u realizaciji ovog zaključka isto to tražite od Vlade Kantona Sarajevo i

nemojte da ovu diskusiju koja je trajala sat vremena iko od nas koristi u pogrešne svrhe iako bi se ta ista mogla možda (nerazumljivo). Hvala predsjedavajući na razumijevanju.

Predsjedavajući:

Zastupnica Vildana Bešlija replika.

Poslanik/zastupnik Vildana Bešlija.

Hvala predsjedavajući. Zaista razumijem kada se kolega Zahiragić zahvaljujem i vama predsjedavajući na ovolikom razumijevanju jer ja zaista gubim strpljenje. Jako davno sam se javila. Ovakva zloupotreba Poslovnika je stvarno nezapamćena. Dozvolili smo da u danu kada smo dobili informaciju koja je zgrozila kompletnu javnost i ovdje pogotovo u Kantonu Sarajevo da je 13 anesteziologa napustilo KCUS da mi raspravljamo o temi koja se ne može porediti sa takvom katastrofom koja može nastati napuštanjem 13 anesteziologa. Im raspravljamo o nečemu, zaključak jeste bio usvojen od strane Skupštine Kantona Sarajevo, kojim se nalaže Vladi da razmotri. Mi ne možemo u slučaju epidemiološke situacije nikako biti iznad Kriznog štaba. Vodi se jedna banalna, ispolitizirana do te mjere rasprava, koja nema nikakvo uporište, ničim nije utemeljena da je odgovornost na Vladi Kantona Sarajevo kada svi znamo da Krizni štab na nivou FBiH donosi odluku o kretanju do 21 sat. Građani se ne mogu teleportirati do svojih kuća. Na koji način, znači mi imamo određene propusnice. Na koji način regulisati i šta će policija raditi onda od 21 sat. Znači nemojte da stvarno pravimo cirkus. 12 i 15 je, dovoljno smo cirkusa napravili na sjednici kada smo imali izlaganje ministra na kojem kažemo da zaista imamo jako mali broj oboljelih, da držimo situaciju pod kontrolom. Ovo je zaista nezapamćeno. Ovakva mašinerija SDA je stvarno nepodnošljiva ni za građane Kantona Sarajevo ni za nas kao zastupnike. Molim vas da se vratimo temi, da prihvatimo ovu informaciju koju smo imali, da je damo na znanje i da damo Vladi mogućnost da što prije rješavaju ono što stvarna kriza u ovom momentu u Kantonu jeste. Napuštanje 13 anesteziologa, KC je napustilo. Dajte da se to rješava. A ne da zamajavamo Vladu ovakvim stvarima. Hvala vam.

Predsjedavajući:

Zastupnik Amel Mekić je imao repliku.

Poslanik/zastupnik Amel Mekić:

Hvala vam predsjedavajući. Pa ja ne mogu da vjerujem da kolega Dević ne zna da Krizni štab FBiH određuje uređuje, donosi odluke. Kolega Dević član vaše stranke je premijer Federacije. A vaša stranka vodi glavnu riječ u Kriznom štabu Federacije. Njima treba da se obratite. Dosta populizma. Svjesno skrećete sa stvarnih problema. Kolega Dević šta je sa 13 anesteziologa, to je problem. 13 anesteziologa to treba da nas brine. Hvala.

Predsjedavajući.

Odgovor zastupnika Mekiću zastupnik Dević.

Poslanik/zastupnik Mahir Dević:

Hvala predsjedavajući. Ja bih zaista volio da se ne javljam više po ovom pitanju. Znači kolega Mekiću niko od nas nije kazao da Krizni štab FBiH i da SDA nema veze sa policijskim satom u 9 sati. Mi ovdje pričamo o jednoj sistemskoj diskriminaciji koja je proizašla od strane kriznog štaba Kantona Sarajevo i odluke Vlade Kantona Sarajevo da dozvoli rad ugostiteljskih objekata i svih objekata naravno do 8 sati da bude. Govorimo o tome da je korona od 8 ujutro kada počinju raditi objekti većinom, navečer do 8. to je 12 sati. 12 sati korona nije problem u ugostiteljskim objektima, u restoranima, u šoping centrima itd. A onda je korona problem od 8 do 9. mi to nazivamo sistemskom greškom, sistemskom

diskriminacijom u konkretnoj situaciji u toku mjeseca ramazana prije svega prema postačima. I tražimo da se.

Predsjedavajući:

Molim vas kolega Deviću odgovorite zastupniku Mekiću. Opet nam ponavljate ono što ste govorili čitavo vrijeme.

Poslanik/zastupnik Mahir Dević.

Predsjedavajući on govori pogrešne stvari.

Predsjedavajući.

Dajte odgovor i idemo dalje.

Poslanik/zastupnik Mahir Dević:

On mijesha policijski sat i rad ugostiteljskih objekata. Te dvije stvari čovjek mijesha očigledno.

Predsjedavajući,

Jel to odgovor? Hvala vam. Zastupnica, evo ispravka krivog navoda prije nego što dam riječ za repliku doktorici Amri Kaljić. Ispravka krivog navoda zastupnik Nikšić.

Poslanik/zastupnik Damir Nikšić.

Ovo je krivi navod ne samo ovo cijelo vrijeme da se radi o sistemske diskriminaciji već dolazi do zamjene teza. Dakle nije ako ja smijem, ovo što gospodin Dević kaže nije problem korona od 8 do 8, a onda jedan sat od 8 do 9 korona postaje problem. To je zamjena teza. Nije tačno. Ne radi se tu da li je korona problem ili nije. Radi se o tome kako će ljudi doći kući od 8 do 9 ako sjede u nekom. Ja ne znam, evo objasnite mi, ako sjede do 9 sati, ako se produži do 9 sati da mogu da sjede da popiju kafu. I ako poslije 9 sati krenu kući i ako ih zaustavi policija, i naplati kaznu, hoće li to SDA klub plaćati te kazne tim ljudima? Eto to je moje pitanje. I ispravka krivog navoda to jest zamjene teza. Nije stvar o tome da li ima korone od 8 do 8 a onda od 8 do 9. to je pogrešna interpretacija potpuno. Radi se tome kako će, mi non stop u klin, vi u ploču. Kako će ljudi doći kući koliko sam ja shvatio. Moram im se dati neki bafer zona da dođu kući da ih se ne bi kasnije kažnjavalo jer se može oportunistički protumačiti da smo im dali do 9 i onda ih u 9,05 ili 9,02 minute čeka iza ćoška policija da im naplati kaznu ili da ih privede. Onda bi to problem. Eto toliko za sada. Hvala.

Predsjedavajući:

odgovor zastupnik Dević.

Poslanik/zastupnik Mahir Dević.

Svi građani su se dužni ponašati u skladu sa odredbama. Ako je policijski u 9 oni do 9 smiju biti vani. Poslije 9 ne smiju. Prema tome to sada što vi govorite je zamjena teza. Mi pričamo o sistemske grešci a vi sada pričate o hipotezama. Mi tražimo da se ukloni sistemska greška a vi tu sistemske greške pravdate nekim insinuacijama. Svako od nas je dužan da se ponaša u skladu sa naredbama štaba. I nije vaš problem da li će neko krenuti kući pet do devet, 8,30, 8,45. to svako pojedinačno treba da procijeni koliko mu treba vremena.

Predsjedavajući.

Ispravka krivog navoda zastupnik Nikšić.

Poslanik/zastupnik Damir Nikšić.

Vidite, kada se jeste naš problem. Problem je da se moraju napraviti takve uredbe za sve. Recimo problem nije naš ni problem da li neko puši u kafani ili ne puši, pa moramo donijeti Zakon o zabrani pušenja. Znači mi moramo ostaviti po mom mišljenju, lijepo je da se ostavi taj dio. Jer znamo kako se ljudi po inerciji ponašaju. I znamo da će neko malo duže vremena ostati i da neće ili neće pogledati na sat. Jedino ako šta ja znam uvedemo neka druga pravila koja će primjenjivati ugostitelji. Onda će ugostitelji morati reći ljudima hajde izlazite pola sata ili sat vremena prije. Ja ne znam, ja sam stekao dojam da je namjera ugostitelja i ovih svih biznis a koji su otvoreni bili da u 8 zatvore zbog toga što moraju počistiti to sve za sutra. I tako sam stekao dojam. I da im je logično u tom nekom smislu i pomoći to jer onda se građani mogu žaliti što treba da rade do 9. znači ti ljudi moraju da stoje tu do 9 onda do 10 moraju da počiste. Ide ta sad lančana reakcija. Hipoteza. Znamo kako realnost izgleda. I znamo da ako ne natjeramo ljude zakonom na nešto da se oni ne samo da se neće pridržavati svjesno Zakona već da će nesvjesno prekršiti i onda dolazimo u situaciju gdje su 500 KM bile kazne za maske, ne znam koliko će biti kazna za ostanak poslije policijskog sata. A htio bih da kažem da policijski sat se i ne poštuje toliko. Jer po čitavu noć imamo kretanje. Neku noć je čak obijen stan do nas u vrijeme policijskog sata. Ja ne znam kakav je to policijski sat. Ovo je već rasprava, razumijem. Ispravka krivog navoda da se mora ljudima Zakon se nameće silom. Znači sila Zakona. I ako postoji Zakon onda namećemo silom. To je definicija države. Il ga ima ili nema. Doviđenja.

Predsjedavajući.

Replika zastupnik dr. Amra Junuzović- Kaljić replika.

Poslanik/zastupnik Amra Junuzović-Kaljić:

Hvala lijepo predsjedavajući. Nadam se da se dobro čujemo. Srdačan pozdrav svim učesnicima ove današnje diskusije i sjednice Skupštine Kantona Sarajevo kao i našim građanima. Naime, imam veliku potrebu da evo sve ove dosadašnje diskusije i tok diskusije da pokušamo vratiti u normalne okvire. Ovakva diskusija zaista evo kako već dobijam niz poruka, jako vrijeda građane, jer nam građani poručuju koliko se toliko brinemo o postaćima muslimanima onda zaista treba da zaustavimo ovakvu vrstu diskusije jer ovo je mjesec tišine, skrušenosti, pokorosti, tolerancije a ne rasprave o iftaru gdje će i kako ko iftariti. Tako da bog dragi neka nam se smiluje na sve ovo skupa do sada iznešeno. Koliko je gladnih u Kantonu Sarajevo, a mi raspravljamo o kafanama i o trajanju policijskog sata. Diskusiju našu treba da vratimo u korektne okvire čime ćemo pomoći građanima Kantona Sarajevo. Evo ja kao ljekar, kao građanin, kao zastupnica u Kantonu Sarajevo jako se osjećam diskriminiranom upravo dezavuisanjem kompletne Skupštine i javnosti ovakvom diskusijom. Mi ovdje treba da rješavamo probleme. Nalazimo u sred jednog velikog problema, kontinuiranog problema to je pandemija u kojoj sada svako ima pravo da raspravlja kakva je transmisija virusa, je li veća noću ili danju. Ona je kontinuirana i o tome vodimo računa, i o tome struka treba da govori s jedne strane. A s druge strane imamo akutni problem. Molim vas po zahtjevu što prije da obustavimo raspravu bilo kakve vrste izuzev o ovome problemu otkaza naših kolega anesteziologa. Zamislite zabrinutost građana Kantona Sarajevo i svakoga danas ko je u hitnoj potrebi da se operiše ili da ima tu vrstu zdravstvene usluge u kojoj učestvuje anesteziolog. Molim vas kolege sigurno medicinski profesionalci su se zakleli da će po i po božijem i po svom raditi kako treba i pružiti zdravstvenu uslugu, al molim vas da im omogućimo, da im pružimo pomoć i ljudima i kompletnom zdravstvenom sistemu, ovakvoj javno zdravstvenoj krizi u kojoj se nalazimo. Te vas lijepo molim da u ovome se suzdržimo od svega ostalog izuzev pomoći zdravstvenom sistemu i zdravstvenim radnicima. Hvala vam lijepo.

Predsjedavajući:

zastupnik Elmedin Konaković replika.

Poslanik/zastupnik Elmedin Konaković.

Sa većinom se kolega ne slažem jer je ovdje riječ o jednoj vrlo opasnoj stvari. Potpuno je jasno da kolege iz SDA hoće da skrenu sa teme odlaska anesteziologa pričom o tome kako se treba iftariti u ugostiteljskim objektima, ali je zato bilo vrlo važno jer i ja dobijam poruke, zato što kolege iz SDA uspijevaju u spinovanju da su u Kantonu Sarajevo uskraćena vjerska prava diskriminiranjem ljudi koji poste. Možda nekima od vas to ne zvuči tako strašno, meni zvuči strašno. I zato je bilo vrlo važno da čujemo odgovore kolega Devića i Zahiragića koji kažu da treba kafa i tamo gdje se toči alkohol kako bi se zapravo pokazalo da su loši Vlada Kantona Sarajevo i Krizni štab koji imaju iza sebe odlučne rezultate i to na način kako oni svojom kampanjom rade već mjesecima, otpužujući ovu koaliciju da Bošnjacima, vjernicima u Kantonu Sarajevo oduzima prava. To rade kontinuirano i danas su to krenulo jednom vrlo opasnom tezom. Zato je važno da smo čuli ovu dvojicu ljudi, koji kažu.

Predsjedavajući:

Ispravka krivog navoda zastupnik Zahiragić.

Poslanik/zastupnik Haris Zahiragić.

Čujemo li se predsjedavajući. Gospodine Konakoviću zaista nema potrebe da na teatralan način iznošenjem u kameru i gestikulacijama govorite stvari koje ja nisam kazao. Niti sam ja bilo šta spinovao, pogotovo ne anesteziologe koje vi pokušavate kao temu svih tema, u kontekstu skroz drugom kojem mi pričamo. Ja sam dakle ovaj zaključak prošle sedmice predložio. Kolega Okerić vidio sam podržali ste ga, ne znam ko ga je sve podržao, usvojila ga je Skupština, Vlada ga nije ispoštovala. Prva tačka dnevnog reda ja o njemu govorim. Apsolutno nema nikakvog spinovanja, nema nikakve otpužbe. A kada sam se javio ja uopšte nisam spominjao diskriminaciju nikoga, nemojte mi stavljati riječe u usta na takav način, ja sam samo kazao da Skupština ne provodi, Vlada ne provodi zaključke Skupštine, a morala bi. I kada sam govorio o motivima Vlade, kazao sam da imam informaciju od određenih ministara da je prilikom argumentacije željelo se spriječiti veliki iftari. A sada kada je smanjen broj. Dakle nemojte da ponavljam iz početka sve. I u tom smislu vi ste odveli temu u nekom drugom kontekstu kada ste krenuli nama pitati da li gdje alkohol se pije ili gdje se ne pije alkohol. Dakle mene apsolutno nije, ne možemo mi po tome klasificirati ugostiteljske objekte, vi bi to trebali da znate, tamo gdje se pije i gdje se ne pije. Znao kako se šifarnik. Uostalom bili ste ugostitelj jedno vrijeme, pa znate to bolje nego ja. I nemojte meni ovdje spinovati i govoriti da smo mi da se otvore kafane. Koji god ugostiteljski objekat radi u skladu sa zakonima treba da radi dok traje policijski sat. To je zaključak Skupštine Kantona Sarajevo. I onaj gdje se toči i gdje se ne toči kako bi svi građani Kantona Sarajevo koji sjede tu i ne sjede, koji to piju ili ne piju imali pravo, pa i oni koji poste da popiju kafu i prošetaju poslije iftara. Mislim da sam bio krajnje dobronamjeran, nimalo zlonamjeran, nemojte molim vas u tom smjeru okretati. Hvala vam.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Upravo sam zbog ovoga govorio da je vrlo važno da ljudi vide kako su počeli i kako su završili svoje diskusije Dević i Zahiragić. Dakle adresirali su ovaj problem na način da optužuju Vladu Kantona, Krizni štab, nas koji smo unutra većinu, da diskriminiramo Bošnjake muslimane postaću na način da im ne dozvoljavamo da popiju kafu. Kada smo raskrinkali taj pokušaj spina, baš ovako kako govori Zahiragić, oni kažu ne ne nema veze nek idu u kafane, u restorane gdje se toči alkohol nek tamo piju kafe. Jako je bilo važno da se

ovakvoj neljudskoj kampanji stane u kraj a da bi onda shvatili i ove stručne stvari koliko su važne. Na koji se način epidemija, pandemija šire kako se povećava broj oboljelih, kako je bilo efikasno da zatvorimo ugostiteljske objekte, pa da im sve to platimo. Sada na ovo vi nazidajte šta hoćete, ali je meni lično bilo važno da se raskrinka ovakav pokušaj jeftinoga spina. I sada kada vrištite o tim anesteziolozima mi ne možemo u narednih sat vremena uraditi ništa. Dakle to je otkazni rok od sedam dana, poteze mora povući Vlada Kantona Sarajevo, vrlo će biti bitna uloga ZZO, direktora Opšte bolnice Ismeta Gavr Rankapetanovića. To su ljudi koji će sigurno odraditi svoj dio posla onako kako je Forto najavio kada je rekao ne bojte se ljudi, govorite istinu, kažite šta se gore dešava u KC i niko vas ne može ostaviti bez posla. Pročitajte izjave njihovog advokata i ova priča ide u pravom smjeru. A danas je tačka dnevnog reda KCUS. Dakle imate (nerazumljivo) da stvari poredamo kako treba.

Predsjedavajući:

zastupnik Zahiragić ispravka krivog navoda.

Poslanik/zastupnik Haris Zahiragić.

Kolega Konakoviću molim vas, evo pod drugi put i vas i da ostale kolege da ne stavljate riječi u usta. Dakle nisam niti jednom riječju spomenuo Bošnjake, niti jednom riječju muslimane, vi ste rekli kolega Zahiragić i Dević spominju Bošnjake muslimane. Ako ćete tako ja mislim da svi Bošnjaci nisu muslimani nužno, niti su svi muslimani Bošnjaci itd. Ali ne mogu ja to vama objašnjavati. To alkohol gdje se toči, to ste vi spomenuli, nisam ja spomenuo. Vi spinujete kolega Konakoviću, vrlo loše spinujete i vrlo je dobro da građani ovo imaju priliku gledati. I vrlo je dobro da vi sami sebe kako kažete rasvijetlite i da pokažete ustvari kakve principe imate ili nemate. Nemojte molim vas konfrontirati temu zdravlja, temu anesteziologa s ovom temom koja od prošle sedmice a koji ste vi nekim pogrešnim diskusijama izvan svakog konteksta doveli do u ovu fazu u kojoj ona sada jeste. Nije to fer. Ako hoćete možemo, ali nemojte kasnije govoriti da je kolega Zahiragić pravi rialiti od Skupštine Kantona Sarajevo kako ste vi to često imali priliku kazati i vi i kolege neke iz vašeg kluba. Hvala.

Predsjedavajući:

Hvala. Ispravka krivog navoda Mahir Dević, zastupniku Konakoviću.

Poslanik/zastupnik Mahir Dević:

Nismo mi predsjedavajući.

Predsjedavajući:

Poslovnička intervencija zastupnik Jakupović.

Poslanik/zastupnik Vedran Jakupović.

Ja ću zamoliti predsjedavajući da se vratimo na temu Informacija o epidemiološkoj situaciji svaki krivi navod koji ne bude u startu objašnjen kao krivi navod zamolit ću da ga prekinite. Hvala.

Predsjedavajući.

Ispravka krivog navoda Mahir Dević. Zamolio bih vas da navedete konkretan krivi navod.

Poslanik/zastupnik Mahir Dević.

Krivi navod kolega Konaković naveo je da smo spominjali Bošnjake, da smo mi spominjali muslimane, da smo mi spominjali postače itd. Ja sam cijelo vrijeme govorio o jednoj odluci a koju kažem da je diskriminatora. Davao sam argumentaciju zašto je diskriminatora, ako 20 sati ta odluka ne generira broj novozaraženih kako je moguće da ga generira za jedan sat

vremena? I tom pravcu sam govorio da takva odluka je diskriminatorska donešena od strane kriznog štaba i Vlada i da je treba ispraviti. To je sva priča bila koju sam ja govorio. I davao sam argumente da je treba ispraviti.

Predsjedavajući:

Hvala vam. Zastupnica Bibija Kerla prijavljena za diskusiju. Prije nego samo što dam riječ zastupnici Bibiji Kerli da li je zastupnik Elmedin Konaković završio?

Poslanik/zastupnik Bibija Kerla:

Pa valjda je završio više.

Predsjedavajući:

Pa niste vi ti koji odlučujete, zastupnice Kerla. Imajte obzira i nemojte govoriti dok vam ne dam riječ. Zastupnice Bibija Kerla izvolite imate riječ.

Poslanik/zastupnik Bibija Kerla:

Hvala vam lijepa. S obzirom da je tačka dnevnog reda Informacija o epidemiološkoj situaciji u Kantonu Sarajevo, mislim da je ministar Vranić reagovao nepotrebno. Sportskim žargonom rečeno, nesportski. Ova tačka dnevnog reda ne podliježe pravilniku Skupštine Kantona Sarajevo, mislim da je u interesu građana Kantona Sarajevo da im se da što je moguće više informacija pa makar to bilo i putem dodatnih pitanja koja su postavljale moje kolege Milavica i kolega Mekić a koje nisu uopšte dobili odgovor na ta pitanja. A koja su se i te kako ispostavila korisna. Mene isto kao i mog kolegu Mekića interesuje šta je sa vakcinama za sportiste koji bi trebali nastupati na međunarodnim takmičenjima. Bez primljenih vakcine nastup vjerovatno neće biti dozvoljen, što je velika šteta za naše takmičare pa me interesuje šta će se raditi po tom pitanju. I još nešto, znate li koliko informacija su mogli dobiti naši sugrađani za ovaj sat i po vremena dok mi raspravljamo o tome hoćemo li imati otvorene ugostiteljske objekte do 20,00 ili do 21,00 sat. I kao što vidim neki zastupnici su se pretvorili u glasnogovornike Kriznog štaba, što nije u redu i što nije u skladu sa našim dužnostima. Mislim da smo mi trebali postavljati pitanja a Krizni štab i ministar Vranić davati odgovore. Toliko. Hvala lijepa.

Predsjedavajući:

zastupnik Vedran Jakupović, diskusija.

Poslanik/zastupnik Vedran Jakupović:

Zahvaljujem predsjedavajući. Ja ću se samo kratko osvrnuti na ovu temu koju smo evo, izgubili smo skoro sat vremena sa konkretnim činjenicama bez nekih pokušaja populizma. Ministar Vranić i evo kolegica Kerla zna da oni nemaju pravo govoriti nakon što im mi postavimo pitanja. Oni odgovore na ta pitanja. Njihova uloga je završena. Mi možemo dalje razgovarati kao zastupnici u parlamentu. Kada je riječ o ovim insinuacijama o, ja sam, sada ću citirati, „opravdane sumnje o diskriminaciji postača”. Možete provjeriti u stenogramu ta konstrukcija, koja je prilično opasna. Gospodin Vranić kao ministar je imao sastanak sa reis-ul-ulemom prije ramazana i imao je direktan upit prema Federalnoj Vladi, odnosno Federalnom kriznom štabu sa zahtjevom za produženje policijskog sata koji Federalna Vlada na čelu s gospodinom Novalićem odbila, odnosno Krizni štab FBIH je odbio. Ja ću samo da zaključim, pošto imamo o ozbiljnim stvarima da razgovaramo, mogu reći da sam ponosan na ponašanje i aktivnosti Islamske zajednice po pitanju ove epidemiološke situacije i ovog pika COVID pandemije, odnosno epidemije u Kantonu Sarajevo konkretno. Velika ozbiljnost u kreiranju mjera za koje čak nisu bili ni obavezni. Oni su kreirali sami dodatne mjere i na taj način pokazali ozbiljnost u zaštiti vjernika islamske vjeroispovijesti. Samo ću još podsjetiti da

je jedna ozbiljna država Turska, nedavno zabranila uvela potpuni lock down 17 dana i nije nikom palo na pamet da se optužuje za antivjerske aktivnosti. I evo kao što rekoh sada ću se baviti konkretnim stvarima vezanim za epidemiološku situaciju. Prvenstveno ja ću jš jednom ministra Vranića i ekipu u Kriznom štabu pohvaliti za vrhunski posao koji su obavili imajući u vidu da je i ministar Vranić prebolovao koronu na samom početku svog mandata, da smo konačno osjetili da imamo ministra da imamo strukturu države nakon mjeseci i mjeseci jedne prilično haotične situacije. Dakle vrhunski posao i reorganizacije, posebno primarne zdravstvene zaštite sa imenovanjem doktorice Amela Kečo za v.d direktora DZ. Uvođenje call centra ja se nadam da ćemo završiti sa jednom lijepo pričom o poboljšanju aktivnosti call centra. Zatim uvođenje drive in testiranja i jako dobro organizovan proces vakcinacije po standardima koji je, koliko ja imam informacije, urađen u saradnji dosta dobroj saradnji sa Zavodom za javno zdravstvo Kantona Sarajevo. Ono što bih naglasio je da mi smo jučer bili u jednoj komisiji, kolege su već spominjale, komisija koju je imenovao ministar zdravstva gospodin Vranić, kažem skupštinska, zato što su u toj komisiji bili zastupnici u Skupštini Kantona Sarajevo, predstavnici svih klubova koji su bili u prilici da dođu na taj sastanak sa direktoricom Zavoda za javno zdravstvo, gdje smo dobili neke informacije. Ja ću evo sada samo prenijeti pošto je ministar Vranić malo nejasan bio kada je govorio o tome ko je nadležan za vakcinaciju. Postoje dva tipa vakcinacija. To govorim o informacijama koje smo dobili jučer. Dakle, medicinska i epidemiološka. Epidemiološka je po članu 58. Pravilnika o imunizaciji federalnoj. Epidemiološka imunizacija je na zavodima za javno zdravstvo i tu je riječ o nekim b9olestima koje sada nisu tema druga je medicinska imunizacija koja u obavljaju domovi zdravlja. Ono što mi treba da uradimo, ja se slažem s ministrom Vranićem da se definitivno napiše put, proces kao što su uradili na početku svog mandata, ovo je još jedna pohvala šta i kako treba da se radi kada je COVID infekcija u pitanju. Da se napiše vodič na koji način se provodi taj hladni lanac, na koji način se provodi kompletan proces imunizacije. To može uraditi u saradnji sa Zavodom za javno zdravstvo Kantona Sarajevo. Postoje članovi Zakona, evo konkretno član 119 koji govori o nadležnostima Zavoda za javno zdravstvo FBiH i Zavoda Kantona. Inače ljudi kod nas da tako kolokvijalno osipaju kada se spomene riječ nadležnost. „nije moja nadležnost”: ovdje je riječ o formalnim, o pravnim, zakonskim nadležnostima koje moramo poštovati i naravno o potrebi da sve javne ustanove učestvuju u kompletnom procesu i ja bih zamolio, evo ova komisija je pokazala jako dobru volju da se prođe i na narednom sastanku da i gospodin Vranić bude da se prođe sa Zavodom za javno zdravstvo, Domovima zdravlja kompletan proces imunizacije, pa i ako treba da se uključe veletrgovine koje mogu ispoštavati ovaj zahtjevan režim čuvanja vakcina, posebno kada je riječ o Pfizerovim vakcinama i Sputnjiku. Dakle -20 odnos -80. kada je riječ o promociji, trenutno mi imamo informaciju da je moguće vakcinisati oko 2000 ljudi dnevno u Zetri, po kapacitetima. Broj koji je mislim ministar Vranić da je spomenuo 67 ili 68.000 ljudi da se prijavilo, taj broj je garantovano puno veći. To je riječ o prijavama direktno na web sajt. Tako da u ovom trenutku je prioritet nabaviti vakcine i provesti ovaj način vakcinacije kako je na vrhunskom nivou urađen na Zetri, puno više nego uraditi neku promociju vakcine jer ovdje opet kažem ovdje je riječ o medicinskoj indikaciji, medicinskoj vakcinaciji, nije riječ o onim antivekterskim kampanjama protiv kojih se trebamo boriti. Ja ću evo da još jednom podcrtam troje kolega je pitalo za zapošljavanje i dvije dopredsjedavajuće, kolega Stojanović. Ljudi koji su zaposleni, ljudi koji su radili i na ugovoru o djelu treba da nastave da rade. Očigledno imao problema sa kadrom u zdravstvu. Ljudi koji su se pokazali da mogu na adekvatan način odgovoriti zadacima, da mogu raditi, da nastave raditi. Nije riječ samo o ostalom osoblju koje radi u zdravstvu. Dakle ja sam spomenuo ovu komisiju. Ono što u ovom trenutku možemo raditi obzirom da epidemiološka situacija jeste zadovoljavajuća, i pomenuo sam taj četvrti val ko ji se očekuje na jesen, koji je realno možemo očekivati na jesen, da u ovom jednom mirnom razdoblju završimo stvari koje moramo da završimo. Primarno organizovati proces vakcinacije nabavku frižidera sam spomenuo. To je nešto što Vlada hitno može uraditi, to nisu

velika sredstva. Mi smo planirani 200.000 ali sredstva za to su puno manja. Možda je problem dostava pošto je velika potražnja ali to možete uraditi i tokom ove sedmice. Kada je riječ o Zavodu za javno zdravstvo dobili smo informaciju da ljudi nemaju UO. I znamo kakve sve odluke mogu ili ne mogu donositi ako JU nema UO. Dakle da se ta stvar podhitno riješi. Organizovanje procesa vakcinacije i promocije koja evo kažem garantovano nije još uvijek hitna ali bit će potrebna. A ne znam na koji način Zavod za javno zdravstvo može oraganizovati promociju, napraviti kampanju, trošiti finansijska sredstva bez UO. I na kraju da sada uradimo reorganizaciju, primarna je dosta dobro krenula u reorganizaciji, da vidimo kakvi su mehanizmi na svim novima da se napravi reorganizacija i sekundarne i tercijarne zdravstvene zaštite p ovom pitanju. Ne govorim općenito, nego konkretno po ovom pitanju, jer ono što mi možemo očekivati da će nam vakcine sigurno trebati i da ne bude tog četvrtog vala koji se očekuje, mi ćemo morati vakcine redovno i kontinuirano i nabavljati i koristiti. I kada sam spomenuo tercijarnu zdravstvenu zaštitu da se pokrene ova tema, mi smo imali zakazanu tačku dnevnog reda i dobili smo ovu informaciju o 13 anesteziologa koji su napustili KCUS. Moje informacije govore da je 60 ili 65 anesteziologa ukupno zaposleno. Dakle uzmite to je više od petine anesteziologa koji u jednom trenutku napuštaju. Do sada su ljudi KC napuštali po jedno, po dvoje, pa se to moglo raditi u tišini. Ovo je sada veliki problem garantovano za kompletan sistem, ne samo za COVID; za intenzivnu njegu nego i za kompletnu organizaciju i ovog da ga nazovemo hladnog programa. Ja bih zamolio, kolega Čampara je predložio zaključak, ja ću sada tražiti poslovničku intervenciju i tražiti pauzu od 15 minuta da se dogovorimo. Neću tražiti pola sata, tražit ću 15 minuta da se govorimo kada i na koji način da riješimo ovu situaciju po pitanju otkaza 13 anesteziologa, da vidimo i sa Vladom i sa ministrom zdravstva da vidimo šta to Skupština Kantona Sarajevo može uraditi po ovom pitanju jer stvari se moraju kovati dok su vruće. Hvala vam puno.

Premijer Edin Forto:

Predsjedavajući mogu li samo kratko nešto reći?

Predsjedavajući:

Može premijeru, recite.

Premijer Edin Forto.

Evo imajući u vidu šta je upravo zastupnik rekao, Vlada Kantona Sarajevo će imati vanrednu sjednicu u 15,30 i pres konferenciju u 16,30 zbog velikog interesa javnosti. U 14,30 sjednica u 15,30 pres konferencija zbog velikog interesa javnosti za ovo što se dešava oko ovih otkaza anesteziologa . I Vlada će donijeti odgovarajuće zaključke. Tako da vidim da najavljujete pauzu vezano za tu temu. Ali evo da vas izvijestimo da znate da mi ćemo o tome zasjedati u 14,30. hvala vam.

Predsjedavajući:

Zastupnik Zvonko Marić se prijavio za diskusiju.

Poslanik/zastupnik Zvonko Marić.

Zahvaljujem predsjedavajući. Zaista ne znam ni kako da počnem ovu diskusiju, odavno sam prijavljen ali samo da kažem u kakvoj smo svojevrstnoj agoniji ako vam kažem da je grupa u kojoj treba da se prijavljujemo kao, ali čestitam predsjedavajući da ste uočili da sam ja sljedeći prijavljeni s obzirom na reakcije zastupnika i polemike koje vode u okviru te grupe. I ta je grupa obesmišljena jer ne vidimo ko se kada i zašto prijavljuje jer pored onih silnih replika 64 još uvijek traju te polemike u okviru te viber grupe i zaista je to obesmišljeno ovakvim načinom i ovakvim pristupom. To je poražavajuće zaista i ta grupa više nema smisla kao ni mnogo šta drugo i ne znam dali će biti i imati smisla ovo što ću kazati a mislio sam da

govorim vezano za ovu temu koja je najavljena. Evo sada je skoro 1 sat, 3 sata gdje smo mi? Na tački dnevnog reda, prebacili smo pitanja zastupnička i inicijative na posljednju, mi se nalazimo na prvoj tački dnevnog reda.

Predsjedavajući:

Oprostite zastupniče Marić, poslovnička intervencija Vedran Jakupović.

Poslanik/zastupnik Vedran Jakupović:

Ja se izvinjavam vjerovatno ste previdjeli ja sam tražio pauzu 15 minuta prije tako da gospodin Forto evo da završi kolega Marić da ga ne prekidam, da se ne javljam tri puta, ali trebali ste dati pauzu.

Predsjedavajući.,

Izvinjavam se, nisam čuo da ste tražili pauzu. A evo s obzirom da ste se složili da kolega Zvonko Marić završi svoju diskusiju pa onda ide pauza.

Poslanik/zastupnik Zvonko Marić.

Zahvaljujem. Dakle zaista ne mogu da vjerujem u mjesecu ramazanu toliko te prodike ili pridike iz islama, nisam mogao ni da pretpostavim da ću ovdje, sve nekako još terminologija te mumini, te šejhovi, te zaštitnici postača, te interesa postača. Zaista je to toliko degutantno da ne priliči ni ljudima koji sjede u ovom parlamentu a ni ovim ramazanskim danima. Znači šta je najbolnije u svemu ovome? Za ove koji razgovaraju koji će doći, koji danas polemiziraju obesmišljavaju ovu našu današnju sjednicu i sam dom, Skupštinu. Najveći poraz je taj što će večeras doći kući svojoj i razmišljat će o ovom danu i njihovom učinku, odnosno neučinkovitosti kao zastupnika da razgovaraju o ozbiljnim stvarima. I shvatit će da ja tvrdim odgovorno da će svi postači bez njihove isprazne retorike degutantne ispostiti i ovaj dan, kao i sve naredne, kao što su i do sada ispostili, iftariti će kao i do sada, bez retorike koju smo danas slušali puna tri sata. Zaista ako mogu da kažem da me pomalo stid i sa toliko ostrašćenosti je govoreno danas, i ispolitizirano sve ono da su uvukli i postači. I to je klasična zloupotreba. Mi se ne bavimo ključnim stvarima. Najavili smo evo i sami i nakon onog uvoda koji sam ja s radošću pohvalio ministra Vranića koji je dao optimistična predviđanja zašto ovim stvarima se koristimo. Znači šta je najveći doprinos upravo u vrijeme mjeseca ramazana je najmanje zaraženih i najmanje smrtnih slučajeva. Znači mjere koje su na snazi dale su svoje rezultate i ne razumijem. Zaista ne razumijem ovu diskusiju, ove polemike, zapravo i optuživanja međusobna. A zapravo to su samo optužbe i jednih i drugih. I jednog i drugog tabora. Dakle šta bih htio da kažem? Mene zabrinjava to što primjerice a žalosno je gospodin Vranić se vrlo često žali na Zavod za javno zdravstvo da nije odgovorio izazovima. Ja sam na to ukazivao i ranije. S obzirom da je danas tačka dnevnog reda o izvještaju rada ove ustanove, i vidjet ćemo ko će podržati to i da li će biti u ovom mjesecu ramazana licemjerstva, i ko će podržati taj nerad a stalno ministar Vranić ukazuje na nedovoljnu angažiranost i neučinkovitost Zavoda za javno zdravstvo. Rekao je maloprije da nije zadovoljan promocijom vakcinisanja. Znači procesom vakcinacije. Da je puno moga Zavod za javno zdravstvo više učiniti toga, itd. Također zanima me koliko će dosljednosti pokazati izjašnjavanja vezano za ovu tačku dnevnog reda. Pominjani su turisti koji su dolazili na Vrelo Bosne, ja sam osobno bio tamo. Četiri autobusa iz Srbije. Ali suvišna je bila i rasprava o tome. Oni su turisti, oni su dobrodošli bez obzira mi ne znamo da li su oni iz dijela Sandžaka ili su iz dijela Srbije, ali odakle god da su bili, besmislena je rasprava o tome odakle su došli, važno je da su došli da posjete Vrelo Bosne i znamenitosti i ljepote BIH i oni su u tom smislu dobrodošli umjesto da razmišljamo o tome kako i na koji način poduzeti mjere da se ne širi zaraza u tom dijelu, kako iskontrolisati vrijeme, ko nadzire boravak i na kojem prostoru tih autobusa koji su dolazili a dolazili su iz drugih krajeva, dolazili su iz Hrvatske itd ali evo zapodjenula se priča o tome da li su oni iz

Srbije. Ako su iz Srbije kakvu to pozadinu ima, dakle opet besmisao. Ono što još također zabrinjava je taj put pacijenta još uvijek nije definisan. Šta je sa punktovima drive in? Koliko oni odgovaraju, ko tamo radi? Da li su tamo iskusni zaposlenici. Evo konkretno ću vam kazati primjer. U mom susjedstvu žena koja je plaćala 41 godinu sve doprinose ZZO Kantona Sarajevo, nije u mogućnosti da joj se pruži bilo kakva na neki način zaštita ili usluga nego je morala kod specijalista da ide da bi preživjela i tamo su se našli neki ljekari koji su joj rekli da je obična viroza međutim sve je ukazivalo na to da je embolija da bi dr Bakir Mehić, evo neće se ljutiti da kažem, ustanovio na temelju CT snimka da je riječ o emboliji. Žena na liječenju kući jer nije primljena upravo uz zdravstvene ustanove od kojih očekujemo da se pruži pomoć građanima. I zato i u toliko prije zabrinjava upravo o ovo o čemu smo dobili danas informaciju da je 13 anesteziologa dalo otkaze u KC. To se dalo ranije naslutiti. Mene prije svega zanima ako je to i Vlada čak i premijer naslućivali, pružali neku vrstu potpore da istraju na govorenju, citiram „istine” zašto i da li je Vlada, a to će pokazati sada na najavljenom pres konferenciji, vjerovatno i odlukom, šta je zapravo alternativa za 13 anesteziologa. Znamo li mi u ovom pandemijskom vremenu i inače šta znače anesteziolozi. Od 17 ostalo je 4. dajte da vidimo šta je alternativa i šta će se desiti. Ti anesteziolozi će možda završiti i raditi će u Općoj bolnici tamo gdje će ih prihvatiti ali šta će biti uolikoj mjeri će se reducirati ili smanjiti kapacitiranost KC da pruža usluge za ovako nešto-. Koji su to rizici kojima je sada izložen i KC? Šta će se desiti? Šta je alternativa? To su pitanja za nas. Ovo što je predložio gospodin Čampara ja se u potpunosti slažem. Evo nek se ispita i taj slučaj. Međutim, činjenica i vi to svi znate da je KC podijeljena nadležnost dakle između pet Kantona osnivača i FIH. Koliko može ova Skupština i Vlada da utiču na odluke i rješavanja u KC ovog gorućeg problema to ne smijemo nikako izgubiti iz vida. Šta mi zapravo možemo? Šta nam je dopušteno i šta nam je na neki način u nadležnosti da možemo reagirati na ovakve stvari. I na koncu, da samo kažem, oko ovih nabavki lijekove kada su ljudi u grdnim problemima, problem je Kleksan koji košta ta jedna terapija, jedna tura, košta oko 300 KM. Kako i na koji način ljudi da to nabave. Ja se bojim da ovakvim našim ponašanjem na neki način urušavamo rezultate koje sam rekao koji su za poštovanjem jer se u jeku i u vremenu ramazana upravo postigli skoro najbolji rezultati do sada kada je riječ o zaštiti od pandemije. Ukoliko vi predsjedavajući budete i dalje tolerirali ja razumijem vašu želju da svima izađete u susret bojim da nas neće ovo nigdje dovesti i da će ovakve vrste polemika i ovakvi pristupi i načini kojima smo danas svjedočili a bez njih ja kažem opet i postači svi će svoj nijet ispuniti kao što su i u ratnim vremenima u teškim, mi toliku tobože prenaplašenu brigu za njihove interese ovdje politiziramo i govorimo kao pokriće služeći se time da mi štitimo interese postača. Međutim ja sam u Domu naroda izrekao, sjetio sam se jedne crnogorske izreke ko ju ću ovdje ponoviti: „Ako ovako nastavimo narode ne bojte, bolje biti neće”.

Predsjedavajući.

Zastupnik Damir Nikšić diskusija.

Poslanik/zastupnik Damir Nikšić.

Čujete li me? E hvala vam. Da li me čujete? Ovako, što se tiče ovoga da se vratimo na temu. Mi smo bili, imali smo razgovor sa direktoricom Zavoda za javno zdravstvo i gospodin ministar je rekao da po njemu, da on misli da Zavod za javno zdravstvo treba da upravlja vakcinama, ne samo da ih distribuira, da ih administrira već da ih i skladišti. Međutim, evo i za javnost i za Skupštinu, ostatak Skupštine, uvažena kolega zastupnika i vas predsjedavajući i za Ministarstvo i za ministra, vrlo je bitno da povežemo te dvije institucije, da radimo timski, i da kažem, koliko smo mi čuli tamo Zavod za javno zdravstvo po Zakonu i opisu svojih obaveza ne skladišti vakcine. Ne treba da skladišti vakcinu, to mu nije u opisu. Oni imaju jedan frižider, i to smo saznali jučer, imaju i agregat, ali po Zakonu ne treba da skladište vakcine. Oni ih distribuiraju. A kada se kaže distribuira, i to nam je razjašnjeno

jučer, ne distribuiraju ih u smislu fizičkom već administrativnom. Neko mora da upravlja administracijom, da administrira gdje će ići vakcine. A onda sada veledrogerije ili bilo ko te koliko sam ja shvatio, taj koji je zadužen za dalje fizičko distribuiranje vakcina, po ugovoru, on po ugovoru mora imati vozilo, toliko sam shvatio na tom razgovoru. Veliki je problem taj što Dom zdravlja nema dovoljno tih frižidera i da se tu treba uspostaviti, zbog toga sam pitao za onih 400.000 KM jer su DZ u 2020 trebali biti opremljeni, a onda je došla na vlast bivša Vlada i ne znamo gdje je otišlo tih 400.000 KM kao što ste čuli od samog gospodina ministra da on ne zna. I ja ću se potruditi i insistiram na tome da mi saznamo gdje su otišle te pare u proteklih godinu dana kada mi nismo bili na vlasti. Počeli smo na vlasti kao šestorka, pa onda nismo bili godinu dana i tu tih 400.000 KM je trebalo da ode za taj hladni lanac kojeg danas nemamo. I onda ako dođe veća količina vakcina mi se plašimo, evo sada čuo sam, ministar je rekao da je Vlada naručuje te frižidere, plašimo se da nećemo imati gdje da smjestimo te vakcine. Što se materijala i promocije vakcinacije tiče ja sam jučer u razgovoru isto tako bio insistirao na tome kod direktorice gđe Aide Pilav gdje je taj materijal. Pokazala je dva neka flajera i ja sam onako demonstrativno rekao ovo nije ništa. Dva flajera. I da je bilo potrebno malo više govoriti o vakcinaciji i ljude izvijestiti o tome. Ali opet s druge strane realno govoreći, uvijek razmjenjujemo šta mi mislimo. Ima sada neko ima, nije drugačije mišljenje, ima drugu sliku svega. Realno, a postoji i objektivna slika, kako ćemo praviti toliku kampanju za vakcinaciju ako još vakcine nisu došle. To je ko iz onog Josipa Pejakovića kada kopaju kanal pa ga zatrpavaju. Pa ne stavljaju cijevi. Kažu šta radite? Vježbamo, se kaže. Ne možemo se vježbati za promociju vakcinacije a vakcina još nema. Tako da uvažavam i taj argument da neka velika kampanja koju bi trebalo da uradi Zavod za javno zdravstvo ni nije mogla uslijediti s obzirom na to da nije bilo ni vakcina u tim količinama. Tako da moramo ovo uzeti u obzir. U toj kampanji isto tako smo zaključili iz razgovora sam ja zaključio i raznih informacija da su potrebna sredstva da se ta kampanja napravi, da se ona ne može volonterski napraviti. Na kraju krajeva ako hoćete da napravite dobru TV kampanju tu mora da učestvuje TVSA jer moj zaključak je bio jer gospođa direktorica kaže ja sam to govorila. A onda recimo gospodin ministar isto na pres konferencija to govorimo. Mi ne bi trebali, građani ne bi trebali te informacije dobivati samo iz tih nekih emisija u kojima neko sjedi polemize, sukoboljava se na neke sukobe da nadmudrujemo jedi druge. Ja mislim TVSA ne može samo djelovati na taj način. Ne može samo praviti tu vrstu emisija ili dnevnicu jer to postaje sada nešto što rizik je da se sve to ispolitizira. Neka kampanja mora da postoji. Ja se slažem Ministarstvo, Vlada, Zavod za javno zdravstvo, moraju proizvesti neku kampanju. Ali u toj kampanji mora da učestvuje TVSA, moraju biti sredstva, ne znam zašto bi glumci ili bilo ko volontirao tu na tim kampanjama, da se angažuju ali ne samo isključivo kao volonteri već to sve treba platiti. To hoću da kažem. I TVSA dobro bi bilo da se sada u ovom momentu malo vježba kako da napravi kvalitetne kampanje za vakcinaciju, kako da objasni ljudima gdje, kako, ko, kada itd. Ono što je najvažnije, ja ne znam koliko jš minuta imam, ono što je najvažnije, kolega Jakupović je pitao koji je status Zetre? Međutim ministar je odgovorio o statusu koji je više bio kao status Zetre u pitanju medicinskom, u pitanju tehničkog statusu, kao tu ima, ona je zakupljena za šest mjeseci, tamo su radnici, imaju paravani, imaju one sve, rigips kako se kaže te sve prostorije. Ali ja mislim da nije pitanje bilo u kojem statusu je Zetra sada, kakva je situacija tamo, nego i pravnom statusu Zetre. Mi moramo obratiti pažnju na to, i obratio bih pažnju ministru o ovoj diskusiji, i Vladi Kantona, znam da sada imaju posla ali evo neka uđe u stenogram, i nadam se da neko iz Vlade sluša. Status Zetre se mora riješiti, pravni status Zetre. Potrebno je da ona bude proglašena privremeno donešena odluka od Vlade, ja mislim da je od Vlade, ne vjerujem da je od Skupštine pomozite mi. Ali potrebna je odluka po kojoj je Zetra privremeno zdravstvena ustanova. Bez toga smo u pravnom problemu. Nama je to isto direktorica Zavoda za javno zdravstvo obratila pažnju na to, u pravnom smo problemu jer onda ako se desi bilo kakav nemili slučaj, ili neka tragedija ili neko da ima neku reakciju na vakcinu, imat ćemo pravni problem bukvalno, ne znamo kako da

upišemo gdje se to desilo u Zetri u svojstvu kojem? Znači ona mora biti proglašena privremeno zdravstvenom ustanovom i to bih ovom prilikom poručio i insistirao na tome. Ostalo smo vidjeli, postoje razni planovi. Teško je napraviti planove vakcinacije, jer sve zavisi od vakcina koja vrsta vakcine će doći jer mi zavisimo od toga ko će nam podariti vakcine, ko će nam donirati, koje će doći prije. Četiri tipa vakcina ima, što znači da imaju četiri različita plana različita čuvanja vakcina i distribuiranja vakcina u koje frižidere, kada se koja odmrzne, koja je na 80 stepeni, koja je od 2 do 8 stepeni. Znači vrlo je kompleksno. Iz mog iskustva ne vidim, vidio sam tamo, imam papire ovdje kod sebe. Ljudi su u Zavodu za javno zdravstvo uradili su dobar dio posla što se tiče, oni rade taj dio posla pravljenja planova koje bih preporučio da ih se držimo i da ih iskoristimo jer u njima je sve, bukvalno do štekera, do produžnog kabla koliko ih mora da se kupi. Znači sve postoji. I ja kao zastupnik mislim da ovo tijelo kao Skupština Kantona Sarajevo je poslodavac i Vladi i ministrima i svima, dalje i direktorima i to sve, ad mi moramo raditi na tome da ujedinito ove institucije u jedan tim, da insistiramo. Ja lično insistiram na tome da rade zajedno. Zajedno kao timski rad. Da sve ostavimo po strani i da počnemo raditi na tome. A mi zastupnici, pogotovo ovi u komisiji, da nadgledamo to, i da ih kako ih sinhronizujemo. Ne toliko da ih kritikujemo. OK, kritikovat ćemo nakon svega. O tom, po tom. Sada je vrlo bitno da se imunizira stanovništvo. A ne da upiremo prste jedni druge i da smjenjujemo po hitnom postupku jer neko treba da dođe na to mjesto, dok se snađe dva tri mjeseca, to je ono „pojo vuk magarca”, kako se to kaže. Gubljenje vremena. Imamo ovo s čim danas imamo i raspoložemo, imamo ljude koje imamo, ne interesuje me ko iz koje stranke dolazi trenutno, ko je stranački, ko nije stranački, samo mi je bitno da su ljudi koji su završili, da su ljudi iz struke i insistiram njih, pozivam njih: ministra, direktoricu, zastupnike, političke partije, vlast, opoziciju da budemo razumni, da budemo staloženi i da pokušamo da radimo zajedno na najbolji mogući način.

Predsjedavajući:

kolega Nikšiću jel govorite u ime Kluba?

Poslanik/zastupnik Damir Nikšić:

ne govorim, evo. Poruka je vrlo, da poradimo na tome da se dođe do cilja. A to je masovna imunizacija stanovništva. Eto toliko od mene. Hvala vam.

Predsjedavajući:

zaključujem raspravu s obzirom da nema više niko prijavljen. I molim službu da pripremi anketu za izjašnjenje zastupnika na zaključak zastupnika Aljoša Čampare koji glasi:

“Povodom informacije da je 13 anesteziologa podnijelo zahtjev za raskid ugovora na KCUS, predlažem da Skupština donese odluku da se Vlada hitno sastane u toku dana, te u svojoj nadležnosti, iz svog domena hitno raspravi pitanje napuštanja KCUS-a od strane 13 (trinaest) anesteziologa”.

Zaključujem glasanje. Molim službu da objavi rezultate.

Za je glasalo 19, protiv i suzdržanih nije bilo.

Konstatujem da je Skupština usvojila zaključak predložen od strane zastupnika Aljoše Čampare.

Nastavljamo dalje sa sjednicom Skupštine. Sljedeća tačka je:

AD – 4.

NACRT ZAKONA O PODRŠCI POVRATNICIMA U SREBRENICU

Nacrt ste dobili uz poziv za sjednicu. Molim predstavnika Predlagača da podnese uvodne napomene. Čujemo vas kolega Stojanoviću, izvolite, imate riječ.

Poslanik/zastupnik Igor Stojanović:

Hvala vam lijepa. Dakle, kao Predlagač iznijet ću nekoliko stvari koje su vezane za Nacrt Zakona o podršci povratnicima u Srebrenicu. Ovim zakonom se prije svega uređuju mjere za ubrzanu obnovu i razvoj Općine Srebrenica, podrška održivom povratku povratnicima u Srebrenicu, podrška žrtvama genocida počinjenog u Srebrenici, članovima njihovih porodica i poticaj povratku raseljenim licima iz Srebrenice na dostojanstveni i održim povratak. Podrška održivom povratku, poticaj dobrovoljnom povratku u Općinu Srebrenica su od posebnog interesa za Kanton Sarajevo a kao doprinos implementaciji Aneksa 7 Opšteg okvirnog sporazuma za mir u BiH. Ono što je najznačajnije vezano za Nacrt ovo Zakona da pitanja koja su vezana za povratnike, koja bi trebala da budu riješena ovim zakonom su prije svega obnova i rekonstrukcija stambenih objekata, razvoj i implementacija projekata i segmenta održivog povratka, infrastrukturni projekti u cilju poboljšanja održivog povratka, elektrifikacija, vodovod, putna infrastruktura, zdravstveni objekti, vjerski objekti, poslovni i drugi kapitalni projekti, poboljšanje uslova i standarda življenja u segmentu stanovanja, pristupa Internetu i novim tehnologijama, zdravstvena zaštita, nastava projekata za djecu osnovnih škola i izučavanja gradiva na bosanskom jeziku, srednje i visoko obrazovanje, socijalne zaštita i zaštita porodica sa djecom, razvoj poduzetništva u cilju otvaranja novih radnih mjesta i zapošljavanja s fokusom na razvoj i kreiranje projekta školovanje i prekvalifikacija za potrebe tržišta rada, pomoć poslodavcima koji već imaju registrovanu djelatnost, socijalno stanovanje i stambeno zbrinjavanje deficitarnih kadrova, besplatna pravna pomoć, poticaj i stimulacija za povratak raseljenih lica, projekti očuvanja i sjećanja na genocid počinjen u BiH, s posebnim osvrtom na područje Srebrenice, razvoj projekata u cilju prevencije iseljavanja zaštite dostojanstva povratnika i kreiranje projekata za povezivanje sa dijasporom, kao i godišnji novčani grant Memorijalnom centru Srebrenica u cilju osiguranja kontinuiteta rada i održavanje Memorijalnog centra. Vezano za Zakon, ono što je cilj najveći da nakon što smo imali genocid u Srebrenici, ono što je po meni obaveza politike i ono zbog čega smo se odlučili na ovakav korak koji bi trebao da riješi trajno pomoć povratnicima u Srebrenicu. I što je po meni najznačajnije da zaustavi zloupotrebu političku s obzirom, i da zaustavi na neki način političko djelovanje iz Sarajeva kada pojedini političari koriste i pokušavaju da svojim donacijama i političkim uticajem jednostavno jednokratno pomognu ljudima u Srebrenici na jedan način, pa ustvari ne riješe trajno njihov problem i pokušaju da skupe određene političke poene, a suštinski nikada ne dođemo u situaciju da ovi ljudi imaju konstantno pomoć na koju mogu računati. Cilj ovog Zakona je takav da jednostavno bez obzira ko budu politički faktori u Kantonu Sarajevo, da ovaj Zakon perzistira i da ga uređimo na najbolji mogući način kako bi smo ljudima u Srebrenici riješili Smiljana Viteškić sve one infrastrukturne, socijalne, obrazovne probleme na koje oni tamo nailaze. U sklopu ovog nacrta Zakona smatram da ovdje nema nikakvog prostora za bilo kakvu vrstu političkih podjela, i u sklopu ovog nacrta Zakona ja ću predložiti jedan zaključak koji sam već uputio prema sekretarki i nadam se da će ona proslijediti to zastupnicima. Dakle zaključak bi se odnosio da se u sklopu javne rasprave, za koju predlažem da bude 60 radnih dana, da se formira jedna radna grupa koja bi bila sastavljena od članova svih parlamentarnih stranaka u Skupštini Kantona Sarajevo, od članova Vlade Kantona Sarajevo, kao i od predstavnika, a u Srebrenicu. I tako bi smo na taj način svi bi smo učestvovali u radu te grupe i donijeli najkvalitetniji mogući Zakon koji bi pomogao ovim ljudima i riješio pa ako mogu tako reći za sva vremena neke probleme koji se tamo dešavaju i u kojem bi Sarajevo kao glavni grad pokazalo da po ovom pitanju vodi značajnu brigu o ovim tamo ljudima i u kojem bi ovo što je posebno važno zaustavilo svaku dalju moguću politizaciju i zloupotrebu oko nekih jednokratnih pomoći i eventualne političke promocije pojedinaca. Mislim da bi s ovim zakonom napravili jedan značajan politički korak. Ja bih također molio predsjedavajući na kraju da i taj zaključak stavite na iz-

glasavanje. Mislim da vam se za obraćanje javio i Ćamil Duraković kao predsjedavajući Vijeća u Srebrenici. Mislim da je tražio zahtjev da se eventualno obrati po ovom pitanju, pa bih molio predsjedavajući da razmotrite eventualno i to pitanje da stavite na glasanje. Hvala. U slučaju nekih pitanja, ja sam također za sve što mogu u ovom trenutku odgovoriti stojim na raspolaganju. Hvala.

Predsjedavajući:

Zahvaljujemo se kolegi. Evo u skladu sa zahtjevom koji smo dobili, molim službu da pripremi anketu i zamolio bih zastupnike i zastupnice da se izjasne kada je u pitanju zahtjev za obraćanje gospodina Ćamila Durakovića, predsjedavajućeg Općinskog vijeća u Srebrenici. Molim službu da pripremi anketu. Da li je služba uspostavila link sa gospodinom Durakovićem? Zaključujem glasanje. Molim službu da objavi rezultate.

Za je glasalo 25, protiv i suzdržanih nije bilo.

Konstatujem da Skupština prihvatila zahtjev gospodina Durakovića da se obrati Skupštini Kantona Sarajevo.

Zamolio bih službu da provjeri da li je gospodin Duraković prihvatio link i da li je s nama. Kolega Stojanoviću možete li provjeriti da li je gospodin Duraković primio link?

Poslanik/zastupnik Igor Stojanović:

Koliko sam upoznat predsjedavajući, gospodin Duraković je primio link od stručne službe međutim u ovom trenutku ako bi smo mogli eventualno da ostavimo prostor za diskusiju samo da se uspostavi veza jer mislim da gospodin Duraković trenutno ima jednu posjetu delegacije EU; pa ako možemo, mislim da će on brzo završiti, mislim da će se brzo priključiti, eventualno ako ima diskutanata da samo sačekamo koji minut da uspostavimo vezu.

Predsjedavajući.

Dobro, mi nastavljamo dalje, pa kada gospodin Duraković bude mogao da se javi mi ćemo ga svakako uključiti. Da li predstavnici radnih tijela žele riječ? Ima li pitanja? Otvaram raspravu. Prvi se javlja zastupnik Mahir Dević. Izvolite imate riječ.

Poslanik/zastupnik Mahir Dević.

Hvala predsjedavajući. Da li se čujemo? Prije svega na samom početku svog izlaganja želio bih da pozdravim i pohvalim ipak jedan ovakav pristup sistemskog rješavanja pitanja pomoći i podršci ljudima koji su preživjeli genocid u Srebrenici. Naravno i do sada je bilo sa raznih nivoa vlasti podrške pojedinaca, ministara itd ali složio bih se s kolegom Stojanovićem da bi bilo dobro da iza ove Skupštine Kantona Sarajevo ostane jedan Zakon, jedan akt koji bi na neki način trasirao put za buduće generacije bez obzira koje političke opcije i koja vlast bude u Kantonu Sarajevo. U stavu prošle Vlade u Kantonu Sarajevo a i one Vlade šestorke koja je bila prije nje je bilo sigurno podrške iz Kantona Sarajevo. Evo ja znam konkretno za prošlu Vladu da je bilo 250.000 KM, preko Ministarstva socijale za infrastrukturne projekte asfaltiranja puteva, izgradnju mostova, nabavku isporuku građevinskog materijala za rekonstrukciju i adaptaciju stambenih objekata. Bilo je također 60.000 KM za pokroviteljstvo obilježavanje 11. jula Dana genocida u Srebrenici. 58.500 KM je bila pomoć za spomen obilježja i mezarja Potočari i nisam siguran da mi nešto nije promaklo. Bilo je naravno podrške prema nevladinom sektoru prema ovom Udruženju Emaus, koje radi jedan dobar posao na području Općine Srebrenica. Na neki način sve su Vlade pokušavale da se bore, da daju neku vrstu podrške prema tom prostoru koji je kako sam kazao preživio genocid. Mi podržavamo, vrlo rado ćemo će uzeti učešće ispred Kluba SDA u izradi ovoga Zakona kojeg treba da donese Skupština Kantona Sarajevo a na tragu onoga što je naš uvaženi reis-ul-ulema organizirao u proteklom periodu a ticalo se jedne ozbiljnije platforme podrške povratnicima na području RS. Ono što sam čini mi se vidio u nacrtu ovog dokumenta jeste stavka od 250.000 KM. Cijenimo da je to

mala stavka, ali evo neka bude neka početna verzija. Čini mi se da je zaključak broj 4. na tom sastanku kod reis-ul-uleme bio da takva podrška nivoa različitih povratnicima bi trebala da bude u rasponu od 0.2 do 4%. pa ukoliko smo uzeli za Kanton Sarajevo kao cifru s kojom bi trebali krenuti 0,2% ta podrška bi bila potrebno negdje blizu 2 miliona KM. Naravno da treba izanalizirati finansijsko stanje Kantona Sarajevo ali isto tako Kanton Sarajevo i Skupština Kantona Sarajevo kao najbogatiji Kanton, ekonomski najstabilniji Kanton bi trebalo da preduzme aktivnosti da to bude jedna ozbiljnija stavka. Ona nikako ne bi trebala biti ispod barem 1 milion KM, sa vrlo jasnim preciznim projektima koji bi za cilj imali dodatno jačanje područja Općine Srebrenica podršku preživjelim ljudima genocida u Srebrenici. Naravno podršku demobilisanim borcima, podršku šehidskim porodicama, podršku šehidskoj djeci, za razvoj infrastrukturnih projekata i sve ono što je ovaj nacrt Zakona obuhvatio. Znači dajemo podršku jednom ovakvom pristupu, jednom ovakvom načinu, s tim da ćemo mi u javnoj raspravi vjerovatno predložiti da ta cifra bude značajno veća od ovoga što se nalazi u nacrtu ovog Zakona. Evo toliko za prvu diskusiju, ukoliko bude bilo potrebe javit ću se nešto da kažem i u drugoj diskusiji. Hvala predsjedavajući.

Predsjedavajući.

Zastupnik Elmedin Konaković sljedeći prijavljeni za diskusiju. Izvolite imate riječ.

Poslanik/zastupnik Elmedin Konaković.

Zahvaljujem predsjedavajući. Jako sam sretan da danas imamo na stolu početak sistemskog uređenja ovog dijela BiH, ustvari pomoći ovom dijelu BiH, i mogu reći početak ispravljanja grešaka koje smo svi zajedno napravili u odnosu prema Srebrenici ali i drugim mjestima stradanja Bosanaca i Hercegovaca, Bošnjaka, tokom perioda 92-95. jako mi je drago da smo kao ljudi shvatili ozbiljnost i da zapravo ovakvim konkretnim potezima bez korištenja ovog prostora u svrhe političkog prepucavanja čini mi se započinjemo jednu novu eru odnosa prema svim ljudima koji su se vratili u RS, tamo se bude pored onih koji su izvršili najveće zločine prema njima ili članovima njihovih porodica. Kao društvo smo potpuno pali na tom ispitu i stanje u Srebrenici danas odraz je zapravo našeg stanja ili kolektivne svijesti o svemu što nam se tokom agresije na BiH desilo. Dok smo se takmičili da 11.jula ili na neke druge datume obilježavanja priskrbimo sebi po neki politički poen ljudima u RS bilo je sve teže i teže. U Srebrenici posebno, pogotovo sa tim dodatnim argumentom, zapravo pravnim argumentom u kojem jeste presuđen genocid nad stanovnicima ove regije u BiH. Mi dobro znamo šta je bilo i u drugim dijelovima, šta je bilo i u Prijedoru, i u Foči, i u Višegradu i Rogatici i drugim mjestima stradanja, ali ovaj srebrenički, ipak ima zbog presude Međunarodnog suda u Hagu posebnu težinu i zato sam zaista ponosan da smo kao koalicija koja je različita po nekim svojim pogledima potpuno jedinstveni kada je riječ o ovoj materiji. Kolegama iz SDP čestitam i još jednom se zahvaljujem što su u naše ime priredili ovakav dokument koji je odlični polazni osnov. Reći ću nekoliko rečenica jer je važno zato što raspravom o nacrtu, zapravo ovo postaje dio javne rasprave i hoću da skrenem pažnju na prijedlog koji ćemo mi uputiti tokom javne rasprave a smatrajte ga i sada formalnim, jeste da shvatimo stanje na terenu u kojem su i stanovnici rubim opština Vlasenice i Milića, Bratunca, isto tako ljudi koje moramo obuhvatiti ovim zakonom jer je taj genocid napravljen na teritoriji ove regije. Danas su neka sela poput ove Sućeska i još neka ostala teritorijalno u sastavu drugih općina, i te ljude ni na koji način ne smijemo zanemariti. Dakle, još jedna važna stvar, već smo pokrenuli neke inicijative koje se tiču zdravstvenog osiguranja svih povratnika u RS, a koji su mjesto prebivališta imali u Kantonu Sarajevo zbog činjenice da ih veliki broj tamo živi a samo su formalno zbog zdravstvenog osiguranja, ili fiktivno možemo reći prijavljeni u Sarajevu. To će biti naši naredni koraci na teritoriji cijelog RS-a, ne zanemarujući ni ove druge dijelove BiH. Naravno, osim što će kolege predložiti (snimak se izgubio).

NAPOMENA:

Snimak se izgrubio na 231 minuti i ponovo se aktivirao na 233:45 minuti. Nisu snimljene diskusije zastupnika Konakovića do kraja, Devića, Zahiragića, Čampare, Bišćević-Tokić i uključuje se na dio diskusije zastupnika Marića. Pojašnjenje uposlenika Zavoda za informatiku je da je WEBEX ispao iz konekcije.

Poslanik/zastupnik Zvonko Marić:

...barem na temelju ovog teksta pokušaju da se stanje u Srebrenici popravi. Naziv Zakona ne odgovara prije svega njegovom sadržaju. Naziv povratnik iz naslova mora biti usklađen sa definicijama iz državnih i entitetskih propisa, iz ove oblasti, što u meni dostupnom tekstu nije učinjeno. Ja to nisam vidio. U članu 2. nepotpuno je i nejasno definisan je pojam član porodice. Puno uže od porodičnog Zakona. To nije logično i ako ovako ostane bit će dosta osoba koje će ostati isključene iz primjene ovog Zakona. I svega onoga što bi Zakon mogao da donese. U članu 3. poticajne mjere odnose se pored ostalog na ratom razorene i oštećene građevine, objekte, infrastrukturu u vlasništvu povratnika itd. Dakle kakvu povratnici imaju infrastrukturu. To je temeljno pitanje. Nema kriterija ni propisanih uvjeta, pa samim tim nema ni provjera ispunjavanja ovih važnih uvjeta. Zakon u ovoj formi je više politička deklaracija nego propis a evo reći ću i zašto. Praktično sve je nejasno a nije predviđeno donošenje bilo kakvih provedbenih akta. Neće biti primjenjiv ovakav Zakon i moga bi se brzo, bojim se, ugasiti iz prostog razloga što su se i ranije gasili njemu slični pokušaji da se nešto napravi i poravi stanje u Srebrenici. Neće na žalost u ovakvoj formi dati željene rezultate. Milioni su utrošeni u Srebrenici po sličnom receptu ili modelu. Rezultate na žalost vidimo na terenu. Mislim da se težnjom da se po svaku cijenu nešto uradi, pa makar i sa puno manjkavosti moglo bi da asocira na nešto što je populistički. A to bi u svakom slučaju trebalo izbjeći i otkloniti ovo o čemu ja govorim. U članku 3. osiguranje zdravstvene njege. Šta je to zdravstvena njega? Ima li takav termin negdje u zakonima iz oblasti zdravstvene zaštite? Ni u FBiH ni u RS nema kategorije, koliko je barem meni poznato te vrste. I onda se postavlja pitanje zašto onda pravimo mrtvu normu. U članku 4. navode se izvori sredstava. Jedan od izvora su kapitalne uplate iz Kanton Sarajevo. Kasnije se kaže da je to minimum 250.000 KM. Nadam se da ćete se složiti sa mnom. To su mrvice za sve ovo što je navedeno i što je preambiciozno nabrojano da će se riješiti u Srebrenici. I prema tome, teško je ostvariti ta prava koja su pobrojana. I zdravstvena njega, što god to značilo, i PIO i školovanje, u Kantonu Sarajevo pomoć povratnicima i socijalna zaštita pa 250.000 KM složiti ćete se nije dovoljno ni za četiri, pet povratničkih kuća u Srebrenici. U članku 5. koji je već neko pominjao kaže se da sredstva se koriste u skladu sa planom i programom obnove i razvoja Srebrenice. Ja se pitam ko pravi taj dokument? Ne može se ostaviti ovakva norma koja je kasnije neprimjenjiva, i dovodi čitav koncept u pitanje. To se mora osmisliti, propisati, ko kako i u kojoj proceduri usvaja ovaj plan. Koja je fiskalna procjena, ko je osigurao sredstva i Zakon koji se može usvojiti ali se ne može primijeniti, ako nisu osigurana sredstva za njihovu primjenu. U članku 6. se kaže da u pripremi izrade plana programa Studije Ured za borbu protiv korupcije i upravljanjem kvalitetom sudjeluje. To nije logično, Ured nema te kapacitete niti će ih uskoro moći razviti. Ured ne treba da prati pojedinačne projekte, da radi poslove institucija. Šta će nam onda Ministarstva. Ured treba da radi određene nadzore, kontrolira procese, da se bori protiv korupcije i slično. Ne može Ured kontrolirati procese i raditi nadzor ako i sam u njemu sudjeluje. Nije to uloga Ureda. Pa pogledajte osnivačke akte Antikorupcionog tima. Pogledajte tog Ureda. I onda ćete se uvjeriti da je ovo nemoguće. U članku 7. uspostavlja se Ured za podršku Srebrenici sa sjedištem na području Srebrenice. To nije opravdano. Izazvat ćete, vidjet ćete, ukoliko se u ovakvom obliku usvoji probleme na terenu i jako je to skupo. Postoje praktičnija rješenja. Ako bi u u tom Uredu radilo, kao što kolegica Bišćević reče pet osoba, tako nešto, potrebno je minimum 250.000 samo za troškove bruto plata i osnovno funkcioniranje tog Ureda o kojem mi govorimo. A maloprije kažemo da je 250.000 minimalan iznos kapitalnih izdvajanja za predmetne namje-

ne. Nije niko ovo dobro računao čini mi se, niti posložio. Preskupo je i nije održivo i da se o tome razmisli. Razumijem, i kolega Dević je čini mi se rekao da treba povećati iznos novca i ulaganja u Srebrenicu. Naravno da je to poželjno kao što sam rekao na samom početku. Član 11. govori o besplatnoj zdravstvenoj njezi. Takav pojam nije zakonski jasan. Postoji samo zdravstvena zaštita i osiguranici i to se uređuje federalnim i kantonalnim propisima sve drugo je improvizacija. Ova norma je potpuna improvizacija. Zdravstvena njega u Kantonu Sarajevo je li to znači da ako neko od stanovnika Srebrenice iz ovog Zakona ima problem sa zuboboljom, zabolji ga zub u toku noći itd, on treba da se njeguje u Sarajevu. Dakle ovo je potpuno jedna vrsta rekao bih populističke priče ili norme za šta nema opravdanja ili utemeljenja da će se realizirati. Zašto ovo radimo? Pa ovakva norma je bila ugrađena u federalne propise ali nije zaživjela nikada. Prave se iste greške kao i kroz čitav postratni period za Srebrenicu. Isto i sa člankom 13. tj pokušaj uređenja prava na školovanje, besplatni smještaj u studentskom domu ili smanjenje cijena školarine u Sarajevu. Dakle opet u Kantonu Sarajevo. Ova mjera je podrške prije svega, tako ja barem imam dojam iseljavanja u Kanton Sarajevo a ne povratka u Srebrenicu. Članak 14. govori o podršci poslodavcima sa sjedištem na području Srebrenice. Ali samo za osobe iz članka 2. ovog Zakona, PIO plaćeni doprinosi za zdravstveno osiguranje itd. Na šta se zapravo misli, nejasna je odredba. Da li se ovo odnosi na doprinose u FBIH, Kantonu Sarajevo, entitetu RS? Ne možemo kantonalnim propisima derogirati entitetske propise i isti neće biti primjenjivi, budite sigurni a otvara se prostor za diskriminaciju. Ni ovdje se ne spominje fiskalna procjena, ogromni su iznosu u pitanju. Nećete moći izdvojiti samo nove povratnike, preuzeti dio sistematskih troškova za PIO/MIO jer je to ogroman zalogaj. Otkud vam sredstva za to i sve druge predviđene obaveze prema ovom Zakonu? Zna li iko koliko to košta? Ne možemo usvajati propis a nemamo predstavu ni ko će raditi plan i program, ni ko će provoditi, ni ko će provoditi ostale propisane norme, ni koje su procedure, kriteriji, i što je najvažnije, nema fiskalne procjene. Pozivam predlagača da nam makar usmeno kaže procjenu koliko će ovaj Zakon koštati i kako ćemo već za ovu godinu isti isfinansirati čak i kada smo riješili sve ove pravne dileme o kojima sam govorio. Član 16 i 17. uvode u pravo besplatnu pravnu pomoć i dokumenitranje i istraživanje genocida. Ponovno jedna vrsta neodređenosti koja bi mogla da dovede do blokade ovog Zakona. Pa oformljeni su toliki instituti koji su pri Univerzitetu radili i rade odličan posao, ko će plaćati zapravo pravnu pomoć iz ovog Zakona. Znamo koliko košta. Treba iskoristiti ono što već imamo, pa ne raditi nove troškove. Pa imamo u Kantonu Sarajevo Zavod za pružanje besplatne pravne pomoći, možda je bolje da njega dodatno iskapacitiramo ili da ojačamo institute i druge nadležne pravne subjekte. A ne samo da kažemo u Zakonu će se kategorija iz članka 2. imati pravo na besplatnu pravnu pomoć. Jasno mi je da se radi o mrtvoj normi kao i u prethodnim slučajevima o kojima sam govorio. I za pomoć porodiljama. Koliko bi podrška koštala. Sva prava iz ovog Zakona vežu se za period od pet godina od dana ostvarivanja ovog prava. Ne, to nije nikakva garancija da se neće raditi zloupotrebe kao i do sada. Rokovi u kojima se trebaju vezati korisnici ove namjenske potrošnje treba računati od zadnjeg dana primanja podrške u suprotnom nema nikakvih garancija da se neće opet raditi zloupotrebe. Nema šta ni u Ured za borbu protiv korupcije sankcionirati. Jer bi ispalo da je sve prema Zakonu. Svakako treba praviti ugovore a ne pisane izjave. U potpunosti različit pravni karakter ugovora i pisane izjave. To smo barem svjesni toga. U tom slučaju treba propisati ko kako i u kojoj proceduri potpisuje ove ugovore. I kaznene odredbe su onako od oka napisane. Vrlo je neobično da su veće kazne za fizička lica nego za pravna lica i odgovorne osobe. To je nedopustivo za bilo kakvu vrstu, pa čak i nacrtu Zakona. Dakle puno je deklarativnih obećanja, i nerazrađenih normi, iako je Zakon u svojoj suštini vrlo dobrodošao. I mi ćemo iz SBB u ovakvoj čak formi podržati s nadom da ćemo mu dati šansu da kroz javnu raspravu i sve one proceduralne mogućnosti koje nam slijede da se popravi i da krenemo i da to bude jedan rekao bih inicijalni korak koji će zakoračiti u sistematsko rješavanje problema u Srebrenici nakon ovoliko godina. I utoliko je prije za pohvalu ova inicijativa sama od sebe. Ali u ovoj formi, ovako nejasan i nerazrađen bez propisane procedura i kriterija

zaista neće biti primjenjiv vjerujte mi. Slabost Zakona je što nema nikakvu institucionalno pravnu vezu sa drugim nivoima vlasti BIH, entiteta, drugi kantoni, općine, pa možda inicijativu neku da kroz institucije jačamo poziciju Srebrenice u RS, tom manjem BIH entitetu. I no-motehnički Zakon ima dosta nedorečenosti, može se i mora doraditi ali njegova suština je problem i čak i ako bude usvojen ovakav kakav je, ako se značajno ne doradi neće na žalost, bojim se zaživjeti. Ne bih volio da sam u pravu, sa ovom rekao bih pesimističkom prognozom, ali u svakom slučaju bit će podrška za ovaj tekst nacrtu Zakona, ali voljeli bi ukoliko bi ste uvažili naše sugestije da se popravi u znatno mjeri kako bi dali punog srca podršku za ovakav pokušaj. Šteta je da ova inicijativa propadne zbog ovih propusta o kojima sam govorio. Hvala vam.

Predsjedavajući:

Hvala kolega Mariću. Zastupnica Neira Dizdarević se javila za diskusiju. Izvolite zastupnice Dizdarević.

Poslanik/zastupnik Bibija Kerla:

Imam ja repliku, replika.

Predsjedavajući:

Oprostite. Replika, zastupnica Bibija Kerla.

Poslanik/zastupnik Bibija Kerla:

Pa ja samo da čestitam mom kolegi Mariću. Već odavno bolju analizu neku nacrtu Zakona nisam čula tako da kažem sve ovo što je rekao danas Zvonko Marić podržavam, i bez obzira kako bilo sa ostale strane zastupnika Klub DF će podržati Nacrt Zakona ukoliko se sve ovo ispoštuje što je Zvonko Marić rekao. Hvala lijepo.

Predsjedavajući:

Zastupnica Neira Dizdarević. Izvolite imate riječ.

Poslanik/zastupnik Neira Dizdarević:

Zahvaljujem predsjedavajući. Ja ću samo kratko. Prije svega naravno da izrazim podršku što konačno imamo ne samo deklarativno nego i zakonski formalno pravno definišemo preduslove za određene poticajne mjere za obnovu i razvoj Općine Srebrenice. O povratnicima, žrtvama genocida i naravno članovima njihovih porodica. Imat ćemo koliko sam shvatila u uvodnom izlaganju iako u materijalima naznačeno 45 dana, kolega Stojanović je spomenuo da će javna rasprava biti 60 radnih dana i mislim da je to bolja solucija. Imat ćemo vremena da Nacrt, kao i svaki nacrt naravno podložan je promjenama i moći ćemo svi da se uključimo i da unaprijedimo i dalje. Pozdravljam posebno i podržat ćemo naravno zaključak o formiranju radne grupe, posebno imajući u vidu da će u toj radnoj grupi ipak biti ljudi koji žive Srebrenicu svaki dan. I ljudi koji nam najbolje mogu reći na koje okolnosti njihovog života, njihove svakodnevnice možemo uticati i unaprijediti. Ono što meni nedostaje u ovom nacrtu i evo čini mi se da su se pojedini zastupnici dotakli toga a evo ovim putem apelujem na predlagača kao i na resorno Ministarstvo da uzme kao prilog javnoj raspravi jeste da nedostaje ovaj segment pronatalitetne politike, odnosno definisanje mjera podrške porodici. Da li u vidu podrške porodicama sa troje i više djece, naknade zaposlenim, nezaposlenim porodicama, kao i eventualno razmatranje refundiranja troškova biomedicinske potpomognute oplodnje. Siguran sam da ovi iznosi ne bi bili značajno opterećenje za naš Budžet. Svakako se trebaju kontaktirati i pribaviti mišljenje relevantnih institucija. S obzirom da je svakako tema interresorna morat će se naravno i trebaju uključiti sva Ministarstva. Vidjela sam naravno da su mjerama obuhvaćeni i obrazovanje i infrastrukturni projekti i podrška privrednicima, ali evo ovaj dio podrške

porodice sa djecom i pronatalitetnih politika mi nekako nedostaje. Naravno, Klub Naše stranke će podržati Nacrt, uključiti se u javnu raspravu i evo nadamo se da će ovaj primjer našeg Kantona slijediti uskoro i drugi kantoni. Toliko hvala.

Predsjedavajući:

Zastupnik Mahir Dević druga diskusija.

Poslanik/zastupnik Mahir Dević:

Hvala predsjedavajući. Da li se čujemo? Naravno, ja sam već kazao u prvoj diskusiji da je ideja dobra, da je ideju kao ideju mi kao Klub SDA trebamo podržati i spomenuo sam tu fiskalnu neodrživost, odnosno sa aspekta prava i dužnosti koje Zakon propisuje a predvidjeti 250.000 KM za realizaciju svih tih prava, govori samo da ovaj Nacrt Zakona ustvari nema na žalost fiskalnu procjenu. Krenuli smo malo obrnutim redom koraka. Bilo bi logičnije da smo prvo formirali neku radnu grupu, pa da je onda ta radna grupa pripremila materijal, pa evo da bude taj materijal i u ime kolege Stojanovića i SDP, nije bilo nikakvog spora. Napravilo se drugačije, da to bude njegov prijedlog, pa tek sada formiramo radnu grupu koja bi trebala da pripremi prijedlog. A ideja kao ideja, još jednom ponavljam, je dobra, valja dobro pročitati nadležnosti Kantona, Federacije, države. Vi znate prije svega oko zdravstvene zaštite da je tu jako osjetljivo pitanje. Nadležnost je FBIH na koji način to rješavati. Valja dobro osmisliti fiskalnu procjenu ovog Zakona, i valja dobro popraviti ovu stavku o kojoj sam govorio u prvoj diskusiji. Znači naš je bio prijedlog po zaključku onoga što je uvaženi reis-ul-ulema na sastanku utvrdio kao zaključak 4. da to bude u rasponu od 0.2 do 4%. koliko to preračunamo na Budžet Kantona Sarajevo to je cca oko nekih 2 milion KM na 0,2% ili nešto malo manje 1,9 miliona čini mi se ako sam dobro to sračunao. Od tih sredstava bi se nešto moglo i uraditi ali sa jasnim pravima i obavezama koje bi mi kao zakonodavac preuzeli. Još jedna stvar bi bila izuzetno važna, evo mi idemo u pravcu da formiramo taj ured, ne bi bilo dobro da pet Kantona ili deset Kantona formira deset ureda u Srebrenici. Ovu aktivnost bi možda trebalo u toj javnoj raspravi malo i produžiti i više od 60 dana jer je dokument kao dokument očigledno nespreman da se riješi u 60 dana. Evo pozivam kolegu Stojanovića možda da to ipak produži u cilju dobijanja kvalitetnog dokumenta većina onoga što je kolega Marić govorio je zaista na mjestu, jedna dobra analiza koju bi trebalo osmisliti i izanalizirati tu diskusiju i vidjeti da se to sve popravi. Probat i na neki način koordinirati i sa drugim kantonima, predsjedavajući. Da li vi kao predsjedavajući Skupštine, da li premijer gospodin Forto, da proba da stupi u kontakt, pa evo da kažem minimalno sa premijerom ZDK i TK, veliki broj stanovnika iz područja Podrinja, živi na području TK. Pa da vidimo da probamo jednu koordiniranu akciju napraviti barem nekoliko kantona da bi se obezbijedila neka ozbiljnija finansijska sredstva za realizaciju ovog Zakona, pa d ane kažem, što da ne, da bude to jedan Zakon kojeg bi potvrdilo i više Skupština, ako ne sve Skupštine Kantona. Naravno podržavam i ono što je kolega Konaković kazao u svojoj prvoj diskusiji da to treba da radi više nivoi tamo gdje bi mogli da takav jedan Zakon donesemo. Pretpostavljam da bi možda i moglo na FBIH, iako na državi, potpuno sam ubijeden da bi ta aktivnost bila blokirana vjerovatno od strane SNSD. Znači podržavamo, dajemo podršku čitavoj ovoj ideji, da je tako nazovem. Čini mi se da je malo prebrzo ušla nepripremljena ali treba joj dati prostor da zaživi da ne bi smo doživjeli situaciju da taj Zakon bude mrtvo slovo na papiru i da onda pravimo dodatno beznađe prema tim ljudima. Znači ovdje je stvar da se to pažljivo uradi, pripremi i da dođemo u situaciju da dobijemo kvalitetan dokument. A evo još jednom apeliram i na kolegu Stojanovića i na premijera i na vas predsjedavajući, da probate ostvariti saradnju barem sa TK, ZDK pa da ne kažem evo Goražde, USK, da se proba napraviti jedna koordinirana akcija kako bi ova jedna dobra ideja u konačnici doživjela svoju realizaciju u punom smislu na dobrobit prije svega stanovnika područja općine Srebrenica a naravno i drugih općina na području cijele RS. Zahvaljujem predsjedavajući.

Predsjedavajući:

Da li je sa nama gospodin Ćamil Duraković? Gospodine Duraković da li se čujemo?

Ćamil Duraković.

Ja vas čujem ne znam da li vi mene čujete.

Predsjedavajući:

čujemo vas, izvolite, imate riječ.

Ćamil Duraković:

Pa evo, ja vas sve srdačno selamim i pozdravljam iz Srebrenice. Zatražio sam obzirom da sam upoznat oko ove ideje od samog njenog početka i neko ko već evo 16 godina je u javno-političkom životu Srebrenice, u poziciji načelnika u jednom periodu, evo danas predsjednik Skupštine Opštine Srebrenica. Izrazita mi je čast što ste mi omogućili da se danas obratim uvažanim zastupnicima i svima koji će biti dijelom donošenja ove vrlo važne odluke, odnosno Zakona o podršci povratnicima Srebrenici. Obzirom da predsjedavam skupštinom grada čijih se građana tiče ovaj Zakon, reći ću nekoliko riječi, što bi rekli u našem narodu iz prve ruke. Prije svega vidim od momenta kada sam se priključio ovom mitingu da nisam možda slušao od početka izlaganja po ovoj tački dnevnog reda, ali ove uvažene zastupnike koje sam slušao vidim da neki od njih imaju zaista konstruktivne prijedloge, a neki od njih otprilike i ne poznaju dovoljno situaciju i Srebrenicu i generalno ono što mi ovdje proživljavamo i živimo. Dakle kada neko pomene riječ diskriminacija, mi nju ne svjedočimo ovdje, mi nju živimo godinama, od početka našeg povratka do danas. Ja ću samo malo o Srebrenici reci i o šteti koju je Srebrenica pretrpjela u proteklom ratu i bit ću vrlo kratak. Srebrenica je jedno mjesto koje je prije rata bilo četvrto u ekspanziji privrednog razvoja, imala je 37.000 stanovnika i imala je samo 11.000 učenika u srednjim i osnovnim školama, 13.000 uposlenih. Dakle stepen nezaposlenosti bio je skoro pa nula. Dakle na žalost posljedicom genocida, a ne prirodnom migracijom, doživjeli smo jedan demografski kolaps pored biološkog gubitka ljudi na području Opštine Srebrenica, dakle ne samo da su ubijeni ljudi, ubijeno je jedno čitavo društvo koji su nosili društvene procese, direktori kompanija, menadžeri, profesori, nastavnici, ljekari i siv oni koji su bili nosioci jednog društva. Dakle šteta pored te biološke je nanesena upravo i tom infrastrukturnom dijelu života i generalno života. Porušeno je 6600 privatnih bošnjačkih kuća, uništene su tri industrijske zone itd da vas ne opterećujem. Na žalost, posljedicom svega toga u našim naporima da se ponovo vratimo ovdje nakon genocida, uspostavimo život i krenemo dalje, jako je teško. Samo taj psihološki efekat je prepreka odvijanju normalnog života. A onda slijede sve ove fame oko Srebrenice koja je na žalost famozna po svojoj prošlosti i po onome što je naša tragedija, a ne po nečemu što je pozitivnom i ono što bi trebalo da simbolizira Srebrenicu počele su fame oko tih famoznih sredstava, koliko je uloženo, je li uloženo, nije li uloženo. Želio sam upravo reći da je opština Srebrenica 527 kvadratnih kilometara i da je tek obnovljeno negdje oko 1200 kuća, i da preko 4000 zahtjeva Bošnjaka onih koji su protjerani sa ovih prostora čeka na obnovu kuće. Tako da sva ta finansijska sredstva koja su ovako ili onako dolazila uglavnom su bila dijelom implementacije nekih organizacija ili nekih eksternih faktora koji su implementirali projekte nama ovdje a efekti su očito bili loši. Tako da evo sretan sam kao čovjek koji je vrlo dobro uključen u političku situaciju, nisam neko ko je politički pionir, ili neko ko ne poznaje prilike u BiH, a evo i ovdje. Prvi put sam sretan da se došlo na ideju, evo vidim da zastupnici određeni pokušavaju ovo prebacivati sa jedne na drugu političku stranku ko je počeo ovu ideju, ko je predložio, ko nije. Dakle ja se zaista od srca i u ime ovog naroda ovdje želim zahvaliti svakome ko je inicirao ovakav jedan Zakon, a naravno svi će biti dijelom donošenja Zakona koji će proći kroz određenu javnu raspravu i sigurno na kraju biti kvalitetan. Dakle ovo je prvi put da se sistemski pristupa povratku, generalno. Ne samo Srebrenici, od kraja rata do danas. Dakle 26 je godina od kraja rata. Prvi put a da to nije

ad hock odluka da se privremeno zakrpe neki problemi ovdje i da se umire ti povratnički glasovi koje vi sigurno često čujete. Možda smo nekada i naporni ali život, gdje dođete na prostor BIH, koji se zove entitet RS, dakle vi ste u startu diskriminirani tako što je ovaj entitet sistemski koncipiran kao ekskluzivitet jednog naroda. Tako da svaka potreba pa i ova politička vaša koju ćete sigurno danas dati, ono zbog čega bi mi sigurno bili sretni jeste da više nije bitno ko šta inicira, bitno je i najjača poruka od svih poruka bi danas bila da Skupština Kantona Sarajevo ovakav jedan nacrt ili već kakav vi želite a da sigurno ima svoju svrhu za građane Srebrenice, i povratnike generalno, usvojite jednoglasno. To bi bila ona poruka. Dakle, Hvala svima, ne želim biti dug, želim da vam zaželim sretan rad i da vas pozovem da u javnoj raspravi ili u tim radnim grupama koje budete imenovali predvidite nekog iz Srebrenice. I na kraju zbog generalno javnosti želim reći da mi u Srebrenici koja na žalost sama simbolizira genocid nad Bošnjacima iako je neko već pominjao u svojim diskusijama Genocid, ništa manji nije bio u Prijedoru ili u drugim mjestima, ali evo, mi imamo papir zato i neka neke stvari krenu od Srebrenice. Neka neki uredi krenu iz Srebrenice, a mi u Srebrenici sigurno ništa nemamo da svaki povratnik na prostoru entiteta RS uživa podjednaka prava kao svaki Srebreničanin koji ovdje živi. Tako da evo pozivam vas da nas konsultujete. Mi smo vam na raspolaganju. Evo još jednom želim vam sretan rad i hvala vam što ste mi omogućili da se na ovaj način zahvalim svima vama koji ćete danas biti sigurno dijelom historije koja bi trebala da ide u dosta progresivnijem smjeru nego što je to bilo do sada.

Predsjedavajući:

Zahvaljujemo se gospodinu Durakoviću na riječima hvale. A sada dajem riječ zastupniku Igoru Stojanoviću.

Poslanik/zastupnik Igor Stojanović:

Hvala lijepo predsjedavajući. Ja prije svega želim da se zahvalim na konstruktivnim kritikama, na sugestijama svih zastupnika, posebna zahvalnost mojim kolegama iz skupštinske većine koji su dali dosta značajan doprinos da dođemo do ovakvog nacrtu u ovom obliku i posebna zahvalnost svim zastupnicima iz opcije koji su na riječima pohvale koje sam od njih dobio. Posebno moram istaći da mi je drago što smo uspjeli da objedinimo na neki način Skupštinu, i da ne politiziramo oko ove teme. Mislim da je značajno poslati poruku da nismo spremni praviti bilo koju vrstu politiziranja na Srebrenici, nego drago mi je da je opozicija prihvatila da bude dio radne grupe u kojoj će učestvovati i dati sve ove sugestije koje su dosta konstruktivne bile i ja sam ih tako shvatio. Mislim da bi mogle biti značajne. U cilju određene samo-pomoći vezano oko određenih kritika koje sam čuo, nismo napravili, u pravu su zastupnici bili da mi nismo napravili neku značajniju finansijsku konstrukciju, ali zato ima razlog. Čitav nacrt Zakona je vezan i imat će jedan pristup koji je možda prije svega izuzetno kompleksan i predviđa učešće najmanje pet resornih ministarstava. I dakle ono što je neka procjena u ovom trenutku koju sam radio sa ministrom finansija je da bi ovaj Zakon naravno i kao malo šira procjena da kažem ne najpreciznija, da bi mogao koštati Vladu Kantona Sarajevo možda čak oko 2 miliona KM. Ali upravo onako kako je rekao i kolega Dević, mi moramo prvo proći određene nadležnosti, analizirati s obzirom da ne možemo doći u ovako kratkom vremenu nismo uspjeli doći do relevantnih informacija koliko ljudi i koliko bi nas precizno koštalo vezano za sve ove mjere koje su navedene u nacrtu Zakona. Upravo zbog toga smatram da bi sa 45 dana u javnu raspravu trebalo povećati na 60 dana i zbog toga sam smatrao da radna grupa u kojoj će učestvovati sve parlamentarne stranke zajedno sa ljudima iz Srebrenice će dati prave odgovore, kao što reče i gospodin Dević mi moramo uzeti u obzir da je Budžet Kantona Sarajevo u ovom trenutku 200 miliona manji, i da s obzirom na našu želju da napravimo jedan istorijski korak kao što reče kolega Duraković, mislim da moramo sve uzeti u obzir i doći do pravog rješenja. A ono što je po meni najznačajnije je da ćemo to uraditi zajedno i ja sam vam na tome, svim kolegama u Skupštini Kantona Sarajevo izuzetno zahvalan. Eto, još jednom na-

dam se da ćemo doći do pravog rješenja uz sve ove stvari koje stoje, koje su teške, koje jesu problematične, ali najlakše je da konstatujemo da je sada nešto problem i da odustanemo. Ja upravo mislim da treba pokrenuti stvari s mrtve tačke i kada se uključimo u rad ubijeden sam da i kolega Marić i Dević, Zahiragić, i Konaković i Čampara i svi ostali zastupnici će dati doprinos da konačno pokažemo, da budemo primjer čitavoj BIH kako možemo riješiti problem koji se neće dalje politizirati, zloupotrebjavati nego će imati neko sistemsko rješenje. Hvala lijepo.

Predsjedavajući:

Druga diskusija zastupnik Haris Zahiragić.

Poslanik/zastupnik Haris Zahiragić:

Da li se čujemo predsjedavajući? Dakle ja u sam u prvoj diskusiji otprilike pomenuo određeni broj članova koji su (smetnje) sami po sebi pa ih ne bih ponavljao. A ne znam da li je gospodin Duraković slušao tu diskusiju, trebao bi možda poslušati jer vidim da nije primijetio određene probleme koji suštinski važni u ovom Zakonu. Dakle ja ću pokušati zaključiti sa par eto teza koje treba da uđu u javnoj raspravi, na znanje Vladi Kantona Sarajevo, i predlagачu samom, a mi ćemo svakako biti na raspolaganju kao što smo rekli. Potrebno je proširiti teritorij na cijelo Podrinje ili barem šest, s obzirom na činjenicu da u Srebrenici jedini je to genocid u BIH koji je presuđen, međutim tu nisu bili samo građani tadašnje, u užem smislu opštine Srebrenice, nego sadašnje čak i šire Srebrenice, onda Bratunca, Zvornika, Vlasenice, itd. To gospodin Duraković najbolje zna. Sigurno da će oni na tom tragu podržati takvu ideju. (smetnje) pravopisne katastrofalne greške neću ni spominjati, to treba hitno ispraviti i u buduću da kolege imaju s obzirom da je ovaj Zakon nećemo ga izdvajati, ali trebaju kolege da znaju da kada predlažu nešto molim vas nešto pobrinite se oko toga. Fiskalni okvir ne postoji apsolutno, plana ni slova, kao ni iznosa, to bi bilo apsolutno značajno neophodno da se nađe u ovakvom jednom značajnom Zakonu. I ono što je najbitnije bila je jedan bitan Zakon, značajan Zakon koji sam spomenuo u prvoj diskusiji o pravima povratnika u mjesto prijeratnog prebivališta u entitetu RS i Brčko distriktu, a kojeg je usvojio Parlament FBiH čini mi se tada a Ustavni sud 2014 godine (smetnje) presudom. Mislim da je ta presuda, koliko ja imam informaciju, koliko se sjećam a čitao sam tu presudu Ustavnog suda radi određenih stvari koje i ovaj Zakon tretira. S tim u vezi moramo se potruditi da sve ono što bi moglo biti problematično eventualno ili sporno ili oborivo u ovom Zakonu se ne smije naći. Dakle Kanton Sarajevo ima nadležnosti, ima mogućnosti i ima novca hvala bogu da pomogne i da napravi sistemsko rješenje za sve povratnike prvo u Srebrenici i području na kojem je počinjen genocid u širem smislu Bratunca, Vlasenica, itd sivi oni povratnici koji su bili žrtva genocida kasnije u budućnosti međutim moramo paziti da radi naših pogrešnih formulacija ili pogrešnih stvari koje sam u prvoj diskusiji spominjao a i kolega Marić ih je također dobro prepoznao, ne budemo opet donesena presuda Ustavnog suda nakon koje se više ništa nije do sada desilo. I u pravu je gospodin Duraković da se dugo nije desilo ali nije istina da se nikada nije desilo. Dakle ovaj federalni Zakon je bio, bio je Zakon u ovoj Skupštini također koji nije ovako sistemski definisao samo povratnike u Srebrenicu nego u širem smislu neki drugi obim prava. Ali evo slažemo se da je ovo značajan iskorak, mi ćemo podržati, ali molim vas nemojte da ove naše diskusiju dođu do prijedloga a da ne budu implementirane, jer onda ćemo biti u situaciji da biramo da li da glasamo ili dane glasamo. A generalno (smetnje) situacija da se u Srebrenici poboljša kvalitet života niti za 1%. S tim u vezi molim vas uzmite sve ove stvari u obzir pogotovo Vlada Kantona Sarajevo koja mora preuzeti ovaj proces do samog prijedloga Zakona. Mi stojimo na raspolaganju. Hvala.

Predsjedavajući:

Druga diskusija zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Pa neću dugo, ponukala me diskusija gospodina Durakovića i pošto on to upućuje pohvalne za ovu inicijativu, međutim u Srebrenici predstavnici Bošnjačkog naroda i svih drugih Srebreničana morali bi povesti računa da budu jedinstveni i da budu u granicama neke korektnosti a ne kao što se desilo sada za ove izbore itd. Pa se potpisao, pa jeste neki plan, odnosno sporazum sa SNSD, pa sa ovim ili sa onim ali da iskažu korektnost. Barem toliko. I uvijek će biti bezrezervna podrška iz Sarajeva i BiH iz prostor razloga nikada to nije izostalo kada je riječ o Srebrenici, i nije mi se dopalo kada je gospodin nedavno u jednom istupu rekao pa eto šta hoćete mi smo potpisali taj sporazum jer tako vam je i država uređenja, SNSD i ovi itd. Pa nije uzor ne treba Srebreničanima biti državno uređenje. Naprotiv. Sa lokalnog nivoa treba krenuti a tim prije što evo i gospodin Duraković kaže nije samo u Srebrenici napravljen genocid nego i u Prijedoru. Pa uzimaju gospodine Durakoviću tu činjenicu da je genocid počinjen u Srebrenici nemojte se pozivati i tražiti modele u državnom uređenju nego naprosto graditi jedan drugi ambijent u skladu sa pijetetom prema svim žrtvama genocida u Srebrenici. I nemojte da vam bude uzor ono što se dešava na državnom nivou jer to nije neka sreća. I sami ste svjesni i to vam je loš alibi. To vam je zaista i loš argumente da kažete dakle volio bih da ovo bude početak sistemskog rješavanja što kaže kolege Stojanović ovdje nije bilo politike i mi smo a neki način dali svoj doprinos i viđenje svega onoga što je ponuđeno kroz nacrt i gospodinu Stojanoviću samo ja bih molio i sve nas koji sudjelujemo i podršci tom prijedlogu nacarta ili kako god hoćete da ne koristimo krupne riječi i da oslobodimo tog istorijskog. Nije istorijski sve što se u istoriji dešava. Sačekajmo vremenski odmak da napravimo nešto bez nekih preambicioznih razmišljanja da to bude historijsko. Prije svega ovo što se čini, što se pokušava, što se inicira je prije svega ne istorijski nego ljudski a svi oni koji koriste ovaj momentum za ovo onda to je svojevrsni lešinarski pristup pogotovo kada je riječ o Srebrenici. I tu nema ni na koji način ni politikanstva, ne bi smjelo biti, i sigurno u koliko nastavimo u ovom tomu, sasvim sigurno da ćemo popraviti danas barem u očima onih koji nas gledaju, posebno Srebreničana onaj loš utisak od tri sata smisla koji smo imali ranije. Hvala vam.

Predsjedavajući:

S obzirom da nema više prijavljenih pročitat ću zaključak koji je dostavio Klub SDA Skupštini Kantona Sarajevo, pardon Klub SDP BH je dostavio ovaj zaključak, s tim da je bila jedna mala tehnička korekcija pa ja ću ga pročitati ako se kolega Stojanović slaže da stavim na glasanje.

Klub zastupnika SDP BiH Sarajevo predlaže Skupštini Kantona Sarajevo da uslovi zaključak koji glasi:

U toku javne rasprave po Nacrtu Zakona o podršci povratnicima u Srebrenicu Kolegij Skupštine Kantona Sarajevo formira radnu grupu koju će činiti predstavnici svih političkih partija i parlamentarnih grupa u Skupštini Kantona Sarajevo, predstavnici Vlade Kantona Sarajevo, te predstavnici povratnika u Srebrenicu a sve u cilju što boljeg konačnog prijedloga pomenutog Zakona.

Kolega Stojanoviću je li u redu ovako zaključak da stavim na glasanje?

Poslanik/zastupnik Igor Stojanović.

Slažem se predsjedavajući, u redu je zaključak. Molim službu da pripremi anketu za izjašnjenje a zastupnike i zastupnice da se izjasne.

Zaključujem glasanje. Molim službu da objavi rezultate glasanja. Za je glasalo 29, protiv ništa, suzdržano ništa.

Konstatujem da je Skupština usvojila Zaključak Kluba SDP BIH.

S obzirom da se više niko ne javlja za raspravu, zaključujem raspravu i predlažem da Skupština po Nacrtu zakona o podršci povratnicima u Srebrenicu donese sljedeće Zaključke:

1. Utvrđuje se Nacrt zakona o podršci povratnicima u Srebrenicu;
2. Javna rasprava održat će se u kantonalnim organima, jedinicama lokalne samouprave, naučnim i stručnim ustanova i trajat će 60 **dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o podršci povratnicima u Srebrenicu.

Molim zastupnike da pristupe izjašnjavanju o predloženim zaključcima, a službu da pripremi anketu za glasanje. Zaključujem glasanje. Molim službu da objavi rezultate.

ZA JE GLASALO 32 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVE ZAKLJUČKE.

U grupi smo imali zahtjev za pauzom. Pa da vidimo samo da li je to pola sata ili sat vremena. Zamolio bih.

Poslanik/zastupnik Mahir Dević.

Pola sata predsjedavajući, ovo koliko je poslovnički za klub, to je naš zahtjev. Može i manje, može 20 minuta, samo da se pripremimo.

Predsjedavajući:

Evo imamo još jedan zahtjev za pola sata. Znači ukupno sat vremena pauze. Molim službu da pripremi anketu a zastupnike da se izjasne. Zaključujem glasanje. Molim službu da objavi rezultate. Za je glasalo 20, protiv ništa, suzdržano 1.

Konstatujem da je usvojen zahtjev za pauzom od sat vremena.

Nastavljamo ponovo u 16,00 sati.

NASTAVAK NAKON PAUZE

Predsjedavajući:

Nastavljamo dalje sa sjednicom Skupštine Kantona Sarajevo .

AD – 5.

PRIJEDLOG ODLUKE O POTVRĐIVANJU MINISTARA U VLADI KANTONA SARAJEVO

Materijal ste dobili uz poziv za sjednicu. Molim predstavnika Predlagača da podnese uvodne napomene.

Dopredsjedavajuća Danijela Kristić:

Hvala. Uvažavajući Presudu Ustavnog suda FBiH koji je donosio presudu da je Zakon o izmjena i dopunama Zakona i djelokruga organa uprave i upravnih organizacija Kantona Sarajevo neustavan, Skupština Kantona Sarajevo na 34. radnoj sjednici je pokrenula ponovnu proceduru usvajanja navedenog Zakona. Skupštinskom većinom glasova isti je i usvojen. Na adresu Skupštine Kantona Sarajevo stigla su dva zahtjeva kojim se traži sazivanje sjednice i donošenje odluke o potvrđivanju ministara. U zahtjevu koji je uputio premijer Kantona Sarajevo Edin Forto navedeno je da se zbog različitih pravnih tumačenja ali i različitih tumačenja skupštinskih zastupnika i zastupnica po predmetnom pitanju, te temeljem pisanog zahtjeva kolega iz SDA, zahtjeva od Skupštine Kantona Sarajevo provođenje procedure i donošenje Odluke o potvrđivanju ministara kako slijedi:

1. Enver Hadžiahmetović, ministar Ministarstva komunalne privrede, infrastrukture, prostornog

uređenja, građenja i zaštite okoliša;

2. Melika Husić-Mehmedović, ministrica Ministarstva za nauku, visoko obrazovanje i mlade;

3. Naida Hota-Muminović, ministrica Ministarstva za odgoj i obrazovanje;

Temeljem zahtjeva kolega iz SDA i svega navedenog u njemu, te zahtjeva premijera Edina Forte, komisija za izbor imenovanje i administrativna pitanja održala je sjednicu dana 21.04.2021.godine. Na sjednici je navedena odluka usvojena jednoglasno. Te u skladu sa članom 37. Poslovnika Skupštine Kantona Sarajevo utvrdila Prijedlog odluke o potvrđivanju ministara koju vam dostavljamo na razmatranje i donošenje.

Radi javnosti predsjedavajući, a neću oduzeti puno vremena, pročitat ću i sam Prijedlog odluke:

Na osnovu člana 21. Ustava Kantona Sarajevo, člana 6. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo i člana 117. Poslovnika Skupštine Kantona Sarajevo, predlaže se Skupštini Kantona Sarajevo da usvoji sljedeći Prijedlog

ODLUKE

O POTVRĐIVANJU MINISTARA U VLADI KANTONA SARAJEVO

Potvrđuju se ministri u Vladi Kantona Sarajevo:

1. Enver Hadžiahmetović, ministar Ministarstva komunalne privrede, infrastrukture, prostornog uređenja građenja i zaštite okoliša;
2. Melika Husić-Mehmedović, ministrica Ministarstva za nauku, visoko obrazovanje i mlade-
3. Naida Hota-Muminović, ministrica Ministarstva za odgoj i obrazovanje;

II

Ova odluka stupa na snagu danom donošenja i objavit će se u „Službenim novinama Kantona Sarajevo“.

Toliko.

Predsjedavajući.

Zahvaljujemo se dopredsjedavajućoj Kristić. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu. Molim zastupnike da... Evo imam prijavu zastupnika Zahiragića.

Poslanik Haris Zahiragić:

Da li se čujemo predsjedavajući? Izvinjavam se što sam zakasnio s prijavom s obzirom da konekcije nešto kasne (smetnje), vjerovatno radi toga. Ova odluka o potvrđivanju tj o imenovanju ova tri ministra govori u prilog činjenici da sam vam ja i da su vam kolege iz Kluba SDA sve vrijeme bili u pravu kada smo govorili. Dakle radi gledaoca i radi javnosti da pređemo samo kratko retrospektivu. Dakle skupštinska većina prije nego što je imenovala Vladu donosi na prijedlog klubova vladajućih stranaka Zakon o organizaciji organa uprave tj izmjene Zakona po kojim definišu nova tri Ministarstva. Mi ih tada upozoravamo da to nije zakonito, nije ustavno, nije u skladu s Poslovnikom niti jednom odredbom pozitivnom pravnom, oni insistiraju da jeste i takav Zakon usvajaju. Nedugo nakon toga, Ustavni sud po apelaciji tj po zahtjevu za ocjenu ustavnosti donosi Presudu kojom utvrđuje da su te izmjene Zakona neustavne i da nisu u skladu s Poslovnikom itd. Ne samo proceduralno. Da ne oduzimamo puno vremena, puno smo o tome govorili. Mi tada upozoravamo da bi se ispoštovala presuda Ustavnog suda bilo bi dovoljno da se postupi po ranijem Zakonu, dakle prije izmjena, da se imenuju ministri starih ministarstava a da eventualno ukoliko želi vladajuća većina da provodi politiku koju su oni odredili sa novim Ministarstva, da u redovnoj proceduri promijene zakoni tek onda imenuju nova tri ministra. Na žalost to se nije desilo. Nego je ponovo po istoj proceduri, hitnoj na isti način donesen isti Zakon. Kako bi se ispoštovala presuda Ustavnog suda u kojoj piše da je u takvoj proceduri zabranjeno donositi bilo kakav akt, pogotovo takav Zakon. Na toj sjednici, možete pogledati stenogram, možete premotati na YouTube sjednicu Skupštine tada, lično sam govorio evo OK sve da je u redu to što vi uradite i sve kada Ustavni sud ne bi oglosio neustavnim to što ste uradili, ponovo. Evo sve i kada ne bi bio podnesem zahtjev za ocjenu ustavnosti morate imenovati ministre. I postavlja se pitanje šta je sa periodom od skoro dva mjeseca u kojem su bili ministri u tom vakuumu. Tada dobijamo uvjeravanje tadašnje ministrice i današnje ministrice, doduše u ostavci, p pravde da (smetnje) vladajuće većine ivše puta kako na Skupštini Kantona Sarajevo tako i u javnim istupima na TV kako nema potrebe da se imenuju ministar, da eto nisu oni bili osporeni nego da im je bilo osporeno Ministarstvo na čijem su čelu. Dakle doslovno nama su tada govorili predstavnici stranaka vladajuće većine, predstavnici (smetnje) Vlade i na Skupštini, u medijima da oni nisu, dakle ministri bez ministarstava i da eto ne treba se ponovo imenovati. Naravno nije trebalo dugo vremena nakon 15 dana, klub SDA nakon što je uputio jedan dopis na odgovarajuće adrese, nakon što su u medijima najavili krivične prijave, vjerovatno ministri su tražili da budu imenovani, jer su oni svjesni da ne mogu biti ministri s obzirom da su i Ministarstva tek nedavno usvojena a da oni nakon toga nisu imenovani. Tada pušta se u proceduru, po zahtjevu premijera, i kolegij prihvata, pušta se u proceduru ovaj proces potvrđivanja tj imenovanja tih novih starih ministara. Uprkos tome nije se pred nama našla odluka o razrješenju ministara kao i odluka imenovanju ministara. U preambuli ove odluke od sada stoji ne sada Zakon Vlade, nego je Zakon o organizaciji uprave, drugi član Ustava stoji sada nego što je stajao u prvoj odluci. Drugi član Poslovnika i sve su to svjesni razlozi što su ovako uradili, što se pokušava ovako uraditi. Međutim postavlja se pitanje, ja sam nedavno bio sam potpuno pogrešno shvaćen postavio javno sam zapravo pozvao građane na fejsbuk profilu, mediji su to prenijeli ne građane apriori da tuže Vladu, kako su to određeni mediji zlonamjerni prenijeli, nego oštećene, ljude koji su državne službenike, privredne subjekte i sve one koji su oštećeni odlukama ove Vlade, a u kojim su učestvovali ovi ministri .na prošloj sjednici opet saznam da su na svim sjednicama Vlade učestvovali ministri kako je to premijer objasnio. Joj ne mogu čak ni da pokušam parafrazirati ono što je on rekao, ali otprilike kazao: istina je da oni nisu radili kao

ministri ali oni su radili kao članovi Vlade. Imenovani po Zakonu koji je osporen nego po Zakonu o Vladi. Tako otprilike je rekao. Kada nije uspio da razvoji premijer Forto činjenicu da u Vladi mogu učestvovati samo ministri i to samo onih ministarstava koji su imenovani, a ovi ministri su bez ministarstava. Evo kao što ste utvrdili da smo u pravu, konačno, i bez imenovanja sve ovo vrijeme učestvovati u radu Vlade, primali platu. Što je najmanji problem od svega, ali evo na simboličnom nivou jeste i to problem. Imali sve beneficije. Rukovodili ministarstvima, donijeli, što je najgore od svega možda donijeli pravilnike, interna akta donosili instrukcije, istupali više puta u javnost, dakle krivično djelo je lažno predstavljanje. Krivično djelo je zloupotreba položaja. Elementi bića svih tih krivičnih djela su ispunjeni radom Vlade i ministara tako neimenovanih sve ovo vrijeme. Mi kada smo upozoravali bili smo najdobronamjerniji. Nismo željeli da likujemo. Nismo željeli da politički dobijemo, nego smo željeli da vratimo stvari u sistem i u neku okvire vladavine prava, kao što je Ustavni sud, (smetnje) svega eklatantan primjer kršenje negiranje principa vladavine prava. Mi sada imamo puno mogućnosti, imali smo i ranije, ali evo sada kada javnost vidi da smo ipak bili u pravu, da podnesemo i krivične prijave i zahtjev za inspekcijske nalaze, upravno inspekcijsko hoćemo. Podnesemo sve akte koji su do sada donosili da pokušamo osporiti, ali evo da nije pandemije, to bi smo zasigurno uradili. I odluku o imenovanju Vlade i svaku odluku ovakve Vlade koju je donijela, to bi prošlo, odgovorno vam tvrdim. Na svakom organu na kojem smo to pitali. I pitanje je ko će odgovarati za ovako nešto. Dakle nezapamćeno za 25 godina Kanton Sarajevo je imao razne loših ljudi u sistemu, imao loših ljudi, loših vođa, međutim nikada nije imao situaciju da se na ovakav način sistem u Kantonu Sarajevo derogira, to mogu posvjedočiti svi ljudi koji su toliko godina u Kantonu Sarajevo. Blokada ovim resorima traju već dugo, to znaju svi ljudi koji su korisnici prava ta najbitnija tri resora, srednje, visoko, građenja, zaštita okoliša, urbanizam, to su vrlo značajne oblasti. Ministara nismo imali. I postavljam ja sada pitanje, jedno retoričko i građanima i vama i sebi samom, ko će odgovarati zato što je Kanton Sarajevo svojim neznanjem, svojom bahatošću, doveo u situaciju da nakon 120 dana od rada Vlade mi tek imenujemo ministre i ako smo to mogli izbjeći samo da smo na početku slušali. Illi barem kada ste mijenjali onaj Zakon o organizaciji uprave nakon presude ustavnog suda da ste na toj sjednici (smetnje), kada smo mi tvrdili da se to mora uraditi, a vi da s ene mora. I opet sada uradite tako kako smo mi tvrdili da mora. I ko je tu kriv. I koliko ćemo u buduće moći mi vama vjerovati kada mi kažemo niste u pravu, vi kažete u pravu smo i opet priznate grešku. To je izgleda (nerazumljivo). Vi mislite da će neka tema prestati biti aktuelna i da onda te vaše greške koje su suštinski opasne po sistem u Kantonu Sarajevo vrlo opasne, da će one biti zaboravljene. A evo mi ćemo se potruditi da ne budu zaboravljene, Klub SDA je na žalost, ali možda sada i nije ispunio obećanje koje je dao javnosti, naime mi smo na jednoj od ranijih pres konferencija najavili pres konferenciju o 100 dana rada Vlade. Međutim s obzirom da nakon sto i nešta dana, 120 skor dana Vlada nema tri značajna ministra, da je ministrica pravde podnijela ostavku, mi nismo imali zapravo šta da govorimo o Vladi koja i ne postoji de fakto. Danas ćete tek imenovati Vladu. Ono što je možda malo karikiram sada ali to je istina nema uopšte biografija ministara, niste nam dostavili biografije ministara. Pretpostavlja se da ih mi znamo jel radi prošlog imenovanja, ali i to je procedura koju ste morali ispuniti itd. I još neka akta fale koja su trebala u prilogu o imenovanju. Vi ovo radite izgleda samo da to riješite, skinete sa dnevnog reda da ne bi smo mi dalje krivičnim prijava. Ali oni nisu bili sami sebi svrha. Ono je za cilj imala da se situacija u Kantonu Sarajevo u jeku pandemije, u jeku ekonomske krize koja nikada gora možda nego u posljednjih godinu dana, ne desi da Kanton Sarajevo ostane bez organa vlasti bez izvršne vlasti, da ministarstava, evo najbanalnijeg primjera, od izdavanja potvrda za vozačke dozvole, kada je osnovno obrazovanje u pitanju, a preko svkih akata u visokom obrazovanju koji su od krucijalnog značaja i sve do ne izdavanja drugostepenih rješenja, u tom najbitnijem Ministarstvu.

Predsjedavajući:
Zastupniče Zahiragić vrijeme, upozoravam vas.

Poslanik/zastupnik Haris Zahiragić:
..situaciju da je stao čitav taj jedan sektor je stao u Kantonu Sarajevo i mi danas to tek rješavamo. Ovaj zaista ne mogu da kažem da sam iznenađen, mogu da kažem da nisam očekivao da će ovakvi potezi nas dovesti u ovakvu situaciju. Međutim ne mogu da vjerujem s kojom količinom indolentnosti nezainteresiranosti.

Predsjedavajući:
Zastupniče Zahiragić ne znam da li ste me čuli, vrijeme. Vrijeme. Vrijeme vam je isteklo za prvu diskusiju pa imat ćete priliku za drugu.

Poslanik/zastupnik Haris Zahiragić:
Pa jel mi vrijeme? OK prihvatom. Eto toliko, ukoliko ima prijavljenih onda ću ja u drugoj diskusiji ostatak kazati. Hvala vam.

Predsjedavajući:
Zastupnica Bibija Kerla izvolite imate riječ.

Poslanik/zastupnik Bibija Kerla:
Rasprava o imenovanju ministara je bespredmetna. Ono što je bilo bilo je. Diskusija treba da se vodi u pravu da Vlada radi svoj posao, imenovati ministre a Vlada da odgovara za svoj rad stanovnicima Kantona Sarajevo. Zato vas molim nemojte da dužimo danas. Ono što je bilo . Bilo je. Klub DF će podržati imenovanje Vlade a ja se nadam da će Vlada opravdati sve to. Hvala lijepa.

Predsjedavajući.
Hvala zastupnice Kerla. Zastupnik Mahir Dević.

Poslanik/zastupnik Mahir Dević:
Zahvaljujem predsjedavajući. Da li se čujemo? Žao mi je što je ovo, ne znam kako je ovo prošlo oko ovih pitanja pa ću probati naravno kroz diskusiju a se osvrnem i na neka pitanja i procedure koje ćemo pokrenuti u narednom periodu. Na samom početku naravno ispred Kluba SDA mi nećemo podržati imenovanje ovih ministara jer su oni ponovo, po našem mišljenju, imenovani u jednom hitnom, neustavnom postupku, koji je već jednom osporen pred Ustavnim sudom a ovaj je naravno postupak ponovljen u fazi osporavanja, tako da nećemo podržati ovakav način imenovanja ministara jer smatramo da je neustavan. Ono što je još jedno važno pravno pitanje pošto vi niste uopće predsjedavajući predvidjeli situaciju u kojoj je ova tri ministra trebalo razriješiti. Znači oni su imenovani na bazi odluke od 05.01. i mi ih nismo razriješili i opet ih imenujemo 05.05. i sada evo ja pitam i vas i sebe i sve nas koja je sada odluka pravno važeća? Odluka od 05.01. ko ju nismo stavili van snage a trebali smo na bazi presude Ustavnog suda odmah to da uradimo poslije 12.03. Ili je na snazi ova od 05.05. Znači mi ponovo ulazimo u jedan pravni kaos u koji nas vi vodite, bez ikakve odgovornosti. Naravno da ćemo mi kao klub insistirati na zakonitosti, na Ustavu na poslovnici, na procedurama itd. Prema tome, ovom prilikom tražimo od Upravne inspekcije Kantona Sarajevo da nam dostavi zvanični stav u pisanoj formi u vezi sa sljedećim: da li je bio osiguran zakonit status državnih službenika i namještenika u Ministarstvu komunalne privrede, infrastrukture, prostornog uređenja, građenja i zaštite okoliša? Ministarstvu za odgoj obrazovanje i Ministarstvu za nauku, visoko obrazovanje i mlade u vremenskom periodu od 12.03.2021. kada je objavljena presuda Ustavnog suda do

05.05.2021.godine. Da li je bio osiguran zakonit status državih službenika u tom periodu? I kakav status su imali državni službenici i namještenici u ova tri navedena Ministarstva? Sljedeće pitanje koje tražimo da nam se odgovori od Upravne inspekcije Kantona Sarajevo da li su zakoniti akti koje su u periodu od 12.03. 2021 do 05.05.2021 godine donijeli ova tri pomenuta Ministarstva? Znači da li ti akti koji su nastali u tim ministarstvima su validni, zakoniti itd. Da li su Naida Hota-Muminović, Enver Hadžiahmetović, i Melika Husić-Mehmedović u naznačenom periodu na zakonit način mogli vršiti funkciju ministara i potpisivati akte ministarstava i da li su takvi akti zakoniti? Prema našim informacijama, koje ne moraju biti tačne, ministri u tom vremenskom periodu od skoro dva mjeseca nisu uopće potpisivali akte koji su bili proizvedeni u tim ministarstvima. Sljedeće pitanje koje tražimo odgovor od Upravne inspekcije Kantona Sarajevo da li su Naida Hota-Muminović, Enver Hadžiahmetović, i Melika Husić-Mehmedović u periodu od 12.03.2021. do 05.05.2021 godine mogli zakonito vršiti poslove rukovodioca organa uprave? Sljedeće pitanje koje upućujemo prema upravnoj inspekciji da li je zakonito da Ministarstvo za odgoj i obrazovanje izdaje akte na memorandumu Vlade Kantona Sarajevo? I uz korištenje pečata Vlade Kantona Sarajevo? Ko je potpisivao takve akte i da li su takvi akti pravno validni uzimajući u obzir nadležnosti i obaveze koje su svakom Ministarstvu posebno propisani? Sljedeće pitanje koje postavljamo prema upravnoj inspekciji glasi da li su Naida Hota-Muminović, Enver Hadžiahmetović, i Melika Husić-Mehmedović u periodu od 12.03.21 do 05.05.21godine imali zakonsko pravo sudjelovati u radu Vlade Kantona Sarajevo? Sljedeće pitanje za tri navedena ministra kakav je njihov radno pravni odnos u periodu od 12.03.21 do 05.05.21 godine? Da li su za svoj rad dobili plaću ili dio plaće te ko im je potpisao isplatu plate u tom periodu od 12.30321 do 05.05.21.godine? Naravno, mi ovo sve pitamo kao opozicija. Upozoravali smo na ove procedure, šta više davali smo i rješenja i izlaz iz ove situacije> naravno nije bilo sluha, nije se željelo nas poslušati ni na koji način i evo vidjeli smo da je i ministrica Brčić u jednom momentu dala ostavku. Ne znam zaista za te razloge ali mogu pretpostaviti da su oni sigurno bili vezani i za ovu stručnu prirodu onoga što je trebalo da se provodi u smislu ovog stanja. I naravno konačno, ponovo sima nama postavljam jopš jednom pitanje, vraćajući nas na sve ono na što smo upozoravali aktuelnu većinu u Kantonu Sarajevo i Vladu Kantona Sarajevo. Šta sada uvaženi predsjedavajući , a i vas smo to pitali, ako ponovo Ustavni sud ospori proceduru donošenja tog Zakona? Koliko će građani Kantona Sarajevo izgubiti vremena da dobiju ustavnu Vladu? Znači ja se uistinu nadam da ste vi svjesni u koje procese i u koje procedure nas vodimo, a naravno mi ćemo nastaviti da tražimo odgovore na sva ova pitanja. Način na koji se problem gurao pod tepih u trajanju od dva mjeseca dana, kao da se ništa ne dešava., kao nije to važno pitanje. Pa do ovog danas vrhunca, da mi odluku od 05.01. kao skupština, kao zakonodavani organ ne stavljamo van snage iako je ona posljedica neustavnog Zakona, a onda ponovo 05.05. imenujemo ljude ponovo iste na šta? Na koju funkciju? Koja odluka u ovom momentu pravno važeća? Mi vas naravno kao konstruktivna opozicija upozoravamo, na sve ovo, i tražit ćemo naravno sve ove akte kada nam dostavi Upravna inspekcija Kantona Sarajevo i svi nadležni organi u Kantonu Sarajevo, ova sva pitanja koja sam pobrojao. Naravno dostavit ćemo i pismenoj formi prema Upravnoj inspekciji Kantona Sarajevo i svaki pojedinačni akt ukoliko bude bilo potrebe mi ćemo izanalizirati jer smo upozoravali na ovu vrstu priče. I bojimo se da idemo korak još dublje u problem. Naravno vrijeme je pred nama, pokazat će ponovo. Volio bih zaista da ne budemo ponovo u pravu jer možemo ući u još veći problem Kantona Sarajevo. Pravni da ga uvedemo iz tog stanja naravno nećemo izaći tako što ćemo se praviti da se ništa ne dešava. Ovo su preozbiljne stvari koje je trebalo rješavati na vrijeme. Na žalost mi danas ne vidimo ni odluku o razrjeđenju tih ministara a imamo novu odluku o potvrđivanju. Znači ljude dva puta potvrđujemo po istoj proceduri zakonskoj, bez da ih prethodno razriješimo. Nevjerovatna stvar. Hvala predsjedavajući.

Predsjedavajući:

Zastupnik Zvonko Marić. Oprostite zastupnica Bišćević-Tokić pa onda zastupnik Zvonko Marić.

Poslanik/zastupnik Jasmina Bišćević-Tokić:

Hvala predsjedavajući. Pa evo prije svega moram napomenuti kolegicu svoju cijenjenu Kerlu da u suštini danas mi nećemo potvrditi cijelu Vladu i to je vrlo bitno, mi ćemo na žalost opet potvrditi tri ministra kao što je rekao kolega Dević koje smo potvrdili 05.01.2021.godine. Ono što je frapantno jesu dokumenti koji su dostavljeni nama kao zastupnicima sa kojima danas trebamo da radimo, a to je da je premijer Vlade Kantona Sarajevo podnio zahtjev Skupštini za donošenje Odluke o potvrđivanju ministara u kojem je naveo nećete vjerovati, da zbog različitih pravnih tumačenja po pitanju statusa članova Vlade vezano za presudu Ustavnog suda, poziva se i na zahtjev Kluba SDA za imenovanje novih ministara da se provede procedura i da se donese Odluka o potvrđivanju imenovanja ministara. Baš me zanima na koja u suštini različita pravna tumačenja premijer Forto se poziva i da li je uopšte tražio od Ureda za zakonodavstvo mišljenje za ta različita pravna tumačenja a vezano je za ovo pitanje? Pretpostavljam da nije tražio jer ne bi ovako dostavio materijal zastupnicima u Skupštini Kantona Sarajevo, niti je obrazložio i na neki način htio nas vjerovatno dovesti u zabludu oko potvrđivanja ovih ministara. U preambuli prijedloga odluke naravno što me ne čudi, nije naveden nikakav pravni osnov za potvrđivanje ministara osim što se pozvao na član 21. Ustava Kantona Sarajevo koji se u suštini odnosi na nadležnost Skupštine za donošenje odluke i član 117. Poslovnika Skupštine koji ista nadležnost za donošenje odluka, te član 6. Zakona o izmjenama i dopunama Zakona o organizaciji organa uprave kojim je propisano da tri novoosnovana Ministarstva počinju sa radom stupanjem na snagu upravo tog Zakona, odnosno 09.04.2021. koji je Skupština Kantona Sarajevo na prošloj sjednici usvojila. Znači premijeru, vi nemate nikakav pravni osnov uopšte da bi donijeli odluku o potvrđivanju ministara, ali ste uredno nama dostavili Prijedlog odluke u proceduru za donošenje. Ne moram vas podsjećati da je Skupština na sjednici održanoj 05.01. donijela odluku o potvrđivanju ove Vlade a kojem je prethodilo donošenje Zakona upravo koji je Ustavni sud FBiH presudom koja je objavljena u službenim novinama 12.03. utvrdio da je neustavan te da se isti u skladu sa članom 40 prestao primjenjivati od dana objavljivanja presude Ustavnog suda u službenim novinama, i tačan datum kada je izašlo u Službenim novinama je 13.03. mene zanima kao i mnoge građane Kantona Sarajevo šta je sa periodom od 13.03. do 09.04.2021.godine? Premijeru to je period koji predstavlja prazninu od 29 dana. Šta je sa ministarstvima, šta je sa ministrima, šta je sa odlukama, rješenjima koje su donosili, jesu li primali plate, šta je sa platama i sa drugim obavezama? Slušala sam vas na gostovanju na jednoj TV kući gdje ste rekli da su trenutno ministri na hladnom programu. Mene zanima, znači, imamo ministre koji rade na hladnom na vrućem programu? To ću dostaviti kao zastupničko pitanje da mi obrazložite koji je to hladni program po vama da su ovi ministri radili, koji su bili neustavni? Znači praznog prostora imamo 29 dana. Ali to su sve pitanja koje je kolega Dević pobrojao koje će biti upućeno raznim inspekcijama, kao i naravno Uredu za borbu protiv korupcije i od kojeg ćemo insistirati da da svoje mišljenje. Članom 12. Zakona o izmjenama i dopunama Zakona o organizaciji i upravnih organizacija Kantona propisano je da Ministarstva iz člana 6 ovog Zakona su sljedbenici svih pravnih akata, radnji i preuzetih obaveza istoimenih ministarstava koja su funkcionisala do objavljivanja presude, što znači da je to do 13.03. a Zakon je stupio na snagu 09.04. jer su suštini novoosnovana ministarstava tada počela sa radom. Ovaj Zakon je ostavio tu prazni dio 29 dana. On nije predvidio kontinuitet za taj period. Zakon ne poznaje kontinuitet rada ministarstava. Mene zanima šta je on kao premijer i njegova Vlada poduzela po tom pitanju jer nemate premijeru kontinuitet za taj period? Imate samo prazan hod. I mene zanima hoćete li vi snositi odgovornost kao prvi čovjek ispred Vlade Kantona Sarajevo za ovakve posljedice koje su se dešavale u

Ministarstvu. Već sam vas pitala za mnoge brojne ugovore koji su potpisvani. Ministarstva koja su na čelu sa ministrima koji su odlukom Skupštine.

Predsjedavajući:

Ispravka krivog navoda, zastupnica Vildana Bešlija.

Poslanik/zastupnik Vildana Bešlija.

Hvala predsjedavajući. Morala sam reagovati na diskusiju zastupnice, vidim da je žustro ostrašćena ali zaista moram da reagujem, premijer nije predao ovo, ovo je predala komisija i to bi zastupnica trebala da zna. Samo toliko, hvala vam.

Poslanik/zastupnik Jasmina Bišćević-Tokić:

Jel mogu ja nastaviti predsjedavajući. Drago mi je da kolegica Vildana Bešlija poslije pet minuta moje rasprave se probudila. Tri Ministarstva na čelu s ministrima koji su odlukom Skupštine o potvrđivanju ministara od 05.01. imenovani za ministre, tačnije Ministarstvo komunalne privrede, infrastrukture, prostornog uređenja, građenja i zaštite okoliša, Ministarstvo za odgoj i obrazovanje i Ministarstvo za nauku visoko obrazovanje i mlade su prestali sa radom nakon objave presude Ustavnog suda 11.03. na žalost imamo navedena Ministarstva koji su počeli sa radom tek 09.04. prestankom sa radom Ministarstva prestali su sa radom i ministri, bili oni na hladnom pogonu, ili na vrućem pogonu, premijeru Forto. S o obzirom da sam već rekla da Zakon o Vladi nije predvidio ovu situaciju, evo ja ću da ne kažu, kao što kaže kolegica Bešlija Vildana da smo ostrašćeni, evo ja ću vam u principu reći koja je situacija da bi mogli riješiti ovo na sljedeći način. Znači to vam je član 9 stav 3) Zakona o Vladi Kantona Sarajevo koji propisuje da u slučaju da mjesto člana Vlade ostane upražnjeno, što je naravno u ovoj slučaju se i desilo, jer su prestala sa radom Ministarstva na čijem su čelu bili imenovani, član Vlade se imenuje u roku od 30 dana od dana kada je mjesto člana Vlade ostalo upražnjeno na način naravno utvrđeno Ustavom, do kada funkciju ministra Ministarstva kojim je rukovodio dotadašnji ministar, obavlja član Vlade kojeg odredi premijer. Već smo imali takvu situaciju u prošlom sazivu Vlade i ministar iz stava 3) ovog člana kojeg odredi premijer ne obavlja i funkciju člana Vlade umjesto odsutnog ministra. Shodno članu 13. Zakona o Vladi Kantona Sarajevo, kojim je propisano da ako premijer prihvati ostavku pojedinog člana Vlade ide rješenje o razrješenju, koje potvrđuje Skupština Kantona, na prvoj narednoj sjednici ministar može obrazložiti ostavku u Skupštini Kantona Sarajevo. Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja ovog člana. S tim u vezi, ministri su trebali podnijeti ostavke, premijer je trebao prihvatiti ostavku pojedinog člana Vlade a rješenje o razrješenju smo mi kao Skupština Kantona Sarajevo morali potvrditi na prvoj narednoj sjednici. Ministar naravno može obrazložiti ostavku u Skupštini a i ne mora. Premijer će novog člana Vlade predstaviti na sjednici Skupštine Kantona Sarajevo, zatražiti glasanje o potvrđivanju imenovanja tog člana u zakonskom roku, što je već kolega Dević rekao da se to ovdje nije desilo. Navedene procedure su se trebale primijeniti a u principu ne ova koju nam je predložio premijer Vlade Kantona Sarajevo kojim traži potvrđivanje imenovanja. Smatram da je donošenje navedenog prijedloga odluke o potvrđivanju imenovanja ministara opet u suprotnosti sa zakonom. Zahvaljujem se predsjedavajući.

Predsjedavajući:

Zastupnik Zvonko Marić. Izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Dakle, neću stvarno dugo, samo ću u najkraćem podsjetiti na jednu svojevrsnu hronologiju koja se dešavala kada se desila disolucija kluba SDA, tada nije

bilo više kapacitiranosti tadašnje parlamentarne većine naravno i mi potpuno u SBB svjesni političke realnosti dali smo podršku za novu realnost a to je da parlamentarna većina koja se okupila. Dakle nova parlamentarna većina. I tada smo iako smo ubrzavali procedure bili optuživani od pojedinih ljudi iz četvorke ili trojke da opstruismo procedure i da kupujemo vrijeme. Međutim mi smo zaista na djelu pokazali jedan korektan odnos da prihvatamo novu političku realnost i dali smo podršku novoj Vladi. Čak i neki koji danas sjede u takoreći u toj parlamentarnoj većini nisu glasali. Mi to jesmo. I da vas podsjetim znali smo da će nova parlamentarna većina sasvim sigurno krenuti u formiranje vlasti ali nismo očekivali da će tako ići usporenim koracima iako se otvaraju mogućnosti. Pa smo i na Klubu Bošnjaka kazali da ćemo i što se tiče rukovodstva Skupštine biti na neki način korektni i glasati za novu skupštinsku većinu. Dakle i to se tako završilo. Međutim, nismo očekivali baš ovako olako obećanu brzinu i rekao bih na neki način površnim pristup jer je to odluka Ustavnog suda ili apelacija potvrdila da je takav. I na neki način u redovnoj proceduri da se sve radilo, da se radilo sistemski, da se radilo na neki način ozbiljno, sasvim sigurno ne bi došli u ovakvu situaciju da dođe do pravne neizvjesnosti, da dođe do pravne nesigurnosti zaposlenika, da trpe u tim određenim resorima svi korisnici, zaposlenici prije svega. Vapaj njih, 90 je dolazio i do nas, jer nisu uplaćivani samodoprinosi, PIO, zbog čega se osjetila poprilično velika pravna nesigurnost, što se njihovog statusa tiče. Itd. Nezgodno je vrijeme bilo za te svojevrsne pravne vratolomije i procedure koje na neki način i ta pravna klackalica bila nam je potpuno bespotrebna, i nekako smo krenuli nekim pravnim bespućima. I ono što bih još kazao, eto nakon apelacije pokazalo se šta jeste i znamo koliko je na neki način reducirani rad bio Vlade zbog činjenice da su četiri Ministarstva vrlo upitna, tri ministra i oni su bili apsolutno nesigurno i nadam se da sam u pravu kada tvrdim da su oni bili na neki način, strahovali u nekoj vrsti neizvjesnosti šta će se dalje dešavati. Sada kada čujemo kolege iz SDA da najavljuju i vidi se na temelju njihove diskusije vrlo detaljno da se pripremaju za neku novu apelaciju, znači nagovještavaju još određeni stres za ministre koji će biti ovdje ne imenovani, evo kako se koristi termin potvrđeni, odnosno potvrđeno njihovo imenovanje. Mi kako smo onda realnost političku shvatali, shvatamo i sada. I naša je želja i opredjeljenje i mislim da je to potpuno normalna ambicija da podržavamo sve što je dobro za građane i ove procese koji će uslijediti i iz tog razloga ponovo ćemo podržati potvrđivanje iako smo svjesni da je to poprilično velika neizvjesnost i da može doći do neke pravne praznine itd. Šta ja znam jer se otvara pitanje šta ukoliko Ustavni sud ocijeni da je način imenovanja ili potvrđivanja ovih ministara opet bio pogrešan. Zaista to je veliki rizik i nadam se zbog toga i ima svrhu ova moja diskusija da kažem da SBB će podržati potvrđivanje ovih ministara sve u želji da funkcioniraju procesi u Kantonu Sarajevo. Međutim, ukoliko opet dođe do nemilog ishoda, nemilog za korisnike resora o kojima govorimo i naravno i zaposlenike u tim resorima, onda mislim da bi bilo korektno, vrlo korektno, isto kao što mi nastupamo korektno, da ta parlamentarna trojka, ili većina ili četvorka ne znam već kako, da preuzme punu odgovornost za eventualne konsekvence za eventualne posljedice koje će uzrokovati ovakav način potvrđivanja ministara. Dakle SBB će podržati ali još jednom se ograđujemo od onoga što bi moglo da uslijedi ukoliko apelaciona odluka odnosno ocjena Ustavnog suda bude kao u prethodnom slučaju. Hvala.

Predsjedavajući:

Zastupnik Dević druga diskusija.

Poslanik/zastupnik Mahir Dević:

Hvala predsjedavajući. Ja sam kada smo ponavljali ovaj Zakon ponovo po hitnoj proceduri, odnosno hitnom postupku a na redovnoj sjednici Skupštine Kantona Sarajevo pitao tadašnju ministricu da li će dati ostavku ukoliko se ponovo pokaže da je ta procedura neispravna, ne sluteći da će to ministrica uraditi i ranije. Da li ona nešto naslućuje, ili predosjećajući da bi se

moglo desiti, ne mogu to zaista da špekuliram, međutim činjenica je sljedeće: vrlo je rijetka situacija u sudovima da za jedno te isto pitanje naprave drugu praksu. Znači mi imamo već jednom praksu kada je ovaj Zakon u pitanju i jasne stavove Ustavnog suda da se taj Zakon nije mogao provesti na ovakav način. I upozoravali smo to i šta više, davali rješenje i rekli potvrdite Vladu na toj istoj sjednici u starom sazivu. Krenite u nacrt, smanjite javnu raspravu i danas bi vi vjerovatno imali situaciju da u potpuno legalnom procesu potvrdite Vladu. Znači Klub SDA vam je predlagao bržu proceduru za vas, sto posto čistu sigurnu i čistu bez apelacije. Vi ste odlučili da uđete u proceduru nove apelacije i u novo imenovanje Vlade, ovaj put još gore znači bez da ste te ljude razriješili. Bez da ste odluku od 05.01. stavili van snage. To je zaista nevjerovatno. Naravno i ja ovo što je kolega Marić od vas tražim jednu punu odgovornost. Ukoliko se sada još jednom potvrdi, peti put, da smo mi bili u pravu oko ove situacije ne samo da treba (smetnje) kao prvi i najodgovorniji. Maloprije je kolegica Vildana kazala da to nije bio zahtjev premijera Forte. Jeste. Premijer Forte je poslao zahtjev prema Skupštini kantona da se ovi ministri potvrde. Znači to je bio njegov zahtjev zvaničan dokument sa pečatom, potpisom, obrazloženje onako bilo vrlo nejasno na način da kaže postoje različita pravna tumačenja. U ovoj konkretnoj situaciji ne postoje različita pravna tumačenja. To sada što je komisija za izbor i imenovanja trebala da pripremi dva akta a ne jedan, to je sada drugo pitanje. Komisija za izbor i imenovanje je trebala da pripremi akt o razrješenju i akt o ponovnom imenovanju, odnosno potvrđivanju kako ga definiše Poslovnik o radu Skupštine Kantona Sarajevo. Na kraju ću još jednom kazati, ja volio bih da ovaj put pogriješimo, jer ćemo onda doći u situaciju da ćemo potrošiti vjerovatno godinu na neka dva rastavljanja Ministarstva, na jedan neustavan rad tih ministarstava i na kraju ćemo potrošiti cijelu godinu a nećemo se pomaknuti s mjesta samo iz tog razloga što provodimo politiku neracionalnu. Završavam jednu rečenicu samo. Zato što provodimo politiku neracionalnu, zato što provodimo politiku sile, zato što provodimo inat politiku, ne slušamo argumentaciju, struku, apriori odbacujemo sve što Klub SDA predloži u Skupštini Kantona Sarajevo. Mi tako ne radimo, mi smo danas pozdravili usvajanje Zakona nacrta o povratnicima o Srebrenici, iako ga treba doraditi. Hvala predsjedavajući. Izvinjavam se ovu jednu minutu što sam malo produžio.

Predsjedavajući:

Zastupnik Haris Zahiragić druga diskusija. Da li se čujemo? Ne čujemo vas. Ne znam.

Poslanik/zastupnik Mahir Dević:

Pa napravite pauzu jednu dvije minute dok se uspostavi mogućnost kolegi da diskutuje, pošto je čini mi se zadnji prijavljeni, nema više niko iza njega.

Predsjedavajući:

Zato ne možemo praviti pauzu. Evo sačekat ćemo ga kratko da vidimo može li otkloniti tehnički problem, ako ne onda moramo ići dalje.

Poslanik/zastupnik Mahir Dević:

Eto minut, dva omogućite mu da diskutuje.

Predsjedavajući:

Ne čujemo vas opet. Žao nam je kolega Zahiragiću, ne možemo više čekati. Bit će prilike.

Poslanik/zastupnik Mahir Dević:

Pauza predsjedavajući, Klub SDA 15 minuta, da samo kolega dođe do riječi. Koristim tu mogućnost jer nemam drugog rješenja da omogućim kolegi da ima drugu diskusiju.

Predsjedavajući:

Pauza 15 minuta na zahtjev Kluba SDA.

NASTAVAK NAKON PAUZE

Predsjedavajući:

Evo nastavljamo dalje. Kolega Zahiragić je otklonio tehničke probleme. Izvolite, imate riječ, možete nastaviti.

Poslanik/zastupnik Haris Zahiragić:

Hvala predsjedavajući. Nadam se da će sada biti u redu sve. Dakle kao što sam u prvoj diskusiji kazao, iznio sam otprilike najveći broj kritika na ovakav način postupanja i hronologiju koju ste rekli. Kasnije su kolegica Bišćević-Tokić i kolega Dević kazali ostatak onih razloga koji jesu problemi. S obzirom da nemam puno vremena u drugoj diskusiji, zaista bi se puno toga imalo kazati, a možda o tome kažemo na nekoj od narednih pres konferencija o 100 dana rada Vlade kada konačno i bude imenovana Vlada nakon 120 dana. Moram citirati premijera Fortu sa posljednje sjednice Skupštine Kantona Sarajevo koji je kazao, citiram: „ tri člana Vlade koja su bila u trenutku donošenja presude o neustavnosti Zakona su bili i dalje članovi Vlade samo su resori u skladu sa presudom Ustavnog suda nisu obavljali svakodnevne dužnosti, nisu valjda vodile te resore ali ono što su radili po drugom Zakonu jer su po njemu imenovani, iako ovaj sada put po njemu ne imenujemo ih, punopravno odlučivali o radu Vlade”. Premijer Forto ne znam šta je uopšte pokušao ovim da kažem ali evo otprilike gledaoci mogu da vide na koji način ovako ozbiljne teme premijer Kantona Sarajevo o govori. Kažu nisu bili ministri, jer nisu radili ništa tamo, ali su radili kao članovi Vlade jer su bili punopravni članovi Vlade. Dakle nisu bili ministri jer nije bilo ministarstava bil su članovi Vlade. To je nevjerovatno, nečuveno, nikada se u Kantonu Sarajevo takve stvari nisu dešavale. Ali evo kao što je ekspertna Vlada i u drugim oblastima pokrenula revolucionarne neke projekte i procese, tako su u oblasti ustavnom prava, vladavine prava, Zakona o Vladi, Zakona o organizaciji uprave, pokrenuli ova revolucionarna rješenja i revolucionarna obrazloženja. S tim u vezi najavljujem da ćemo napraviti pres konferenciju, da ćemo detaljnije ovo prokomentarisati, najavljujem da ćemo pravne poteze povući. Ne radi ministara, s obzirom da smo dali šansu ovim ljudima koji nisu krivi, koji su bili primorani, samo mi je žao što su pristajali na to da se predstavljaju kao ministri u javnosti. Čine krivično djelo time, iako nisu ministri, evo danas to vidimo jer ima krivično djelo koje se kaže lažno predavljanje to propisuje da ono lice koje se predavlja kao službeno lice, a to nije bit će kažnjeno kaznom zatvora itd. Ne želimo mi tim ljudima, neki od njih nisu imali priliku da se dokažu, specifično dvije ministrice koje su prvi put tu, nismo mi željeli njima da zagorčavamo živote, nismo željeli da na tom nivou radio i podnosimo prijave, međutim nismo ni očekivali da će sve ovo vrijeme se oni ponašati kao ministri, da će premijer ignorantski na takav način se odnositi, razdvajati ulogu ministra u njegovom resoru i ulogu ministra u Vladi, što je nečuveno. Ja predlažem ovim ministrima da sve što su donijeli ranije, sve ponište, pravilnike , sistematizacije, sve razmještaje, rješenja, koja su donosili, sada su nevažeći, Ustavni sud, samo da završim rečenicu. Da ne nabrajam koji član pošto nemam vremena, pročitaju Poslovnik o radu i Zakon o radu FBiH neka vide koje sve posljedice proizilaze za akte koji su doneseni na osnovu neustavnog Zakona odnosno drugog akta. Dakle se što su donijeli, sve bi trebalo biti ništavno. Ja njih pozivam da oni sami ponište nego da ljudi zahtjevima pojedinačnim. Što kasnije budu poništavani to će veće posljedice nastupiti za Kanton. Hvala predsjedavajući, izvinjavam se na smetnjama tehničkim i na vremenu koje sam možda prešao.

Predsjedavajući:

S obzirom da nema više prijavljenih zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU MINISTARA U VLADI KANTONA SARAJEVO.

Molim službu da pripremi anketu za izjašnjenje. Zaključujem glasanje, molim službu da objavi rezultate.

Evo uvažiti ćemo vaš glas.

ZA JE GLASALO 25 ZASTUPNIKA, PROTIV 5 I SUZDRŽANO NIŠTA.

KONSTATUJEM DA JE SKUPŠTINA DONIJELA OVU ODLUKU.

Tačka šest:

AD – 6.

PRIJEDLOG ODLUKE O IZMJENAMA I DOPUNAMA ODLUKE O DONOŠENJU KANTONALNOG PLANA ZAŠTITE OKOLIŠA KANTONA SARAJEVO

Materijal ste dobili u dopuni. Molim predstavnika Predlagača da podnese uvodne napomene.

Poslanik/zastupnik Elmedin Konaković:

Imate dvije poslovničke intervencije u grupi.

Predsjedavajući:

Tek smo sada vidjeli. Poslovnička intervencija zastupnik Elmedin Konaković. Prva Danijela Kristić jel?

Dopredsjedavajući:

Zahvaljujem predsjedavajući. Zbog novonastale situacije i potrebe za hitnim djelovanjem predlažem da se tačka 8. Izvještaj o radu i finansijskom poslovanju KCUS za 2019 prebaci i razmatra sada. Molim vas predsjedavajući da ovo stavite na glasanje. Hvala.

Predsjedavajući:

U redu. Stavljam inicijativu zahtjev dopredsjedavajuće Danijela Kristić da se tačka Izvještaj KCUS stavi kao sljedeća tačka dnevnog reda. Molim službu da pripremi anketu a zastupnice i zastupnike da se izjasne.

Zaključujem glasanje. Molim službu da objavi rezultate.

Za je glasalo 21. protiv ništa, suzdržanih ništa. Konstatujem da Skupština prihvatila zahtjev inicijativu zastupnice Danijele Kristić da se Izvještaj o radu i finansijskom poslovanju KCUS razmatra kao sljedeća tačka.

Imamo još dvije poslovničke intervencije. Zastupnik Zahiragić pa zatim zastupnik Dević.

Poslanik/zastupnik Haris Zahiragić:

Predsjedavajući, s obzirom da su tri ministra imenovani oni su morali podnijeti zakletvu Skupštini Kantona Sarajevo. Nemojte opet da nastavljamo da rušimo sistem Kantona Sarajevo. I pozivam vas da vratite se na onu raniju tačku ja sam odmah napisao dok je kolegica Danijela je prije mene vjerovatno, pa zbog toga. Da se vratimo, da ministri podnesu zakletvu Kantona Sarajevo, da se obrate građanima s obzirom da su tek sada imenovani. To je formalni dio procedure.

Predsjedavajući:

Zastupnik Mahir Dević.

Poslanik/zastupnik Mahir Dević.

Ista stvar predsjedavajući. Tražimo da ministri polože zakletvu pošto su imenovani danas i onda evo ovu tačku kako ste zamijenili da raspravljamo.

Predsjedavajući:

Uvažene zastupnici vaš zahtjev nije naišao na potrebnu većinu, nastavljamo dalje.

AD – 8.

IZVJEŠTAJ O RADU I FINANSIJSKOM POSLOVANJU KLINIČKOG CENTRA UNIVERZITETA U SARAJEVU ZA 2019. GODINU

Materijal ste dobili u dopuni. Molim predstavnika Predlagača da podnese uvodne napomene.

Premijer Edin Foto:

Predsjedavajući čujete li me? Evo pozivam jel iko došao iz KCUS, jesu li dobili poziv i da li se iko pojavio ispred KCUS da nam predstavi ovaj Izvještaj. Ako jeste ja bih njima dao riječ.

Predsjedavajući:

Da li imamo nekoga od predstavnika iz KCUS?

Predstavnik KCUS Edo Hasanbegović: UVODNO IZLAGANJE

Predsjedavajući:

Zahvaljujemo se. Da li predstavnici radnih tijela žele riječ? Ima li pitanja? Otvaram raspravu. Zastupnik Elmedin Konaković se prijavio za diskusiju. Imamo prijavu zastupnika Elmedina Konakovića, izvolite imate riječ. Zastupniče Konaković da li se čujemo? Slabo vas čujemo, imate tehničkih problema.

Poslanik/zastupnik Mahir Dević:

Dajte da ministri zakletvu polože u međuvremenu dok kolega se pripremi.

Predsjedavajući:

Pauza 10 minuta da se otklone tehnički problemi pa nastavljamo dalje.

NASTAVAK NAKON PAUZE

Predsjedavajući:

Evo nakon pauze vraćamo se nazad. Nadam se da ste zastupniče Konaković otklonili tehničke probleme. Možemo li nastaviti.

Poslanik/zastupnik Elmedin Konaković:

Jel se čujemo predsjedavajući? Hvala predsjedavajući. Nešto nam nije danas s ovom tehnikom OK, čini mi se većini zastupnika. I ja neću danas dugo diskutovati o KC. Rasprave o KC sliče jaje jajetu na koje malo se toga mijenja godinama unazad i teško je bilo šta novo suvislo reći. Kao što vidimo ponovo nema glavne i odgovorne osobe, direktorice KC nije došla još jednom, i ne sjećam se kada je zadnji put bila da kao odgovorna osoba položi račune Skupštini Kantona Sarajevo i građanima Kantona Sarajevo prije svga, jer ljude jako zanima šta se na KC dešava. U ovoj smo godini pokušali napraviti neki vid, i ponovo ovo, moram i to

komentarisati, nekoliko lica koje svaki put pošalje na streljanu jer ljudi nemaju odgovore na sve nagomilane probleme KC osim što ta firma plaća vjerovatno porez na dobit, jer svake godine prikazuje ekonomsku dobit, a iz dobro poznatih razloga, evo mali dio ću ponoviti, svake godine je tu sve manje usluga, sve manje vrhunskih ljekara, sve manje klinika, sve manje prostora. I do ove godine, bilo je svake godine sve više novca. U ovoj smo 2019 zadnji put pokušali napraviti iskorak i sjećam se da sam lično tadašnjoj ekipi koju je poslala direktorica postavili pitanja na koje nisu zaista imali odgovore pa opet nismo htjeli smanjivati Budžet KC, nego smo napravili jedan kompromis pa smo rekli, dobro evo, ove godine još više novca, ali vas molimo da uspostavite pružanje usluga koje su jako bitne, a ne radite ih: oblasti dječije kardiohirurgije, iz oblasti dječje ortopedije, pa smo pričali i tada priče napričali se o urođenim manama, o iščašenim kukovima, skoliozama, i svemu onome što je KC, ma ne mogu reći obećao, ne sjećam se da su oni obećali, nego onome čemu smo ih obavezali da za građane Kantona Sarajevo rade jer smo najveći finansijer, jer se ni iz bliza uloženi novac u KC ne vraća građanima Kantona Sarajevo u vidu usluga. Ponovo iste, oborene glave i progutane knedle od ljudi koji dođu, koji nemaju nikakve odgovore, a eto moraju doći, tako kažu propisi i ponovo bez glavne i odgovorne osobe, koja je danas evo zvijezda dana, pa vidim da se ponovo saopštenjima ratuje kada je riječ o KC i procesima koji su gore eskalirali danas, evo odlaskom 13 anesteziologa. I po onome što ja imam kao informaciju, dakle nedovoljno je ostalo anesteziologa za normalan rad KCUS i čekamo da vidimo šta će se na tom polju eventualno dešavati. Ovo je godina kada su kršili zakone ljudi na višim nivoima vlasti, kada nisu dozvolili da imenujemo ono što nam po Zakonu pripada. Dakle dva člana UO koja bi mogla ono što je nezamislivo ili ono što je zabranjeno, dakle vršiti nadzor nad radom KC, predložili smo prof.dr. Ismeta Gavrankapetanovića i Belmu Kapo kao članove koji su prošli procedure, izabrani na sjednici Vlade tadašnje šestorke, došli kao prijedlog Federalnom ministru zdravstva i naravno iz političkih razloga i na politički način osporeno njihovo imenovanje i mi nemamo legalne predstavnike politika Kantona Sarajevo da možemo bilo šta kontrolisati, nadzirati, izvršiti uvid, jer se pod plaštom (smetnje) očigledno gore kriju mnogo veći problemi nego što ste i sanjali a znali smo da ih ima jako puno. Jer nemamo ni u 2021, ni u 2020 nismo imali mogućnost da nadziremo procese. Pa se prisjetimo šta nam je sve i kome sve zabranila generalna direktorica da uđemo da vidimo, da možemo svjedočiti nekim procesima i zato je viška analizirati njene poslovne rezultate koji su u sferi ekonomije dobri zato što mi dajemo viška para a u sferi pružanja zdravstvenih usluga lošiji nego ikada. Sve su gori i gori. A u sferi kadrovskih i ljudskih potencijala očigledno su do te mjere doživjeli eroziju da je nemoguće uspostaviti normalan rad i funkcionisanje KCUS. Zato ćemo danas naravno podržati ovaj zahtjev koji smo uputili u ime NIP-a dostavljen je zastupnicima na skupštinske mailove, da Skupština Kantona Sarajevo traži ostavku gospođe Izetbegović. Ukoliko ona ne podnese ostavku da hitno Vlada FBiH i resorni ministar Mandić učine sve što je u njihovoj moći kako bi se na čelo ove ustanove dovela osoba koja će voditi računa prije svega o zdravlju građana i uposlenika KCUS. Sve drugo čini mi se da će biti viška, jer sve argumente koje smo do sada podastirali u ovim raspravama odbijali su se od taj politički bedem Federalne Vlade i premijera Novalića, koji jedan od ključnih zadataka ima sačuvati ovaj menadžment KC na čelu sa gospođom Izetbegović. Hvala vam.

Predsjedavajući:

Zastupnica Junuzović-Kaljić. Izvolite, imate riječ.

Poslanik/zastupnik Amra Junuzović-Kaljić:

Hvala lijepo predsjedavajući. Obzirom da nas je evo i tehnički problemi vezano za naš link, i prosto ova prethodna zatražena pauza od deset minuta su me ustvari omeli u tome, ja imam potrebu da postavim jedno pitanje. Ono jeste u ovom momentu možda zakašnjelo, ali pazite, pod pritiskom roditelja i građana Kantona Sarajevo evo telefon je pun tih poruka, itd, kolegu

Hasanbegovića koji je šef Pedijatrijske klinike evo samo sam željela pitati u ime roditelja i građana Kantona Sarajevo da li je ovim današnjim otkazom, odlaskom velikoga broja anesteziologa sa KC, što je nemalo iznenadilo sve i kolege i kolegice u Kantonu Sarajevo i naravno građanstvo, uznemirilo građanstva. Da li je na bilo koji način ugroženo pružanje zdravstvene zaštite djeci i za njihove operativne zahvate i za potrebu pružanja anestezioloških usluga prilikom liječenja odnosno terapije za malu djecu? Kažem, izvinjavam se jednostavno zakašnjelo je, ali ako je u prilici obzirom da je ovo doista danas jedno veliko iznenađenje i zdravstveni profesionalci u Kantonu Sarajevo svi iznenađeni, i građani uznemireni, roditelji pitaju. Hvala vam lijepo.

Predsjedavajući:

Zastupnik Igor Stojanović prijavio se za raspravu.

Poslanik/zastupnik Igor Stojanović:

Hvala predsjedavajući. Također ne mislim dugo diskutovati vezano za KC. Osvrnut ću se samo na način rada u 2019, pričao o tom izvještaju i o pandemiji, jednoj pripremi i onome što se dešavalo unutar KC: ovo danas što imamo, odlazak 13 anesteziologa, ja mislim da je samo kulminacija nečega što se dešava u KC, pa ako hoćete već još od prije pandemije. I u toku 2019 je možda došlo najviše do izražaja kada je u pitanju saradnja između KC i Ministarstva zdravstva. Za mene je nevjerovatno da prije svega direktorica se ne pojavi, ja mislim da je ovo peti ili šesti put kako imamo tačku dnevnog reda KC, da ne možemo sa njom direktno razgovarati, a da ipak govorimo o najvećem finansijeru KC, koji svi već znamo koliko izdvajamo novca. I mislim da bi bilo korektno sjesti sa zastupnicima i razgovarati o određenim problemima za koje smo slušali i od građana, u medijima, od određenih informacija koje traže provedbu. Od toga da su građani optuživali menadžment KC za odnos prema njima, za direktno za bolesti, za smrti, za način liječenja. To su sve pitanja koja bi danas mi trebali postaviti direktorici, i pogotovo ovo vezano za anesteziologe. A smatram da bi bilo značajno s obzirom na novac i na značaj Kantona Sarajevo na koji način podržavamo rad ovog KC. Imati ovakvu jednu instituciju van sistema i stalno slušati politiziranje između KC i Vlade Kantona Sarajevo ja mislim da već smo svi konstatovali ide prvenstveno na štetu građana Kantona Sarajevo. I dakle, nije mi jasno da neko ne želi doći i sjesti pa razgovarati. Pa čak i ako bi to bile neke vruće teme u kojima eventualno bi možda bilo i nekih disonantnih tonova, možda i agresivnijeg nastupa, ali ja mislim da je to značajno pogotovo nakon stvari koje smo slušali u medijima od građana, i pogotovo nakon saopštenja političkih koja su dolazila od Vlade Kantona Sarajevo koji je politički subjekt ali i od KC koji ne bi trebao da se bavi politikom, nego prije svega stvari koje se dešavaju u okviru borbe protiv korona virusa. Mislim da je menadžment KC u ovom trenutku postao ogroman kamen spoticanja između Vlade Kantona Sarajevo i kompletne borbe sa koronom jer jednostavno se ta komunikacija svodi isključivo na politički obračun. Ja bih imao danas nekoliko pitanja koje smatram više da nije, mislim da svi mi pomalo zastupnici u Kantonu Sarajevo uopšte ne očekujemo bilo kakve odgovore od KC, nego je očigledno da ćemo se morati pozabaviti sa KC onako kako se ozbiljna vlast treba pozabaviti jednom institucijom, a to je da ako već finansiramo taj menadžment da onda tražimo da imamo određene zahtjeve kako bi znali šta se gore dešava. Ako se odvojimo 160 do 170 miliona KM, ako pokažemo čak i dobru volju pa povećamo te tranše koje idu gore, on da moramo znati da dobijamo adekvatne usluge za građane. A to se očigledno neće desiti nego će se sve svoditi na ova saopštenja politička u kojem će se optuživati Vlada od strane KC i bit će naravno onda i odgovora od strane Vlade i od nas zastupnika. U ovoj borbi očekujem da KC sjedne s Ministarstvom, a pošto se to naravno nije desilo preko godinu i nešto dana za vrijeme pandemije, hajd što se nije dešavalo prije pandemije, nakon svih silnih slučajeva koje smo imali u KC, onda bi nakon ovog odlaska doktora koji očigledno nije slučajan, jer ako smo imali nekada opravdanje za odlaske doktora

sa nekih odjela ranije prije pandemije, onda je sasvim jasno da odlazak anesteziologa sada više nema nikakve veze sa neakvim privatnim radom za okji je menadžment KCUS optuživao one doktore koji su, ortopedi koji su otišli među prvima sa KC, pa kasnije drugi doktori. Sada očigledno više to, kod anesteziologa nema nikakve veze sa privatnom praksom nego sasvim je jasno da su odnosi duboko narušeni, kako unutar KC, tako i između KC i ministarstva zdravstva. Što smatram da u najblažu ruku rečeno zahtjeva da KC malo preispita svoje ponašanje. Ne vidim način kako ovaj KC može pomoći građanima Kantona u ovakvom stanju. Činjenica da gore radi ljudi koji sigurno pomažu pacijentima, ko ji se trude na sve moguće načine, ali menadžment na ovakav način uopšte ne djeluje u jednoj sistemu i ja ne mogu više da shvatim nikoga ko može podržati menadžment koji nije spreman da sjedne za sto i sa zastupnicima i sa Ministarstvom zdravstva. Dakle, svi oni ljudi, pogotovo neko iz zdravstvenih institucija ko u ovom trenutku koriste pandemiju za političke obračune ja mislim da su kamen spoticanja. I nije mi jasno da niko pa ako hoćete već iz ovog nekog političkog tima koji podržava menadžment KC ne uopšte nema nikakve riječi kritike kada je ovoliko doktora otišlo. Evo nek nam kažu ako nije opravdano ha bih volio da čujem neki argument osim ovog saopštenja KC koji uglavnom govori kroz neke političke konotacije i objašnjava sve tamo šta se dešava u KC, dajte neki argument zbog čega ovoliki silni doktori odlaze. Pa ja mislim da je to za svaku instituciju simptomatično kada vam ode određeni broj zaposlenika da bi trebali da sjednemo pa da razgovaramo šta su ti problemi. A da ne pričam o problemima infrastrukturnim o kojima su pričali pacijenti, o nedostatku kisika, o prijedlozima gdje su se trebala izgraditi neke rezerve kisika za ko je KC nikada nije pristao na određene inicijative. Dakle u ovom trenutku smatram da bi bilo nužno i poželjno da menadžment KC u cilju što kvalitetnijeg liječenja i na neki način ujedinjenja u borni protiv korone, odstupi jer mislim da u ovom trenutku mi imamo tri strane borbe. Imamo koronu na jednoj, imamo KC na drugoj a sve druge institucije na trećoj strani. I mislim da to nije dobro. Smatram da treba da preispitamo uloge. Da pokušamo da popravimo ovu situaciju, ako ste to ne desi u skorije vrijeme onda smatram da sistem u kojem ljudi konstantno odlaze, u kojem su pacijenti nezadovoljni, a koji dobija najviše novca iz ZZO Kantona Sarajevo smatram da mora da ode. I jasno nam je svima, politički to može jedino kroz Federalnu Vladu, kroz federalni parlament. Ali treba građani da znaju da ni tamo nije došao Izvještaj KC svo ovo vrijeme iako je zahtjevan od zastupnika u Federalnom parlamentu i Domu naroda bilo više puta. Dakle jasno je da ova institucija izbjegava svaku moguću demokratsku odgovornost očigledno zbog toga što na neka pitanja nema odgovor. Ja mislim da je to loše i mislim a svi mi u skupštinskim klupama i u vladama imamo obavezu da uspostavimo red u ovoj instituciji, da je na neki način imamo pod kontrolom, da znamo šta se gore dešava. Znači kada ministar pošalje pet puta dopis u KC a ne dobije izvještaj koliko je zaraženih, koliko je preminulih, koliko je zauzetih kreveta, onda je sasvim jasno da se radi isključivo o politici jer ja ne vidim ništa strašno u tome što ćete ministru poslati izvještaj koliki je broj zaraženih, čisto da bi se znalo statističko stanje. To je onda isključivo politički hir i politički obračun to smatram neprimjerenim i nezrelim u ovom trenutku kada ljudi umiru. Toliko i hvala.

Predsjedavajući:

Dopredsjedavajuća Danijela Kristić se javila za raspravu.

Dopredsjedavajuća Danijela Kristić:

Zahvaljujem predsjedavajući. Zahvaljujem se doktoru Hasanbegoviću na izvještaju, mada bi bilo dobro da smo čuli i najodgovorniju među vama, direktoricu KCUS. Ja moram priznati da mi je pomalo žao kada direktorica žrtvuje nekoga od vas, a ona se ne pojavi. Ovaj put je to uradila vama, prošli put dr. Granovu a nerijetko i doktoru Baljiću. Nadam se da će taj pritisak kojem ste izloženi da nešto morate, ubrzo i prestati. Ja neću dužiti, hoću samo da podcrtam jednu činjenicu da vi niste privatna firma da bi ostvarivali i hvalili se pozitivnim finansijskim

rezultatom kako ste u izvještaju i naveli da su ukupni prihodi i primici tekućeg perioda 426.637,109 KM. Ukupni rashodi i izdaci tekućeg perioda 413.220.883 KM. Finansijski rezultat tekuće godine da je 13.416.226 KM. Preneseni dio sredstava iz akumuliranog viška prihoda nad rashodima iz ranijih godina 20.700.000. te da je ukupni finansijski rezultat 34.116.226 KM. Umjesto da se hvalite brojakama bolje bi bilo da se možete pohvaliti pozitivnim pričama sa KCUS. Ne želeći da umanjujem napor ljekara samo da napomenem pogrešno orijentiranost menadžmenta. Zaustavite bilo kojeg čovjeka na ulici i pitajte ga da li mu šta znači što je KC pozitivno poslovao svako od njih će vam reći da ga to ne zanima, nego da ga zanima da kada ode na KCUS da dobije uslugu koju plaća jer vi ste tu zbog toga. Nadam se da će vam to postati prioritet u budućnosti. Hvala.

Predsjedavajući:

Zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Zaista ne mislim dugo govoriti. Kao ni mnogo puta ranije ali u početku jesam sa nekim entuzijazmom govorio i o onome što nam se prezentira kroz ove izvještaje KC, ali sami ste svjedoci bili da sam ukazivao na ovu sistemsku grešku, nelogičnost, da naša odluka, kako god da glasamo mi u ovom zakonodavnom tijelu ni na koji način nema posljedicu za menadžment KC. Činjenica da Kanton Sarajevo finansira sa preko 80% sredstava rad KC ne znači zapravo ništa osim činjenice da taj KC ne odgovara bilo kome niti bilo zašto. I zato naprosto smatram da je svaka rasprava o izvještajima sa KC zapravo rekao bih prazan hod, još jedan u nizu. Mi dakle šest, sedam godina na isti način nismo usvajali čini mi se niti jednom izvještaj KC ali ništa se spektakularno nije desilo, niti bilo kakve promjene za razliku od činjenice da se ne usvoji možda izvještaj godišnji izvještaj, finansijski, Opće bolnice da bi ta direktor bio smijenjen. Znači opet je tu jedna vrsta diskriminacije, neravnopravni položaj te dvije zdravstvene ustanove i naravno lagodniji odnos KC jer zna da naše glasovanje neće proizvesti nikakvo djelovanje niti na njihov status niti bilo šta u statusnom smislu dakle, na njihove položaje u funkcije koje obavljaju. Zbog toga smatram da je možda ovo što nismo promijenili ovakvo stanje koje je višegodišnje, dugo godina znači naslijeđeno, možda odraz neznanja, možda nesposobnosti, možda nemoći, svih saziva i Vlada i Skupština Kantona Sarajevo. Dakle i zato smatram da je ovo još jedna u nizu predstava za građane i ne znam zašto uopće raspravljamo i pridajemo ovoliko značaj ovom izvještaju ako znamo da nikakvih promjena, ništa se apsolutno neće desiti osim činjenice da ćemo čuti neke suhoparne podatke koji se odnose na poslovanje KC. Dakle, krivica nije samo u KC nego i onima ministarstvima koja su nadležna. Znam da je to podijeljena nadležnost između pet Kantona i FBIH, i sve dok tako bude, znam i vjerujem i poručujem da na neki način ništa se spektakularno neće dešavati osim ponavljanja ove retorike, isprazne priče koju smo godinama slušali. I slušamo koju godinama pričamo građanima. Šta mi zapravo dokazujemo razmatramo ovaj izvještaj? Ništa. To je samo odraz naše nemoći i nesposobnosti da bilo šta promijenimo ali eto, isprazna priča i retorika, možda će neko i da poslušati ali ona nema apsolutno nikakvog smisla. Hvala.

Predsjedavajući:

Ispravka krivog navoda zastupnik Zahiragić.

Poslanik/zastupnik Haris Zahiragić:

Uvaženi predsjedavajući ispravka krivog navoda je kolegici Kristić radi činjenice da je ona čitajući to što je pripremila svoju diskusiju, pročitala podatke iz ZZO kada je u pitanju finansijski rezultat. Dakle one brojke prihoda i rashoda finansijskog rezultata su brojke ZZO, a ne KCUS. I to je bila ispravka krivog navoda. A evo kada ste mi već dali riječ, apelujem da

ministri podnesu zakletve jer ste prešli preko toga predsjedavajući, iako niste smjeli preko toga preći.

Predsjedavajući.

Zloupotrebjavate opet Skupštinu, molim vas vodite računa.

Poslanik/zastupnik Haris Zahiragić:

Ne zloupotrebjavam, samo govorim šta ste morali uraditi. Kranje ozbiljno, zloupotrebjavate vi ako to ignorišete. Hvala, prijatno.

Predsjedavajući:

Zastupnica Bešlija Vildana.

Poslanik/zastupnik Vildana Bešlija:

Hvala predsjedavajući. Ono što je već evidentno godinama da su odnosi jako narušeni između, ne samo ovog Ministarstva, nego očigledno da nekako ni osnivači uopšte nemaju kontrolu nad ovom ustanovom. Znači mi u Kantonu Sarajevo imamo problem, ali čini mi se da imaju i svi drugi. Znači, što se tiče konkretno izvještaja mi znamo da evo sjetiti ćemo se vjerovatno svi, da samim tim nismo imali uopšte mogućnost da učestvujemo u donošenju određenih odluka, opstrukcijom u vidu odbijanja imenovanja osoba koje smo mi kao KS delegirali u tu ustanovu. Ali kada se tiče, tako da ovdje u ovom izvještaju, ja sam ga stvarno opet pročitala, kao što to uradim svaki put, vidljive su određene brojke sugerišu da upravo nesaradnja i onaj odnos koji je kreirala direktorica KC je uzorokovala da se ne ispune određene obaveze koje su bile navedene čak i ovdje u finansijskom izvještaju iako direktorica se vrlo često želi hvaliti, i voli hvaliti kako njenim dolaskom taj KC posluje pozitivno a kao što svi znamo, i građani i svi ostali očekuju od te ustanove da u suštini primi, pruži neophodnu ljekarsku pomoć za što je i osnovana a ne da ostvaruje dobit. Pa evo da kažem, što se tiče zaključaka Nadzornog odbora, koji su vidljivi u ovom dokumentu, prihodi u 2018 godini su bili negdje 228 miliona a rashodi 218 miliona, znači ostvarena je dobit bila od nekih 10 miliona KM, kako su se evo pohvalili, dok je u 2019 godini prihodi su bili blizu 253 miliona, rashodi blizu 237. znači da su se opet pohvalili, ostvarena dobit nekih 16 miliona KM. Revizorska kuća je ukazala u ovom izvještaju, to je jako važno u poslovanju ovog KC za 2019 godinu na neraspoređenu dobit iz ranijih godina koja je iznosila skoro 47 miliona KM a gubitak do visine kapitala iznosio nešto više od 37 miliona KM. I s tim u vezi, u vezi sa članom 25. Statuta ove ustanove, strogo su naglasili kako su osnivači bili dužni da donesu odluku o raspodjeli neraspoređene dobiti. I naveli su kako to do dana ovog dostavljanja izvještaja, osnivač to nije uradio. Direktno ili indirektno vođenje načina na koji direktorica vodi ovu ustanovu, odnosno ne sama činjenica da ovaj izvještaj nije bio ni na Federalnom parlamentu, da se nema nikakav odnos sa Kantonu Sarajevo i sa istim kantonima koji su suosnivači, znači direktno narušava poslovanje ove ustanove, i direktno je odgovorna direktorica i naravno trpe građani svih ovih Kantona i s tim u vezi, i zaista ćemo naravno podržati i zaključak koji je podnijela stranaka NiP-a a koji je već najavila Naša stranka da će također tražiti i traže na Federalnom parlamentu kao Klub zastupnika za smjenu direktorice jer evo sada da ne bude ni isprazna priča, ni da se ponavljamo, čak i finansijski rezultati i odgovornost prve osobe u ovoj ustanovi, ustvari upućuju na neophodnost donošenja ove odluke, odnosno podnošenja ostavke direktorice. Hvala vam.

Predsjedavajući:

Zastupnica Bilsena Šahman se prijavila za raspravu. Izvolite, imate riječ.

Poslanik/zastupnik Bilsena Šahman:

Zahvaljujem predsjedavajući. Evo kolege su uglavnom se rekle i slažem se sa svim diskusijama prethodnim. Žao mi je što provodimo vrijeme ovako pričajući iz godine u godinu o izvještaju a ništa ne donesemo na kraju, i ništa ne možemo da pomjerimo sa mrtve tačke. Imam osjećaj da nam se tamo neko smije sa svim ovim našim pričama ovdje, i ovo što kažemo, onako da se smije da kaže: „ne možete mi ništa”. Brojke koje us danas iznesene i koje su sve ove godine iznesene zaista ništa ne znače njihove brojke bi trebali da budu pacijenti izliječeni pacijenti, a ne umrli pacijenti kao što smo imali do sada. Naše su brojke, zapravo brojke su u našim rukama. Tako da sam ja predložila jednu inicijativu pa ću zamoliti predsjedavajućeg da je pročita i da se Skupština izjasni jer mislim da je to jedini način da nešto postignemo a o dobiti ne želim ni da pričam, jer to nije dobit KC to je oteto od građana, odnosno od pacijenata, i to nije dobit. I molit ću vas da se izjasnite o mojoj inicijativi i mislim da je to jedini način da nešto možemo napraviti. Zahvaljujem.

Predsjedavajući:

Zastupnik Haris Zahiragić. S obzirom da se zastupnik Zahiragić ne javlja, vjerovatno ima neke tehničke probleme, zastupnik Mahir Dević. Jeste li spremni?

Poslanik/zastupnik Haris Zahiragić:

Da li se čujemo predsjedavajući? Hvala vam. Dakle u diskusijama koje su prije mene bile, imali smo priliku svašta nešto čuti, a najmanje o izvještaju s KC za 2019 godinu. Tako da i ja ću u tom smjeru diskutovati jer evidentno nikoga ne zanima pravi rezultati rada koji su ako se komparativno uzme i napravi analiza između perioda nekog ranije i posljednjih godina pa tako i 2019 zaista fascinantni. I koliko god određeni zastupnici, koji možda nisu ni referentni da o tome govore pokušavali obezvrijediti te napore i taj rezultat, mislim da ipak ti korisnici usluga na KC između kojih npr i moji članovi najuže porodice su se uvjerali u suprotnost ovih političkih navoda u Skupštini Kantona Sarajevo. Kolega Konaković kaže Klinički ratuje saopštenjem iako je nakon deset saopštenja konačno obavijestio šta se desilo. Kolega Konaković kamen spoticanja u borbi protiv korone je Klinički centar. A jedini on zapravo se bori protiv korone, već godinu, preko godinu dana. Opšta bolnica, podsjetiti ću vas svega par mjeseci i drago mi je da rade, da se bave, i to lakšim i srednje teškim pacijentima. Čak neće ljudi da prime pacijente koji su u teškom stanju. I onda kaže kolega Stojanović da je Klinički kamen spoticanja u borbi protiv korone. To je nevjerovatno. Da ti pamet stane. Kolegica Danijela čita pogrešne podatke iz ZZO, predstavlja ih kao rezultat KC iz 2019, što opet nema veze sa istinom. Hajde da poredamo da napravimo jedan (nerazumljivo) kako se danas desio taj media plan. Cijeli dan pratim i ne mogu da vjerujem. Dakle ja znam za ovu informaciju da je određeni broj, slučajno znam da određeni broj doktora, pa i danas koja je bila tema svih ovih diskusija prije mene, da određeni broj doktora pregovara sa Opštom bolnicom da pređe tamo sa ministrom Vranićem itd. I onda danas se eto kao slučajno dešava tajni, pod jedan tajni natpis u političkom tabloidu. Pa onda pitanje zastupnika i ministra ministru, da li je istina da daju otkaz? Pa onda teatralni potvrdi odgovor ministra. Pa onda teatralne diskusije zastupnika. Pa onda spremna oštra saopštenja stranaka trojake prema KC. Pa onda medijski plan koji su vam poznati, koliko je već poznato svima nama preko tabloida koji podržavaju stranke trojke, pa onda vanredna sjednica teatralno opet Vlade Kantona Sarajevo, i pres konferencija. I pazite ovo, bjanko obećanje da će Vlade da će doktori anesteziolozi biti u Opštoj. Dakle oni uopšte nisu tema, ti ljudi, ti anesteziolozi, ne ulazim uopšte u to, nego ulazim u političku dimenziju ovoga. Bjanko obećanje Vlade da će Opštu bolnicu mimo konkursa primiti baš tih 13 anesteziologa. Možda hoće i neki drugi isto tako da pređu. Možda hoće neki drugi da se prijave na konkurs. Kako će se bez konkursa primiti? Odakle sredstva? Da li ima potreba ta? Da li je ovo zapravo transfer doktora iz jedne zdravstvene ustanove u drugu. Ako jeste recite da je to tako, nemojte praviti teatar od toga i plašiti građane. I ako će ostati tih 13 anesteziologa u zdravstvenom sistemu Kantona Sarajevo i to nam recite, ali nemojte se

predstavljati ako spasioci koji će eto spasiti. Pa onda nemojte širiti dezinformacije da je samo 4 anesteziologa ostalo, kada vidimo iz saopštenja da ih je 44 ostalo na Kliničkom. Pa dalje tačka dnevnog reda Izvještaj o radu pomjera se danas na današnjoj sjednici, sa visoko postavljene tačke dnevnog reda da baš danas o njoj raspravljamo kako bi se mogli o Izvještaju za 2019 govoriti o ovoj današnjoj temi, jel tako? Onda slučajno zaključak NIP-a da traže smjenu uprave KC itd. Ja zaista ne znam do koje mjere ste kolege spremni ići u satanizaciji KC samo radi političkih neslaganja s njegovim rukovodstvom. A koji by the way jedini od početka pandemije se bavi Korona virusom. Tu ima puno uposlenika koji rade, koji padaju s nogu. I ja znam da vi niste posljednjih par mjeseci kada je bio ovaj cijeli belaj niste mogli, primirili ste se, pustili ste da ljudi rade. Čim su pale brojke krenuli ste, prvo s anonimnim, pa sa pravim pismima, pa evo evidentno je medija plan tih pisama do danas da se nije odmah to desilo nego da se to danas dešava itd. Razvlačite pamet ovom narodu. I nemojte to raditi. Koliko god vi mislili da ste se potrbušili, da ste smislili dobar plan, neće vam to uspjeti. To jednostavno ne može izdobriti jer nije vam čist nijet. Ne može se tako baviti politikom. Da ste zaista dobronamjerni prema pacijentima i prema doktorima davno bi ste vi riješili taj problem. Jer ja znam za mjesec dana ovaj vaš plan. Vi ovo na kapaljku radite kako bi ste držali temu aktuelnom. A zašto? Zato što ništa ne radite. Zato što su brojke u Kantonu Sarajevo katastrofalne bile. Zato što u Kantonu Sarajevo Vlada evo tek danas imenovana. Zato što ste razočarali građane. I šta je najlakše u tim uslovima raditi? U tim uslovima je najlakše tražiti krivca u KC i praviti babarogu od direktorice KC. I to je jedino što ova vladajuća većina radi. Pa sram vas bilo, inste dobili za to ovlaštenje.

Predsjedavajući:
Poslovnička intervencija.

Poslanik/zastupnik Elmedin Konaković:
Koliko god mora Haris Zahiragić ovo raditi što radi, predsjedavajući vratite ga na temu. Ne može danas govoriti o Vladi Kantona Sarajevo, bez obzira na sav njegovo cinizam i žuč koji iz evo njemu dobro poznatih i nama dobro poznatih razloga, mora se držati teme i tačke dnevnog reda. 2019 izvještaj KC.

Predsjedavajući:
Zastupniče Zahiragić nastavite.

Poslanik/zastupnik Haris Zahiragić:
Predsjedavajući Okeriću ja sam na samom početku kazao da na žalost pošto se kolege ranije nisu držale te tačke da se neću ni ja držati, s obzirom da su oni ovo radili što i ja radim, isto su govorili. Ja tražim.

Predsjedavajući:
Vrlo ste malo govorili o izvještaju KC.

Poslanik/zastupnik Haris Zahiragić:
pa znam, najavio sam da ću manje govoriti zbog toga što su ostale kolege nimalo govorile. I samo sam htio.

Predsjedavajući:
To je vaša konstatacija.

Poslanik/zastupnik Haris Zahiragić:
Da, da. I pazite, ono što gospodin Konaković govori žuč, morate, ovo onoo. Gospodine

Konakoviću nisam ja.

Predsjedavajući:

Imamo zastupničku intervenciju zastupnica Bišćević-Tokić.

Poslanik/zastupnik Jasmina Bišćević-Tokić:

Zahvaljujem predsjedavajući. Nisam imala namjeru da prekidam ali s obzirom da se kolega Konakovića javio napomenut ću ga da su mnogi zastupnici pričali o koronu gdje je u suštini u 2019 nije ni bilo korone. Tako da vas molim da pustite kolegu Zahiragića jer ste počeli prvi sa ovakvom temom. Zahvaljujem.

Predsjedavajući:

Zastupniče Zahiragić možete nastaviti vratite se na temu Izvještaj KC. Poslovnička intervencija zastupnik Konaković.

Poslanik/zastupnik Elmedin Konaković:

Hvala predsjedavajući. Još jednom opominjem na povrede Poslovnika. Govorio sam prvi, prijavio sam se prvi. Poslušajte svaki zarez onoga o čemu sam govorio, isključivo o 2019. jedan posto paralele sa onim što se danas desilo. Imam prvo pravo da vam kažem držite se tačke dnevnog reda. Kada budete morali braniti po nalogu ovo što branite, sazovite sebi pres konferenciju. Hvala.

Predsjedavajući.

Zastupnik Haris Zahiragić.

Poslanik/zastupnik Haris Zahiragić.

Gospodine Konaković to ukoliko ste vi primali naloge se ove godne, a to je javnost svjedočila s vašim porukama i ulizivanjem i poltronstvom

Predsjedavajući:

Molim vas kolega Zahiragiću vratite se na temu inače ću morati.

Poslanik/zastupnik Haris Zahiragić:

Samo da mu odgovorim, molim vas. Ima nas koji govore ono što misle. Ima nas koji štite institucije ove države, koji ne dozvoljavaju vama da satanizirate 3000 ljudi jednom po jednom. Da vi propisujete terapije, da vi komentarišete klinike. Evo kod toga smo. Evo da se vratimo na izvještaje. Vi govorite koje su operacije ukinute koje nisu. Pa šta vi znate gospodine Konakoviću o operacijama? Pa gdje to vi pročitate? Neko vam pošalje poruku. Vi tako funkcionišete. Vi ste na viberu završili sve u životu, vodite politike na viberu. Na viberu postavljate pitanja, na viberu razmatrate izvještaje. Na viberu ste Vladu imenovali. Ne mogu priučeni ljudi o ovako ozbiljnim temama govoriti. I zbog toga ja nisam relevantan.

Predsjedavajući:

Poslovnička intervencija. Zastupnik Jakupović.

Poslanik/zastupnik Haris Zahiragić:

Jakubović, dobro ste rekli.

Poslanik/zastupnik Vedran Jakupović,

Ono što smo sada imali priliku da vidimo je da kolegica Jasmina Bišćević-Tokić tražila od vas da kršite Poslovnik. To što je neko imao možda neku ideju da se javi da bi ukazao na

eventualno kršenje Poslovnika ranije trebao je da uradi ranije. Sada u ovom trenutku smatrali smo, odnosno kolega Konaković da gospodin Zahiragić krši Poslovnik. Ne može sada on tražiti zato što je ranije neko tražio. Dakle, trenutno krši Poslovnik a kolega traži od vas da mu pustite da krši. Znači molim vas da se vratite u temu. Hvala.

Predsjedavajući:

Zastupnik Haris Zahiragić.

Poslanik/zastupnik Haris Zahiragić:

Pa jedno koliko sam puta prekinut, neću ni da brojim. A to koliko god me puta prekinuli neće spriječiti činjenicu da ovo što sam ja kazao ipak neki ljudi čuju, koji rezonuju racionalno. I kolega Okeriću dozvolite mi molim vas da se odbranim.

Predsjedavajući:

Dozvolit ću vam samo da izvještaj.

Poslanik/zastupnik Haris Zahiragić:

..ovih optužbi. Pazite, ja sam optužen da ja nešto radim što moram, da je meni neko nešto naložio itd. Zbog toga sam ovih posljednjih minuta to govorio. Kada je izvještaj o radu KC za 2019 godinu u pitanju, pokazatelji koje gospođa Danijela, nisu istiniti nego ovi drugi koje je iznio gospodin Hasanbegović, doktor. Pokazuju da i ta ustanova ipak uprkos svim pritiscima i političkim problemima koje je imala stala na neke zdrave noge i vjerujem da u perspektivi ovim tempom će zasigurno već je sada postala jedina stabilna zdravstvena ustanova u BIH. Komparativno kada su plate u pitanju, kada su finansijski pokazatelji, kada je broj usluga itd, vrlo su konkurentni u regionu itd. Vjerujem da će ona u perspektivi biti i bolja. Nadam se da ćemo konačno pronaći mogućnosti svi mi da prestanemo koristiti zdravstvene ustanove u Kantonu Sarajevo i KC i Opštu bolnicu i sve njih za političke obračune jer to neće dobro donijeti ni Kliničkom centru, ni Opštoj bolnici ni građanima Kantona Sarajevo, ni osiguranicima zdravstvenog osiguranja. I moramo početi konačno vrednovati struku i nauku a ne dozvoliti da mi koji veze nemamo da pričamo o operacijama kako su negdje ranije kolale te pričale. Ne valja, dječja hirurgija, dječja oroptedija. Eto oni znaju kako to treba da ide, njima je to neko rekao i oni sada maltretiraju i nas i građane Kantona Sarajevo. To nije korektno. Izvještaj o radu je također tema o kojoj se ne govori o tome. I o tome treba da govore relevantni ljudi. Relevantne ustanove. Relevantne institucije. I molim vas treba da konačno ukoliko nastavi ovako, ministar Vranić s obzirom da je ovo sve danas lijepo spremio ćemo tražiti da podnese ostavku radi katastrofe koju je donio u Kantonu Sarajevo, kada je pandemija u pitanju, treći val pandemije u pitanju radi stalnog dezavuisanja javnosti. Radi medija plana. Sjećate se na prošloj sjednici da je rekao da je na KC 120 zaštitara sa pištoljem. A kasnije kažu nema 120 nego 57 zaštitara i samo 2 pištolja.

Predsjedavajući:

Kolega Zahiragiću još ću vas jednom opomenuti i oduzeti ću vam riječ. Vratite se na temu.

Predsjedavajući:

Ja govorim o izvještaju o radu, piše koliko ima uposlenih. Zaštitari su uposleni. Ja govorim o broju uposlenih u KC.

Predsjedavajući:

Vi govorite o onome što je govorio ministar Vranić.

Poslanik/zastupnik Haris Zahiragić.

Pa mogu povući paralelu, molim vas, nemojte me tako cenzurirati i usmjeravati. Ministar Vranić je rekao na prošloj sjednici da ima 120 pištolja, a KC kaže imaju 2 pištolja. I kada Klinički napiše saopštenje zastupnici kažu eto klinički piše politička saopštenja. A ministar Vranić može da, ma, da laže javno javnost i građane i zastupnike u Skupštini Kantona Sarajevo.

Predsjedavajući:

Oduzet ću vam riječ zato što vrijeđate ministre u Vladi Kantona Sarajevo. Oduzimam vam riječ.

Zastupnik Mahir Dević.

Poslanik/zastupnik Mahir Dević.

Hvala predsjedavajući. Da li se čujemo? Ja bih vas isto predsjedavajući u ime Kluba SDA zamolio da evo ukoliko to nije spremno sada da se barem u toku sjednice obezbijedi da ova tri ministra polože zakletvu jer je to takva procedura. Nemojte to ignorirati.

Predsjedavajući:

Ukoliko se ne vratite na temu, oduzet ću vam riječ. Zato što zloupotrebljavate Poslovnik još ću vas još jednom upozoriti. Ovo vas još jednom upozoravam javili ste se da diskutujete.

Poslanik/zastupnik Mahir Dević

Nisam ni počeo vi odmah ekspresno.

Predsjedavajući:

Zloupotrebljavate Poslovnik, pravite predstavu evo čitav dan danas, brukate i sebe, stranku iz koje dolazite, maltretirate sve zajedno, pored toga što imam toleranciju prema vama, vi to vješto zloupotrebljavate. Evo sada vam kažem da to više neću dozvoliti.

Poslanik/zastupnik Mahir Dević:

Jel mogu ja početi predsjedavajući?

Predsjedavajući:

Možete, naravno, Izvještaj KC.

Poslanik/zastupnik Mahir Dević:

Hvala. Kada je u pitanju Izvještaj KC za 2019 godinu, može se kazati sljedeće:

kada bi mi bili u nekoj političkoj situaciji da objektivno i pošteno procjenjujemo stanje u institucijama sa svih onih parametara i aspekata s kojih bi trebalo da se posmatra svaki izvještaj, mogli bi biti ponosni na napredak koji je napravljen u toj instituciji. I u prethodnim godinama, a naravno i u 2019. godini. Znači mi smo u situaciji da od jednog gubitaka više desetina miliona KM došli smo u situaciju da imamo jednu JU u službi građana koja posluje pozitivno. To je najstručnija zdravstvena ustanova koju imamo u BiH, ali naravno, mi smo se na tu ustanovu politički obrušili svim sredstvima i nije samo ovo danas vrlo čudno što se dešava cijeli dan. Ja evo zaista pokušavam da se pripremim za sjednice Skupštine Kantona Sarajevo, ali nisam više mogao ni sam da upratim šta se danas sve izdešavalo u toku ovog dana. Počinje sa jednim pitanjem kolege zastupnika, pa onda ne znam brzim odgovorom ministra koji već zna, pa sa premijerom koji ne zna šta se dešava, pa sa sjednicom Vlade, pa sa prelaskom, pa zapošljavanjem ljudi, na kraju dobijamo saopštenje da je to proces koji je star mjesec dana. Vjerujte da sam i ja kao zastupnik u Skupštini Kantona oko sve ove stvari, i vrlo je čudno i čudnovato ovo što se dešava, sve više miriše na ovaj tzv. medija plan koji nije prvi koji se provodi prema ovoj zdravstvenoj ustanovi. Naravno, gdje će nas to sve zajedno

odvesti? Neće nas odvesti nigdje dalje od političkog obračuna koje mi svjedočimo i u cijelom tom političkom obračunu aktuelne većine u Skupštini Kantona Sarajevo sa menadžmentom KC naravno da rezultati te zdravstvene ustanove se ne mogu valorizirati niti sagledati objektivno, onako kako bi trebali da se sagledaju. Svaka stvar se pogrešno interpretira, pogrešno predstavlja javnosti, od te ustanove se pravi ne znam, takav medija plan kakav se pravi danas i u proteklom periodu, i očigledno je da to neće izdobriti. Uz sve slabosti, naravno, kojih ima u svim institucijama i ustanova i sistemima, pa tako vjerovatno ima i u samom KC: ali sama žestina, sama organiziranost govornika i onih koji provode aktuelnu politiku, evo u toku današnjeg dana, kristalno jasno potvrđuje da je ovo cijeli dan osmišljeni koncept jedan, jednog plana, u kome sve spremno kao zapeta puška da se izrealizira. Čini mi se da je ovo nastavak pod b) one situacije od prije nekih petnaestak dana.

Predsjedavajući:

Zastupniče Deviću vratite se na temu Izvještaj Kliničkog centra.

Poslanik/zastupnik Mahir Dević.

Evo ja kolega Okeriću govorimo KC, ako se vama ne sviđa šta govorim, to je sada drugo pitanje. Ja ovdje govorim o tome da sve dok mi budemo provodili ovakvu politiku prema ustanovi KC za 2019, a ako hoćete i za 2021, jer se to danas dešava, isti scenario koji je bio i 2019 godine, nije nam donio ništa dobro. I ja nas sve zajedno pozivam na jednu vrstu odgovornosti. A ta odgovornost podrazumijeva da mi ne treba kao skupštinski zastupnici da produkujemo bilo kakve afere, već treba da se ponašamo odgovorno, i da odgovorno se odnosimo prema svakom dokumentu. Ukoliko bi se mi objektivno odnosili prema dokumentu koji se zove Izvještaj KC za 2019 godinu, onda bi taj izvještaj trebao da prođe vjerovatno jednoglasno, možda uz neke određen sugestije. To bi bilo dobronamjeran odnos Skupštine. A ukoliko aktuelna većina menadžment KC posmatra kao suprugu predsjednika SDA, i pokušava da skuplja jeftine političke poene, a zamislite čuda, u vrhuncu pandemije šute. U vrhuncu pandemije, kada je u tom istom KC 500 ljudi od korone tada se šuti ili pomalo se ta tema dozira. Onog momenta kada statistika počinje da pada, otvara se tema KC kao požar. Nevjerovatno, ali mislim da sve više građana uviđa ovu organizovanu akciju koju vi provodite. Znači ovako je to izgledalo danas. Od jednog pitanja do rješavanja radno pravnih odnosa, saopštenja stranaka, traženja smjena. Evo zaključka za koji treba da glasamo za 2019 da tražimo smjenu. Očigledno je to sve jedan plan, jedna režija, koja vjerujete mene zbunjuje kao zastupnika, koji pokušava da se sprema za sjednice Skupštine Kantona Sarajevo, a mogu misliti koliko ovo sve zbunjuje građane i koliko ovo sve ostavlja potpuno pogrešan dojam kod građana Kantona Sarajevo a sve zbog trivijalnih, jeftinih ubiranja političkih poena i pokušaja da se na ovakav način slomi SDA. Nije to put, kako treba da se radi. Zastupnici bi trebali u Skupštini Kantona Sarajevo zajedno sa Vladom da rade čestito, da rade vrijedno, i da objektivno procjenjuju stvari. Ukoliko uzmemo izjave ministra u ovo vrijeme ministrovanja od mjesec, dva dana, vidjet ćemo kristalno jasno da i on vrlo tendenciozno cijelo vrijeme, što kažu, ulje na vatru.

Predsjedavajući:

Izvještaj KC kolega Deviću.

Poslanik/zastupnik Mahir Dević:

I sve ovo za 2019, 20 i 21 godinu. Tako to rade predsjedavajući. Hvala.

Predsjedavajući:

Zastupnik Damir Nikšić, prva rasprava.

Poslanik/zastupnik Damir Nikšić:

Hvala. Da li se čujemo? Čujemo vas, izvolite, imate riječ. E ovako, o 2019 se radi. Te 2019 ja mislim da je bio Izvještaj za 2018 tada na Skupštini. Ja sam tek bio u prvom, još uvijek sam u prvom mandatu. Ali bilo tek prvih mjeseci mandata i ako se neko sjeća ja sam tada pročitao jedan tekst u svojoj raspravi, koji se zvao dobi ti dobrobit. I tu sam razložio da uloga institucija ustanova javnih nije dobit, nije namjena, svrha nije dobit već dobrobit. I da ne možemo to neoliberalno prikazivati kao da je neko zaradio neke pare i da mu mi aplaudiramo. I tada sam to čitao i ne znam da li se toga ljudi sjećaju, ja imam i link na to, ako treba poslat ću. Ali vidim da smo mi ovdje kao skuhane žabe, evo nekako ova vijest koja se desila, evo ja se kunem čim god treba da ja nisam znao ni za kakav medija plan, možda sam i sam izmanipulisan, učimo tokom dana. Ali ne vidim, ja nisam nešto reagovao, mislim ja sam takve stvari i očekivao. Dakle mi imamo onako već u neku ruku pohovan mozak ovdje i već smo navikli zbog tog pohovanja mozga od strane politike na taj odliv mozgova, pa možda i ovih 13 anesteziologa čine neki odliv mozgova iz KCUS. Ali nama izgleda ni ne trebaju anesteziolozi, jer smo mi nekako anestetizirani već godinama. Politikanstvo nas je anestetiziralo, nekako smo utruli od svega, pa ta vijest nekako mene nije toliko ni dojmila. Ne vidim toliku neku frku, možda treba da se zabrinemo u vezi toga i vidim da su ovi anesteziolozi izbačeni iz biznisa. Naprosto ih je politika izbacila iz biznisa jer na nefer konkurencija politike koja nas je utrula, anestetizirala posljednjih ovih 20 i nešta godina. Tako da vratio bih se na 2019 ja sam tada u sastavu šestorke postao sam samostalni zastupnik i kao samostalni zastupnik sam predložio dr. Gavrankapetanovića u UO, sjećate se to dobro, oni koji znaju, dobro se sjećaju. Bilo je to nešto između SDP, ja sam bio dio SDP i htio sam da Gavrankapetanović uđe umjesto ove članice iz SDP i insistirao sam na tome, a onda smo našli neko rješenje da on uđe kao prijedlog nekih drugih ići čitave šestorke. Tako da odmah razjasnim a se ne kitite tuđim perjem, šalim se, ali čisto rekord za zapisnik da sam ja predložio dr. Gavrankapetanovića tada, da smo obavili razgovor s njim, šestorka je prihvatila tu ideju i to je bio jedan ozbiljan prijedlog. Ozbiljan prijedlog u pravcu depolitizacije institucija i preduzeća. To je bio moj program još 2016 sam ja kao za ovog načelnika govorio o depolitizaciji. Imam i taj link, mogu vam poslati. To je bio jedan program depolitizacije, namjera, politika. Malo zvuči kao oksimoron to je politika depolitizacije ali politika u smislu policy, a ne u smislu politikanstva. Nego policy, mora se napraviti neki policy, to je dakle politika depolitizacije institucija. I to je bio moj prijedlog dr. Gavrankapetanović kao nestranački čovjek, kao stručnjak, evo govorimo o stručnjacima da uđe tamo i da uđe u UO: on nikada nije mogao tamo da uđe. Zašto im se nije dalo? Zašto se nije dalo ni jednom članu UO da uđem na KCUS? Čovjek 2019 nije mogao da uđe tamo. Zabranjen mu je bio pristup. Evo priča o 2019. evo zaboravimo sada anesteziologe. Zašto nije mogao da uđe? Eto moj je prijedlog nepolitičan i u tom momentu je on nije stranački. Zašto ja ne mogu iz ove pozicije da sprovodim policy politike depolitizacije preduzeća? I onda pričamo kao da su to sada neki. Da je KCUS meta političkih obračuna. Jeste, ali ako shvatamo politiku kao policy depolitizacije. Onda jeste. I on je apsolutno legitimna tema takvog jednog obračuna. Obračuna sa politizacijom preduzeća. Dakle, ne možemo drugačije. Ne može sada neko doći sa padobranom, iskočiti neko neutralan. To sve ide putem ovih institucija od strane zastupnika, nezavisnih, samostalnih ili ako odlučimo u jednoj koaliciji da idemo tim putem. I ja sam gurao taj put i odlučili smo da idemo tim putem. Barem ovaj jedan dio da se eto ogradim, ako će mi sada neko ispravke nešto praviti. I tada je bio poznat vic, znate li onaj vic koji kaže kada pita neko u KCUS pacijenta, doktor pita jeste li ponijeli pidžamu, ona sestra. Kaže ima te li pidžamu? Imam. Imate li lijekove? Imam. Imate li zavoje? Imam. Sve kaže imam. A ko vam je ovaj? Ovo je doktor, u slučaju da nemate doktora. To je raja pričala taj vic. Možda ga sada moramo apdejtovati da smo povelili anesteziologa sa sobom. Ali evo vraćamo se na 2019, tema je 2019. znači tada je pričao taj vic, pošto su doktori otišli. No, ono što je bitno i ozbiljno reći, u svemu ovome, kada govorimo o politici, politikanstvu, populizmu i tim nekim stvarima. Ovdje se ne

radi o tome. Ako govorimo o depolitizaciji institucija, institucija kantonalnih, državnih. Depolitizacija, to je jedan vrlo bitan proces, vrlo bitna stvar koju moramo iznijeti. Ja pokušavam i da do kraja mandata bar nešto uradim na tom planu, jer sam to obećao svojih glasačima, biračima, građanima koji su glasali za mene. Da probamo depolitizirati to. Ovdje nije pitanje utvrđivanja da li se radi o političkim obračunima oko KCUS, već o depolitizaciji KCUS. Mi ne moramo dokazivati da se radi o politiziranom KCUS. To se ne mora dokazati. Sada vi hoćete da mi empirijski neki dokaz fizički. Ja ne sam isto tako zbunjen kao i kolega Dević. Da ne može da vidi o čemu se radi. Ne radi se tu što je gospođa Sebija Izetbegović supruga predsjednika stranke SDA.

Predsjedavajući:

Kolega Nikšiću pokušajte se vratiti na Izvještaj.

Poslanik/zastupnik Damir Nikšić:

Ne, govorim o depolitizaciji 2019. dakle 2018 bili su izbori, i gospođa Sebija Izetbegović je bila druga na listi SDA. To je politički angažman. Postala je zastupnica u Federalnom parlamentu. Istovremeno generalna direktorica ovdje. Ako to nije politička funkcija ja ne znam šta je. Ako to nije politizacija, ja ne znam šta je. Što se depolitizacije tiče, gospođa Sebija Izetbegović je navedena u radu u jednom izvještaju Amnesty international, znači to je case study nepotizma u BIH. Time što je supruga, upravo time što je supruga predsjednika stranke i budućeg člana Predsjedništva BIH, ako bog da. Da ispravim Džaferovića. Znači, jeste, to je problem. Nemojte sada da mi nešto moramo o svemu pričati a o tome ne smijemo pričati ko biva nije fer o tome pričati. To je čitav problem. Međunarodne institucije o tome govore. 2019. Pričam u ime Kluba, mogu li 15 minuta da vam uzmem dragocjenog vremena? Ovo je vrlo bitno. Ovo nam govori civilni sektor, ovo nam govore ljudi koji su u građanskom sektoru, ovo nije samo politika, ovo nije stvar političkih partija, ovo je stvar depolitizacije. Jedini način da depolitiziramo institucije jeste da imamo neki policy, neku politiku vodimo. Politiku depolitiziranja institucija. Mi ne moramo u tom smislu ništa dokazivati. Amnesty international ima izvještaj o tome, sve je apsolutno jasno i pred očima, da je neko ko je na listi jedne političke partije, drugi na listi, istovremeno i sjedi i Parlamentu istovremeno i direktorica i ne podnosi Izvještaj tom Parlamentu. Taj Federalni parlament se uglavnom bavi Kantonom Sarajevo. Znači, tada je bilo skandalozno slušati o tome kako je, 2019, kako je KCUS ostvario dobit. To je ja ne znam kakav je to pristup. To je neoliberalni kapitalistički pristup, ustvari znam, evo koji jednostavno ne sjedi, ne može se uglaviti u sistem koji mi imamo, javnih institucija. Uopšte nije bitna dobit, čak i ako imamo dobit, gdje se troše te pare? Opet hoću da znam gdje se troše te pare. Sve te pare se moraju potrošiti na pacijente, jel de? Tako smo se složili. Znači i bitna je dobrobit. Kanton Sarajevo plaća 80% tom KCUS, daje 80% novca, kako se zovu, korisnici iz Kantona Sarajevo, građani. I ne možemo imati uopšte ne može dr. Gavarankapetanović te 2019 godine nije mogao da stupi u krug da bilo šta vidi. Evo ja sada pitam možemo li mi napraviti komisiju, kao što smo napravili jednu komisiju za Zavod za javno zdravlje pa da mi evo zastupnici, evo ja, i još neki, ne moram ja, zastupnici odemo tamo i da obiđemo neki đir, da vidimo gdje se troše te pare, da vidimo o čemu se radi. Znači mi imamo veoma jasan problem, jasan koji ne treba dokazivati, koji je dokaziv sam po sebi, imenom, prezimenom, članstvom, funkcijom u partiji da je ta institucija politizirana. 2019, jednako kao i danas. Nikakav napredak nije učinjen na tom planu. A napredak bi značio da se ta institucija, kao i sve druge institucije i preduzeća javna, kantonalna depolitiziraju, federalna depolitiziraju, državna depolitiziraju. Da u njima rade ljudi koji su stručnjaci. I još jednu stvar bih samo htio da odgovorim. To što neko kaže bavi se hirurģijom ili nečim tim kao zastupnik. Ne mora da bude. Mi nismo, mi smo izabrani zastupnici, mi nismo došli ovdje putem CV, ne moram ja imati diplomu da bih pričao o tome. Meni to govore građani, govore mi stručnjaci. Ja zastupam stručnjaka. Ili Dino

Konaković kolega zastupa nekog stručnjaka koji mu je rekao daj reci ovo, reci ono. Mi to moramo. Mi za to primamo plate. Mi ne primao plate da nam odozgo direktive šalju predsjednici partija i njihove supruge. Mi primamo plate od ovih ljudi. Od stručnjaka, koji nam kažu dajte molim vas recite te stvari. Pitajte ta pitanja i nemojte da mijenjamo ovdje opet teze i da se moramo učiti iz početka i demokratiji i politici, depolitizaciji, šta je policy, i šta je politikanstvo, i šta je populizam, a šta zapravo demokratija, odnosno zastupanje javnih interesa, interesa građana. Eto neću vam više. Nemojte se uvrijediti što vam ovo govorim. Ali previše to ide u obračun dvije partije ili tri, ili koalicija. Ako zaista radimo za građane, dajte da depolitiziramo ove institucije. I vidjet ćete kada razmišljamo o depolitizaciji institucija, tu Sebiju Izetbegović nema mjesta. Kao supruzi i kao nekome ko je bio na listi SDA. Iz daleka, iz aviona kad se gleda. Znači hajde da pričamo o tome, pustimo sada stranačke razmirice i gledajmo da zastupamo građane i građanski sektor i sve ostalo. I zapravo čitav sistem koji nismo mi izmislili, koji trebamo ispoštovati. Eto, hvala vam.

Predsjedavajući:

Zastupnik Aljoša Čampara.

Poslanik/zastupnik Aljoša Čampara:

Zahvaljujem predsjedavajući. Nadam se da se čujemo. Evo ja ću pokušati biti što kraći, upravo radi vremena i da se zastupnici mogu pripremiti za iftar. Dakle izvještaj o KCUS uglavnom su slični ili isti. Metodologija izvještavanja je slična ili ista, evo iz godine u godinu, i i mi svjedočimo ovdje da nam izvještaj ne podnose najodgovorniji ljudi odnosno rukovodioci institucije u smislu da tu bude generalni direktor. Uglavnom nam šalju neke svoje bedele i ljude koji se ovdje preznojavaju jer nisu ni u materiji, niti su oni odgovorni, ni za finansijsko ni za drugo stanje u samom KCUS, ali evo mi svjedočimo tome. Mislim da imamo jedan ignorantski odnos prema Skupštini Kantona kao jednom od osnivača KC, i nije to obični to neki osnivač, mislim da je to osnivač koji najviše novca iz sredstava građani Kantona Sarajevo ulažu u sam KC. Kao što smo svjedoci i prema tim ugovorima koji postoje, koji su potpisani, koji bi naravno trebali doživjeti konačno svoju reviziju, mislim da građani Kantona Sarajevo finansijski učestvuju sa 2/3 ukupnih sredstava vezano za finansiranje KCUS, a što se tiče kapitalnih izdataka i kupovanja opreme, pravljenja zgrada, imali smo priliku da čujemo da je to u nekom procentu od 99%. dakle sam odnos KC prema Kanton Sarajevo kao jednom od glavnih osnivača, mada i drugi kantoni imaju primjedbe i probleme, mislim da nije dobar i jednostavno se mora mijenjati. Ne može se stalno stvari neko neprijateljstvo na relaciji KC i Kanton Sarajevo. Prije svega zato što građani Kantona Sarajevo su oslonjeni na KC i koriste usluge KC u smislu pacijenata koji tamo borave. Međutim, hoću ovdje da potenciram još dvije stvari koje su jako bitne. Mi moramo praviti razliku i kroz ovaj izvještaj između rada ljekara uposlenih ljekara koji rade svoj posao dobro, čestito, pošteno. Imamo jako puno ljekara koji su se pokazali i u vrijeme pandemije i u drugim prilikama, i njih trebamo potpuno odvojiti i posmatrati od rada samog menadžmenta. Mislim da se koristi nekada situacija da se pokuša prikazati stanje kao da je Vlada Kantona Sarajevo, ili Skupština Kantona Sarajevo protiv ljekara koji rade u KC. Ne, to nije tačno, to su laži, to su neistine, to su poturanja, i to je neka vrsta spinova koji pokušavaju da zavade ovu novu parlamentarnu većinu ili zastupnike ili Vladu ili Skupštinu sa ljekarima KC. Druga je stvar kritika na račun rada samog menadžmenta i to je potpuno jedna odvojena stvar koja se apsolutno ne može dovoditi u vezu. Kada govorimo o finansijskom izvještaju, naravno da je dobro da niko ne posluje u nekim minusima i da netransparentno troši novac, ali nije osnovni fokus i nije osnovni zadatak da KC samo prikazuje finansijski izvještaj u smislu da pozitivno posluju. Nije to nikakva profitabilna organizacija, niti treba da bude, niti je neka izvozna firma koja treba da ostvaruje određeni profit. Tako i da i to moramo imati u vidu. Naravno, ja ne mogu stvarno da se ne dotaknem ove današnje i ne mogu da vjerujem da li evo postavljam

sebi pitanje, nama svima, građanima, da li postoji iko normalan, častan pošten, koji može onako jednostavno nijemo gledati ili opravdavati odlazak 13 anesteziologa sa KC, koji su danas, ili jučer ili kada već, podnijeli zahtjev za raskid radnog odnosa. Ja mislim da je to strašno, da je to toliko uznemiravajuće i da to apsolutno ne može imati nikakvo opravdanje, posebno da neko brani tu stvar. Ja stvarno ni kao čovjek, ni kao građanin, ni kao zastupnik, ne mogu vjerovati da postoje ljudi koji bi mogli opravdavati ovu situaciju. Vjerujte mi da je u ovome, prehrambenom lancu u Bingu, da se desila situacija da 13 kasirki ili 13 radnika da otkaz, to bi bila vijest i ljudi bi se zapitali pa zašto se to dešavalo. Pa možete misliti 13 anesteziologa, vrsnih ljekara, stručnjaka, koji imaju po 25 godina radnog iskustva da napuste KCUS: naravno sada se to pokušava pravdati uvijek, ili su oni sada ćemo reći da su promijenili agregatno stanje, kao što su to promijenili ovi pedijatri. Šta je sa 200 ljekara koji je otišlo? I sada trebamo kriviti medije, sada trebamo kriviti političke stranke, sada trebamo kriviti Vladu Kantona Sarajevo. Pa zar nije bilo normalno da Vlada Kantona Sarajevo i Skupština Kantona Sarajevo ima pravo predložiti dva člana UO imajući u vidu ovo sve što sam naveo koliko građani Kantona Sarajevo učestvuju u finansiranju KC. Ja znam da su neke kolege imali dobronamjerne diskusije u smislu da stalno razgovaramo o ovim izvještajima ali da se ništa neće promijeniti. Ali se ne slažem s njima. Promijenit će se. Vjerujete mi da će se promijeniti, ničija nije do zore sjala. Arogantno i bahato ponašanje ne može izdobriti i neće dovesti do dobrih stvari. Mi iz Kanton Sarajevo moramo upozoravati na ove devijacije, moramo govoriti o ovim stvarima. Vjerujte mi ne postoji, ja mislim i uvjeren sam, da ne postoji normalan čovjek u ovoj zemlji i u ovoj državi koji može opravdavati ili koj i može bagatelisati da je 13 vrhunskih stručnjaka otišlo i napustilo Klinički centar. Barem u ovoj zadnjoj fazi. Da ne govorim o ovih 200 prije koje je napustilo. Trebat će puno, puno vremena da dobijemo takve stručnjake. Zahvaljujem.

Predsjedavajući:

Zastupnica Bišćević-Tokić.

Poslanik/zastupnik Jasmina Bišćević-Tokić:

Hvala predsjedavajući., pa evo prije svega želim da se zahvalim uvaženom profesoru Hasanbegoviću na prezentiranom izvještaju za 2019 godinu. Ja sam sigurna da profesore niste žrtvovani kako pokušavaju da spinuju pojedini zastupnici, samo zbog toga što ste danas nama zastupnicima iznijeli Izvještaj KC za 2019 godinu. Al mogu reći profesore i kao ljekar da jesmo žrtvovani kada poredimo plate ljekara i plate političara, i te kako smo žrtvovani. KC nije politička institucija kako smo do sada mogli da čujemo cijelo vrijeme od pojedinih zastupnika. KC u Izvještaju za 2019 godinu prezentirao je da ima 3340 zaposlenih. To su čestiti, vrijedni, i obrazovani ljudi koji rade svoj posao. Ne slažem se da trebamo samo potencirati na ljekare da rade na KC od viš 3000 ljudi radi i medicinski i nemedicinski sektor. Rade ljekari, tehničari, sestre, higijeničarke, administracija, pravnici, ekonomisti. KC nije menadžment. Ne želim uopšte da politiziram, i ne želim da kažem da je to politička institucija kao što je kolega Nikšić pokušavao cijelo vrijeme u svojoj retorici da priča, i žao mi je realno što se doticao teme koja ne tiče se Izvještaja za 2019 godinu, a mom kolegi Zahiragiću niste dozvolili da završi svoju diskusiju. Evo kada već spominjemo agregatno stanje prethodnog kolege, mislio je vjerovatno na ortopede, nije mislio na pedijatre. Radilo se o pet ortopeda koji su prešli sa KC u Opću bolnicu Abdulah Nakaš i naravno svi su mediji to prenijeli. Ono što je meni zabrinjavajuće jeste da je od tih pet ortopeda u Općoj bolnici ostalo dva.: profesor Gavrankapetanović i profesor Bišćević. Niko od građana Kantona Sarajevo ne zna uopšte da ti ortopedi ne rade uopšte u Općoj bolnici. Neko je otišao u politiku, neko je otvorio svoje privatne poliklinike i oni sada tu rade. Nisam kolegi Konakoviću mislila replicirati, njemu lično kada je riječ o Izvještaju za 2019 godinu, nego sam mislila na kolegu Igora Stojanovića jer se dotakao korone. U Izvještaju 2019 godine nema ni riječi o koroni, jer nije tada ni bila. B

ila za 2020. Međutim, ono što je evidentno da zastupnici uopšte nisu spominjali u Izvještaju za 2019 godinu naravno opet se, kažem čast izuzecima, jeste da je KC prezentirao svoje usluge koje pružaju. I to je evidentno svima nama u materijalu koji stoji, to i građani Kantona Sarajevo mogu da prelistaju i da vide sve što ih interesuje od usluga koje pružaju. Mene zanima ko onda u Kantonu Sarajevo prima pacijente za dječiju hirurgiju, za pedijatriju, za torakalnu hirurgiju, za onkologiju, za dijalizu, za nefrologiju, za Infektivnu kliniku? To su sve usluge koje pruža KCUS sa svojim zaposlenicima. I to u izvještaju za 2019 godinu stoji. Mi njima ne možemo osporiti usluge koje pružaju. Mi cijelo vrijeme pričamo ovdje kažemo ne treba politizirati. Pa treba biti pošten pa reći da kolege koje rade na KC pružaju usluge našim građanima. Da ti ljekari, da te sestre, da sva administracija da ne primaju platu onako. Da rade ljudi osam sati kako bi pružili građanima Kantona Sarajevo usluge. Može li bolje? Može. Može li Opća bolnica sa svojim kapacitetom pružiti ove usluge? Nisam sigurna da može. Ali bilo bi mi drago da i u Općoj bolnici imamo sve ovo, pa da se nekako natječemo u rivalitetu. Mi cijelo vrijeme KC kudimo. Politički, u redu mogu to da kažem da ispoštujem. Ali ne možemo osporiti da ljudi koji gore su zaposleni, da rade. Ne možemo tražiti da Izvještaj za 2019godinu, predsjedavajući, da hitno pomjerimo tačku dnevnog reda jer je onda pobogu vrlo hitna za 2019 godinu, razmatramo Izvještaj. I mi to nako evo sve otprilike da kažem gledamo i čudom se čudim pojedinim zastupnicima. Spominju i Džaferovića u svojim diskusijama. Kolega Stojanoviću ja mislim da ako griješim nek me ispravi, rekao je da menadžment nije napravio sastanak sa Ministarstvom niti jednom. Ja se ne bih složila sa njim. Nikada poziv iz Ministarstva nije došao na KC da se nisu odazvali. Evo vidjeli smo zadnji poziv koj je bio ne tiče se izvještaja, tiče se drugih stvari koje su se u ovoj godini dešavala, i naravno zbog higijensko epidemioloških razloga, cijeli menadžment KC je došao da kažem u Kanton, na sastanak koji je zakazao ministar Vranić. Kada već pričamo da li se držimo izvještaja ili ne, dr. Amra Kaljić je pitala pitanje koje nije vezano uopšte za Izvještaj 2019.godine. Niste je predsjedavajući upozoravali da se vrati na tačku dnevnog reda, i očito nekakvi su drugi aršini vezano za Klub SDA i za trenutno poziciju kojoj se nalazi. Ja profesore Hasanbegoviću vama se još jednom zahvaljujem na prezentiranom izvještaju. Finansijski izvještaj KC je pozitivan i naravno zahvaljujem se menadžmentu koji nije dozvolio da se u 2019 previše da kažem na neki način rasipa ali naravno smatram da nisu oštećeni građani Kantona Sarajevo kao što se pokušava prezentovati sa pozitivnih finansijskim izvještajem. Voljela bih da neki zastupnici hoće mi reći čime su uskraćeni građani Kantona Sarajevo zato što je pozitivan finansijski izvještaj KC. Evo predsjedavajući ja se zahvaljujem. Nadam se da sam u roku, da nisam probila svoje vrijeme za diskusiju.

Predsjedavajući:

Replika, zastupnica Junuzović-Kaljić.

Poslanik/zastupnik Amra Junuzović-Kaljić:

Hvala predsjedavajući. Kada su Izvještaji u pitanju, izvještaj podrazumijeva prostor, kadar i opremu. I nisam jednostavno mogla da izbjegnem brojne intervencije i poruke od roditelja i građana Kantona Sarajevo te u tom kontekstu evo želim da repliciram, radi čega je bilo moje pitanje. Hvala lijepo.

Predsjedavajući:

Dopredsjedavajući Vibor Handžić se javio za diskusiju. Izvolite. Imate riječ.

Dopredsjedavajući Vibor Handžić:

Zahvaljujem predsjedavajući. Samo da provjerim da li me čujete. Zahvaljujem. S obzirom da se javljam prvi put, dobar dan svima, srdačno vas sve pozdravljam. Ja ću zaista imati jednu kratku diskusiju. Nisam htio da se javljam za replike ranije, da ne dužimo trajanje sjednice,

ali samo kratko. Kolega Dević je briljantno sve poredao, hronološki razotkrio medija plan parlamentarne većine, ali je nekako zaboraviti spomenuti, sve da mu je tačna svaka riječ koju je rekao, jednu činjenicu koja je također neupitna, a to je da je 13 ljudi koji su potpisali pismo o korištenju spornih respiratora u COVID odjelu zaista dali otkaz. Ili je i to medija plana. I to onih respiratora čiji je proces nabavke i čija je, evo da poštujem onu presumpciju nevinosti, potencijalna upotreba mimo svih savjeta, predmet nekih istraga. E sada da se vratim na drugu stvar. Dakle super je neko konstatovao šta imamo mi pričati o medicinskim uslugama kada pojma nemamo o tome. U pravu je sto posto. I nećemo nikada imati pojma očito niti ćemo bilo šta saznati, jer se KCUS po svom djelovanju laganu pretvara u diplomatsko predstavništvo. Dakle u jedno eksteritorijalno područje u kojem organi naše države izgleda imaju sve manje pristupa, a mnogima je taj pristup i apsolutno i zabranjen. Godinama unazad, kako su mnoge kolege to govorile, uključujući izvještaj o kojem danas pričamo, nemamo glavnu i odgovornu osobu na sjednici Skupštini Kantona Sarajevo da nam podnese izvještaj, iako smo ubjedljivo najveći finansijer ove zdravstvene institucije. Nemamo je da podnese izvještaj o svom radu, kao osobe koja je najodgovornija za njegovo funkcioniranje. Evo samo u ovom mandatu, prošli put je tu bila gospođa Suljić, danas je gospodin Hasanbegović, dogođine ćemo valjda iz kinder jajeta izvlačiti ko će nam se obratiti na sjednici. To govori o jednom nepoštovanju Kantona Sarajevo, najviše zbog činjenice, evo kako je to kolega Marić super rekao da naše glasanje i rasprave ovdje o izvještajima koji nam se dostavljaju ne proizvode nikakve suštinske reperkusije po menadžment KC. Sa druge strane jedan savršen primjer nepoštivanja najvećeg finansijera je preko zdravstvenog stanja stanovništva u Kantonu jer menadžment zna da iako mi sumnjamo, da kažem sumnjamo, da finansiranje KC ne korespondira sa uslugama koje se gore pružaju, mi ne možemo i nećemo usloviti finansiranje te ustanove jer na taj način trpe isključivo građani ali ne i menadžment o kojem mi raspravljamo. Svake godine ovdje mi pričamo istu priču, mi kao nešto pitamo, ista se pitanja postavljaju, isti odgovori, isti odnos. Šta sprečava bilo koju osobu koja za sebe misli da radi briljantno i uspješno da dopusti posjetu, kontrolu ili bilo ko ju drugu vrstu komunikacije koja ne podrazumijeva slanje pomoćnika na sjednicu da podnesu izvještaj, ili bilo koji u drugu vrstu prikupljanja informacija osim papira u vidu godišnjeg izvještaja koji mi dobijemo svake godine. Ne znam ja stvarno šta je u tome problem, kada neko kaže dešava se gore to i to, mi hoćemo to da provjerimo, ako je sve u redu, šta je nekome sporno da mi to i uradimo? Taj ponovo priča sa druge strane pozitivno poslovanje baš kao da je bilo ko od nas tražio, evo ja lično, da KC ostvaruje dobit i zarađuje pare, a ne da pruža usluge. Ponovo ista priča o tome kako je bilo dok nije došao novi menadžment Kliničkog centra, ali ne treba meni to objašnjavati i meni govoriti o tom procesu, vi to sebi trebate objasniti, kako ste.

Predsjedavajući:

Ispravka krivog navoda dopredsjedavajući, zastupnik Haris Zahiragić.

Poslanik/zastupnik Haris Zahiragić:

U par navrata sam imao potrebu da ovu poslovničko pravo iskoristim pa nisam, do ovog momenta kada je kolega Vibor izgovorio da se gore ne može provjeriti šta se radi. Naravno da sve inspekcije relevantne, svi relevantni organi pa čak i politički, pa čak i ministar Vranić je više puta gore odlazio. To što zastupnici gore ne mogu ponašati se kao vlast neka sudska gore, to je druga tema i to nema veze opet sa provjeravanjem medicinskih stvari. Molim vas, upozoravam vas, pandemija je u toku, psihoza među građanima je već dovoljno jaka preko godinu dana, ne trebaju nam dezinformacije, pogotovo ne ljudima koji su u kućuma, koji ne izlaze, koji strahuju od odlaska kod doktora. Nemojte molim vas da širimo paniku i da šaljemo takve poruke u javnost, pogotovo ukoliko su neistine kolega Vibor. Hvala predsjedavajući.

Predsjedavajući:

Dopredsjedavajući Vibor Handžić, možete nastaviti.

Dopredsjedavajući Vibor Handžić:

Zahvaljujem predsjedavajući, prihvatam ispravku krivog navoda, upozorenje naravno ne znam da mu je ovdje uopšte mjesto i ne znam šta je sporno da zastupnici koji izglasavaju eto i taj Budžet ZZO imaju pravo da odu gore u posjetu, posebno ako je sve u redu i ako je sve pod kontrolom. Zaista ne vidim šta je sporno. I na to sam isključivo i mislio. Dakle, hoću da kažem, prekinuo me je kolega Zahiragić, ista je priča s druge strane. Ne treba meni govoriti i objašnjavati proces da je neko nekada ranije vodio KC gdje je stvorio gubitke, pa je došao novi menadžment, vi to sebi trebate objasniti, jer ste vi za ministre postavljali ljude za koje kažete da su između ostalog zavili u crno KC, kada su obavljali direktorsku funkciju na čelu te institucije. Evo, činjenica upravo koja se tiče 2019 koju su govorili i objašnjavali drugi zastupnici, a to da ministar Mandić potpuno protivno procesima i propisima ne delegira predstavnike u UO KCUS, koji mu dostavi Kanton Sarajevo kao većinski finansijer. Ko misli da je ministar Mandić to samoinicijativno uradio, odnosno da je sam to osmislio, onda je u jednoj neviđenoj zabludi. Ili situacija na koju me kolega Zahiragić ispravlja, u kojem jedino KC od svih zdravstvenih ustanova jedini ne dozvoli komisiji sastavljenoj od zastupnika da isti obidu i provjere situaciju u ustanovi u upravljanju borbe sa COVID pandemijom. Dakle naš odnos se svodi isključivo na to da možemo jedino da vjerujemo onom što nam se dostavi na papiru u obliku izvještaja a ja kao zastupnik imam pravo da u to sumnjam. Zahvaljujem predsjedavajući.

Predsjedavajući:

Replika zastupnik Mahir Dević.

Poslanik/zastupnik Mahir Dević:

Naravno kolega Handžiću vi imate pravo da sumnjate kao zastupnik. Isto tako sam ja kazao da mi je ovo danas, pa sam poredao sve od jutros do sada što se dešava, izgleda kao nastavak medija drugi dio. A prvi dio je onaj bio prije desetak petnaest dana kada je bila ona priča oko respiratora. Samo su se sada malo čini mi se uloge zamijenile. Onda su bili anesteziolozi ubice, a danas su anesteziolozi heroji. Kada je u pitanju moj stav spram tih ljudi, ja nemam zaista argumente, nemam informacije. Zato sam i rekao da spremam se u pravilu za sjednice Skupštine, ali ovo me je danas dočekalo. Ne mogu da sudim o tom stanju šta se zaista tu krije, ali sama činjenica da je to neka organizovana grupa od 13 ljudi govori o nekom vidu organizacije ili otpora spram menadžmenta ili ne znam neke politike itd da sada ne naglabam. Nemam informacije o tome. I naravno da bi mi bilo drago da su naši najkompetentniji, najstručniji ljudi na svim pozicijama i ne mogu da to komentarišem. Ali ovaj drugi dio, ovaj drugi segment koji se tako brzo u roku evo da kažem 12 sati izdešavao, koji sam vam poredao mi izgleda jednostavno tako. Pa evo i ova sama transformacija medijska od ubica do heroja, i tu nešto debelo govori da su politike tu upletale svoje prste i da se to cijeli dan koristi u političke svrhe uz puno uvažavanje struke, stručnjaka. Znači ja tu nemam ni jednu dilemu zaista da nam je svaki kadar, svaki stručnjak potreban. Kada je u pitanju vaš stav da mi trebamo nešto kao Skupština Kantona Sarajevo da obilazimo, da mi utvrđujemo stanje oko pandemije, da mi kao komisija obilazimo nešto, kolega nemojte da naše uloge predimenzioniramo. Vi imate pravo da sumnjate, i ja evo sumnjam u ovo što sam kazao, ali mislim da nije mjesto zastupnicima da ulaze u zdravstvene ustanove i da mi vršimo neki nadzor nad borbom protiv COVID 19. Nije tu nama mjesto zaista. Inače zastupnicima u mnogim stvarima, u mnogim komisijama nije mjesto. Treba da poštujemo i uvažavamo naše institucije, naravno sumnja je legalna i legitimna. Da bi se došlo do prave istine imate mehanizme. Kolega Zahiragić vam je maloprije kazao koji su to sve mehanizmi, inspekcije,

nadzori, sudovi, Tužilaštva, šta sve ima pokrenite procedure. To vam niko ne brani. Hvala. Toliko.

Predsjedavajući:

Dopredsjedavajući Vibor Handžić replika Deviću.

Dopredsjedavajući Vibor Handžić.

Kolega Deviću ja niti sam prije 15 dana govorio da su anesteziolozi ubice niti sam danas u svojoj diskusiji govorio da su oni heroji. Ne znam ko je to izjavljivao pa to spominjete. Ja samo govorim o činjenici da ste vi u svom izlaganju, gdje ste razotkrili pod navodnicima, naravno govorim kompletan medija plan, zaboravili ste spomenuti jednu nepobitnu činjenicu, a to je da je 13 ljudi dalo otkaz, koji su sastavili pismo u kojem se govorilo prije 15 dana. Bilo to prije mjesec ili bilo danas, potpuno je nevažno. I kada smo kod ovih komisija, ja nisam ni bio nikada član te komisije koja je trebala da posjećuje zdravstvene ustanove u Kantonu Sarajevo, ali zaista ne vidim ništa, apsolutno ništa sporno u tome da zastupnici koji izglasavaju finansiranje tih zdravstvenih ustanova, koji su za svoje učešće dobili podršku građana, imaju pravo na tako nešto. Zahvaljujem.

Predsjedavajući:

Ispravka krivog navoda Mahir Dević.

Poslanik/zastupnik Mahir Dević:

Kratko, nisam ja ni kazao kolega da ste vi rekli da su ti anesteziolozi ubice i ovo, nego govorim kako je to bilo predstavljano bilo u javnosti pa mi sada to izgleda kao prvi i drugi dio medija plana. Znači to mi jednostavno tako izgleda. To da li su ti ljudi dali otkaz ugovora o radu ili da li ti ljudi žele da prežu u Opću bolnicu ili žele nešto treće da odu neku privatnu praksu, i šta se sve tu izdešavalo. Ja nemam te informacije i ne mogu suditi zaista o tome. Maloprije vam je kolegica Jasmina navela situaciju evo oko ovih ortopeda. Pompežno pet otišlo na kraju je dva ostalo u Općoj bolnici. Nemam te podatke, pročitao sam u medijima kao i vi. Ali ja nema te podatke da su oni dali otkaz. Danas saznajem popodne da imaju nekog pravnog zastupnika. Jutros ide pitanje, pa Vlada, pa pres, pa zaključak o smjeni, pa onda pravni zastupnik, pa sada evo. Mislim to je sve što se danas izdešavalo, ja sam samo to pobrojao, naravno.

Predsjedavajući.

Možemo li dalje nastaviti kolega Deviću

Poslanik/zastupnik Mahir Dević:

izvolite. Naravno.

Predsjedavajući:

Zastupnik Damir Nikšić replika Deviću.

Poslanik/zastupnik Damir Nikšić:

Čuli smo da zastupnicima nije mjesto u tim nekim komisija i to sve. Ja bih volio samo da znam da li je zastupnicima Federalnog parlamenta mjesto na poziciji generalne direktorice KCUS? Da li to isto važi za to? I htio bih samo da kažem gospodinu Deviću da ovo sada što on govori prelazi već u jednu teoriju zavjere. Znači tu sada se spominju neke organizovane grupe, bez ikakvih dokaza, neka sekta, neka organizovana grupa i to htio bih da skrenem pažnju, to je upravo politiziranje. To je upravo politikanstvo, i to je upravo to spinovanje. Hvala.

Predsjedavajući:
Mahir Dević ispravka.

Poslanik/zastupnik Mahir Dević:

Nije nikakvu ja teoriju zavjere nisam, ja sam samo pobrojao ono što se dešavalo u toku današnje sjednice Skupštine Kantona i ovo sam govorio kao zastupnik koji je jutros došao na sjednicu da o tome nema bukvalno pojma. Da bi u toku dana kroz sve ove informacije koje su došle vidjeli da je to film koji se razvija mjesec dana. I to sam ja vama fino hronološki poredao od jutros kako je krenulo od pitanja, pa do ovoga sada stanja u kome se nalazimo. I nikakve ja nisam insinuacije tu pravo, već samo hronološki to poredao. Hvala.

Predsjedavajući:
Ispravka Damir Nikšić.

Poslanik/zastupnik Damir Nikšić:

To je upravo karakteristika teorija zavjere. Dakle anahrono nakon što se nešto desi da onda povežemo. Tako ljudi pričaju o ovim blizancima u Njujorku što su pali da postoji zavjera, da se sve. Istorija se odvija, vrijeme se odvija, sve se odvija u mjesec, dva tri dana i ne mora da bude na kraju da je to neko namjerno, smišljeno, organizovano uradio već može da bude nešto što je posljedica nekih politika, nekih stvari. Na kraju krajeva saznat ćemo to od tih ljudi. Dozvolit ćemo njima da to sami. A to kako javnost reaguje i da li su kako ih naziva, to mi ne možemo odavde da kontrolišemo. Ja ne mogu to kontrolisati niti zastupam takve neke ekstremne misli i mišljenja. Eto tek toliko da ispravim i to. Da ne ispadne da sam ja, da smo mi nahuškali nekoga na neko mišljenje u javnosti. Znači teorija zavjere upravo jeste to kada se anahrono, post event nešto interpretira kao da je bilo namjerno.

Predsjedavajući.

Prije nego što dam riječ kolegama za ispravke krivog navoda koje traže, da vode računa o službenicima koji rade i pomažu mi da vodim ovu današnju sjednicu Skupštine. Dogovorili smo se da ćemo privesti kraju rad ove sjednice do 7 sati kako bi mogli stići na iftar. Evo ukoliko nemate razumijevanja i želite da nas ostavite ovdje do 8 sati, nije problem. Mi ćemo ispoštovati ali evo, vama na obraz i čast.

Ispravka krivog navoda zastupnik Mahir Dević.

Poslanik/zastupnik Mahir Dević:

Evo predsjedavajući odustajem da ispoštujem vaš taj stav kao predsjedavajućeg. Ali i vas isto molim da vi kao predsjedavajući se ne odnosite diskriminatorски spram zahtjeva Kluba SDA i da vi tu budete objektivni prema Klubu SDA; kao što budete objektivni prema svojim stranačkim kolegicama i kolegama. Evo ja odustajem da vas ispoštujem.

Predsjedavajući:
zastupnik Haris Zahiragić replika.

Poslanik/zastupnik Haris Zahiragić.

I ja ću kratko predsjedavajući Okerić, kolegi Nikšiću replicirati samo par stvari. Da gospođa Izetbegović nije zastupnik u Federalnom parlamentu jer je podnijela ostavku niti je gore imenovana kao takva. Imaju vrlo strogi uslovi za imenovanje direktora svake zdravstvene ustanove a pogotovo KC svakog. Tako da nije radi toga imenovana, nije politički imenovana. Kada smo govorili mi kolega Nikšiću o odlasku zastupnika ja ne mislim da doktore gore

trebaju istraživati zastupnici koji nisu obrazovani za takve stvari, čak ni doktori zastupnici nisu na nivou da mogu obavljati kontrolu nad visokosofisticiranih specijalizacijama i radu doktora i procesa. To je neozbiljno a, pogotovo ne kolege uz dužno poštovanje DIF-ovci, ili evo ako hoćete pravnici itd. Dakle kod teorija zavjere kolega Nikšiću možda vi to ne znate, ali i vi ste dio toga, nesvjestan. Vi ne naručujete i ne pišete te komentare i klasifikacije ali kolege iz vaše skupštinske većine to rade sa svojim stranačkim tabloida i biltena i to je vrlo jasno povezivao i shvatljivo. Evo neću više kolega Okeriću baš radi toga. Nadam se da i ostale kolege neće da ne bi smo morali raspravu daleko odvoditi. Hvala.

Predsjedavajući:

Ne možete govoriti da nećete a govorite zapaljivom retorikom. Replika Damir Nikšić. Izvolite.

Poslanik/zastupnik Damir Nikšić:

Samo kratko. Nisam ja uopšte mislio na taj način da ja sada doktore provjeravam i te se, već sam mislio zamišljao sam da možda treba otići tamo kao zastupnik popričati sa pacijentima, nisu objekti. Neki su ljudi, imaju usta, govore, možda mogu reći nešto, jesu li zadovoljni, nisu li. U tom nekom smislu. A ovo što se tiče ovih tabloida, pa dobro, vi to najbolje znate. Vi imate dva taobloida koje finansira strana država i koji se nalaze u javnim institucijama, vrlo politička tabloida koji koriste prostore javnih institucija i koji su im iznajmljeni tamo. Tako da vi najbolje znate kako se stvari spinuju. Meni nije palo na pamet ovo sve. Ali vidim da iz iskustva znate kako se to radi. I hvala vam na informaciji i upozorenju.

Predsjedavajući:

Poslovnička intervencija zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Dakle vrlo ću kratko. Zaista smo umorni od ovih diskusija, ispravki krivog navoda, ovako ili onako. Sigurno je da su siti toga i građani. Ja vas molim predsjedavajući ako je moguće i nemaju po Poslovniku pravo na toliki broj ispravki krivih navoda i slično. Ne znam kakva je vaša namjera, vrlo ću kratko, da vas zamolim poslovnički ako je to moguće, možda smo trebali na početku, ali mislili smo da će biti vremena, mislio sam. Danas je 05.05. znači 05.maj to je Dan stradanja djece Sarajeva. Vi znate da sam ja prije dvije godine pokrenuo tu inicijativu i molim vas, mislim da bi bilo primjereno prije glasanja možda ili poslije, kako god nađete za shodno, da se minutom šutnje oda pijetet nedužnim žrtvama 1602 djece ubijeno u Sarajevu. I dajte molim vas da prestanemo sa tim raspravama i da svako na svoj način minutom šutnje, ili Fatihom odamo počast upravo nedužnim žrtvama. Jer oni bi danas bili odrasli ljudi imali bi svoje obitelji, da prestanemo sa ovim ispravkama krivih navoda i slično. Ja vas najljubaznije molim, kako želite dajte tu minutu, ili prije glasanja i poslije glasanja. I neka onda nastupi pauza jer ljudi moraju iftariti.

Predsjedavajući:

Zahvaljujemo se kolega Zvonko. Evo dajemo odmah minut ćutnje ili učenjem Fatihe ili na prigodan način onako kako ko želi neka iskaže poštovanje prema stradaloj djeci.

Nastavljamo dalje sa sjednicom. Zaključujem raspravu, s obzirom da nema više prijavljenih.

Prije nego što stavim na glasanje Izveštaj KC pročitat ću jednu inicijativu i jedan zaključak.

Inicijativu je podnijela zastupnica Bilsena Šahman koja glasi:

Molim ministra zdravstva Kantona Sarajevo da formira tijelo od zastupnika Skupštine Kantona Sarajevo, Vlade Kantona Sarajevo i Upravnog odbora ZZO, koje će preispitati /revidirati ugovor sa Kliničkim centrom Univerziteta u Sarajevu u roku od 15 dana. Formirano tijelo treba utvrditi nove kriterije po kojima će se Klinički centar Univerziteta u Sarajevu finansirati iz Budžeta Kantona Sarajevo.

Molim službu da pripremi anketu za izjašnjenje, a zastupnike i zastupnice da se izjasne. Zaključujem glasanje. Molim službu da objavi rezultate. Za je glasao 21 zastupnik, protiv 2, suzdržan 1. konstatujem da je Skupština Kantona Sarajevo usvojila inicijativu zastupnice Bilsene Šahman.

Klub Narod i pravda je dostavio prijedlog zaključaka gdje traže da se izjasni Skupština Kantona Sarajevo o njima:

Obzirom da je Kanton Sarajevo najveći sufinansijer ali i suosnivač pomenute institucije, zahtijevamo hitnu ostavku direktorice KCUS prof.dr. Sebiye Izetbegović. U slučaju da ista ne postupi po ovom zaključku, ukoliko bude izglasan, zahtijevamo da Vlada FBiH, te resorni ministar iz Vlade FBiH Vjekoslav Mandić po hitnoj proceduri pristupi razrješenju direktorice ove krovne zdravstvene institucije zbog ozbiljnosti situacije u kojoj je dovedena a što je uzrokovano isključivo lošim menadžerisanjem.

Molim službu da pripremi anketu a zastupnice i zastupnike da se izjasne. Zaključujem glasanje. Molim službu da objavi rezultate glasanja. Za je glasalo 21, 5 protiv, suzdržanih ništa. Konstatujem da je Skupština Kantona Sarajevo usvojila navedene zaključke.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU KLINIČKOG CENTRA UNIVERZITETA U SARAJEVU ZA 2019. GODINU

Molim službu da pripremi anketu za izjašnjenje. Molim službu da objavi rezultate. ZA JE GLASALO 7, PROTIV 21, SUZDRŽAN 1.

KONSTATUJEM DA SKUPŠTINA KANTONA SARAJEVO NIJE USVOJILA OVAJ IZVJEŠTAJ.

Poslanik Zvonko Marić:

Molim vas predsjedavajući pojedinačno glasanje jer sam napravio grešku prilikom glasanja.

Predsjedavajući.

Molim sekretara Skupštine da prozove zastupnike kako bi se izjasnili.

Sekretar Skupštine Aida Zeković:

dobar dan svima. Molim da se izjasnite.

Aljović Hamed	ZA
Bešlija Vildana	PROTIV
Bišćević-Tokić Jasmina	ZA
Čampara Aljoša	PROTIV
Čelik Mirza	ODSUTAN

Delalić Sabahudin	OPRAVDANO ODSUTAN
Dević Mahir	ZA
Dizdarević Neira	PROTIV
Duraković Jasna	PROTIV
Handžić Vibor	PROTIV
Hasagić Amra	ZA
Hasanović Senad	PROTIV
Hodžić Admela	PROTIV
Jakupović Vedran	PROTIV
Junuzović-Kaljić Amra	PROTIV
Kerla Bibija	SUZDRŽANA
Konaković Elmedin	PROTIV
Krstić Danijela	PROTIV
Marić Zvonko	PROTIV
Marjanović Damir	PROTIV
Mekić Amel	PROTIV
Memić Arijana	PROTIV
Milavica Sead	PROTIV
Nikšić Damir	PROTIV
Okerić Elvedin	PROTIV
Pecikoza Fahrudin	ODSUTAN
Pleho Haris	ZA
Poturak Dževad	PROTIV
Srna- Bajramović Segmedina	PROTIV
Stojanović Igor	PROTIV
Suljević Samir	ODSUTAN
Šahman Bilsena	PROTIV
Viteškić Smiljana	ZA
Vreto Elvis	PROTIV
Zahiragić Haris	ZA

Za je glasalo 7 zastupnika protiv 23 suzdržan 1 zastupnik.

KONSTATUJEM DA SKUPŠTINA KANTONA SARAJEVO NIJE USVOJILA OVAJ IZVJEŠTAJ.

Ubrzo će nastupiti vrijeme iftara, stoga prekidan sjednicu Skupštine Kantona Sarajevo a o nastavku ćete biti balgovremeno obaviješteni. Hvala vam. Prijatno.

S T E N O G R A M
NASTAVKA 36. RADNE SJEDNICE
ODRŽANE 11.05.2021.GODINE ONLINE

Predsjedavajući Elvedin Okerić (u daljem tekstu predsjedavajući):
Otvaram nastavak 36. Radne sjednice Skupštine Kantona Sarajevo.
Pozdravljam uvažene kolegice i kolege zastupnike, članove Vlade i uvažene goste, kao i sve one koji prate rad današnje sjednice.
Svima nama želim uspješan rad i ugodnu radnu atmosferu.

Sjednici ONLINE prisustvuje 27 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su zastupnici: Fahrudin Pecikoza i zastupnica Segmedina Srna Bajramović.

Za danas su nam preostale sljedeće tačke:

6. Prijedlog Odluke o izmjenama i dopunama Odluke o donošenju Kantonalnog plana zaštite okoliša Kantona Sarajevo;
7. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2019. godinu;
8. RAZMATRANA 05.05.
9. Izvještaj o radu i finansijskom poslovanju JU Psihijatrijska bolnica Kantona Sarajevo za 2019. godinu;
10. Izvještaj o radu i finansijskom poslovanju JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2019. godinu;

11. Izvještaj o radu i finansijskom poslovanju JU Opća bolnica „Prim. dr. Abdulah Nakaš“ za 2019. godinu;
12. Izvještaj o radu i finansijskom poslovanju JU Zavod za hitnu medicinsku pomoć Kantona Sarajevo za 2019. godinu;
13. Izvještaj o radu i finansijskom poslovanju JU Zavod za javno zdravstvo Kantona Sarajevo za 2019. godinu;
14. Izvještaj o radu i finansijskom poslovanju JU Zavod za medicinu rada Kantona Sarajevo za 2019. godinu;
15. Izvještaj o radu i finansijskom poslovanju JU Zavod za zdravstvenu zaštitu žena i materinstva Kantona Sarajevo za 2019. godinu;
16. Izvještaj o radu i finansijskom poslovanju JU Zavod za bolesti ovisnosti Kantona Sarajevo za 2019. godinu;
17. Izvještaj o radu i finansijskom poslovanju JU Dom zdravlja Kantona Sarajevo za 2019. godinu;
18. Izvještaj o radu i finansijskom poslovanju JU "Apoteke Sarajevo" za 2019. godinu;
19. Izvještaj o radu i finansijskom poslovanju JU Kantona Sarajevo Zavod za zaštitu zdravlja studenata Univerziteta u Sarajevu za 2019. godinu;
20. Izvještaj o radu i finansijskom poslovanju JU Zavod za sportsku medicinu Kantona Sarajevo za 2019. godinu;
21. Izvještaj o realizaciji Plana povratka u i iz Kantona Sarajevo za period 01.01.-31.12.2020 godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2021. godinu;
22. Poslanička/zastupnička pitanja inicijative i odgovori.

Sada prelazimo na realizaciju tačke šest.

AD-6.

PRIJEDLOG ODLUKE O IZMJENAMA I DOPUNAMA ODLUKE O DONOŠENJU KANTONALNOG PLANA ZAŠTITE OKOLIŠA KANTONA SARAJEVO

Materijal ste dobili u dopuni. Molim predstavnika Predlagača da podnese uvodne napomene.

Premijer Edin Forto:

Dobro jutro predsjedavajući. Čujemo li se? Evo ja ću biti predlagač, uvodničar tačnije, ove Izmjene kantonalnog ekološkog akcionog plana. Volio bih da i zastupnici obnove svoje sjećanje vezano za ovaj dokument a i zbog javnosti da prvo objasnim kakav je ovo dokument. Kantonalni ekološki akcioni plan, ili KEAP kako ga zovemo od milja, kao skraćenicu, je ustvari zahtjev iz Federalnog Zakona o zaštiti okoliša. To je suštinski spisak ili skup svih projekata koji će da doprinesu unapređenju naše životne sredine. I to se dijeli na nekoliko oblasti, npr. zaštita voda, zaštita zraka, odvoz i tretiranje otpada itd. Vrlo je bitno da ovo razumijemo, jer ako bi ovaj akcioni plan ispunili to bi koštalo, trebalo bi finansirati u iznosu od 1,8 milijardi KM. Dakle ako bi mi stvarno htjeli da investiramo u okoliš, ovaj akcioni plan nam otvara veliki skup projekata da bez ikakvih problema možemo svi kao Kanton znati gdje možemo uložiti ako se odlučimo da idemo u pravcu značajnijeg ulaganja u zaštitu okoliša. Federalni Zakon propisuje da minimalno se ide na pet godina kantonalni ekološki akcioni plan. Mi smo ga usvojili, kada kažem mi, to je bila Vlada i Skupština iz 2017 godine i on je predviđen da traje do 22 godine. I to je KEAP ko ji je na snazi i koji je realiziran u nekom procentu. Taj procenat imate u svojim materijalima, on nije visok. Nije ni zanemariv ali nije visok. Ono što se desilo u međuvremenu je, 2019.godine Vlada Kantona Sarajevo potpisala je sa japanskom ambasadam koja je finansirala projekat izrade tzv Zelenog akcionog plana. To

je sada odvojeni dokument. Zeleni akcioni plan je poseban program koji je rezultat saradnje sa EBRD, postoje samo tri grada u BiH koji su ušli u program stvaranja zelenog akcionog plana za gradove, to su Banja Luka, Zenica i Sarajevo. Mi smo 2019 rado ušli u taj program. Metodologija izrade zelenog akcionog plana je slična kao KEAP i oni bi trebali da se nadopunjuju. U proteklom periodu, evo već par godina taj plan zeleni akcioni plan je pripreman, u skladu sa konsultantima koje je platila EBRD i japanska ambasada koja je i članica i suvlasnica EBRD-a. Ono što je rezultat tog zelenog akcionog plana je 50 projekata, 32 prioriteta projekta i 18 dodatnih projekata. I šta smo mi sada uradili? Resor zaštite okoliša u Kantonu Sarajevo je uzeo 32 prioriteta projekta iz ovog EBRD zelenog akcionog plana i dodao ih u KEAP, praktično smo ga nadopunili i produžili smo mu djelovanje onda do 2025 godine. Ja ću vam nabrojati samo neke od projekata koji se smatraju prioritarnim ovim akcionim planom. Onda vi možete steći dojam tačno o čemu se ovdje radi, npr da razvijemo sistem za digitalno upravljanje infrastrukturu za odvodnju i tretman komunalnim otpadnih voda, da izradimo integrirana i pametna rješenja za upravljanje saobraćajem. Neki od ovih projekata su već u Budžetu Kantona Sarajevo. Izgradnja nove tramvajske pruge, uspostavljanje novih linija tramvajskog saobraćaja. Unapređenje i proširenje infrastrukture za biciklistički i romobiliski transport. Proširenje postojećeg javnog voznog parka, i zamjena postojećeg nisko emisivnih vozila. Suštinski, prelazak na električna vozila u javnom prijevozu. Unapređenje i proširenje sistema daljinskog grijanja. Znači proširenje kapaciteta Toplana a sve u svrhu zaštite našeg zraka. Itd. 32 takva projekta sada ubacujemo u ovaj KEAP. Ono što je također značajno za naglasiti, ovom izmjenom i ubacivanjem ovih projekata iz EBRD zelenog akcionog plana, ova Vlada i svaka naredna Vlada u narednih pet godina će bez problema obezbijediti finansiranje za ove projekte jer se oni pripremljeni tačno u skladu sa metodologijom međunarodnih finansijskih institucija koje će vrlo rado podržati ovakve projekte kada ih mi komandujemo kao Vlada Kantona Sarajevo u narednom periodu. Ovo je strateški dokument koji olakšava finansiranje ovakvih projekata i našoj Vladi ali i svakoj budućoj Vladi u narednih pet godina. To je to. Ovo je uvod, ja se nadam da i zastupnici i javnost razumiju da je ovo bitan strateški dokument, da je opredjeljenje ove Vlade suštinski da što više ovih projekata stavimo u Budžet od onih koji to već nisu. I da značajna investiranja povoljnim zaduživanjem radimo u sektoru okoliša u narednim godinama. To je ono što suštinski utiče na kvalitet života i mislim da je to ono što građani od nas i od svake buduće Vlade očekuju. Ja sam tu za sva pitanja. Tu su i osobe iz resora koje su pripremale ove izmjene. Vlada je usvojila ovaj dokument i daje ga vama na nadležno odlučivanje. Ja se iskreno nadam da ćete podržati. Hvala.

Predsjedavajući:

Zahvaljujemo premijeru. Molim da predstavnici radnih tijela, ukoliko žele, da se obrate. Dajem im riječ. Da li ima pitanja? Otvaram raspravu. Evo imamo zastupnik Amel Mekić pitanje. Zastupniče Mekić izvolite, imate riječ.

Poslanik/zastupnik Amel Mekić:

Hvala vam predsjedavajući. Pošto se prvi put javljam, želim da pozdravim gledaoce ispred TV ekrana, vas, dopredsjedavajuće, premijera, kolege zastupnike i naravno službe. Pa gledajte, pitanje za premijera. Dragi premijeru to o čemu vi pričate je jako daleko. Pošto sam planinar i često planinaram po okolnim planinama pored Sarajeva, svakodnevno vidimo novonastale nelegalne deponije. Na deponijama građevinski otpad, pločasti namještaj, bijela tehnika, stare gume i hiljadu nekih ne znam nelegalnih deponija koje su stvarno ruglo. Pa da samo pitamo na koji način može da se poveća inspeksijski rad da inspekcija bude učinkovitija i da se napokon eko policija stavi u funkciju. Hvala.

Predsjedavajući:

nemamo više prijavljenih za pitanja. Premijeru možete ponuditi odgovor.

Premijer Edin Forto:

Zahvaljujemo zastupniku na pitanju. Ovo je jedno od ključnih stvari, problema u Kantonu Sarajevo. Nevezano za trenutnu akciju čišćenja Kantona koja je u toku, koja još nije došla ni do polovine, a čiji je cilj upravo jedan od primarnih ciljeva, osim uklanjanja onih napuštenih automobila iz naselja, da uklonimo i nelegalne deponije, ali ono što je zastupnik primijetio je sljedeći problem: mi ćemo uklanjanjem ovih deponija, ovo proljeće opet možda za neko vrijeme opet će se stvoriti nove, pa ćemo mi stalno tako raditi u krug. Dakle bez implementacije postojećeg zakonodavstva, pojačanje nadzora inspekcije i generalno većeg učešća građana i podizanja svijesti kod građana, ovaj problem će se stalno dešavati. Evo ja ću navesti upravo zastupnik Mekić je pitao nešto što je u prioritetnim projektima ovog izmjene KEAP a to je projekat uklanjanje nelegalnih odlagališta, pojačavanje inspeksijskog nadzora nad lokacijama. Dakle to je u projektu. Mi kada se odlučimo da krenemo finansirati ovaj projekat, on će podrazumijevati i jačanje kapaciteta firmi koje se bave uklanjanjem i odlaganje otpada ali i jačanjem kapaciteta u inspekciji. Dakle, zastupniče nije ovo daleko, mi smo već neke stvari krenuti od ovih a ovo nam je prioritet. Nakon što vi ovo usvojite mi možemo krenuti dalje u kapacitiranje inspekcije i rada na ovom problemu, i svih oni koji su ovdje izlistani u ovim projektima.

Predsjedavajući:

Hvala premijeru. Otvaram raspravu. S obzirom da se niko ne javlja zatvaramo raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA I DOPUNAMA ODLUKE O DONOŠENJU KANTONALNOG PLANA ZAŠTITE OKOLIŠA KANTONA SARAJEVO.

Molim službu da pripremi anketu za izjašnjenje.

ZA JE GLASALO 24, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Prelazimo na tačku sedam:

AD – 7.

IZVJEŠTAJ O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2019. GODINU

Materijal ste dobili u dopuni. Molim predstavnika Predlagača da podnese uvodne napomene.

Direktor ZZO KS Sakib Katana: UVODNO IZLAGANJE

Predsjedavajući:

Zahvaljujemo se direktoru Katani. Da li predstavnici radnih tijela žele riječ? Ima li pitanja? Zastupnica Neira Dizdarević ima pitanje. Izvolite, imate riječ.

Poslanik Neira Dizdarević:

Hvala predsjedavajući. Ja imam nekoliko pitanja vezano za Izvještaj iz 2019 godine. S

obzirom da je ova godina i bila predmet revizije od strane Ureda za reviziju FBIH. Pitanje jeste da li ste u toku 2020 godine postupili po preporukama Revizije koje nisu bile realizovane? Da li su se poduzimale aktivnosti na izmjenama Pravilnika o radu u kontekstu obračuna plaća, osnovica i koeficijenta složenosti, te dodataka za koje je Revizija konstatovala u najmanju ruku da su neprimjereni? Imate li saznanja da li se preispitivala zakonitost potpisivanja ugovora o radu i odluke o povećanju platu prijašnjeg direktora? I posebno važno, možete li mi obrazložiti na poziciji koju ste spomenuli Program za dijagnostiku i liječenje teško oboljele djece, gdje smo obezbijedili milion KM, realizovano samo 19.000 a svjedoci smo naravno svakodnevno apela za liječenje djece. Poređenja radi, iznos za liječenje je tek 50% iznosa koji ste utrošili za rad UO u 2019.godini. Toliko hvala.

Predsjedavajući:

Dopredsjedavajuća Danijela Kristić ima pitanje.

Dopredsjedavajuća Danijela Kristić.

Zahvaljujem predsjedavajući. Obzirom da se prvi put javljam, pozdravljam sve prisutne i gledaoce kraj malih ekrana. Ja imam slično pitanje kao kolegica Neira. Navedeno je u izvještaju da je izdato 36 preporuka. Koliko preporuka je realizovano do danas? I drugo pitanje nije vezano za Izvještaj 2019. ali evo ja ću zamoliti direktora da odgovori. U svakodnevnom sam kontaktu sa ljudima kojima je potrebno refundirati novac o utrošenom lijeku Tocilizumab, većina njih mi tvrdi isto, a to je da se papirologija mijenja iz dana u dan i da ljude vraćaju iz ZZO. Ljude otpuštaju iz bolnice a da im na otpusnim pismima uopšte ne piše da su primili ovaj lijek. Molim usmeni odgovor, dokle je došlo provođenje ovog zaključka? Šta je sa zahtjevima građana za refundaciju novca, te molim, obzirom da su sredstva za refundaciju odobrena, da se zahtjevi za refundaciju počnu rješavati promptno i bez odlaganja. Hvala vam.

Predsjedavajući:

Zastupnica Vildana Bešlija.

Poslanik/zastupnik Vildana Bešlija:

Dobar dan svima. Ja bih imala jedno pitanje, vezano je za Izvještaj. Naime, u Izvještaju pod rednim brojem 2.2.2. konto 722610 na strani 35 prihodi od regresnih postupaka stoji da je Finansijskom planom za 2019 bilo predviđeno 100.000 KM. Međutim, u onom planu koji je usvojen od strane Skupštine, pod istim tim kontom i brojem predviđeno je 60.000 KM. Eto zamolila bih ako nam se može pojasniti zbog čega je došlo do odstupanja u ovom iznosu. Hvala vam.

Predsjedavajući:

zastupnik Zvonko Marić ima pitanje. Izvolite imate riječ.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, poštovani građani. Ja imam nekoliko pitanja za direktora, mada sam potpuno svjestan da jedna loša praksa preovladava u radu i principima djelovanja u ZZO još od 2010 godine. I u prošlom mandatu sam ukazivao na neke manjkavosti u radu, međutim te se sistemske greške nikako nisu do sada otklonile i sigurno se održavaju upravo na štetu prije svega građana, osiguranika. I zato ću da pitam nekoliko stvari i ne iz privatne prakse, oni naplate svoju uslugu. Ali trpe građani, pa vas zato pitam kako je moguće da recimo kada se raspisuju za deficitarne usluge konkursi da građani moraju pored osiguranja koje redovito plaćaju i usluge, kod privatnika, dakle nikakvog udjela u onome što oni plaćaju nemaju usluge koje trebaju da prime. Znači te

deficitarne usluge i pored činjenice da su osiguranici. To je ono čini mi se bolna tačka za rad ovog ZZO. Ja znam direktore da u ovom izvještajnom periodu, čini mi se da tri direktora su djelovala, u 2019 godini. Možda se ne odnosi na ovaj dio, ali to auto-osiguranje je vrlo problematično i stoga ako mi možete dati samo podatak koliko je od autoosiguranja odnosno osiguravajuće kuće koliko su uplatile za zdravstvene usluge koje su pružile, i koliko je plaćeno za usluge iz svih 13 zemalja? Mislim da su to simbolični neki iznosi i da je to taj manipulativni prostor koj je zaista zabrinjavajući. Na koji način treba otkloniti tu manjkavost, koja je zaista zabrinjavajuća iz prostog razloga što se ne ubiru potrebna sredstva za usluge koje se pružaju. Hvala.

Predsjedavajući:

Zahvaljujemo se zastupnicama i zastupnicima na postavljenim pitanjima. Molim direktora Katana da ponudi odgovore na postavljena pitanja.

Direktor ZZO KS, Sakib Katana:

evo ovako, krenut ću odmah od pitanja uvažene Neire Dizdarević. Zavod je u 2021 godini postupio po preporukama Interne revizije, znači smanjena je plata bivšem direktoru, koji je na po meni, nelegalan način, ostvario to pravo. Zavod se obratio prema UO, poduzeli smo i druge mjere prema nadležnim organima, da ispituju zakonitost potpisivanje ugovora koji je prethodni direktor imao, odnosno na koji mu je data saglasnost od strane (smetnje). Na poziciji, evo mislim da sam ovim odgovorio na ova dva pitanja. A šta se desilo sa pozicijom sredstava odobrenih za zdravstvenu zaštitu djece za liječenje izvan Kantona Sarajevo. U skladu sa zaključkom Vlade Kantona Sarajevo. Pa da vam kažem. Komisija je, Ministarstvo zdravstva je to koje formira komisiju. Ministarstvo je to koje je napravilo Pravilnik o funkcionisanju, odnosno o radu komisije. Pravilnik komisija su formirani tek negdje tamo u novembru 2019 godine. Znači mi smo realizovali se one zahtjeve koje smo imali u tom nekom kratkom periodu. Tako da jedsnotavno nismo imali vremena da realizujemo ovu poziciju. Pitanje uvažene zastupnice Danijele Kristić, koliko je preporuka Revizije realizovano do danas. Znači Zavod je realizovao sve preporuke Ureda za reviziju FBIH. Refundiranje Tocilizumab, zašto se mijenja dokumentacija i vraćaju se iz ZZO. Znači, za Tocilizumab je odgovor vrlo jednostavan. Komisija koju formira ministar zdravstva, formirana je tek prije nekog vremena, prije možda otprilike jedno mjesec dana. Komisija se do sada sastala jednom. Evo insistiramo na tome da se što prije sastanu ponovo, da razmatraju te zahtjeve, jer samo je komisija ta koja može zahtjeve pregledati, sumirati i reći ovaj kome će se odobriti sredstva jer i sam Pravilnik za funkcionisanje te komisije je u izradi. Znači ZZO nema nikakav uticaj na radnom komisije. Prihodi od regresnih postupaka predviđeni 100.000. a onda je ustvari bilo 60.000. razlog je u tome što je u međuvremenu bio rebalans Finansijskog plana. I onaj bazni finansijski plan gdje je taj iznos bio 60.000 u toku rebalansa povećano je na 100.000. odgovor na pitanja uvaženog zastupnika Zvonke Marića kako je moguće kada se raspisuju deficitarne usluge da građani plaćaju usluge kod privatnika? Još uvijek sistem finansiranja zdravstva u Kantonu Sarajevo je takav, Skupština nije još uvijek donijela, odnosno Ministarstvo zdravstva, Vlada pa i Skupština nisu donijeli Odluku o kriterijima mjerilima ugovaranja. ZZO nema mogućnost da uključi privatni sektor u sistem zdravstva i finansiranje na način kako se to radi perma JZU. Mi imamo te intencije, želimo to da uradimo. Više puta smo se očitovali prema Ministarstvu zdravstva, Vladi, pa čak i skupštinskim zastupnicima sa takvom inicijativom, međutim to jednostavno nije u domenu i okvirima rada Zavoda. ZZO u skladu sa članom 99. Zakona o zdravstvenom osiguranju ne upravlja sistemom kroz zdravstvenu zaštitu. Zavod obezbjeđuje sredstva za finansiranje zdravstvene zaštite. Finansijskim planovima su predviđena sredstva za deficitarne zdravstvene usluge, međutim, Ministarstvo je to koje kreira listu deficitarnih usluga i dostavlja ih Zavodu sa zahtjevom da Zavod raspiše javni poziv. I to opet nije u domenu ingerencija Zavoda. Za

auto osiguranje naplaćeno do sada negdje oko 112.000 KM u odnosu na prethodnu 2019 godinu. Mi se trudimo da na izvjestan način povećamo naplatu ovih potencijalnog izvora prihoda. U tu svrhu smo predvidjeli Planom javnih nabavki i usluge autsorsinga nekih od kuća koja se bavi naplatom ove vrste potraživanja. Obzirom da Zavod trenutno nema raspoloživog kadra, nema mogućnosti da nešto ovako uradi. Ja sam pripremio sistematizaciju koju je evo Vlada Kantona Sarajevo vratila. Tražila je njene izmjene i dopune, međutim nama je neophodno da se izvrši izmjena sistematizacije kako bi se obezbijedili dovoljan broj ljudi, kako bi se mogli baviti ovim nekim stvarima izuzetno važnim za ZZO, i mislim da imamo potencijal da značajno i povećamo prihode po ovom osnovu. Znači koliko je plaćeno za usluge iz 13 zemalja. To je prihod po konvencijama. To je negdje oko, ne oko, nego 1.143.583 KM u 2019 godini. Ne možemo ništa uraditi da povećamo ovaj izvor prihoda. Obzirom da su ovdje apsolutno ingerencije u okviru ZZO FBIH. Hvala vam.

Predsjedavajući:

Zahvaljujemo se direktoru Katani. Otvaram raspravu. Zastupnica Neira Dizdarević se prijavila za raspravu, izvolite, imate riječ.

Poslanik/zastupnik Neira Dizdarević;

Hvala predsjedavajući. Ja ću zista kratko. Uvažavajući činjenicu da kako je i sam direktor Katana rekao Izvještaj za 2019 nije formalno pravno njegov izvještaj, ali evo, smatram da je jako važno osvrnuti se na par stvari koje nam je isti predočio. Nekome je upaljen mikrofona pa ako možete predsjedavajući. Mogu li ja nastaviti? Dakle poslovanje ZZO za 2019 godinu kako sam maloprije spomenula bilo predmetom revizije od strane Federalnog ureda za reviziju i njihov izvještaj je sasvim dovoljan da procijenimo na koji način su se u ovoj godini procesi u Zavodu odvijali. Veliki broj puta u Izvještaju se spominje termin transparentnosti, ali u kontekstu nedostatka iste, što je i doprinijelo rezultatima kakvi jesu i činjenicu da je sam Zavod dobio rezultat i mišljenje sa rezervom. Rashodi i izdaci su manje realizovani u odnosu na plan za preko 50 miliona KM, što je opet posljedica nedovoljne transparentnosti i činjenice da pacijentima nisu bili dostupni akti Zavoda, čime je onemogućeno ostvarivanje prava osiguranika i manje ostvareni izdaci na pozicijama za liječenje teško oboljele djece, uslugama medicinski potpomognute oplodnje, novčane pomoći za nabavku lijekova koji nisu na listi lijekova Kantona Sarajevo i za liječenje u inostranstvu. Kod izvršenja Plana nije osiguran princip transparentnosti i efikasnosti, nisu zaključeni novi ugovori sa dobavljačima za ortopedsku pomagala, što je opet imalo za posljedicu da su osiguranici koristili pravo u manjem obimu. Uprkos zaključcima Skupštine nije izvršen izbor dobavljača za deficitarne zdravstvene usluge, usluge konsultativno specijalističke zdravstvene zaštite, što je naravno imalo uticaja na sam kvalitet i obim pruženih zdravstvenih usluga i duge liste čekanja. Za liječenje u inostranstvu odobreno je tek oko 50% planiranih sredstava to je scenarij koji gledamo ama baš svake godine. Osiguranici nisu upoznati sa načinom ostvarivanja prava za liječenje u inostranstvu, što opet ukazuje na onu nedovoljnu transparentnost i ravnopravnost u tretmanu pacijenata. Revizori su ocijenili da sistem internih kontrola još uvijek nije adekvatno uspostavljen što za rezultat ima neusklađenost poslovanja Zavoda sa zakonskim propisima kao i da interna revizija mora povećati broj internih revizija i unaprijediti kvalitet svog rada. O javnim nabavkama i famoznoj informatizaciji u ZZO danas zaista neću govoriti ali godinama unazad ponavljamo isto. Cijeli ovaj izvještaj za 2019 može se sažeti u jednoj činjenici, a to je da se jednostavno štedi na pacijentima, štedi se na osiguranicima. Evo dotakli smo se liječenja djece u inostranstvu koje je utrošeno tek 19.000. Kako sam rekla za rad UO je utrošeno duplo više od ovog iznosa. I evo da uzmemo u obzir činjenicu da je tek krajem godine bio da kažem u realizaciji ovaj program, opet i troškovi liječenja u inostranstvu iznose tek 50% planiranog iznosa i ostvareni rashodi Zavoda koji su manji za 50 miliona KM; ali

zato djecu i pacijente SMS i humanitarnim akcijama šaljemo na liječenje da spašavaju vlastite živote negdje vani. Mislim da je suvišno apsolutno bil šta drugo dodatno komentarisati, osim naravno koliko ima uopšte potrebe naglasiti da Klub Naše stranke neće podržati navedeni izvještaj. Toliko. Hvala.

Predsjedavajući:

Dopredsjedavajuća Danijela Kristić se prijavila za raspravu.

Poslanik/zastupnik Danijela Kristić:

Zahvaljujem predsjedavajući. Pa ja ću se veoma kratko osvrnuti na sam odgovor direktora. Smatram da ZZO zajedno sa ministrom zdravstva bi trebao olakšati samu proceduru refundacija ovog lijeka. Ukoliko postoji nalaz na kojem je jasno navedeno da je lijek propisan i ukoliko postoji račun ne bi smjela biti upitna isplata. Ovom prilikom bih stvarno zamolila ministra Vranića i komisiju da olakšaju proceduru refundacije samog lijeka, i da ukoliko postoji sama potreba da se komisija češće sastaje da to isto i urade. Hvala.

Predsjedavajući:

s obzirom da više nema prijavljenih za raspravu, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2019. GODINU.

Molim službu da pripremi anketu za izjašnjenje. Zaključujem glasanje. Molim službu da objavi rezultate.

ZA JE GLASALO 7 ZASTUPNIKA, PROTIV 13, SUZDRŽANO 5.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prošli put smo razmatrali tačku osam. Prelazimo na tačku devet:

AD – 9.

IZVJEŠTAJ O RADU I FINANSIJSKOM POSLOVANJU JU PSIHIJATRIJSKA BOLNICA KANTONA SARAJEVO ZA 2019. GODINU

Prije nego što krenem na razmatranje ove tačke dnevnog reda, imali smo zahtjev zastupnika Seada Milavice da objedinimo raspravu svih ovih tačaka, a pojedinačno izjašnjavanje. Pa evo sada stavljam zaključak na glasanje:

objedinjavanje svih tačaka koje se tiču izvještaja o radu i finansijskom poslovanju javnih ustanova. Molim službu da pripremi anketu za izjašnjenje kako bi se zastupnici i zastupnice mogli izjasniti. Da li smo za ovaj prijedlog zastupnika Seada Milavice da objedinimo raspravu?

Zaključujem glasanje. Molim službe da objave rezultate glasanja. Za je glasalo 26 zastupnika, protiv i suzdržanih nije bilo. Konstatujem da je Skupština Kantona Sarajevo prihvatila prijedlog zastupnika Seada Milavice.

Mi nastavljamo dalje. Pozvat ćemo sve predstavnike JU da podnesu uvodne napomene, redoslijedom kako je navedeno u dnevnom redu. Nakon toga će zastupnice i zastupnici postavljati pitanja, te dobiti odgovore od predstavnika JU, a onda ćemo imati objedinjenu raspravu.

AD-9.

Izvještaj o radu i finansijskom poslovanju JU Psihijatrijska bolnica za 2019.

Molim predstavnika ove ustanove da nam se prijavi ukoliko je s nama. Molim predstavnika Predlagača da podnese uvodne napomene. Izvještaj o radu i finansijskom poslovanju JU Psihijatrijska bolnica za 2019. Da li je ministar zdravstva s nama?

Ministar Haris Vranić:

Da, tu je ministar zdravstva.

Predsjedavajući:

Ministre, da li da pređemo na narednu ustanovu dok nam se direktor Psihijatrijske bolnice ne javi.

Ministar Haris Vranić:

Može dok se konektuje nastavite sa ovim sljedećim.

Predsjedavajući:

Dobro. Molim predstavnika JU Zavod za zdravstvenu zaštitu zaposlenika MUP-a Kantona Sarajevo za 2019 da podnese uvodne napomene. Izvještaj o radu i finansijskom poslovanju JU Zavod za zdravstvenu zaštitu zaposlenika MUP-a Kantona Sarajevo za 2019 godinu. Imamo li predstavnika ove JU? Dok predstavnici ove dvije JU ne otklone tehničke probleme, da li imamo sa nama predstavnika Opće bolnice Prim. dr. Abdulah Nakaš?

AD-10.

Predstavnik bolnice Samira Hajdarević pomoćnik direktora za ekonomsko finansijske poslove: UVODNO IZLAGANJE

Predsjedavajući:

Zahvaljujemo se gospođi Hajdarević. Da li predstavnici radnih tijela žele riječ? Oprostite nastavljamo sa svim uvodničarima.

AD-11.

Izvještaj o radu i finansijskom poslovanju JU Zavoda za hitnu medicinsku pomoć Kantona Sarajevo za 2019.godinu. Molim predstavnika predlagača da podnese uvodne napomene. Da li imamo nekoga ispred JU ZHMP?

Možete li se predstaviti zbog stenograma.

Direktor JU ZHMP Kantona Sarajevo Adem Zalihić: UVODNO IZLAGANJE

Predsjedavajući:

Zahvaljujemo se direktoru Zalihiću. Sljedeći

AD-9.

Izvještaj o radu i finansijskom poslovanju JU Psihijatrijska bolnica Kantona Sarajevo za 2019.

Doktor Dževad Begić, molim predstavnika predlagača da podnesu uvodne napomene. Uključite mikrofona ne čujemo vas.

JU Psihijatrijska bolnica Kantona Sarajevo, direktor Dževad Begić: UVODNO IZLAGANJE

Predsjedavajući:
zahvaljujemo se dr. Begiću.

AD –13.

IZVJEŠTAJ O RADU I FINANSIJSKOM POSLOVANJU JU ZAVOD ZA JAVNO ZDRAVSTVO KANTONA SARAJEVO ZA 2019. GODINU

Materijal ste također dobili u dopuni. Molim predstavnika predlagača da podnese uvodne napomene.

Direktor zavoda za javno zdravstvo Kantona Sarajevo dr. Aida Pilav: UVODNO IZLAGANJE

Predsjedavajući:
Nastavljamo dalje. Zahvaljujemo se dr. Pilav.

AD – 14.

IZVJEŠTAJ O RADU I FINANSIJSKOM POSLOVANJU JU ZAVOD ZA MEDICINU RADA KANTONA SARAJEVO ZA 2019. GODINU

Materijal ste dobili u dopuni. Molim predstavnika Predlagača da podnese uvodne napomene. Oprostite malo pokušajte otkloniti ovu smetnju sa mikrofonom, možda da se primaknete uređaju. Malo glasnije, ako može naravno.

Direktor JU Zavod za medicinu rada KS Samir Čovrk: UVODNO IZLAGANJE

Predsjedavajući:
zahvaljujemo se gospodinu Čovrku. Idemo dalje. Tačka 15.

AD –15.

IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ZA 2019. GODINU

Materijal ste dobili u dopuni. Molim predstavnika Predlagača da podnese uvodne napomene. Molim vas predstavite se zbog stenograma. Uključite mikrofona i malo glasnije. Slabo vas čujemo.

Direktor JU Zavod za zdravstvenu zaštitu žena i materinstva KS Enis Hasanović: UVODNO IZLAGANJE

Predsjedavajući:
Zahvaljujemo se gospodinu Hasanoviću. Mi idemo dalje.

AD – 16.

IZVJEŠTAJ O RADU I FINANSIJSKOM POSLOVANJU JU ZAVOD ZA BOLESTI OVISNOSTI KANTONA SARAJEVO ZA 2019. GODINU

Materijal ste dobili u dopuni. Molim predstavnika predlagača da podnese uvodne napomene.

Direktor JU Zavod za bolesti ovisnosti KS Nermana Mehić-Basara: UVODNO IZLAGANJE

Predsjedavajući:

zahvaljujemo se gospođi Nermani Mehić-Basara, mi idemo dalje.

AD – 17.

IZVJEŠTAJ O RADU I FINANSIJSKOM POSLOVANJU JU DOM ZDRAVLJA KANTONA SARAJEVO ZA 2019. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene.

Direktorica JU Dom zdravljam KS dr. Kečo Amela: UVODNO IZLAGANJE

Predsjedavajući:

Zahvaljujemo se dr. Kečo. Tačka osamnaest:

AD – 18.

IZVJEŠTAJ O RADU I FINANSIJSKOM POSLOVANJU JU "APOTEKE SARAJEVO" ZA 2019. GODINU

Materijal ste dobili u dopuni. Molim predstavnika Predlagača da podnese uvodne napomene.

Direktor JU Apoteke Sarajevo Nedim Hrelja: UVODNO IZLAGANJE

Predsjedavajući:

zahvaljujemo se direktoru Hrelji. Tačka devetnaeste:

AD – 19.

IZVJEŠTAJ O RADU I FINANSIJSKOM POSLOVANJU JU KANTONA SARAJEVO ZAVOD ZA ZAŠTITU ZDRAVLJA STUDENATA UNIVERZITETA U SARAJEVU ZA 2019. GODINU

Materijal ste dobili u dopuni. Molim predstavnika predlagača da podnese uvodne napomene.

Direktorica JU KS Zavod za zdravstvenu zaštitu studenata dr. Lejla Hrenovica - Bečarević: UVODNO IZLAGANJE

Predsjedavajući:

zahvaljujemo se dr. Hrenovica. Sljedeća tačka broj dvadeset

AD-20.

IZVJEŠTAJ O RADU I FINANSIJSKOM POSLOVANJU JU ZAVOD ZA SPORTSKU MEDICINU KANTONA SARAJEVO ZA 2019. GODINU

Materijal ste dobili u dopuni. Molim predstavnika Predlagača da nam se predstavi zbog stenograma i podnese uvodne napomene.

Direktor JU Zavod za sportsku medicinu Prof. Adnan Hadžimuratović: UVODNO IZLAGANJE

Predsjedavajući:

zahvaljujemo se dr. Hadžimuratoviću. Mi se vraćamo na početak, tačka deset. Predstavnik,

AD -10.

IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ZAPOSLENIKA MUP-a KS ZA 2019.GODINU

Da li imamo predstavnika predlagača ove tačke? Ministre Vraniću da li nam možete dati više informacija kada je u pitanu predlagač ove tačke, da li ćete vi biti predlagač ili imamo neku informaciju zbog čega nemamo nikoga ispred ove ustanove?

Ministar Haris Vranić.

Uvaženi predsjedavajući, ne vidim razloga zašto direktor MUP-ove ambulate nije uključen u raspravu. Ja vam pobliže o njihovom finansijskom izvještaju iz 2019 ne mogu govoriti jer svi su se direktori ustanova ili njihovi predstavnici uključili. Ne vidim razloga zašto nije uključen osim ako se ne radi iz tehničkih razloga.

Predsjedavajući:

Zamolio bih vas da vaše službe pozovu predstavnika.

Ministar Haris Vranić:

Predsjedavajući u dva navrata su već zvali MUP-ovu ambulantu i nisu dobili odgovor.

Predsjedavajući:

Onda ukoliko nemamo predstavnika predlagača morat ćemo povući ovu tačku, moramo je skinuti sa dnevnog reda.

Ministar Haris Vranić:

Slazem se.

Predsjedavajući:

Mi nastavljamo dalje. S obzirom da smo usvojili prijedlog da imamo objedinjenu raspravu svih ovih JU, da li predstavnici radnih tijela žele riječ? Ima li pitanja? Zastupnica Vildana Bešlija, pertpostavljam pitanja. Izvolite imate riječ zastupnice Bešlija.

Poslanik/zastupnik Vildana Bešlija:

Hvala predsjedavajući. Ja bih imala pitanja za direktora Apoteka Sarajevo. Naime, ovdje u izvještaju se navodi da je na dan 31.12.2019 komisija za popis robnih rezervi da je načinila grešku, kako je navedeno, i da je tu na popsiu navedeno da je umjesto 49.000 ml stvarno stanje robnih rezervi po pitanju hemikalija u suštini bilo 490.000 ml, tj da je 10 puta veće, a to iznosi nekih 11.760 KM. Također je navedeno da je odlukom direktora od 10.04.2019 gdoine izvršeno fizičko uništenje robnih rezervi, kao prema zakonski propisanoj proceduri. Sada

mene interesuje da li ovo nije bilo usklađeno da je odluka sprovedena a da nije bilo navedeno u finansijskim knjigama, odnosno tamo gdje bi sve trebalo da bude, ili je isključivo bila greška komisije? Također me zanima, spominje se povećanje kapaciteta i povećanje prihoda od same galenske laboratorije, da li postoji, s obzirom da su radili, kao što nas je direktor upoznao određene kao i reviziju, i interesuje me da li postoji plan koji je kapacitet galenske laboratorije? I koji bi se eventualno Budžet mogao ostvariti? Evo šta je, već smo u 2021 godini, šta su planirali po tom osnovu? I ono što evo u izlaganju nam je direktor rekao, iako to nismo mogli vidjeti u izvještaju da su 2020 za razliku od 2019.godine koju su završili zbog kako je navedeno preuzimanja dužnosti zaključno sa 31.majem, da je bilo gubitaka. Da je u 2019 to nešto smanjeno. Da je 2020, kako smo čuli, u suštini završena kao sa pozitivnim rezultatom u iznosu od 500.000 KM. Pa evo voljela bih ako može samo kratko direktor da nam objasni, možda će se i podudariti sa ovim pitanjima koja sam ranije postavila, na koji način su uspjeli u dosta većem iznosu u 2020 godini sanirati gubitak, u odnosu na 2019 ako uzmemo u obzir da se sa vrijednostima popisa na dan 31.05. 322.000 bio gubitak i za nekih 150.000 je u 2019 to sanirano, tako da evo dolazimo do zaključka da je u puno većem iznosu to urađeno u 2020. pa eto zamolila bih samo ako može direktor da nam malo to pojasni, hvala vam.

Predsjedavajući:

Dopredsjedavajuća Danijela Kristić javila se za pitanja. Izvolite, imate riječ.

Dopredsjedavajuća Danijela Kristić:

Zahvaljujem predsjedavajući. Ja ću imati par pitanja za direktora Apoteka. Prvo pitanje, u izvještaju su navedene novčane kazne za prekršaje za 2018 godinu da su iznosili 1975 KM. A u 2019. 13.760 KM. Na koje prekršaje se odnose te kazne? Drugo pitanje, zašto su rabati u 2019.godini umanjeni za 15% a nabavke lijekova, medicinskih sredstava i ostalih roba umanjeni za 1,7% u odnosu na 2018 godinu, a u izvještaju ste naveli da je loša ugovorna politika i da ste navedene ugovore revidirali. Da li je najam prostora u JU Studentski centar čiji je najam iznosio 10.600 KM, podrazumijevao i trošak svih drugih fiksnih troškova, vode, struje, zaštitara, odvoza smeća, i koja je kvadratura bila tog prostora. Koliko su tačno troškovi zakupa novog prostora u ulici Krančevićeva 29 i ostalih pet adresa gdje su dislocirane službe, sa svim drugim pratećim fiksnim troškovima i koja je kvadratura tog navedenog prostora? U izvještaju o radu i finansijskom poslovanju JU apoteke Sarajevo za 2019 u tabelarnom prikazu, prikaz strukture vlasništva prostornih kapaciteta u Kantonu Sarajevo, u tački 1. navedeno je da je poslovni centar na adresi Krančevićeva 29 uzeta pod zakup od općine Centar, tj navedeno je da je pravni status Općina Centar- zakup. Da li ste i kojim zakupodavcima u vlasništvu Kantona Sarajevo slali pisma namjere zaključivanje ugovora o zakupu kada ste mijenjali prostor koji je bio smješten u zgradi studentskog centra. Koji je iznos dodijeljenih stimulacija u 2019 godini za zdravstvene radnike u Apotekama, a koliki je iznos dodijeljenih stimulacija za zdravstvene radnike u stručnim službama? U izlaganju ste naveli zalihe robe na dan preuzimanja funkcije i na kraju 2019 godine. Ukoliko vam nije problem zamolila bih da mi kažete kolike su zalihe na dan 31.12.2020 godine? Možete li mi navesti u kojem članu Pravilnika o uvjetima i pogledu vrste završenog fakulteta zdravstvenog usmjerena koje moraju ispuniti osobe koje konkuriraju za direktora zdravstvene ustanove, navedeno da generalni direktor zdravstvene ustanove mora posjedovati master. Da li je navedeni kriterij propisan pravilnikom i da li je istina da je u prethodnom mandatu u kojem ste vi isto ili direktor u periodu od 2012 do 2016, tadašnji ministar zdravstva Kantona Sarajevo aktom naložio UO odredbu da iz statuta JU Apoteke Sarajeva i Pravilniku o radu JU Apoteke Sarajevo, izbriše odredbu da generalni direktor JU Apoteke Sarajevo mora posjedovati master? I zašto se kao generalni direktor, iako ste znači da isto nije u skladu sa pozitivnim pravnim propisima istu uvrstilo u odredbe statuta da se mijenja. Hvala.

Predsjedavajući:
Zastupnica Amra Hasagić.

Poslanik/zastupnik Amra Hasagić:

Da li se čujemo predsjedavajući? Zahvaljujem. Pozdravljam uvaženo rukovodstvo, kolegice zastupnice i zastupnike, premijera i članove Vlade, i sve one koji na bilo koji način prate rad današnje sjednice. Ja pitanja upućujem direktoru Zavoda za hitnu medicinsku pomoć, dr. Zalihiću. Primjetan je veliki napredak u oblasti edukacije urgentne medicine, pogotovo otvaranjem novog edukativnog centra. Možete li nam malo pobliže reći šta je sve edukativni centar hitne pomoći uradio i šta planirate u budućnosti raditi kada je u pitanju edukacija hitne pomoći i da li možda planirate ulazak u nastavne procese na UNSA? Drugo pitanje također upućujem direktoru ZHMP dr. Zalihiću. Maloprije ste u svom izlaganju naveli a u izvještaju smo mogli vidjeti da se edukacija iz oblasti spašavanja ljudi nakon srčanog zastoja, odnosno reanimacije provode u gradskim općinama. Kada i da li općine Vogošća, Ilijaš, Trnovo i Hadžići mogu očekivati tu vrstu benefita? Zahvaljujem.

Predsjedavajući:
Dopredsjedavajuća Smiljana Viteškić.

Dopredsjedavajuća Smiljana Viteškić.

Hvala predsjedavajući. Dobar dan svima. Moja pitanja također idu direktoru ZHMP dr. Zalihiću. Prvo je, naveli ste izvještaju i pismenom i usmenom kadrovske probleme sa kojima se surećete. Možete li pojasniti problem rasporeda osoblja sa ograničenom radnom sposobnošću i nemogućnošću da rade noću i da rade na terenu. Da li vam Skupština Kantona Sarajevo kao osnivač i kako može pomoći pri rješavanju ovog problema, posebno kada imamo u vidu da i druge zdravstvene ustanove imaju iste probleme. Istovremeno moramo biti jako pažljivi koji su postali invalidi rada na poslovima u zdravstvu. I moje drugo pitanje. U 2019 pokrenut je projekat služba HMP na motociklu, ko ji je izazvao veliku pažnju javnosti. U međuvremenu ste osposobili 8 tehničara ZHMP. Oni su završili obuku upravljanja motociklom. U Oktobru 2019 i dobili ste donaciju 2 motocikla od Općine Centar u novembru također 2019. pa evo da vidimo dokle je taj projekat došao i da li je još živ? Hvala.

Predsjedavajući:
Zastupnik Samir Suljević prijavljen za pitanja. Izvolite. Imate riječ.

Poslanik/zastupnik Samir Suljević.

Hvala predsjedavajući. Pozdravljam sve koji učestvuju u radu današnje Skupštine, kao i gledaoce koji prate pored malih ekrana. Imao bih dva pitanja. Jedno za direktora ZZO Kantona Sarajevo i ono se odnosi na to koliko znam, proces informatizacije u ZZO traje već desetak godina. Možete li nam konkretno reći koliko je novaca do sada uloženo u ovaj proces i koliko je novaca u 2019 uloženo također u ovaj proces? Drugo pitanje je za direktoricu Zavoda za javno zdravstvo Kantona Sarajevo. Da li je istina da Zavod za javno zdravstvo još uvijek izdaje nota račune za uzimanje briseva, i ako je istina kome taj novac ide? Hvala.

Predsjedavajući:
Zastupnica Bilsena Šahman, izvolite, imate riječ.

Poslanik/zastupnik Bilsena Šahman:

Hvala predsjedavajući. Pozdravljam vas i sve kolege i one koji prate ovu sjednicu, svi su izvještaji bilo korektni i ozbiljni, i sve su to naši zdravstveni radnici, koji ako do sada nismo

znali, njihov značaj u ovo vrijeme korone smo vidjeli. Žao mi je samo što su dosta fokusirani na ove finansije i što svoju energiju više ne utroše na edukaciju koja prilično je potrebna svim našim zdravstvenim institucijama u svakom pogledu i da se ne usmjere više na zdravlje ljudi. Nekako su previše opterećeni administracijom. Takav je moj utisak. Moram pohvaliti evo samo na početku Hitnu pomoć i njihov edukativni centar i zaista sve ono što oni rade je posebno značajno za naš Kanton. Imam samo pitanje za Zavod za javno zdravstvo. Zašto dezinfekciju i dezinsekciju rade firme iz drugih Kantona Sarajevo. U Kantonu Sarajevo rade firme redom iz ZDK Kantona jer se vi obično ne javite na tender? I napomenuli ste da imate sto ljudi i da ste uložili velike napore kada je bilo vrijeme Morbila. Ne znam šta konkretno, koji su to veliki naponi sa 100 ljudi? Šta ste to učinili? Šta ste učinili sa vakcinama koje tada nisu iskorištene za vrijeme Morbila jer znamo da se tenderi raspisuju po vašim zahtjevima koji su isti svake godine i svake sljedeće godine isti broj vakcina tražite. Koji su to napor? Jesu li naponi samo postavljanje na web stranicu i to je obavijest, što je slučaj i sa ovom sadašnjom vakcinacijom. Gdje ste uništili te vakcine i gdje se sada uništavaju preostale vakcine. Pohvalili ste se da imate mikrobiološki laboratorij. Ne sjećam se da ste prošli godine u početkom pandemije kada smo imali zaista problem rađena PCR testova i dijagnostike da ste se oglasili da možete eto raditi. Da li ste to radili, ja ne znam, možda griješim, možda jeste ali evo ne znam. A pitanje je za direktora Apoteka Sarajevo, jeste li se vakcinisali pošto se sa izvještajima zajedno sa zdravstvenim radnicima a ne znam da li ste kao i ostali zdravstveni radnici vakcinisani? Hvala.

Predsjedavajući:

Zastupnik Milavica prijavio se za pitanja.

Poslanik/zastupnik Sead Milavica:

Zahvaljujem predsjedavajući. Pozdravljam sve prisutne kao i gledaoce pored malih ekrana, zahvaljujem se svim direktorima JU na obrazlaganjima izvještaja. Postavio bih dva pitanja doktoru Zalihiću direktoru JU ZHMP. Obzirom da ste u svom izvještaju direktore dosta prostora posvetili edukaciji i edukativnom centru i instaliranju AED uređaja. Možete li nam malo preciznije objasniti zašto insistirate na tome? I kakav je to benefit za građane Kantona Sarajevo? Drugo moje pitanje isto tako prema direktoru HP, spominjete službu HP na motoru. Ali mi ne vidimo te motocikle na ulicama. Koliko ste novca uložili u to? Zašto je značajna ta služba? I da li ste odustali od tog projekta? Hvala.

Predsjedavajući:

Dopredsjedavajući Vibor Handžić. Izvolite, imate riječ.

Dopredsjedavajući Vibor Handžić:

Predsjedavajući da li me čujete samo kratko? Hvala, dobar dan svima. S obzirom da se javljam prvi put, sve vas srdačno pozdravljam. Imam pitanje za direktora JU Apoteke Sarajevo, možete li mi molim vas, barem okvirno odgovoriti na pitanje od kada ste došli na čelo JU može i za 19 godinu, koliko je javna ustanova iznos platila kazni za izdate prekršajne naloge od strane Kantonalne inspekcije za pravno lice i za odgovorno lice u pravnom licu za prekršajne naloge izdane zbog povrede odredi Zakona o apotekarskoj djelatnosti od strane kantonalnog farmaceutskog inspektora, zbog provedbi Zakona o zaštiti potrošača BIH, izdate od strane kantonalnog tržišno-turističkog inspektora. Prekršajnih naloga zbog povrede obredi Zakona o radu i Uredbe o postupku prijema u radni odnos u zavodima, agencijama, direkcijama i upravnim organizacijama. Da ne nabrajam do kraja ime Uredbe izdane od strane kantonalnog inspektora rada? Zahvaljujem.

Predsjedavajući:

Zastupnica Amra Junuzović-Kaljić. Izvolite imate riječ.

Poslanik/zastupnik Amra Junuzović-Kaljić.

Hvala predsjedavajući, nadam se da se dobro čujemo. Srdačan pozdrav predsjedavajućem. Kolegicama zastupnicima i građanima Kantona Sarajevo koji nas prate. Ja evo jedno kratko pitanje. (smetnje)

Predsjedavajući:

Doktorice Amra imamo problem, ne čujemo vas. Možete li upaliti mikrofon?

Poslanik/zastupnik Amra Junuzović-Kaljić:

Da li se sada bolje čujemo? Prije svega srdačan pozdrav svima uključujući.

Predsjedavajući:

Oprostite molim vas, pokušajte isključiti kameru opet vas u prekidima čujemo.

Poslanik/zastupnik Amra Junuzović-Kaljić:

Da li je sada bolje predsjedavajući. Dakle evo jedno kratko pitanje uvaženoj direktorici JU DZ Kantona Sarajevo dr. Kečo. Molit ću lijepo da iz izvještaja finansijskog izvještaja 2019 izdaje se podatak koliko je stimulacija isplaćeno prema zdravstvenim radnicima i prema nezdravstvenim radnicima? Hvala lijepo.

Predsjedavajući:

Prije nego što krenemo na raspravu evo dobili smo i zahtjev od ministra da su uspjeli otkloniti tehničke nedostatke koje su imali tako da evo dajem riječ ministru Vraniću da nam da uvodne napomene kada su u pitanju Izvještaj o radu i finansijskom poslovanju JU Zavod za zdravstvenu zaštitu zaposlenika MUP-a Kantona Sarajevo za 2019 godinu. Ministre Vraniću, izvolite. Imate riječ.

Ministar Haris Vranić.

Hvala predsjedavajući. Ja ću vam ukratko dati izvještaj za 2019 godinu MUP-ove ambulate. UVODNO IZLAGANJE

Predsjedavajući.

Zahvaljujemo se ministru Vraniću. Evo ukoliko ima nekih pitanja, moguće je i pismeno dostavili. A sada molim da predstavnici ustanova daju odgovore na postavljena pitanja.

Evo možemo li ovako redoslijedom kako su zastupnici postavljali pitanja. Pitanja koja je postavila zastupnica Vildana Bešlija. Apoteke Sarajevo se odnosi.

Direktor Apoteke Sarajevo:

Pitanja koja je postavila uvažena zastupnica Vildana Bešlija, dozvolite da ukratko kažem kada je u pitanju odnos robnih rezervi, došlo je na žalost do greške. Umjesto mililitara bili su u pitanju litri, tako da mi na stanju imamo 490 litara alkohola koje je još uvijek na stanju robnih rezervi u Apotekama Sarajevo. Što se tiče fizičkog uništenja robnih rezervi, i usklađivanjem sa finansijskim knjigama došlo je do usklađenja sa svim finansijskim knjigama koje se vanbilansno vode u Apotekama Sarajevo. Tako da to je odgovor na pitanje uvažene zastupnice Vildane Bešlije. Ako sam imao još nekih. Pitanje je bilo povećanje Galas lab9oratorija. Kapacitet povećanja našeg proizvodnog kapaciteta Galas laboratorija u ovom trenutku bez značajnih strateških investicija nije moguće mi se nalazimo na lokalitetu Ilidža i naš je proizvodni kapacitet od nekih smješten pod nekih 220 kvadrata, tako da jedina moguća jeste ugovorena proizvodnja i mi se iskreno nadamo da u nekim daljnjim strateškim odlukama

vezano za JU Apoteke Sarajevo ćemo doći u priliku da proširimo proizvodne kapacitete unutar naše kuće Galas. Moram istaći da smo mi u 2020 značajno povećali prihode kada je u pitanju Galas laboratorij. Tako da smo povećali naš proizvodni kapacitet, odnosno imali smo potpisan ugovor sa ugovornom proizvodnjom gdje smo značajno povećali finansijske rezultate. Te shodno toj činjenici evo ja ću ukratko, kratko iz izvještaja 2020 godine da informišem da smo u 2020 godini značajno ostvarili rast naše prodaje Galasa, gdje smo ostvarili ukupan broj realizovanih recepta u 2020 godini je imao značajan rast od nekih 36,8%. parafarmaceutika je rasla 17,91%, lijekovi Galas rastao 4%, kao što sam naveo. Tako da u 2020 godini smo pokrenuli proceduru uvođenja i Galas dodataka prehrani koje je uspješno okončan u januaru 2021 godine. Mi smo također značajno obogatili sa 15 novih proizvoda Galas kozmetičku liniju u 2020 godina što je značajno uticalo na porast prihoda Galasa. Također bilježimo da smo promotivnu uslugu povećali za 62%, marketinške usluge smo povećali za nekih 180%. tako da su ti sve pokazatelji koji su značajni za rast prihoda u 2020 godini. Eto ja se nadam da su zadovoljni odgovorom.

Predsjedavajući:

da li je s nama direktor Adem Zalihić?

Direktor ZHMP dr. Adem Zahilić:

ne znam koliko sam detaljno uspio zapisati. Uvažena zastupnica Hasagić e pitala u vezi edukativnog centra koji je benefit i zašto insistiramo na edukaciji, kakvi su nam planovi. Pa evo ovako, ja moram ovdje istaći da recimo pored toga što smo imali 3000 polaznika ranih profila u 2019 kao što sam rekao, želim ovdje istaći da su i diljem BIH kandidati iz hitnih službi, iz gotovo svih većih gradova došli na edukaciju u ZHMP Kantona Sarajevo. Tako smo imali kandidate iz Mostara, Stoca, Kiseljaka, Donjeg Vakufa, Travnika, Bosanske Krupe, Bosanskog Novog, Bihaća, Banja Luke, Maglaja, Tešnja, Stoca, Mostara i naravno iz ovdje komšije iz Istočnog Sarajeva. Mi smo jedini u principu koji mogu raditi ovu edukaciju koja je preporučena i Deklaracijom EU parlamenta od 2012 godine jer imamo ustvari dva važna preduslova, to je rješenje o Federalnog Ministarstva zdravstva o edukaciji iz oblasti prehospitalne medicine i imamo kadar, imamo edukatore koji mogu raditi taj posao. Mi smo u principu uspjeli sve značajne službe za jedno društvo koje su u kontaktu sa građanstvom dovesti na našu edukaciju, tako da su na našoj edukaciji bili i polaznici Oružanih snaga iz Ministarstva odbrane, Policijske akademije, dogovorena edukacija sa komesarom policije MUP Kantona Sarajevo da svi policijski službenici opet kažem sve u skladu sa europskim smjernicama da prođu ovu edukaciju DLS sa upotrebom AED. GSS službe koje su vrlo često na terenu i vrlo često imaju intervencije, sa njima smo razvili dobru saradnju i dosta njih je educirano u našoj ustanovi. Sekjuritasi razni. I naravno evo ja sam to izložio ministru Vraniću, naravno i njega i mene je spriječila ova bitka sa koronom, ali sigurno da treba raditi kažem sve po ovim smjernicama iz EU da se što više učenika srednjih pa i osnovnih, ali evo da krenemo sa srednjim školama. Mi smo napravili jedan pilot projekata sa gimnazijom sa Ilidže. Učenici su došli, bili su oduševljeni da se poduče tim osnovnim mjerama, jet to zaista nekada spasi život. Potom je uvažena zastupnica Hasagić pitala zašto nema u vangradskim općinama ako sam dobro shvatio, procesa reanimacije. Mislim da niste dobro razumjeli. Ja sam rekao da su AED uređaji instalirani uz pomoć gradske uprave i nastavak je planiran sa novo gradskom upravom u gradskim općinama, sam AED uređaj. A što se tiče same reanimacije, održavanja sprovođenja reanimacije, sve naše ekipe su potpuno identične i sa opremom i sa znanjem, one koje rade i u gradskim i vangradskim općinama. Tako da tu nema nikakve da kažemo ne daj bože diskriminacija, samo je u pitanju instalacija ovih AED uređaja. Evo ja bih možda cijeneći vrijeme uvaženi zastupnik Milavica je pitao također u vezi AED uređaja pa bih se ja ovdje konektovao na to njegovo pitanje zašto mi insistiramo na tim AED uređajima. Pa rekao sam postoje od 2012 godine jedna Deklaracija EU parlamenta prema svim članicama EU da

provode edukaciju iz osnovnih mjera održavanja života i instaliraju AED uređaj. Za informaciju, mi smo to često puta i objavljivali. Republika Slovenija, koja je duplo manja država od BIH, duplo manje stanovnika ima, preko 1600 ovih AED uređaja na javnim mjestima. Mi smo krenuli, ima ih sedam registrovanih ali smo prvi u Europi po nečemu, ali to je razvili smo aplikaciju HP gdje su između ostalog unešeni svi sa lokacijom svi AED uređaji i naši dispečeri ih mogu vidjeti i u datom momentu uputiti volontera. Tako da značaj AED uređaja je neprocjenjiv jer vi ustvari obučavate, dajte mogućnost da obučenom laiku koji se zatekne na licu mjesta da spasi život. Ovo je jedan od uslova koji bi država BIH morala ispuniti iz resora zdravstva kada bude ispunjavala uslove za ulazak u EU. Tako da u tom smislu sigurno Sarajevo kreće se u dobrom pravcu. Mi radimo prema smjernica EU parlamenta i Europskog vijeća za reanimaciju što se tiče ove edukacije iz osnovnih mjera održavanja života i instaliranja AED uređaja. Potom je uvažena zastupnica Viteškić a također ponovo uvaženi zastupnik Milavica pitali su me u vezi Hine službe na motoru. Pa bih ja ako dozvolite također spoji, jer vrlo su slična pitanja, u principu ista. Naime o čemu se radi, mi kada smo prije dvije godine raidli jednu strategiju za budućnost šta je dobro da uradimo u razvoju službe HMP donijeli smo par nekih osnovnih stvari pa smo definisali da moramo razviti punktove, tj mrežu punktova u Kantonu Sarajevo i evo na dobrom smo putu da to zaokružimo. Donijeli smo zaključak da je potrebno u skladu sa evropskim i svjetskim smjernicama uraditi i instalirati uspostaviti službu hitne pomoći na motociklu i ove AED uređaje i edukaciju. I u skladu s tim smo pokrenuli svu moguću proceduru sa postoji nešto što se zove internacionalni Savez motorista medicinaru svijeta IMRU, koji ustvari, čiji smo hvala bogu postali član punopravni jer smo ispunili sve njihove uslove, i prema njihovim smjernicama uradili jedan zaista opsežan elaborat na nekih 80 stranica prema Federalnom Ministarstvu zdravstva, pošto Federalno ministarstvo zdravstva donosi pravilnik o organizaciji službe HP generalno i da izmijene timove koje posjeduje HP generalno na području Federacije, da pored toga što postoje timovi u vozilima da postoje i motocikli a sve prema savjetu međunarodnog tijela IMRU čiji je predstavnik dolazio u BIH, bio naš gost. Potpredsjednik Marko Kukovec nam je dao iz Slovenije kolega dao jako iscrpne podatke za instaliranje ove službe i prema njihovim savjetima smo uputili to prema Federalnom Ministarstvu zdravstva. Međutim, zaista ne znam iz kojeg razloga oni su to vratili na KS i evo ja bih naravno zamolio, ja ću, obzirom da nemamo još UO, to su malo poteškoće i korona nas je omela, ja ću proslijediti to prema Ministarstvu Kanton Sarajevo i prema Skupštini Kantona Sarajevo i ako vi imate ingerencije da nam dozvolite jer u principu sve je spremno. Mi smo i uvaženi zastupnik je pitao koliko nas je to koštalo. Zaista ovdje moram istaći da je opština centar donirala dva motocikla ZHMP tako da osnovni trošak i nismo imali. Mi smo obezbijedili opremu. Jedino ono što je koštalo građane Kantona Sarajevo iz Budžeta jeste oprema uniforme za motocikle. Mi smo u međuvremenu sve prema tim savjetima obezbijedili da određeni edukovati hitni medicinski tehničari završe i obuku za motociklistu. Tako daje sve spremno iz te perspektive gledano, samo je zakonski, jer mi se zaista ne usuđujemo, a vrlo često smo u prilici, na žalost, ovdje moram istaći još jedan problem HP, a to su jako česti inspekcijski nalazi. Imali smo i danas tri, vama za informaciju. I vrlo često nas, ljudi moraju raditi svoj posao, ali evo neka sinhronizovana je opstrukcija HP, mislim da se to ne bi smjelo dešavati. Mi smo u situaciji nekada da postupimo prema recimo prema rješenju Ministarstva zdravstva a onda nam dođe inspekcija i napiše kazne. Tako da i uvom slučaju tražit ćemo pravnu pomoć i Kantona da građani u suštini trpe. Zašto insistiramo na motociklima? Između ostalog i to se u pitanju spomenulo, zato što su sve mnoge države svijeta uvidjele da gusti saobraćaj u određenim gusto naseljenim gradskim četvrtima je nemoguće ovladati kada su u pitanju hitne medicinske intervencije bez motocikla. Najbolju službu ima Izrael, u Sloveniji je od 2009, u Republici Hrvatskoj od 2013. tako da mislim da građani Kantona Sarajevo i zbog broja stanovnika i zbog gradnje auto-puteva koji su također jedan od razloga razvoja HMP na motoru, zaslužuju građani Kantona Sarajevo da imaju ovu službu. Pa vas evo ovim putem

molim da nam izađete u susret ukoliko je u vašim ingerencijama. Nadam se da sam uspio odgovoriti. I uvažena zastupnica Smiljana Viteškić je pitala ono što sam ja napomenuo u uvodnom izlaganju da mi zaista imamo problem i mislim da će se ovaj problem morati riješiti. Mislim da vi imate određene ingerencije zastupnici i naravno Ministarstvo zdravstva i da svi nekako pokušamo zajednički riješiti problem ograničene radne sposobnosti uposlenika u Zavodu za HMP jer kažem osnovna naša djelatnost rad na terenu, i rad u noćnim satima, a onda imate radnika koji je sasvim regularno dobio legalno zbog zdravstvenih poteškoća dobio papir da on ustvari ne može da radi na terenu, ne može da radi u noćnim satima, i nama je zaista onda vrlo teško nekada organizirati službu, pogotovo sada za vrijeme korone, izuzetno nam je to predstavljalo opasnost. Tako da evo molim sve nas da zajedničkim snagama pokušamo to sve riješiti. Ja sam sa prethodnim ministrom razgovarao na tu temu, i sa prethodnim direktorom DZ, ideja ono što se da tako kažem po kuloarima priča među zdravstvenim radnicama, da postoji jedna prećutna saglasnost određenih mladih kolega iz DZ da bi obzirom da se radi o istom, primarnom nivou zdravstvene zaštite, da bi oni bili voljni da pređu da rade u Zavod za HMP, a da ove kolege koje ne mogu da rade na terenu, i ne mogu da rade u noćnim satima, da pređu u DZ, mislim da bi bio obostrani benefit. HP bi dobila da tako kažemo mladu, svježu krv koja može da radi i koju bi mi vrlo brzo obučili, a s druge strane DZ bi dobili iskusne tehničare koji mogu obavljati one poslove koji stacionarne koje rade unutar ustanova. Evo nadam se da sam uspio dovoljno odgovoriti na postavljena pitanja.

Predsjedavajući:

Zahvaljujemo se dr Zalihiću, doktorica Aida Pilav direktorica Zavoda za javno zdravstvo.

Direktorica Zavoda za javno zdravstvo Aida Pilav:

Hvala vam lijepo. Evo ja ću krenuti po redu. Prvo je bilo pitanje uvaženog zastupnika Samira Suljevića vezano za izdavanje (nerazumljivo jer ima smetnje). Službe za ekonomske poslove, gospođi Indiri koja će vam objasniti. Izvolite Indira.

Indira

Dobar ja sam (nerazumljivo smetnje).

Predsjedavajući:

Doktorice Pilav ne čujemo vas najjasnije. U nekim prekidima vas čujemo. Još uvijek veza nije dobra. Pokušajte sada.

Indira Begović

evo dobar dan. Ja sam Indira Begović rukovodilac ekonomsko-finansijske službe Zavoda za javno zdravstvo Kantona Sarajevo. Odgovorit ću na ovo postavljeno pitanje. Zavod za javno zdravstvo Kantona Sarajevo kao u ostalom i druge zdravstvene ustanove, jedan dio, manji dio svojih usluga naplaćuje u gotovini. Kao što je poznato po Zakonu o finansijskom poslovanju i blagajničkom poslovanju FBiH dozvoljena je naplata računa u gotovini do iznosa od 200 KM. Naše usluge koštaju puno manje od toga, tako da jedan dio tih usluga se naplaćuje tako. Zdravstvene usluge nisu u sistemu PDV a uredbom Vlade FBiH javne zdravstvene ustanove su isključene iz sistema fiskalizacije. Sve naplaćene usluge tako u gotovini, i sva ta gotovina svaki dan se polaže na transakcijski račun Zavoda za javno zdravstvo Kantona Sarajevo. I kao ostali novac na transakcijskom računu koristi se za redovne aktivnosti Zavoda. Znači kao što je direktorica već rekla, u 2019 godini ovdje je bila revizija federalna, i tako da su oni u potpunosti da tako kažem prekontrolisali taj sistem poslovanja. Zatim i Zavod za javno zdravstvo Kantona Sarajevo kao što je poznato finansira se procentom finansiranja od 80% tako da mi jedan dio svojih usluga pružamo van obaveznog zdravstvenog osiguranja u okviru svoje djelatnosti da bih da tako kažem dostigli to finansiranje od 100%. dakle ponovo

naglašavam da revizija institucija FBiH nije pri tom imala nikakve primjedbe. Dlake sav novac naplaćena u gotovini se redovno polaže na transakcijski račun i pri tom koristi za redovne aktivnosti Zavoda. Hvala vam.

Direktorica Aida Pilav:

Mogu li ja sada krenuti u kontinuitetu? Druga pitanja ko ja su postavljena. Sljedeća pitanja su bila postavljena od zastupnice Bilsene Šahman, bilo je njih nekoliko. Evo ja ću i ći redosljedom. Pitanje je bilo za DD poslove, mislim da je tačno glasilo zašto firme iz drugih Kantona rade DD poslove u Kantonu Sarajevo. Ja ću stvarno morati uzeti malo vremena pa ću sve nas vratiti sve skupa u zakonske okvire. Prema pravilniku o uslovima u pogledu stručne spremne zaposlenika tehničke opremljenosti, prostorija i drugih uslova koji moraju udovoljavati zdravstvene ustanove, privredna društva, odnosno fizičke osobe za obavljanje DD poslova, to je Pravilnik FBiH broj 30/16 pravnim i fizičkim licima je dozvoljeno da registruju DD poslove. Tu ima dosta privatnih firmi, to je njima omogućeno. A unutar tog pravilnika govori se i dvije vrste dezinfekcija, dezinsekcija i deratizacija. Jedna se zove preventivna i tu mogu, obično te firme idu na te tendere, mislim ove u kojima treba da se rade DD poslovi. I postoji druga vrsta dezinfekcija, dezinsekcija i deratizacija koja se zove (nerazumljivo). U opisima posla Zavoda za javno zdravstvo Kantona ovog i svih drugih deset Kantona stoji da radimo preventivnu dezinfekciju, dezinsekciju i deratizaciju u okviru svojih sredstava koje dobivamo od fonda, na taj način mi bez ikakvog tendera, to su naši redovni poslovi. A što se tiče preventivne ona vam je vrlo slobodna, izlazite na teneder i ako prođete. Naravno, da na tendere izađemo onda kada procijenimo da to treba da uradimo. Mi trenutno u bazi podataka oko 300 komintenata i naravno da je tu prevalirajući faktor kod preventivne DD poslova u prolasku u svakom slučaju cijena postoji kao i u svim drugim zdravstvenim ustanovama. Ono što se radi komercijalno, postoji cjenovnik usluga koji konačno kaže prošao je se te revizije. Evo ukoliko sam uspjela da dam odgovor. To je slobodno tržište na kojima se vi ljudi slobodno javljaju jer imaju dozvole za rad. Drugo pitanje vezano za to što smo se pohvalili. Naravno ja ću se opet pohvaliti. Zavod za javno zdravstvo Kantona Sarajevo u 2018 godini enormnim naporima koje je uložio da se stane, da spriječimo tu epidemiju Morbila koja je u tom periodu bila da se razumijemo u cijeloj Europi. Šta to jesu naše aktivnosti i koje su povećane. Aktivnosti su toliko da su redovne aktivnosti Zavoda za javno zdravstvo po nomenklaturi usluga iz čuvene Plave knjige, recimo epidemiološkoj izviđanje kolektivnih naselja i domaćinstava koji je uvijek imate broj koji procijenite. U 2019 godini, naše su kolege izlazile na teren i radile epidemiološko izviđanje, domaćinstava jer se sa svakim obavlja te tzv epidemiološke ankete u doba kada vi imate epidemiju zaraznih bolesti. I taj indeks izvršenja je umjesto planiranih, mi otprilike planiramo nekih 50 godišnje, njih je napravljeno 869. potom je povećan broj epidemiološkog izviđanja u slučaju vanrednih situacija. Povećan je broj evidencije i zdravstvenog nadzora nad kontaktima oboljeli itd da ne uzimam vrijeme, sve je inače u izvještaju to je ono kada sam rekla da su bili znatno povećana aktivnosti Zavoda u toku epidemije Morbila. Ljudi ima toliko koliko ima jer Fond zdravstvenog osiguranja trenutno u Zavodu za javno zdravstvo priznaje, to je tzv priznati kadar 108 i njih je toliko. Ovaj veliki posao vi morate raditi s onim brojem ljudi koliko je vama finansijski zadato. Dalje je bilo pitanje vezano za program obavezne vakcinacije u toku Morbila i uvažena gđe Bilsena je pitala kako to kada mi planiramo, pa nismo dobro isplanirali itd. Pa ću vam reći. Dakle plan za 2019 je pravljen 2018 godine kada ja nisam bila na ovim poslovima. I ono što je mene zateklo je zatekao vrlo nisko obuhvat vakcinacije primo i sekundarne vakcinacije Morbila. Nekih 40% u Kantonu Sarajevo, što je zaista nedopustivo. I na temelju toga vjerovatno je taj predhodni menadžment ili kako su to radili da planirali taj broj vakcina. One napore koje smo mi dodatno napravili 2019 godine da i zaista pomogli na najbolji način i poboljša javno zdravlje da smo u pregovorima sa kolega iz Zavoda za javno zdravstvo FBiH uspjeli i uz pomoć kolega iz drugih Kantona uspjeli da neku razliku ti

vakcina dobijemo za , odnosno našem izvještaju ima tačan broj do u zadnji broj tačan vakcina koje su tada potrošne. Posebno, rekla sam, odnosilo se na tu “keč ap” imunizaciju kada smo kupili kao što sam rekla ta druga godišta. Dakle ponavljam još jednom, tender za kupovinu vakcina iz programa obaveznih vakcinacija prema naredbi federalnog ministra zdravstva radi FBiH. Konačno to ste vidjeli taj slučaj kako je to bilo sa COVID vakcinacijama jer je to linija odgovornosti, ili hijerarhija, kako god da je mi nazovemo. I onda kantoni iskažu svoje potrebe. Tada su za 2019, što je mene zateklo, iskazane takve potrebe i onda smo mi kažem uz koordinaciju s kolegama iz Federacije uspjeli dobiti i dodatne količine vakcina, iako sam se ja u to doba obraćala ministrici Sofić. Tada je bila docentica, poslije profesorica Sofić, dakle čak se govorilo o mogućnosti, ja sam tražila da bi se kupovale dodatne količine. U slučaju epidemije, onda bi Kanton trebao izdvojiti, međutim, sreća do toga nije došlo, jer smo velim mi uspjeli napraviti tu keč. I to je taj veliki posao koji smo mi napravili. Dalje, po pitanju farmaceutski otpad itd, ja ću ponoviti iako sam to nekoliko puta rekla, Zavod za javno zdravstvo Kantona Sarajevo se skrbi o infektivnom otpadu koji nastaje u njegovim laboratorijama. Imamo ugovor sa tim sa firmama. Što se tiče otpisa vakcina, to se radi na mjestima aplicirana vakcina i to su zdravstvene ustanove primarnog nivoa po odgovarajućim procedurama. I to sigurno naše kolege na mjestu apliciranja vakcina u tim zdravstvenim ustanovama rade na odgovarajući način. E sada bih malo tom, riječ je o PCR koja je meni bila vrlo interesantna u Zavodu za javno zdravstvo pa to stoji u mom izvještaju o radu direktorice za 2019 jer sam ja došavši na poziciju 2018 u laboratorij, javno zdravstveni laboratorij naišla na PCR aparat Real time koji je nabavljen sredstvima Vlade Kantona Sarajevo 2015 godine u doba mislim da je ministrica bila uvažena prim. dr. Emira Tanović i taj aparat od 2015 godine nije stavljen u funkciju. Ono što sam ja sada odmah dala u zadatak da stavim aparat u funkciju, da bi se onda konstatovalo da treba dokupiti neke dijelove i da morate rekonstruirati dio u laboratorije zbog tih tzv. kružnih tokova, što smo mi evo 2019 napravili. Odmah smo napravili izvedbeni projekat za rekonstrukciju laboratorije i nakon niza konsultacija, ekspertiza, stručnu toj rekonstrukciji dijela laboratorije da bi mogli staviti PCR aparat, dakle dio još smo nešto dokupljivali. Srećom kroz 2020 godinu također sredstvima Budžeta Kantona Sarajevo napravili edukaciju kadra. I evo srećom prije nekog vremena na čelu sa našom docenticom Sabahetom Bektaš to stavili u funkciju u kapacitetima koji su trenutno u Zavodu takvi. Jako smo ponosni na taj dio psola Zavoda za javno zdravstvo Kantona Sarajevo velim kao što vidite dosta je bilo nekih situacija koje smo mi preskakali i vrlo brzo rješavali. Odnosno da kažem vrlo brzo preskakali te prepreke i evo došli, ekipirali se na način na koji je to moguće sa ovim brojem kadra u zadatom vremenom i prostoru. Hvala lijepo. Mislim da su to bila sva pitanja.

Predsjedavajući:

Zahvaljujemo se direktorici dr Pilav. Možete direktore Hrelja izvolite.

Direktor Apoteka Sarajevo Nedim Hrelja:

Hvala lijepo. Evo ja bih se referisao na pitanja uvažene zastupnice Danijele Kristić i uvaženog zastupnika Vibora Handžića, i uvažene zastupnice Bilsene Šahman. Prvo ću odgovoriti uvaženoj zastupnici pošto je kratko pitanje kolegici Bilseni Šahman. Na žalost farmaceuti do danas nisu vakcinisani iako su zdravstveni radnici. Vrlo kratak odgovor. Što se tiče pitanja uvažene zastupnice Danijele Kristić zahtjeva malo veći elaborat pa evo krenimo redom. Pitanje se odnosilo na novčane kazne. Novčane kazne su u 2020 ako sam dobro shvatio su iznosile 13.500 novčanih kazni. Uvidom u prekršajne naloge, za navedene izlistane prekršaje, želim naglasiti sljedeće: važno je znati da u jednoj apoteci nalazi se više od 6000 proizvoda te svaki dan vršimo zaprimanje nove robe kao i povrate. Farmaceutski timovi u apotekama uporedno sa pružanjem farmaceutske usluge obavljaju i poslove administrativne zaprimanja robe. Od početka pandemije, znači uglavnom su ove kazne nastale u pandemijskom vremenu

u martu 2019 godine. Evo taksativno navodim kada je bilo pvoećanje epidemije. Zbog otežanog, u ovoj situaciji JU Apoteke Sarajevo je pokazala svoje zalaganje na prvoj liniji za zdravlje građana i uz pojačano nesmetan rad u periodu kada su svjetski zdravstveni sistemi bili na koljenima. Želim ukratko da elaboriram prije konkretnog odgovora. To su sve neminovne situacije ali nikada nije došlo do neovlaštenog prometa ili nedozvoljene trgovine što se može vidjeti. Svi prekršajni nalozi nastali u organizacionim jedinicama odnosno apotekama, mreži apoteka Sarajevo, iako sam ja naravno zakonski odgovoran, smatram da je nerealno očekivati da u svakom momentu je moja kontrola prisutna na svih 47 poslovnih jedinica, te shodno tome i u Kanton Sarajevo i ZDK. Naravno, ja kao odgovorna rješenjem broj:01021169 od 11.05.2020. imenovao sam komisiju za vršenje unutrašnjeg nadzora nad radom organizacionih jedinica i apotekarskih radnika JU Apoteke Sarajevo te sam naložio da intenziviraju sve aktivnosti pojačano vrše unutrašnji nadzor. Primjenjujući odredbe Pravilnika o unutrašnjem nadzoru nad radom organizacionih jedinica i apotekarskih radnika u JU Apoteke Sarajevo a naročito da sačine plan vršenja unutrašnjeg nadzora u periodu od 01.06.2002. do 31.08.2020.godine. Sačinjen je također plan vršenja za svaki kvartal, te su dostavljane kvartalne planove. Nakon svake provedenog nadzora sačinjeni su izvještaji o zatečenom stanju sa prijedlogom mjera za otklanjanje eventualnih nepravilnosti. Komisija u toku svog nadzora ako ustanovi da postoji nepravilnost koja ima elemente prekršaja i kršenja propisa dužna je o tome odmah hitno pisanim putem obavijestiti predsjednika stručnog vijeća i mene. Dakle, komisija je izvršila svoj zadatak te shodno komplet analizi većina navedenih prekršaja se odnosilo na isticanje stikera u toku, neisticanje jasnih stikera u poslovnim jedinicama te sve kazne su se najvećim dijelom isticale na tržišne inspekcije. Nadalje, sljedeće pitanje koje sam dobio od uvažene zastupnice glede najma poslovnog prostora. Da u izvještaju za 2020 navedena je greška jer je lokalitet na općini Centar a ne u vlasništvu Općine Centar. Poslovni koji smo mi sklopili je poslovni prostor u vlasništvu privatnog lica u kojem se trenutno nalazi JU Apoteke Sarajevo i na temelju zaključka Skupštine Kantona Sarajevo mi smo dobili saglasnost za prelazak na ovaj lokalitet gdje smo ostvarili značajne uštede. Ostali lokaliteti nisu bili predmet nove zakupnine, svi lokaliteti gdje su smještene ostale službe iz administracije, dakle služba za nabavku, služba za finansije i računovodstvo, služba za marketing i služba call centra, koje su smještene u dijelu poslovnog prostora Apoteke Grbavica i dio u našem poslovnom prostoru Bistrik, su cijelo vrijeme zakupa prethodnog poslovnog prostora bile u funkciji. Dakle mi smo u isto vrijeme plaćali poslovni prostor od 700 i nešto kvadrata, dok su ostali ovi prostori u kojima su trenutno smješteni svi ostali uposlenici bili prazni. Tako da smo napravili racionalizaciju troškova i rasporedili smo sve službe na njihove stare lokalitete gdje su prije preseljenja u Studentske domove bili raspoređeni. Dakle nije došlo do novih zakupa i do stvaranja novih troškova. Kada je u pitanju pitanje koje se odnosi na statutaranu odluku uvjeta za imenovanje generalnog direktora, to je statutarna odluka u kojoj je navedeno da između ostalog kandidat treba ispunjavati i stručnu spremu odnosno master. Moram naglasiti da je ova ustanova samofinansirajuća i da mora apsolutno ispunjavati sve poslovne profile poslovanja jedne ustanove. Obzirom da smo samofinansirajući, te shodno tome imamo u jednom trenutku smo imali broj uposlenika od oko 437. Dakle smatram, odnosno smatrala je i pozdravljam odluku Skupštine koja je usvojila novi statut da osoba koja ima master iz poslovnog upravljanja je apsolutno u funkciji da ispunjava uvjete za imenovanje čelne pozicije u JU Apoteke Sarajevo. Što se tiče informacije o činjenici da je u prethodnom mandatu također ta činjenica bila navedena u statutu moje informacije nakon mog odlaska iz JU Apoteke Sarajevo da je također na prijedlog tadašnje ministricе zdravstva došlo do izmjene te statutarne klauzule koja je također bila procesuirana skupštinskom većinom. Tako da je to odgovor na pitanje uvaženog zastupnika. Što se tiče uvaženog zastupnika Vibora Handžića nadam se da sam odgovorio na ovo pitanje što se tiče inspekcijskih nalaza. Što se tiče pitanja o Pravilniku. Što se tiče pitanja zaliha, u 2019 godini s 31.12. zalihe u nabavnoj službi su bile 13.158.699 dok su sa 31.12.2020 zalihe nešto veće,

iznosile su 13.871. Dakle uzimajući zadnje tri godine kao referentan period, signifikantno je smanjeno opterećenje lagera. Obzirom na rast prosječne mjesečne prodaje tokom 2020 godine, i lager je shodno tome minimalno povećan, te zaključeno sa 31.12. pretstavlja optimalan tromjesečni lager apoteka. Nabavke lijekova i medicinske opreme su bilježile rast, shodno rastu prodaje u 2020 godini. To je odgovor na pitanja prethodna koja se odnose na dio izvještaja iz 2020 godine. Što se tiče pitanja koja se odnose na isplatu stimulacija u 2019 godini je isplaćeno 26.722,38 od toga 11.495 zdravstvenog i 15.226 nezdravstvenog kadra. To je izvještaj na pitanje koliko je isplaćeno stimulacija u 2019 godini. Evo upravo tražim sve tačke i pitanja. Mislim da sam iscrpio sva pitanja. Ukoliko sam neka od pitanja možda izostavio evo stojim na raspolaganju. Hvala.

Predsjedavajući:

Zahvaljujemo se. Direktorica DZ direktorica Kečo, izvolite, imate riječ. Da li je s nama direktorica DZ, dr. Kečo? Očigledno nema. S obzirom da nema više prijavljenih za odgovore, zamolio bih dr. Kečo da dostavi odgovore pisanim putem zastupnicama i zastupnicima. Prelazimo na raspravu. Otvaram raspravu. Zastupnica Bibija Kerla je prva koja se prijavila. Izvolite. Imate riječ.

Poslanik/zastupnik Bibija Kerla:

Dobar dan, jel se čujemo? Hvala lijepa. Pa prije svega danas bih rekla par stvari o Izvještaju za 2019.godinu i aktivnostima koje su provođene u Zavodu za HMP u ovom izvještajnom periodu. Koliko dugo sam zastupnica u Skupštini Kantona Sarajevo, čini mi se da je ovo najpozitivniji izvještaj, te želim da to na ovaj način donekle i podcrtam. Pored osnovnog posla, a u kojim brojkama neću da diskutujem sada, a vidimo i finansijsko pozitivno poslovanje ustanove, što je za svaku pohvalu. Kroz Izvještaj također vidim da je u ustanovi urađeno dosta na modernizaciji i uvođenju novih usluga. Pa tako vidimo da su osnovani edukativni centri i kao regionalni centar za edukaciju o ispitivanju urgentne medicine. Kroz ovaj centar vidimo da se do sada educiralo jako puno profesionalaca iz Kanton Sarajevo i regije, kao i značajan broj nemedicinskog osoblja što na izvještaj način povećava mogućnost pružanja medicinske pomoći osobama kojima bi ta ista pomoć bila potrebna. Također vidimo da je u ustanovi formirana služba na motorima. Svjedoci smo velikih saobraćajnih gužvi u Kantonu Sarajevo, o čemu je govorio upravo moj kolega Sead Milavica i vidimo da vozila HP ne mogu da adekvatno i na vrijeme stignu na intervenciju, upravo zbog takve saobraćajne situacije u Kantonu Sarajevo. Sigurna sam da će sa dolaskom ljepšeg vremena i ova služba doživjeti svoju punu upotrebu, te građanima Kantona Sarajevo na taj način omogućiti da jako brzo bez obzira na saobraćajnu gužvu, dobiju adekvatnu HMP kada im to bude stvarno potrebno. Vidimo da je sve češće u gradu Sarajevu moguće naći na javnim mjestima AED uređaje, što je također prema smjernicama Deklaracije EU parlamenta početak implementacije mreže AED uređaja u gradu Sarajevu. Zavod je preduzeo značajne korake u izgradnji ove mreže te omogućio uz pomoć pojedinih nivoa vlasti opremanje lokacija sa AED uređajima. Sada bih spomenula da je pohvalno to što su uposlenici u 2019 godini posjetili više naučnih skupova, te na taj način dodatno se educirali i prikupili iskustva kolega iz struke. Sigurna sam da je to ujedno bila prilika da se razmjenom iskustava prezentuju pojedini trendovi razvoja HP u Kantonu Sarajevo. Iako se ne odnosi na izvještajnu godinu, iskoristila bih priliku da se ovako javno zahvalim svim uposlenicima Zavoda za HMP za sve što su radili u periodu pandemije za građane Kantona Sarajevo. Sad bih rekla jš par stvari što se tiče Apoteka. Mnogo toga je rečeno kroz pitanja kolegice Bešlije i odgovora direktora Hrelje upravo ono što sam ja htjela da diskutujem. I da ne bih ponavljala statističke podatke, reći ću samo da je direktor Apoteke prema ovom izvještaju svoj posao odradio korektno i u skladu sa zakonom. Zato ću ja kao i moje kolege podržati ovaj Izvještaj. Hvala lijepa.

Predsjedavajući:
Zastupnica Amra Hasagić.

Poslanik/zastupnik Amra Hasagić:

Zahvaljujem predsjedavajući. Koleginica Bibija je maloprije detaljnije govorila o Izvješčaju Zavoda za HMP, međutim ne mogu a da se ne osvrnem vrlo kratko na nešto što je meni lično veoma bitno i iz tog razloga jesam postavila pitanje koje se odnosilo na edukativni centar. Edukativni centar JU Zavoda za HMP Kantona Sarajevo je isprava bio osnovan u cilju obuke i treninga medicinskog osoblja Zavoda. Vjerujem da ste svi imali priliku i vidjeti postavljene ciljeve edukativnog centra, koji bi se postigli kroz set unaprijed postavljenih aktivnosti, gdje je upravo jedan od postavljenih ciljeva i program obuke i edukacije iz prve pomoći. Mene zaista raduje i veoma je pohvalno da se edukacije trenutno ne organizuju samo za medicinski kadar već i za nemedicinski kadar. Posebno me raduje, i ovom prilikom se i zahvaljuje dr. Zalihiću na odgovorima. Mene raduje da je ovaj edukativni centar napravio jedan iskorak i počeo sa edukacijom učenika srednjih škola i studenata, i zaista se nadam da će u budućnosti Ministarstvo zdravstva, Ministarstvo za visoko obrazovanje i Ministarstvo za odgoj i obrazovanje pružiti ruku dr. Zalihiću i pomoći u daljnjoj realizaciji ovog projekta. Mi smo na žalost svjedoci da u posljednje vrijeme imamo određeni broj smrtnih slučajeva, a uzrok im je upravo srčani zastoj, i pretežno se smrti dešavaju prilikom sportske rekreacije, a vrlo često, kako bi se laički reklo, iz čista mira, i zaista smatram da je edukacija iz oblasti reanimacije za populaciji srednjih škola i studenata zaista neophodna, jer pretežno na terminima i sportskim rekreacijama kojima oni prisustvuju članovi i uposlenici HP nisu prisutni. Bez obzira što je moja kolegica to ranije već učinila, a i ja u svoje lično ime želim da se zahvalim svim uposlenicima HP na svesrdnoj pomoći nama svima tokom trajanja pandemije bez obzira što se ovaj izvještaj ne odnosi na prošlu godinu već na 2019. Hvala vam puno.

Predsjedavajući:
Dopredsjedavajuća Smiljana Viteškić.

Dopredsjedavajuća Smiljana Viteškić:

Hvala predsjedavajući. Ja evo prije diskusije, također koristim priliku da se zahvalim svim direktorima i uposlenicima zdravstvenih ustanova u Kantonu Sarajevo na njihovom trudu, posebno u vrijeme pandemije. Posebno zahvaljujem direktoru Zalihiću koji je dao iscrpne odgovore na pitanja koja sam postavila. Od 1979 kada je završena zgrada HMP, preko '93 kada je registrovana kao JU koja obavlja hitnu pomoć u Kantonu Sarajevo, ova 2019 čiji Izvještaj razmatramo, po riječima dr. Zalihića je jedna od najuspješnijih godina. Međutim, to ne znači da ova ustanova nema problema. Jedan od velikih problema je zbrinjavanje hitnih stanja u Kantonu Sarajevo i u tome je što je tek 15% hitni slučajevi a ostalih 85% nisu i u ovoj ustanovi se zbrinu vrlo često na uštrb hitnih slučajeva. Zašto je ovoliki broj slučajeva koji nisu hitni upravo u Zavodu za HMP Kantona Sarajevo? Pa to su građani koji nisu osigurani, koji čekaju noć da počne pa da dobiju uslugu u HMP, oni koji se nisu registrovali u timove obiteljske medicine, stanovnici drugih Kantona koji su se također prijavili u Kantonu Sarajevo da dobiju zdravstvenu uslugu, koja je naravno vrlo kvalitetna, te subotnje, nedjeljne i praznične dežure kada se broj pacijenata u HMP znatno povećava. Saradnja sa JU DZ Kantona Sarajevo je sigurno na nivou, međutim ona se treba stalno unapređivati da bi pravi hitni slučajevi završili u hitnoj pomoći a ovi ostali u ambulantama porodične medicine. U 2019 godini broj uposlenika bio je 300, od toga je 78% medicinskog kadra, 22% nemedicinskog kadra i nije li to ipak veliki postotak nemedicinskog kadra, kada se uzme u obzir da u Zavodu za hitnu medicinsku pomoć medicinski tehničar radi mnoge poslove, posebno poslove vozača, edukatora, i neke druge poslove. O problemu kadra i invalida rada, za koje smo već evo čuli odgovor direktora Zalihića neću puno govoriti, ali se nadam da ćemo

iznaći mogućnost da se ovi ljudi koji su radeći ovaj odgovoran, težak posao na prvoj liniji zbrinjavanja pacijenata ipak dostojno smjeste do svoje konačne penzije. Nedostatak pedijatrijske službe noću, pri primarnoj zdravstvenoj zaštiti, je veliki problem. I hroničan je problem nedostatka pedijataru u primarnoj zdravstvenoj zaštiti uopšte u Kantonu Sarajevo, i u JU DZ Kantona Sarajevo također nema dovoljno pedijataru, ali mislim da bi pedijatrijsku službu trebalo organizovati noću, jer u nedostatku istih dolazi do opterećenja timova HMP pedijatrijske slučajevima. Svakako je za pohvalu nabavka AED aparata, koji su evo više puta spominjani. Pozdravljam svaku lokaciju i svako nastojanje da se ovi aparati nabave jer su jako važni u očuvanju života. I evo nadam se, u 2019 je će po izvještaju bilo i u Centru Safet Zajko, apoteci Ferhadija, na lokalitetu Vijećnice i Skenderije, da će u narednom periodu ovi aparati, uz naravno edukaciju građana, širu edukaciju građana biti postavljeni na drugim mjestima kako bih ih mogli upotrebljavati. Podatak o edukacijama svakako je imponantan, oko 3000 ljudi su prošli edukaciju. I benefit ovih edukacija najbolje znaju oni koji rade sa ljudima koji su prošli edukaciju u HMP a i građani kojima oni vrlo često pomažu. I na kraju, 13.09.2019. do 30.03.2020. ova ustanova nije imala NO. To je nedopustivo bilo da čija je krivica, evo i neki drugi direktori su isticali problem nedostatka tih upravljačkih struktura i kasnog imenovanja, i mislim da se ljudima koji ovako teško rade, koji upravljaju ovako velikim i značajnim ustanovama u Kantonu Sarajevo, te upravljačke strukture moraju imenovati na vrijeme. Hvala lijepo.

Predsjedavajući:

Dopredsjedavajuća Danijela Kristić.

Dopredsjedavajuća Danijela Kristić:

Zahvaljujem se predsjedavajući. Ja bih prije svega da ispravim direktora Hrelju, nije Krstić nego Kristić. Zahvalila bih se također na odgovorima. Neka pitanja mi je odgovorio, neka nije, ali evo ja ću se osvrnuti kroz diskusiju na pitanja, posebno koja nisu odgovorena. Moje pitanje vezano za novčane kazne je bilo da su iste izrečene u 2019 godini, i tada nije bila pandemija COVID. Ista je počela u 2020 godini tako da navedene kazne za koje sam pitala nisu vezane za pandemiju. Izvještaj je također navedeno da iznos koji sam spomenula od 13.760 KM u suštini kazne koje su izrečene u 2019 godini. Kako je navedeno u izvještaju, nabavka u 2019 godini su smanjenje za 1,7%, što ne prati iznos rabata za 2019. godinu koji je manji za 15,1% u odnosu na 2018. godinu i iznosi minus 731.368 KM. Izvještaju se navodi da su ugovori o poslovnoj saradnji revidirani u svrhu poboljšanja rabata iz navedenog ne stoji jer je iznos po osnovu rabata za 2019. manji za 15,1%. izvještaj o radu i finansijskom poslovanju JU Apoteke Sarajevo za 2019 u tabelarnom prikazu, prikaz strukture vlasništva prostornih kapaciteta na Kanton Sarajevo, u tački 1. uprava navedeno da poslovni prostor na adresi Kranjčevićeva 29 uzet pod zakup od Opštine Centar što je netačan podatak. Ali evo direktor nam je u svom izlaganju obrazložio da je ustvari napravljena greška u samom izvještaju. Znamo da poslovni prostor na adresi Kranjčevićeva u stambenoj zgradi u privatnom vlasništvu i sam ugovor o zakupu JU Apoteke Sarajevo je potpisan sa privatnim licem. Niste mi odgovorili da li ste pismo namjere poslali zakupodavcima u vlasništvu Kantona Sarajevo. Ukoliko niste, postavlja se pitanje zašto ne zakupodavcima u vlasništvu Kantona Sarajevo nego samo privatnim licima. Također mi niste odgovorili koji su fiksni troškovi zakupa novog prostora da bi uopšte mogli znati da li su u suštini ostvarene uštede ili ne. Ukoliko napravimo komparaciju troškova za zakup gdje mjesečni trošak najma iznosio 10.600 KM, sa uključenim PDV 12.402 ali namjerno ili slučajno ste izostavili u samom izvještaju da je predmetni trošak podrazumijevao 700 metara kvadratnih kancelarijskog prostora sa svim uključenim režijama: struja, voda, grijanje, zaštita, odvoz smeća. U ovom prostoru su bile smještene i sve administrativne službe, dok su najmom poslovnog prostora na adresi Kranjčevićeva dislocirane službe u pet prostora što ometa i sam proces rada. Niste

naveli da li ovaj iznos zakupnine od 5000 KM na mjesečnom nivou u suštini podrazumijeva i sve fiksne troškove ili uz taj dio plaćate jo dodatno za fiksne troškove, pa onda ne možemo govoriti o onoj uštedi od 67.000 KM na godišnjem nivou. Izvještaj o radu i finansijskom poslovanju JU Apoteke Sarajevo za 2019 godinu navedeno je da je UO JU Apoteke Sarajevo na prvoj konstituirajućoj sjednici održanoj dana 28.08.2019.godine donio Statut o izmjenama i dopunama Statuta JU Apoteke Sarajevo. Navedenim izmjenama i dopunama navedeno je da je Statutom o izmjenama i dopunama Statuta JU Apoteke Sarajevo naznačeno usaglašavanje sa Pravilnom o uvjetima u pogledu vrste završenog fakulteta, zdravstvenog usmjerenja, koje moraju ispuniti osobe koje konkurišu za direktora zdravstvene ustanove. Što je definisano u SL. Novina FBIH 77/17. Navedeni kriterij za generalni direktor zdravstvene ustanove mora posjedovati master, nije propisa u Pravilniku o uvjetima u pogledu vrste završenog fakulteta zdravstvenog usmjerenja koji moraju ispuniti osobe koje konkurišu za direktora zdravstvene ustanove. Napomene radi, na osnovu člana 66 stav 6) Zakona o zdravstvenoj zaštiti, kojim je regulisano da ravnatelj zdravstvene ustanove mora imati Medicinski, Stomatološki odnosno Farmaceutski fakultet, najmanje pet godina radnog iskustva u struci imati znanje u zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenog postdiplomskom studija iz zdravstvenog menadžmenta, te ispunjavati i druge uslove propisane aktom o osnivanju odnosno statuta. Osim toga, člankom 2. Pravilnika o uvjetima u pogledu vrste završenog Fakulteta zdravstvenog usmjerenja koji moraju ispuniti osobe koje konkurišu za direktora zdravstvene ustanove, Sl. Novine FBIH 77/17 regulisani su uslovi za ravnatelja koji podrazumijeva da ravnatelja zdravstvene ustanove mora imati Medicinski, Stomatološki, odnosno Farmaceutski fakultete, ili Farmaceutsko-biohemijski fakultet, najmanje pet godina radnog iskustva u struci, znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta i to sve tri razine edukacije sukladno propisima o kontinuiranoj profesionalnoj edukaciji zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta. Sama činjenica da je u prethodnom mandatu direktora Nedima Hrelje u periodu od 2012 do 2016 godine, tadašnji ministar zdravstva Kantona Sarajevo aktom naložio UO odredbu da iz statuta JU Apoteke Sarajeva i Pravilnika o radu JU Apoteke Sarajevo izbriše odredbu da generalni direktor JU Apoteke mora posjedovati master, i da generalni direktor znao da nije u skladu sa pozitivnim pravnim propisima a istu uvrstio u odredbe Statuta, govori sve. Hvala.

Predsjedavajući:

Zastupnica Vildana Bešlija je sljedeća koja se prijavila za diskusiju.

Poslanik/zastupnik Vildana Bešlija:

Jel se vidimo predsjedavajući, čujemo? E hvala vam. Ja ću se prvo osvrnuti na odgovore na pitanja koja sam postavila direktoru JU Apoteke Sarajevo. Pa evo, nisam dobila zaista odgovor, mislim ja sam pitala vezano za Galas laboratoriju, povećanje kapaciteta itd. Mene je konkretno, također zanimalo, evo na žalost, nisam dobila odgovor na koji način je direktor uspio u tolikoj mjeri povećati prihode u 2020.godini a da to nije uspjelo se uraditi u 2019? uzimajući u obzir da se stvarno radi u tome da je pola godine bio direktor, međutim značajno povećanje prihoda u 2020. godini nisam to pitala, slučajno. Pitala sam namjerno iz prostog razloga što znamo svi da u 2020.godini godina koja je obilježila naravno pandemija. I znamo da je potreba svih nas, građana bila značajno veća u odnosu za raznim vrstama preprata i lijekova, jačanja organizma itd. I znamo da je pandemija i da je bila povećana potražnja za lijekovima i iz tog razloga sam htjela da dobijem odgovor jer nisam stekla dojam iz finansijskog izvještaja ni iz odgovora da je to urađeno i da je to direktno zasluga menadžmenta, tačnije direktora da su se nekim drugim razlozima povećali prihodi i žao mi e

što nisam dobila taj odgovor. Ali evo, imat ćemo izvještaj za 2020, pa ćemo onda i znati šta je konkretno po srijedi. Kada je u pitanu Galas laboratorija s obzirom da nemam više mogućnosti postaviti dodatna pitanja ja sam pripremila pitanja koja ću dostaviti pisanim putem a koja su u suštini vezana za to što nam je direktor već pojasnio. Koji su proizvodi uvedeni, kada, koji su u pripremi po pitanju Galas laboratorije, znači sa kojim podugovaračima je ova ustanova u periodu zadnje tri godine od momenta i do momenta postavljanja ovog pitanja, potpisala ugovor, u kojem iznosu, koliki je prihod po osnovu proizvoda Galas laboratorije ostvarila u 2019 i 2020, i šta je planirano za 2021 godinu? I da li se vrši ili je u planu plasiranje i prodaja Galas proizvoda u nekim drugim prodajnim objektima, mjestima, apotekama i slično. Ako da, u kojim? Što se tiče Zavoda za javno zdravstvo nisam tu imala pitanja, ali evo ponukana odgovorima koje je direktorica ovdje iznijela, zapanjena sam činjenicom da je direktorica rekla da smo imali aparat za PCR testove, ona je ponosna što je to stavljeno u funkciju nakon pet godina i da je začuđena da se to stavilo cijele 2019 i 2020 godine. Zaista mi je nejasno ako imao direktoricu kojaje tu u kontinuitetu ovakva konstatacija i žao mi je, stvarno mi je žao i prosto nevjerovatno da u proteklom periodu kada nam je to bilo izuzetno važno i potrebno ovakav aparat nije bio u funkciji. Hvala vam.

Predsjedavajući:

S obzirom da nema više prijavljenih, zaključujem raspravu. O pozivam zastupnike da se izjasne redosljedom koji smo na početku kazali.

AD-9.

IZVJEŠTAJ O RADU I FINANSIJSKOM POSLOVANJU JU PSIHIJATRIJSKA BOLNICA KANTONA SARAJEVO ZA 2019. GODINU

MOLIM SLUŽBU DA PRIPREMI ANKETU ZA IZJAŠNJENJE A ZASTUPNICE I ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU PSIHIJATRIJSKA BOLNICA KANTONA SARAJEVO ZA 2019. GODINU

Zaključujem glasanje. Molim službu da objavi rezultate glasanja.

ZA JE GLASALO 27 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka deset:

AD – 10.

IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ZAPOSLENIKA MINISTARSTVA UNUTRAŠNJIH POSLOVA KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ZAPOSLENIKA MINISTARSTVA UNUTRAŠNJIH POSLOVA KANTONA SARAJEVO ZA 2019. GODINU

Zaključujem glasanje. Molim službu da objavi rezultate glasanja.

ZA JE GLASALO 7 ZASTUPNIKA, PROTIV 9, SUZDRŽANIH 10.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka jedanest:

AD – 11.

IZVJEŠTAJ O RADU I FINANSIJSKOM POSLOVANJU JU OPĆA BOLNICA „PRIM. DR. ABDULAH NAKAŠ“ ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU OPĆA BOLNICA „PRIM. DR. ABDULAH NAKAŠ“ ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 27 ZASTUPNIKA, PROTIV ništa I SUZDRŽANIH 3.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvanaest:

AD –12.

IZVJEŠTAJ O RADU I FINANSIJSKOM POSLOVANJU JU ZAVOD ZA HITNU MEDICINSKU POMOĆ KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA HITNU MEDICINSKU POMOĆ KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 11 ZASTUPNIKA, PROTIV 7, SUZDRŽANIH 9.

KONSTATUJEM DA SKUPŠTINA NIJE USVOJILA OVAJ IZVJEŠTAJ. IZVJEŠTAJ.

Tačka trinaest:

AD –13.

IZVJEŠTAJ O RADU I FINANSIJSKOM POSLOVANJU JU ZAVOD ZA JAVNO ZDRAVSTVO KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA JAVNO ZDRAVSTVO KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 23 ZASTUPNIKA, PROTIV 3 I SUZDRŽANIH 4.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka četrnaest:

AD – 14.

IZVJEŠTAJ O RADU I FINANSIJSKOM POSLOVANJU JU ZAVOD ZA MEDICINU RADA KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA MEDICINU RADA KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 28 ZASTUPNIKA, PROTIV NIŠTA I SUZDRŽANIH 1.
KONSTATUJEM DA JE SKUPŠTINA KS USVOJILA OVAJ IZVJEŠTAJ.

Tačka petnaest:

AD –15.

IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 12 ZASTUPNIKA, PROTIV 3, SUZDRŽANIH 13.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka šesnaest:

AD – 16.

IZVJEŠTAJ O RADU I FINANSIJSKOM POSLOVANJU JU ZAVOD ZA BOLESTI OVISNOSTI KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA BOLESTI OVISNOSTI KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 10 ZASTUPNIKA, PROTIV 3, SUZDRŽANIH 15.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka sedamnaest:

AD – 17.

IZVJEŠTAJ O RADU I FINANSIJSKOM POSLOVANJU JU DOM ZDRAVLJA KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU DOM ZDRAVLJA KANTONA SARAJEVO ZA 2019. GODINU

Zaključujem glasanje. Molim službu da objavi rezultate glasanja.

ZA JE GLASALO 10 ZASTUPNIKA, PROTIV 9, SUZDRŽANIH 9.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka osamnaest:
AD – 18.

IZVJEŠTAJ O RADU I FINANSIJSKOM POSLOVANJU JU "APOTEKE SARAJEVO" ZA 2019. GODINU

Molim službu da objavi anketu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU "APOTEKE SARAJEVO" ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 11 ZASTUPNIKA, PROTIV 12, SUZDRŽANIH 6.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka devetnaest:
AD – 19.

IZVJEŠTAJ O RADU I FINANSIJSKOM POSLOVANJU JU KANTONA SARAJEVO ZAVOD ZA ZAŠTITU ZDRAVLJA STUDENATA UNIVERZITETA U SARAJEVU ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU KANTONA SARAJEVO ZAVOD ZA ZAŠTITU ZDRAVLJA STUDENATA UNIVERZITETA U SARAJEVU ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 8 ZASTUPNIKA, PROTIV 3, SUZDRŽANIH 15.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka dvadeset:
AD-20.

IZVJEŠTAJ O RADU I FINANSIJSKOM POSLOVANJU JU ZAVOD ZA SPORTSKU MEDICINU KANTONA SARAJEVO ZA 2019. GODINU

Molim službu da pripremi anketu za izjašnjenje.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA SPORTSKU MEDICINU KANTONA SARAJEVO ZA 2019. GODINU.

Zaključujem glasanje. Molim službu da objavi rezultate glasanja.

ZA JE GLASALO 11 ZASTUPNIKA, PROTIV 4, SUZDRŽANIH 12.
KONSTATUJEM DA SKUPŠTINA NIJE USVOJILA OVAJ IZVJEŠTAJ.

Prelazimo na tačku dvadeset i jedan:

AD-21.

IZVJEŠTAJ O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-31.12.2020 GODINE, SA OSVRTOM NA PROBLEMATIKU OBEZBJEĐENJA ALTERNATIVNOG-PRIVREMENOG SMJEŠTAJA I PLAN POVRATKA U I IZ KANTONA SARAJEVO ZA 2021. GODINU

Materijal ste dobili u dopuni. Molim predstavnika Predlagača da podnese uvodne napomene. Ministrice Prvulović izvolite, imate riječ. Uključite samo mikrofoni, ne čujemo vas.

Ministrica Ivana Prvulović: UVODNO IZLAGANJE

Predsjedavajući:

Zahvaljujemo se ministri Prvulović. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O REALIZACIJI PLANA POVRATKA U I IZ KANTONA SARAJEVO ZA PERIOD 01.01.-31.12.2020 GODINE, SA OSVRTOM NA PROBLEMATIKU OBEZBJEĐENJA ALTERNATIVNOG-PRIVREMENOG SMJEŠTAJA I PLAN POVRATKA U I IZ KANTONA SARAJEVO ZA 2021. GODINU.

Služba je pripremila anketu za izjašnjenje. Molim vas da se izjasnite.

ZA JE GLASALO 26, PROTIV I SUZDRŽANIH NIJE BILO.

KONSTATUJEM DA JE SKUPŠTINA KS USVOJILA OVAJ IZVJEŠTAJ.

I prelazimo na sljedeću tačku dnevnog reda, a to su:

AD – 1.

PITANJA I INICIJATIVE I ODGOVORI ZASTUPNIKA

Za pitanja se prijavila dopredsjedavajuća Smiljana Viteškić. Izvolite, imate riječ.

Dopredsjedavajuća Smiljana Viteškić:

Hvala predsjedavajući. Moje pitanje prvo je upućeno Ministarstvu kulture i sporta Kantona Sarajevo.

Zašto četiri mjeseca nakon promjene Vlade Kantona Sarajevo nisu imenovane upravljačke strukture u Narodnom pozorištu Sarajevo? Zašto Vlada Kantona Sarajevo nije imenovala privremene upravljačke strukture u Narodnom pozorištu Sarajevo? Obrazloženje će biti u prilogu.

A drugo pitanje se odnosi na zbrinjavanje medicinskog otpada i ono glasi:

- da li Kanton ima dovoljno uređaja za sterilizaciju i dezinfekciju medicinskog otpada u uslovima pandemije Covid 19 i enormno povećanih količina otpada?

- da li ima dovoljno drobilica za zbrinjavanje otpada i

- da li će gradska deponija Smiljevići (ili je već) bit zatrpana med. otpadom – rukavice, maske, odijela, šprice, igle..

Obrazloženje:

Od kada je proglašena pandemija Covid 19, pretpostavlja se da ima čak dva puta više medicinskog otpada nego ranije. Ovaj otpad jako je opasan za ljudsko zdravlje i okoliš, te ima direktan, štetan uticaj na prirodu kao i društvo u cjelini. Zbrinjavanje medicinskog otpada veoma je složen posao i mora bit multsektorijalan. I evo nadam se da će se ovim pitanjem dobro pozabaviti KEAP koji smo usvojili nastavka današnje sjednice. A uz to, predlažem da

Kanton Sarajevo donese Strategiju o upravljanja otpadom u Kantonu Sarajevo sa posebnim akcentom na upravljanje medicinskim otpadom. Hvala.

Predsjedavajući:

Zastupnica Amra Hasagić. Izvolite, imate riječ.

Poslanik/zastupnik Amra Hasagić:

Zahvaljujem predsjedavajući. Ja upućujem inicijativu Ministarstvu unutrašnjih poslova da se napravi realna analiza stanja i provedu procedure koje će dovesti do toga da se s aspekta policijskog posla, Vogošća posmatra kao zasebna PU. Na posljednjoj tematskoj sjednici, ja sam nešto više govorila o tome, gdje je evidentno da 33.000 stanovnika koji žive na području Općine Vogošća sa trendom stalnog rasta u vrlo složenoj problematici saobraćaj, i sa aspekta novo pridošlih stanovnika treba funkcionalno i operativno posmatrati kroz samostalnu policijsku upravu. Zahvaljujem predsjedavajući.

Predsjedavajući.

Dopredsjedavajuća Danijela Kristić.

Dopredsjedavajuća Danijela Kristić:

Zahvaljujem predsjedavajući. Moje pitanje je usmjereno ministru zdravstva Kantona Sarajevo i u pisanom obliku može odgovor. Molim vas da mi dostavite informaciju koliko je pristiglo zahtjeva za refundaciju lijeka Tocilizumab? Koliko zahtjeva je obrađeno? Koji je rok u kojem komisija treba završit predmet refundacije?

I drugo pitanje je Općini Stari Grad. Molim da mi dostavite informaciju koliko je u vrijeme Covid pandemije raskinuto ugovora o najmu poslovnih prostora od strane Općine kao zakupodavca? Hvala.

Predsjedavajući:

Zastupnica Bibija Kerla.

Poslanik/zastupnik Bibija Kerla.

Ja za današnju sjednicu imam par pitanja i jednu inicijativu. Prije svega, pitam premijera Fortu šta je sa mojom inicijativom o pokretanju Ureda za saradnju sa dijasporom? Molim premijera da mi da usmeni odgovor. Dalje, isto tako za premijera i Vladu pitanje ima li Vlada uopšte u planu da u mjere pomoći u vezi COVID – 19 uključi penzionere? Koliko ja znam u regionu, a i u svijetu penzioneri nisu zaboravljeni, jedino kod nas na njih niko ne misli. Šteta. I zato molim i tu usmeni odgovor.

Dalje, šta je sa odgovorima na mnogobrojna pitanja i inicijative koja su zastupnici dostavili u trajanju ovog mandata, počev od šestorke, trojke pa evo sada i četvorke, pardon opet trojke. Kakva je korist pokretati inicijativu koju Vlada uopšte ne realizuje.

Imam jednu inicijativu koju ću dostaviti pismenim putem ali sada ću da kažem o čemu se radi. Ja sam u prošlom mandatu dala ovu inicijativu ministru saobraćaja Kantona o zatvaranju užeg centra grada u Kantonu Sarajevo za saobraćaj. To ću uraditi i ovog puta te molim Vladu Kantona Sarajevo da dobro razmisli o ovoj ideji jer sve metropole ili glavni gradovi u Europi imaju zabranu saobraćaja u užem dijelu gradu koji je proglašen pješačkom zonom. Znamo vrlo dobro koliko bi to doprinijelo smanjenju zagađenosti u glavnom gradu. Kao što rekoh, ovo ću dostaviti Vladi pismenim putem pa neka dobro razmisli o tome. Hvala lijepa.

Predsjedavajući:

Zastupnica Jasna Duraković.

Poslanik/zastupnik Jasna Duraković:

Zahvaljujem predsjedavajući. Nadam se da me čujete. Dobar dan svima. Naravno srdačno pozdravljam i vas i kolegice i kolege zastupnike, kao i sve one koji prate rad današnje sjednice, obzirom da se prvi put javljam. Za danas imam jednu inicijativu i par pitanja. Dakle prvo podnosim inicijativu prema Ministarstvu za predškolski, osnovni i srednji odgoj i obrazovanje Kantona Sarajevo da razmotri uvođenje kontrolnog mehanizma nad radom privatnih vrtića u Kantonu Sarajevo koje bi djelovalo direktno pri resornom Ministarstvu, te da također donese odluku o zabrani mijenjanja, tj podizanja mjesečne cijene za boravak djece, koja su već upisana u privatne vrtiće u Kantonu Sarajevo, a čije roditelje subvencionira Vlada Kantona Sarajevo. Ovo naglo podizanje cijena ne bi smjelo biti prihvatljivo u vremenu pandemije i ekonomske krize. Kratko obrazloženje:

Subvencija je vid materijalne podrške roditeljima, koja je odobrena od strane Vlade KS prije dvije godine, a djeca koja se nisu uspjela upisati u javni vrtić primarno zbog nedostatka mjesta su upisana u privatne vrtiće. Iako privatni vrtići djeluju po istim zakonskim propisima, ipak nedostaje snažnija kontrola nadležnog ministarstva. To rezultira samovoljom vlasnika/ca vrtića i ogleda se u konstantnom mijenjanju uslova rada u skladu sa vlastitim interesima, ne vodeći nužno računa o interesu djece. Iako postoji inspekcija kao i nadzorno tijelo koje ima funkciju Vijeća roditelja privatnih vrtića, njihova kontrola je nedovoljna. Stoga tražim da se Ministarstvo intenzivnije uključi u nadzor rada i djelovanja privatnih vrtića. Inspekcije ne mogu pokriti sve aspekte djelovanja vrtića, a Vijeće roditelja privatnih vrtića je, čini se, samo mrtvo slovo na papiru. Osim što roditelji nemaju otvoren kanal komuniciranja sa tim tijelom, nisu obaviješteni o njegovom djelokrugu, a i sam izbor predstavnika ne nudi fer i transparentan sistem kandidovanja glasanja i imenovanja, što dovodi u sumnju legitimitet takvog postupka, te se postavlja pitanje da li je to planski urađeno kako bi se kao predstavnici roditelja imenovalе osobe bliske vlasnicima/ama vrtića? Neophodno je uvesti kontrolu Ugovora koji se roditeljima daju na potpis, a koji se mijenjaju svake godine i pod uslovima koji su u isključivom interesu vrtića ,ne djece ili roditelja. Ugovori bi morali biti u najvećoj mjeri standardizirani, kako bi se podigao kvalitet pravnog odnosa vrtića i roditelja. Stoga, zbog veće javnosti i transparentnosti rada privatnih vrtića tražim da ministarstvo razmotri uvođenje veće kontrole rada privatnih vrtića, mimo inspekcijskog nadzora, te da nadgleda ove Ugovore koji se potpisuju sa roditeljima.

I moje pitanje pitanje, jedno ću poslati u pismenoj formi obzirom da nemam više vremena, a drugo evo samo kratko ako dozvolite, također ministrici Muminović-Hota.

1.Da li se privatnim osnovnim školama u KS, koje rade na engleskom, turskom ili francuskom jeziku, a imaju, ponovit ću, sve uvjete da u potpunosti usklade rad sa svim epidemiološkim mjerama, dakle imaju mali broj djece od prvog do 5 razreda, borave u većim učionicama koje su prilagođene za individualni rad sa manjim grupama, ne koriste javni prijevoz već imaju organizovan prijevoz putem kombija ili ih roditelji dovoze u školu, da li im se može omogućiti da pohađaju nastavu po ustaljenom rasporedu u sklopu cjelodnevnog boravaka od osam sati? I ovo sam uputila u pismenoj formi pa molim za pismeni odgovor. Hvala vam. Toliko.

Predsjedavajući:

Zastupnica Amra Junuzović-Kaljić.

Poslanik/zastupnik Amra Junuzović-Kaljić:

Hvala predsjedavajući. Nadam se da se čujemo. Ja danas imam dvije inicijative i jedno pitanje.

Inicijativu koju smatram izuzetno važnom je u vezi Strategije razvoja sistema zdravstvene zaštite u Kantonu Sarajevo. Dakle upućujem zastupničku inicijativu prema Skupštini Kantona Sarajevo u vezi Strategije razvoja sistema zdravstvene zaštite u Kantonu Sarajevo.

Obrazloženje: Uvažavajući činjenicu da je u toku javna rasprava za „Strategiju razvoja KS 2021.-2027. -Prednacrt dokumenta“ (tačnije od 14. aprila 2021. godine – 30 dana) koristim priliku da pokrenem inicijativu, da se nakon usvajanja ove Strategije razvoja, započne sa izradom sektorske Strategije, što bi bila Strategija razvoja sistema zdravstvene zaštite, a na prioritetima i mjerama koje je ustanovila Strategija razvoja Kantona Sarajevo 2021-2027. godine. Prioriteti su unaprijediti funkcionalnost i odgovornost zdravstvenog sistema Kantona Sarajevo po mjerama.

MJERA1.Unaprijediti dostupnost efikasnih, efektivnih i kvalitetnih zdravstvenih usluga

MJERA 2.Unapređenje finansijske održivosti zdravstvenog sistema Kantona Sarajevo

MJERA 3.Unaprijediti sistem prevencije bolesti i zaštite zdravlja stanovništva

MJERA4.Jačanje zdravstvenog sistema u odgovoru na krizne javno-zdravstvene situacije

MJERA 5.Smanjenje sive ekonomije i korupcije u zdravstvu.

Naravno, sve ću poslati u pismenoj formi.

Sljedeća inicijativa odnosi se ustvari na uvođenje HPV imunizacije, odnosno imunizacije kao dodatne vakcinacije protiv Humanog papiloma virusa. Da bi kratko pojasnila, obzirom da će obrazloženja ići u pismenoj formi, prema Ministarstvu zdravstva Kantona Sarajevo, je ovo ustvari inicijativa za ažuriranje programa imunizacije u Kantonu Sarajevo, uključivanjem dobrovoljne vakcine protiv HPV, u program. Da pojasnim kratko. Humani papiloma virus (HPV) nalazi se među najčešćim spolno prenosivim bolestima, sa globalnom prevalencijom od 11 do 12%. HPV infekcije direktno su povezane sa karcinomom cerviksa, vaginalnim karcinomom, karcinomom vulve, karcinomom penisa, orofaringealnim karcinomom i genitalnim bradavicama. Ova infekcija spada u seksualno prenosive infekcije, ali se ne prenosi isključivo spolnim odnosom, nego se može prenijeti i samo dodiranjem kože. Najviše infekcija se desi u starosnoj dobi od 20. do 25. godine. Uključivanje HPV vakcine kroz redovni Program imunizacije, seroprofilakse i hemoprofilakse, nije nužno da bude na nivou cijele FBiH, nego je upravo ovo prijedlog da se kao Program dodatne imunizacije uvede u Kanton Sarajevo. Stručna preporuka: provesti vakcinaciju protiv HPV djevojčica u uzrastu 11-12 godina (po epidemiološkoj indikaciji), što ima uporište u podzakonskom aktu „Pravilnik o načinu sprovođenja obavezne imunizacije, imunoprofilakse i hemoprofilakse. Da samo kratko pojasnim, rak grlića maternice je deveti najčešći uzrok smrti od malignoma u ljudskoj populaciji. Skoro svaka seksualno aktivna osoba je bar jedanput u životu bila zaražena nekim od tipova HPV. U BiH su registrovane vakcine protiv HPV – Gardasil i Cervarix. Obolijevanje od karcinoma grlića materice, je u porastu prema podacima ZZJZ KS (2015 god. 77, 2019. god 133 novih slučajeva). Oko ove inicijative ću također zagovaranjem okupiti naše cijenjene ministrice, uvažene kolegice zastupnice, i sve zainteresirane kao bi smo zagovarali i kako bi smo ovo proveli što učinkovitije.

I još jedno pitanje, vrlo kratko ali vrlo značajno pitanje. Ovo zastupničko pitanje se ustvari odnosi na održivost pedijatrijske zdravstvene zaštite i specijalizacijama iz oblasti pedijatrije. U Dokumentu „Mišljenje o opravdanosti zahtjeva za specijalizacijama i subspecijalizacijama u javnom i privatnom sektoru u Kantonu Sarajevo za 2018. godine“, koje je dostavljeno Ministarstvu zdravstva Kantona Sarajevo, a na osnovu „Izvještaja o organizacionoj strukturi i kadrovima zaposlenim u zdravstvenim ustanovama u JU Dom zdravlja Kantona Sarajevo, u procesu rada je bilo 34 specijalista pedijatrije. Pandemijska 2020. godina i odlazak u redovnu penziju, su pedijatrijsku službu primarne zdravstvene zaštite, doveli na ukupno 29 pedijataru početkom 2021. god, od kojih su neki na tzv. produžecima prosto obzirom da su stekli uslove za penziju. Obzirom na starost pedijatrijskog kadra, do kraja 2022. u redovnu penziju odlazi još 13 pedijataru. Dakle, ove činjenice, u svakom slučaju, ne smiju biti zanemarene u projekciji broja potrebnoga specijalističkoga kadra za naredni period, obzirom da bi u 2023. godinu ušli sa ukupno 16 doktora medicine - specijalista pedijatrije u primarnoj zdravstvenoj zaštiti pri čemu treba uzeti u obzir i druge faktore, uključujući posebno varijablu „izlaza radne snage" i projiciranja u svjetlu mogućeg gubitka ljudskih resursa (migracije, promjene karijere,

zdravstveni razlozi, prijevremeno penzionisanje, redovno penzionisanje itd.).

Predsjedavajući:

Zastupnice Junuzović-Kaljić probili smo davno vrijeme, moram vas upoziriti.

Poslanik/zastupnik Amra Junuzović-Kaljić:

Hvala lijepo. Evo upravo sve će ići u pismenoj formi. Hvala vam. Hvala lijepo.

Predsjedavajući:

Zastupnik Damir Nikšić.

Poslanik/zastupnik Damir Nikšić:

Čujemo li se? Upućujem inicijativu prema MUP-u Kantona Sarajevo i Ministarstvu saobraćaja da pod hitno počnu sa postavljanjem adaptivnog upravljanja semaforima, da odrede trasu biciklističke staze na području čitavog grada, primarno od Ilidže do Kozije ćuprije, da zaštite ulice, trotoare i pješačke zone od divljanja, parkiranja, neodgovorne i nesavjesne vožnje vlasnika motornih vozila, bicikala i električnih romobila, naročito u gradskom jezgri, naročito vikendom, tako što će pored tzv. "ležećih policajaca", rasporediti i veći broj pozornika, ne da kažnjavaju već prije svega da upozoravaju i samim svojim prisustvom sprečavaju divljanje i različite ispade.

obrazloženje:

Ne smijemo zanemariti i tako izlagati građane traumama, naročito djecu i starije, naročito u pješačkim zonama, naročito vikendom kada nastoje da se uljude i odmire, da prošetaju u miru gradskom jezgrom. To već najmanje deceniju građani nastoje poručiti. Policijski posao se ne sadrži samo od uviđaja. Kada dođe do uviđaja već je kasno. Policijski posao je spriječiti kriminal i održavati javni red i mir, pružati sigurnost i osjećaj sigurnosti građanima svojim prisustvom. Policijski posao je prije svega prevencija, a prisustvo policije je najbolja prevencija. Glavni i najvažniji dio posla policije je fizičko prisustvo na ulicama. Informacija da na potezu od Trga djece Sarajeva do Starog Grada i od Doma Policije do Miljacke subotom i nedjeljom postoji samo jedno službeno lice je tačna informacija i nadasve zabrinjavajuća informacija koja ovako javno iznesena predstavlja svojevrsan poziv svim kriminalcima iz BiH i šire da provedu naredni vikend u strogom centru glavnog grada ove države.

Iznošenje ove informacije ne predstavlja opasnost po sigurnost građana ako je ona netačna. U tom slučaju nema razloga za brigu. No ako je ona tačna onda se radi o činjenici koja sama po sebi predstavlja opasnost po sigurnost građana, kao i nemar organa vlasti prema građanima, što je veoma zabrinjavajuće. Prisustvo policije, pozornika na ulicama, a naročito vikendom na glavnoj ulici je nezadovoljavajuće i mora biti pojačano. Lijepo bi bilo da taj posao u historijskom centru grada rade neki mladi ljudi u posebnim, lijepim uniformama, kako dolikuje jednom glavnom gradu i turističkoj destinaciji kao što je Sarajevo. Zato ovaj dio inicijative upućujem prema MUP - da se raspiše tender za posebne uniforme i da se zaposle mladi kadrovi sa poznavanjem stranih jezika još ovoga ljeta. Građani nisu zadovoljni dosadašnjim konceptom rada policije, njihovom otuđenošću i samozatajnošću. Građani insistiraju već godinama da se to promijeni, da se uspostavi neki lijep odnos i uzajamno povjerenje. I kakav je odgovor: sindikat policije demantuje svaku informaciju koja ne dolazi od same policije i tvrdi da se radi o laži i dezinformaciji što je veoma simptomatično. Da li to znači da građani moraju više vjerovati sindikatu policije i policijskim izvještajima nego sopstvenim očima? To liči na ono što smo imali prije tri-četiri godine kada su nas "nadležni" ubjeđivali da zrak u Sarajevu nije zagađen i da više vjerujemo njima nego sopstvenim bronhijama. Mislim da je dosta bilo utjerivanja građana i zastupnika u laž. Pozivam ovim putem građane Sarajeva da demantuju sindikat policije i da na FB stranicu Kantonalne vlade pošalju svoju ocjenu prisustva policije, naročito vikendom, a Vlada Kantona neka proslijedi tu

informaciju komesaru i sindikatu policije, pretpostavljam da se radi o sindikatu istih onih radnika MUP-a koji protuzakonito parkiraju svoja privatna vozila na trotoaru u ulici Musala. Što se tiče izraza koje koristim u privatnom životu i na FB stranici, izraza kao što su “murija” i “drot”, oni predstavljaju moju kulturnu tradiciju, nematerijalnu baštinu ovog grada koju sam kao umjetnik i kulturni radnik dužan očuvati živom. U Sarajevu smo tako od mljda zvali nekadašnju miliciju čijim smo radom i efikasnošću očigledno bili zadovoljni do te mjere da i dan-danas kruže legende o tome kako se moglo mirno spavati na klupi u parku, a da ti se ništa ne desi, što najbolje govori o nivou sigurnosti u bivšoj državi, tako da se moje korištenje tih istih naziva za današnju policiju može protumačiti samo i jedino kao kompliment, koji neki očigledno nisu razumjeli, a ni zaslužili, da ne objašnjavam i zašto. No veći problem od toga je taj to što policijski organi dovode u pitanje i utjeruju u laž zakonodavnu vlast i zastupnike koji predstavljaju građane, a time i same građane, u mom slučaju građane koji dijele i moje zapažanje, i moje mišljenje, i moj govor. To je dodatno zabrinjavajuće. Izvršna vlast mora slušati građane i njihove predstavnike svidalo se njoj ili ne ono što mi govorimo i kako mi govorimo, i na tome ću insistirati: da nas poslušate i učinite ono što od vas tražimo. Na prošloj tematskoj sjednici sam policiju lijepo zamolio neke stvari. Na ovoj sjednici u ime građana koje predstavljam insistiram da izvršna vlast hitno poradi na stvarima koje su navedene u ovoj inicijativi.

I imam samo još jedno pitanje upućeno Ministarstvu kulture i sporta i Ministarstvu unutrašnjih poslova. Zna li se čija je ideja bila zaposliti decertificirane policajce u kantonalnim institucijama kulture? Hvala vam.

Predsjedavajući:

Hvala. Zastupnik Zvonko Marić. Izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Dakle ja imam nekoliko pitanje za ministricu obrazovanja, odnosno predškolskog odgoja i osnovnog obrazovanja. Naime vrlo je komplicirana situacija i očigledno teži ka usložnjavanju zbrinjavanje djece u vrtićima u Sarajevu. Naravno, sve ono što je loše ne adresiram aktuelnoj ministrici i nadam se da je sagledala to stanje i ujedno da je to šansa za nju ali i opasna zamka ukoliko se nešto ne poduzme. Poznato je da u Sarajevu djeluju vrtići preko 400 njih, udruženja raznih i bez nadzora inspekcije. Ta udruženja, te rođendaonice, te dnevni boravci itd. Ministrice zanima me da li vi imate strategiju i da li poučeni iskustvima iz susjednih zemalja, možete li mi odgovoriti molim vas, ako je moguće usmeno, određene strategije vezano za ovu problematiku. Jer nemaju podjednako pravo djeca predškolskog uzrasta zaposlenih i nezaposlenih naših građana. I da li vam je poznat podatak, svega 2% nezaposlenih roditelja ima djecu koja idu, pohađaju, idu u vrtić. To je zaista poražavajuće jer bojim se da upravo na taj način se generira trans-generacijsko siromaštvo, jer nemaju mogućnosti. Znamo šta govore Okvirni Zakon o obrazovanju, članaka 3 o pravednosti djece, i zato molim vas pokrećem inicijativu pored ovih pitanja da se na neki način omogući desetosatni dnevni boravak za djecu sa poteškoćama u razvoju i ona koja se pripremaju za školu. Tada će biti zadovoljen taj princip o kojem govorim pravednosti, djece da budu tretirana i da im bude dostupno obrazovanje. U suprotnom ne znam kuda idemo. Preko 90% djece roditelja koji rade ili jedno ili oba roditelja. A šta je sa onim skupinama koje su marginalizirane, siromašne itd. I mislim da se ovo mora uraditi i unaprijediti. U suprotnom kažem, mi idemo ili srljamo stranputicom koja se zove, ili se produžava trans-generacijsko siromaštvo koje ni jednom društvu nije svojstveno koje je napredno društvo. A mi sasvim sigurno sa ovakvim načinom sigurno nećemo daleko. Molim vas, ja znam da prosvjetna inspekcija nema mogućnost da kontrolira rad ovih ustanova, otvaraju se u raznim podrumima, u neuvjetnim prostorijama itd. I onda ugrožavaju djeci zdravlje. I naravno za ministra zdravstva ako je moguće, šta je sa listom prioriteta za vakcinaciju skupina koje čekaju zaista,

posebice s obzirom da se proširila zaraza, odnosno mogućnost infekcije taksista koji voze neprestano i turiste razne itd, mislim da je to otprilike 1000 njih, 1200, da li se može iz kontingenta koji dolazi vakcina osigurati za njih i revizore jer su stalno u kontaktu sa građanima i mogu širiti zarazu, i kada voze mušterije, oni da prenose ili da im bude preneseno i onda tako ne znam u kojoj je to fazi, ukoliko može da nam kaže ministar zdravstva. Dakle to je ovaj put toliko i hvala vam lijepo.

Predsjedavajući:

Zastupnica Vildana Bešlija.

Poslanik/zastupnik Vildana Bešlija:

Hvala predsjedavajući. Ja ću pročitati jedan dio inicijativa a ostalu ću naravno dostaviti pisanim putem, odnosno putem maila. Znači prva je inicijativa za omogućavanje omogućavanje online prodaje i kućne dostave proizvoda kojima Javno preduzeće Tržnice-pijace d.o.o. Sarajevo trguje.

Uz obrazloženje da nas je Pandemija koronavirusa stvara potrebu za jednostavnijom i sigurnijom dostupnošću proizvoda kojima Tržnice trguju. U trenutnoj situaciji poticaji proizvodnji i plasmanu domaće hrane su prioritet svake države, ali i nižih nivoa vlasti. Tržnice bi trebale pomoći proizvođačima u plasmanu proizvoda, ali i građanima omogućiti lakšu i sigurniju dostupnost istih. Tržnice, bi na ovaj način potpisale ugovor sa privrednim subjektom koji se bavi dostavom hrane, namirnica, lijekova i drugih proizvoda, treba da poveže proizvođače i kupce. I zaista smatram da je krajnje vrijeme je da uhvatimo korak sa vremenom I jedinicama lokalne samouprave iz regiona koje već godinama nude ovakvu vrstu usluge.

Također bih postavila pitanje Ministarstvu za rad i socijalnu politiku, također i Ministarstvu zdravstva Kantona Sarajevo. Spomenula sam zajedno jer se odnose na realizaciju i pravljenje izvještaja o provedbi Gender akcionog plana.

1. Da li je izrađen Izvještaj o provođenju Gender akcionog plana Kantona Sarajevo za period od 2019. do 2021. godine za 2020.godinu i kada će isti biti dostavljen Skupštini na razmatranje?
2. Koji je broj korisnika porodijskog odnosno roditeljskog odsustva (broj naknada umjesto plaće ženi - majci i broj naknada umjesto plaće muškarcu – ocu djeteta) finansiran iz Budžeta Kantona Sarajevo u toku 2020. godine i koji je iznos naknade?

I Ministarstvu zdravstva:

1. Koji je broj korisnika te koliko pokušaja bio-medicinske potpomognute oplodnje je refundirano iz Budžeta Kantona Sarajevo u toku 2020.godine?

Hvala vam.

Predsjedavajući:

Iskoristit ću svoje pravo također da podnesem tri inicijative.

Prva se odnosi na Ministarstvo zdravlja Kantona Sarajevo. Podnosim inicijativu da preduzmete određene aktivnosti koje bi ubrazilo omogućile kontinuiranu i adekvatnu nabavku stomatološkog materijala za DZ Vogošća, te na taj način omogućili pravo pacijenata na zubnu zdravstvenu zaštitu. Obrazloženje: naime, ovo je višegodišnji problem ustanovi DZ Vogošća, ali prošlu i ovu godinu je kulminiralo te zbog nedostatka stomatološkog materijala potpuno obustavljeno pružanje ove usluge pacijentima. Zadnje trebovanje stomatološkog materijala bilo je u februaru 2020.godine. Na ovaj način su ugrožena prava pacijenata a naročito djece na zubnu zdravstvenu zaštitu. Ova inicijativa se odnosila na Ministarstvo zdravstva Kantona Sarajevo.

Zatim podnosim inicijativu prema Ministarstvu komunalne privrede, infrastrukture, prostornog uređenja, građenja i zaštite okoliša. Podnosim inicijativu za izmjene i dopune

Zakona o prostornom uređenju Kantona Sarajevo. U poglavlju koji se odnosi na odobrenje za građenje a u vezi regulisanja izuzetaka za koje nije potrebno odobrenje za građenje, a na način da se u članu 69. stav 1) poslije tačke f) doda sljedeći tekst pod g) „postavljanje punionica za električna vozila”. Navest ću samo jedno od obrazloženja a u pisanom tekstu će biti nešto više. Između ostalog broj punionica za električna vozila veoma intenzivno rastu u EU, zemljama našeg zapadnog susjedstva te se očekuje intenzivan rast broja punionica i u BiH, a posebno u Kantonu Sarajevo koji je glavni grad.

Zatim inicijativa prema Ministarstvu finansija. Izmjene i dopune Zakona o porezu na imovinu naslijeđe i poklon u dijelu: Da se za putnička i teretna motorna vozila, uključujući električne motocikle i skutere sa električnim pogonom ukine porez na imovinu, za hibridna putnička i teretna motorna vozila 50% od iznosa utvrđenog od trenutnih propisanih iznosa. Napominjem ovdje također dobar primjer, dobra praksa iz Tuzlanskog Kantona koji također ovaj Zakon usvojen i želim da podsjetim na prioritete ove Vlade Kantona Sarajevo u vidu mjera i principa kreiranih za 2020 godinu koji su najavljeni. Između ostalog izrada plana mobilnosti za KS, stvaranje održivog transportnog sistema u Kantonu Sarajevo sa fokusom na smanjenje zagađenja zraka povećavanje učinkovitosti ekonomičnosti u transportnom sistemu, povećanje sigurnosti i zaštite. Zatim izgradnja punjača za električne automobile u saradnji sa općinama i izmjena Zakona o javnim površinama u cilju lakšeg i bržeg postavljanja punionica za električna vozila. Toliko od mene.

Sljedeći za pitanja je prijavljen zastupnik Haris Zahiragić.

Poslanik/zastupnik Haris Zahiragić:

Da li se čujemo predsjedavajući? Dobro dan i vama i drugim kolegama zastupnicima, kao i svim građanima Kantona Sarajevo koji nas gledaju kraj malih ekrana. Ja bih imao neki broj inicijativa od kojih ću samo dvije ovdje pročitati i tražiti o njima izjašnjenje a ostale ću poslati u pismenoj formi. Također imat ću nekoliko poslaničkih pitanja.

Prva inicijativa jeste, a imajući u vidu da je SPUS jučer napravio pres konferenciju, iznio svoje vrlo argumentovane i opravdane stavove. Na žalost pomenuo je proteste koje sigurno nikome od nas ne bi bili dobrodošli. Podnosim inicijativu sličnu onoj koja na posljednjoj sjednici Skupštine oborena sa malo drugačijim samim tekstom inicijative, tj.

“Obavezuje se Vlada Kantona Sarajevo da u skladu sa svojim nadležnostima pronade način i smanji visinu školarina za sve studente na Univerzitetu u Sarajevu u iznosu od 30% za školsku 2020-2021. godine, u skladu sa zahtjevom Studentskog parlamenta Univerziteta u Sarajevu broj: 38/20-21 od 22.03.2021. godine”. I tražim izjašnjenje kolega zastupnika. Dakle inicijativa sama po sebi je vrlo utemeljena, vrlo opravdana, vrlo svrsishodna, imajući u vidu činjenicu da je ekonomska kriza kao što je svima nama poznata, iako je mi na žalost nismo osjetili, iako smo mi predlagali drugačije toliko ušla u domove svih studenata i njihovih roditelja da bi zaista svaka vrsta smanjenja školarina jednokratno, jednogodišnje bilo za svaki pozdrav i olakšalo bi zasigurno, i nekima omogućilo nastavak studiranja. S druge strane online nastava koja se održava cijelu godinu, smanjila je troškove studiranja i s tim u vezi ne može isto koštati cijena studiranja. Ukoliko Vlada procijeni da to nije 30%, da je to 20% možda bi i to bilo prihvatljivo ali treba da ovakvim stvarima razgovaraju. Prošli put kada smo govorili o tome, kazala je Vlada da je to otprilike 5 miliona KM; dok na primjer, a ovo mi je uvod u naredno poslaničko pitanje je Ministarstvo saobraćaja prošle godine platilo 5 miliona KM skoro elektronski sistem naplate karata za stanice koje nisu zatvorene, za stanice koje nisu zatvorene niti će moći biti zatvorene. Doslovno je uzalud platila projekat 5 miliona KM i s tim u vezi postavljam pitanje Ministarstvu saobraćaja nakon ove inicijative, a to jeste da mi Ministarstvo saobraćaja odgovori tačnu informaciju da mi da o cijelom projektu zatvaranja tramvajskih stajališta u KS, kao i o informacionom sistemu vezanom za isti, to jeste sam projekat, javni poziv, odluku o odabiru izvođača, informaciju o dinamici

implementacije projekta, te informaciju o svim pojedinačnim plaćanjima vezanim za taj projekat po datumima”.

To tražim pismeno sam dostavio. Tražim i pismeni i usmeni odgovor. A imam pitanje poslaničko za Ministarstvo visokog obrazovanja i tražim usmeni odgovor. Da li su poduzeli ikakve aktivnosti na realizaciji zaključka Skupštine Kantona Sarajevo o zahtjevu da se prime sve zlatne značke iz posljednje generacije a koji ispunjavaju za takve uslove na UNSA za asistenta. Dakle ima više od mjesec dana od usvajanja takve inicijative koju sam podnio. Do sada nemamo niti jednog jedinog znaka da je krenula realizacija te inicijative, pa stim u vezi tražim usmeni odgovor. A u narednim danima svakako intenzivirat ćemo taj zaključak, tu inicijativu Skupštine Kantona Sarajevo. I posljednje koje ću javno pročitati jeste inicijativa Skupštini Kantona Sarajevo. S obzirom da je situacija epidemiološka u izuzetno dobrom stanju u Kantonu Sarajevo. Da smo otvorili i da su brojevi sa zaraženim dobri, da je privreda počela raditi, čak i ugostiteljski objekti, smatram da bi smo i mi Skupština Kantona Sarajevo trebali konačno početi održavati uživo, s tim u vezi podnosim inicijativu da se sjednice Skupštine Kantona Sarajevo od naredne sjednice održavaju uživo a uz poštivanje svih epidemioloških mjera, te da se paralelno ukoliko za to postoji opravdana potreba, omogućiti online rad za one zastupnike koji nisu u mogućnosti da prisustvuju sjednici iz eventualno zdravstvenih razloga, tj ukoliko bi eventualno bili zaraženi. Također tražim izjašnjenje i ovoj inicijativi. Toliko i hvala vam predsjedavajući.

Predsjedavajući:

Zastupnica Neira Dizdarević.

Poslanik/zastupnik Neira Dizdarević:

Hvala predsjedavajući. Imam također nekoliko pitanja i inicijativa, međutim uputi ću pitanje na koje bih molila usmeni odgovor, ukoliko je naravno moguće. Ukoliko ne, onda detaljnu informaciju u pisanoj formi. Pitanje upućujem Ministarstvu za odgoj i obrazovanje Kantona Sarajevo da mi se dostavi informacija, da mi ministrica odgovori da li je prilikom izrade dokumenata u okviru kurikularne reforme razmatran problem inkluzije učenika sa poteškoćama u razvoju, te da li je u okviru toga angažovano neko od stručnih lica i sa kojim kvalifikacijama? Toliko. Hvala.

Predsjedavajući:

Zastupnik Damir Marjanović.

Poslanik/zastupnik Damir Marjanović:

Zahvaljujem se predsjedavajući. Nemojte zamjeriti kameru neću paliti zbog komunikacije. Maloprije sam primijetio da je dosta slaba. Dakle, stvari su vrlo jednostavne, mjere četvorke su predviđele između ostalog da dođe da se pokrene revitalizacija Kampusa UNSA. Normalno čak je predviđeno da je to jedna dugoročna mjera. I očekuje se nekih 20% realizacije te mjere u mandatu ove Vlade. Zamolit ću premijera i normalno kantonalne zastupnike, sada ću ovo spomenuti kao inicijativu. Normalno neću tražiti populistički da se izjašnjavamo o njoj, pokrećem inicijativu da se pokrene aktivnosti na revitalizaciji i izgradnji Kampusa UNSA. Veliki broj ljudi smatra da to nije samo rješenje za UNSA nego da je to rješenje koje ima svoj finansijski efekat koji će dovesti do toga da određene firme koje će sudjelovati u tom procesu, ljudi koji će raditi, biti zaposleni u tom procesu, će doprinijeti tome da imamo jedan veliki ekonomski efekat, i siguran sam jedna dugoročna mjera, jedno dugoročno čak po potrebi zaduživanje za izgradnju ovog dijela grada Sarajeva, ovog dijela koji je jako bitan kao što smo vidjeli za kvalitetu nastave koji sada problematiziramo na UNSA, će imati višestruki značaj za Kanton Sarajevo i za naše buduće generacije, tako da smatram da je ovo jedan strukturni projekat koji je više-generacijski i koji je dugo vremena i

dugo godina najavljivani. Svi koji su imali priliku da vide kako izgleda UNSA tj Kampus znaju da od tih najava i obećanja prethodnih Vlada ništa nije bilo, e sada je pravo vrijeme da se nešto uradi po tom pitanju. Normalno ne očekujem da se to desi u mjesecu, dva, u šest mjeseci ali definitivno očekujemo da se aktivnosti jasne i vidljive pokrenu u tom pravcu. I samo da spomenem još jednom, ide direktno sada pitanje ministru privrede. Kao što je poznato i dalje se nastavilo parkiranje automobila na krov Collegium artisticuma. Neki od tih automobila bi vrlo brzo mogli postati eksponati s obzirom na stanje toga krova. Više puta smo evo već treći put sada ponavljam tu inicijativu. Sada stavljam direktno pitanje ministru privrede pošto iz Skenderije nismo dobili nikada konkretan odgovor, šta je učinjeno po tom pitanju, da se to parkiranje koje definitivno nije tamo predviđeno zaustavi i zabrani, jer na taj način bi se učinile početne aktivnosti koje bi dovele do toga da se oslobodi prostor, da se krene u rekonstrukciju i očuvanje ovog jako bitnog projekta i ideje i objekta i kulturno čišća ili kulturno bitne institucije za Kanton Sarajevo. Hvala velika.

Predsjedavajući:

Zastupnik Vedran Jakupović.

Poslanik/zastupnik Vedran Jakupović:

Zahvaljujem predsjedavajući. Evo pozdravljam vas, sve kolege i građane Kantona Sarajevo. Obzirom da je evo maj mjesec i približava se godišnjica bitke na Pofalićima. Ja ću ponoviti jednu inicijativu koju sam prije dvije godine, tačno 14.05. dva dana prije godišnjice pokrenuo. Odnosi se na izgradnju OŠ i vrtića u ovom naselju. Dakle OŠ Pofalići koja je u neuslovnom stanju. Dakle ja bih ovu inicijativu sada proširio i to na način, obzirom da je to mislim naredni veliki kapitalni objekat u oblasti obrazovanja da se u rebalansu Budžeta izdvoje sredstva i da se planiraju sredstva, da se planira uzimanje kredita za, obzirom da imamo pravo uzimati sredstva za kapitalne projekte za izgradnju OŠ i vrtića u Pofalićima. Druga stvar koju bih pitao Ministarstvo osnovnog odgoja i obrazovanja, osnovnog, srednjeg i predškolskog i JU Djeca Sarajeva u kojoj su fazi otvaranja, obnova punog kapaciteta vrtića Vjeverica Vogošća, i razmišlja li se o obnovi vrtića na Ciglanama? Evo jedan lijep događaj otvaranje vrtića Bulbul prije par dana u opštini Stari Grad. Ponovio bih opet pitanje, kolegica Bibija Kerla je već govorila o tome o mojoj inicijativi za osnivanje Agencije za dijasporu od prije dvije godine osnivanje Agencije za strane investicije. Dakle to je Ministarstvo privrede, kada je riječ o stranim investicijama. I Ministarstva privrede i kulture i obrazovanja kada je riječ o Agenciji za dijasporu. Pridružio bih se u traženju odgovora na ovo pitanje. I još jedno pitanje, da završim, zamolio bih direktora ZOI da mi u pisanoj formi objasni kakvi su strateški planovi za Igman, konkretno za Veliko polje, obzirom da u nekim razgovorima sa gradom Barcelonom i mogućom kandidaturom za Olimpijadu Sarajevo bi bilo domaćin nordijskih disciplina. Riječ je o planinama Igman, odnosno dva dijela planine Igman: Veliko polje i Malo polje. Ne bih želio da se kompletna strategija ZOI prebaci na Bjelašnicu a da se zapostavi nordijski sport. Hvala vam.

Predsjedavajući:

Zastupnik Samir Suljević.

Poslanik/zastupnik Samir Suljević:

Hvala predsjedavajući, imao bih jedno pitanje koje upućujem Ministarstvu za rad, socijalnu politiku, raseljena lica i izbjeglice Kantona Sarajevo. I ono je da li je Ministarstvo za rad, socijalnu politiku, raseljena lica Kantona Sarajevo poduzelo aktivnosti po pitanju donošenja Zakona o dopunskim pravima civilnih žrtava Kantona Sarajevo i ako jeste u kojoj fazi je isto? Drugo pitanje bih uputio premijeru Forti zato što mi je na predzadnjoj sjednici Skupštine povodom moje inicijative vezano oko plaćanja subvencija dženaza ili sahrana

umrlim od COVID rečeno da će se Vlada o tome izjasniti, pošto još nemam informaciju o tome samo da vidim dokle je ta informacija došla? Hvala toliko.

Predsjedavajući:

S obzirom da nema više prijavljenih zastupnica i zastupnika za pitanja i inicijative zamolio bih predstavnike Vlade da ponude odgovore na postavljena pitanja. Naravno na ona pitanja za koja su zastupnici tražili usmeni odgovor. Imamo li nekoga od predstavnika Vlade?

Ministrica Melika Husić-Mehmedović:

Dobar dan uvaženi zastupnice i zastupnici, evo dok se kolegice i kolege još organizuju, bio je jedan kratki upit od zastupnika Zahiragića vezano za Zlatne značke i šta je urađeno do sada po tom pitanju. Ministarstvo za nauku visoko obrazovanje i mlade je ponovno profunkcionisalo 05. maja. Već 06. maja smo uputili dopis na UNSA da nam dostave informaciju o njihovim potrebama, o broju Zlatnih značaka i te informacije očekujemo uskoro da bi smo znali koja nam ustvari sredstva trebaju za ove aktivnosti. Hvala.

Predsjedavajući:

Zahvaljujemo se ministrici Husić. Da li imao još nekoga od ministara?

Ministrica Ivana Prvulović.

Poštovanje predsjedavajući. Puno vas sve pozdravljam. Zahvaljujem se na pitanju uvažene zastupnici Bešlija vezano za provođenje Gender akcionog plana u Kantonu Sarajevo. Na žalost u 2020 godini zbog situacije izazvane pandemijom corona virusa nisu poduzimanje aktivnosti na realizaciji Gender akcionog plana. Ministarstvo za rad, socijalnu politiku, raseljena lica i izbjeglice je uvidjeviši ovakvu situaciju poduzelo hitne korake kako bi imenovalo tim u čijem sastavu su predstavnici Ministarstva u Kantonu Sarajevo. Vlada Kantona Sarajevo je na prijedlog Ministarstva donijela rješenje kojem su imenovani članovi tima i u narednim danima održat će se i prvi sastanak kako bi se počele realizovati aktivnosti iz Gender centra. Zahvaljujem se također na pitanju i uvaženom zastupniku Suljeviću. Ministarstvo za rad, socijalna pitanja, raseljena lica i izbjeglice...

predsjedavajući.

Ministrici Prvulović mikrofona vam je ugašen. Samo zadnje dvije tri rečenice.

Ministrica Ivana Prvulović.

Zadnje dvije rečenice niste čuli, ne znam zašto se to desilo, nisam ništa dirala, baš čudno. Dobro izvinjavam se. Onda ja mislim da bi to bilo onda počev od davanja odgovora uvaženog zastupnika Suljevića. Ministarstvo za rad, socijalna pitanja, raseljena lica i izbjeglice Kantona Sarajevo nije poduzimalo aktivnosti na donošenju propisa kojim bi se predviđela dodatna prava civilnih žrtava rata u ovom trenutku to na žalost nije niti moguće iz razloga što je na snazi Zakon o ublažavanju negativnih ekonomskih posljedica i uštedama u Kantonu Sarajevo kojim je zabranjeno donošenje propisa koji bi izazvali dodatne fiskalne efekte. Evo obzirom da ne znam, nisam znala na pamet koliko porodilja je kojima se isplaćuju naknade. Dobila sam ovu informaciju pa dopunjavam odgovor na pitanje uvažene zastupnice Bešlija. U 2021 godini za period januar – mart za porodilje u radnom odnosu izvršeno je ukupno 3.887.831, 63 KM. Za prosječno mjesečno 1929 porodilja. Iznos naknade po jednoj porodilji u radnom odnosu je iznosio 420 KM. U 2021 za mjesec april za porodilje u radnom odnosu utrošeno je ukupno 1.388.992,27 KM. Mjesečna naknada je iznosila 450 KM. Evo dala bih riječ ukoliko se predsjedavajući slaže, kolegici ministrici Hota-Muminović.

Ministrica Naida Hota-Muminović:

Poštovani zastupnici i zastupnice, uvaženi predsjedavajući, dobar dan cijenjeni građani Kantona Sarajevo. Pitanja koja su upućena Ministarstvu za odgoj i obrazovanje odnosi se na rad udruženja i igraonica koje se bave smještajem i zbrinjavanjem djece predškolske dobi, čuvanjem djece. Naime, rad ovih udruženja i igraonica nije u nadležnosti Ministarstva. Ista se registriraju kao udruženja ili kao privredni subjekti. Lista registriranih predškolskih ustanova postoji na web stranici Ministarstva za odgoj i obrazovanje i naravno apelujemo na roditelje da prije nego što povjere svoju djecu na čuvanje i na predškolski odgoj i obrazovanje, provjere istu listu. Naravno, želimo reći da se osnivanje privatnih predškolskih ustanova odvija u skladu sa zakonom, gdje se podnosi zahtjev. Zakonom o predškolskom odgoju i obrazovanju gdje se podnosi zahtjev, te komisija provjerava ispunjenost uvjeta za rad istih. Mi ćemo također posvetiti posebnu pažnju izmjenama i dopuna o predškolskom odgoju i obrazovanju u narednom periodu. Prema nekoj dinamici očekujemo da se time već možemo pozabaviti naredne školske godine. Vjerovatno u toku ove kalendarske godine. To je bilo pitanje uvaženog zastupnika Zvonke Marića. Pitanje vezano za uvažene zastupnice Neire Dizdarević da li je neko od stručnjaka koji se bave pitanjem inkluzije uključen u izradu predmetnih kurikuluma? Naime, predmetni kurikulumi su sada već završeni. Oni se nalaze u javnoj raspravi. Svi učesnici izrade predmetnih kurikuluma kako ekspertne radne grupe, odnosno stručnih timova za izradu pojedinih predmetnih kurikuluma odabrani su javnim pozivima te su u skladu s tim imali svoja zaduženja. Pitanje inkluzije jeste posebno obuhvaćeno i bilo je posebno obrađivano, možemo dati primjer da je prof. Lejla Kafedžić bila članica ekspertne radne grupe i da je stručnjakinja za oblasti pitanja inkluzivnog obrazovanja, odnosno odgoja, obrazovanja, rehabilitacije djece sa teškoćama. Nadalje uvaženi zastupnik Vedran Jakupović pita, dao je inicijativu za izgradnju vrtića OŠ u Pofalićima i pita u kojoj je fazi obnova Vjeverice. Zahvaljujemo se za tu inicijativu. Osnovna škola u Pofalićima je zaista u jednom vrlo neuglednom izdanju. Mi očekujemo da ćemo pokrenuti ubrzane korake na potpisivanju sporazuma između Zavoda za izgradnju, općine Novo Sarajevo i ovog Ministarstva kako bi se otklonile sve, rekla bih već administrativne prepreke i izdala urbanistička saglasnost, napravili projekti i sve ostalo što slijedi. Kako bi se ovaj pitanje izgradnje nove škole za Pofaliće pokrenulo čim prije. Pitanje za vrtić Vjeverica. Komisija je već na terenu i provjerava ispunjenost uvjeta za rad, što je uobičajena procedura. Ovaj će vrtić već biti na listi vrtića gdje će se naši buduća djeca koja će pohađati vrtić Vjeverica moći prijaviti od naredne školske godine. I mislim da je to to od zastupničkih pitanja koja su ovdje upućena. Predsjedavajući ako mogu samo sugerisati da je premijer na jednom hitnom sastanku i tako da bi on svoje odgovore dostavio pismeno.

Predsjedavajući:

Zahvaljujemo se ministricama. Imamo dvije inicijative od zastupnika Harisa Zahiragića.

Prva inicijativa se odnosi na izjašnjenje Vlade. Neophodno je prvo da se izjasni Vlada pa tek onda, stoga neću čitati ovu inicijativu vezanu za smanjenje visine školarina.

Zatim druga inicijativa da se sjednice Skupštine Kantona Sarajevo od naredne sjednice održavaju uživo uz poštivanje epidemioloških mjera. A da se paralelno ukoliko je to zaista potrebno omogućiti rad online za one koje zastupnike koji nisu u mogućnosti da prisustvuju sjednici iz zdravstvenih razloga. Zastupnice Zahiragić, kao predsjedavajući Skupštine Kantona Sarajevo zakazujem sjednice. I naravno u skladu s epidemiološkim mjerama u konsultaciji sa ministrom zdravstva, koji je predsjednik Kriznog štaba, zakazujemo sjednice. Onako u razgovoru s ministrom i one informacije koje mi još uvijek imamo do dana današnjeg da ne možemo zakazati uživo sjednice. Međutim ova vaša inicijativa više liči na jedan dopis koji bi trebali uputiti prema ministru zdravstva već evo sutra. Nakon njihovog očitovanja ja ću kao predsjedavajući moći zakazati sjednice u skladu sa preporukama i mišljenjem Kriznog štaba. Tako da ne znam kako da se izjašnjavamo o ovoj inicijativi prije

nego što dobijemo mišljenje i stav Kriznog štaba. Je li ostajete da se izjašnjavamo na ovu vašu inicijativu ili ćete sačekati odgovor Kriznog štaba, koji evo i ja mogu uputiti kao predsjedavajući, a možete i vi kao zastupnik u Skupštini Kantona Sarajevo.

Poslanik/zastupnik Haris Zahiragić:

Predsjedavajući, ova diskusija je možda nekada smo je imali. Pitanje je da Skupština Kantona Sarajevo kao zakonodavni organ ne može biti obuhvaćena bilo kojom mjerom Kriznog štaba, koji je Krizni štab koji je imenovao izvršni organ. Dakle ne može Krizni štab svojim mjerama bilo kojeg nivoa suspendovati rad zakonodavnog organa. S tim u vezi, Skupština Kantona Sarajevo i vi kao predsjedavajući, koji ste prvi među jednakima, ukoliko želite zakazati bez obzira na mjere, to vam govorim kao pravnik, imate to pravo. Procijenite vi eto da li trebate poslati prvo inicijativu Ministarstvu i čekati odgovor, pa onda da se izjasnimo, ili da se izjasnimo i da svoju volju ustvari prosljedimo njima, da smo mi željni sjediti u salama i raditi ozbiljnije. Vidite da je poprilično zamarajuće i da je intenzitet rada na sjednici, kvalitet rada, kvalitet diskusija, kvalitet javljanja pojedinih zastupnika i ministara. Pitanja i odgovora elektronskih prepreka često onemogućen na jedan kvalitetan način. S druge strane, znate one argumente predsjedavajući da ljudi rade svi, policajci, doktori, zdravstveni radnici, radnici u trgovinama itd a da mi jedini radimo online. Niko drugi ne radi online osim Skupštine Kantona Sarajevo. Mislim niti jedna druga oblast društvena koji ljudi koji su puno manje plaćeni od nas, koji imaju puno manje odgovornosti, koji su puno izloženiji. Mi imamo mogućnost u sali opštine Centar koja je tradicionalna sala Skupštine da organizujemo uz poštivanje tih mjera, gdje su razdvojene pleksiglasima sva mjesta itd. U svakom slučaju znate koja je intencija ove moje inicijative, evo razmislite vi da li želite odmah da stavite na glasanje pa šaljite kao stav Skupštine ili da šaljete kao moj i vaš stav Ministarstvu. Naravno, ukoliko je vaš stav na tragu mog i pozitivne su vam te teme.

Predsjedavajući:

Evo ja predlažem sljedeće, naravno ukoliko se slažete, ja ću već sutra, evo u skladu s ovom vašom inicijativom uputiti jedan dopis prema ministru, prema Kriznom štabu. Nakon njihovog odgovora, mišljenja koje dobije, zakazat ćemo već sljedeću sjednicu. Tako da nema potrebe da se izjašnjavamo o njoj bez mišljenja Kriznog štaba. Ako se slažete ja mogu već sutra uputiti prema Kriznom štabu.

Poslanik/zastupnik Haris Zahiragić:

Slažem se samo evo molim vas da u tom vašem dopisu i ovoj inicijativi navedete razloge opravdanosti sazivanja Skupštine i činjenice da smo mi kao zakonodavni organ spriječeni već mjesecima da radimo uživo što je poprilično ozbiljna suspenzija zakonodavnog organa. Mi smo našli način da radimo online.

Predsjedavajući:

krizni štab ima to u vidu. U potpunosti ćemo to ispoštovati. Nezadovoljstvo odgovorom zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajući. Pa zaista nisam očekivao ovako ovaj način na koji mi je ministrica odgovorila, očekivao sam nešto sasvim drugo. Ja u svom izlaganju, u postavljanju pitanja i inicijativa sam rekao da Prosvjetna inspekcija nije nadležna. I sada mi ministrica kaže za te vansistemske vrtiće nije nadležno Ministarstvo obrazovanja. Međutim to je iščašena situacija na koju sam ja ukazivao ministrici. Kako može biti predškolsko obrazovanje i odgoj da nije u nadležnosti Ministarstva obrazovanja? Ja upravo na taj apsurd ukazujem. I ministrice, vaš odgovor u jednom trenutku kada ste kazali da ćete tek Zakon koji ja koliko

znam.

Poslanik/zastupnik Mahir Dević:

Predsjedavajući bila je poslovnička intervencija ukoliko ne vidite. Izvinjavam se kolegi Mariću.

Predsjedavajući.

Izvinjavam se. Poslovnička intervencija zastupnik Mahir Dević.

Poslanik/zastupnik Mahir Dević:

Izvinjavam se naravno kolegi Mariću što sam ga prekinuo ali pošto je tema bila inicijativa vezano za smanjenje školarina studentima što je bio i zahtjev SPUSA i ovog a što je kolega Zahiragić govorio. S obzirom da je Vlada već dala mišljenje, mi nemamo potrebe ponovo da čekamo stav Vlade. Vi bi ste predsjedavajući trebali to da date Skupštini na izjašnjavanje, osim ako se neko raspoloženje unutar Vlade u međuvremenu u konsultacijama premijera i vas nije promijenilo pa se želi iznaći rješenje. Znači Vlada je ovu inicijativu odbila. Te iz tog razloga ne znam da li ima smisla da ih čekamo, da li im je potrebno neko dodatno vrijeme da razmotre jer je njihov stav isti. Znači mi njihovo izjašnjenje imamo. Samo vas na to želim upozoriti.

Predsjedavajući:

Ima potrebe kolega Deviću da se izjasni i Vlada, evo da vam odgovorim. Zato što je kolega kazao da je spreman da u njegovoj inicijativi čak ako Vlada procijeni i manji procenat podrške, odnosno smanjena visine školarina, tako da evo proslijedit ćemo dopis Vladi. Možda Vlada odluči da će moći prihvatiti određeni manji postotak a možda i ne. Uglavnom proslijedit ćemo Vladi.

Poslanik/zastupnik Mahir Dević.

I mogu li završiti još rečenicu samo za ovo drugo? Vezano za ovu drugu inicijativu kolege Zahiragića. O tome već govorimo pet, šest sjednica. Predsjedavajući ja vas stvarno molim, evo kao i šef Kluba, nemojte da se ograđujemo nekim odlukama Kriznog štaba stanje evo s pandemijom je bolje. Vrijeme je da se vratimo u redovan rad u skupštinske klupe u salu općine Centar. Stvarno je to vrijeme da uradimo. Eto izvinjavam se još jednom što sam vrijeme oduzeo. Hvala.

Predsjedavajući:

Zastupniče Marić možete nastaviti.

Poslanik/zastupnik Zvonko Marić:

Zahvaljujem predsjedavajući. Dakle samo da se razumijemo ministrice. Sve što govorim ne adresiram vama ali tražim na neki način odgovor šta ćete poduzeti jasno sam rekao na planu subvencioniranja boravka djece u vrtićima. Mi znamo i prošle godine je bila pandemija u još žešćem jeku, pa su se izdvojila sredstva. I objasnio sam okolnosti zbog kojih na tome insistiram. I sigurno ima veliko interesovanje roditelja., vi govorite o Zakonu da ćete se pozabaviti krajem kalendarske godine ili eventualno rekli ste krajem školske godine, odnos početkom naredne školske godine. Pa bojim se da je za to kasno. Ja koliko znam 2017 godine je taj Zakon je prošao određene proceduralne etape. I sada je stvar inicijative Vlade i vas da ga uputi prema Skupštini koja mora hitno reagirati jer u suprotnom evo izgubismo još jednu godinu u ovom haosu i metežu koji ne donosi ništa dobro. Zato vas molim, evo niste usmeno odgovorili, to je sasvim u redu. Ja znam da nije u nadležnosti Ministarstva obrazovanja i samim tim što sam rekao da ta inspekcija prosvjetna nema nadležnost da kontrolira te

vansistemske vrtiće koji su u sivoj zoni tako reći. Ali ne može se reći da Ministarstvo obrazovanja samim tim što nije u njenoj nadležnosti ne interesira apsolutno takvo nešto. I molim vas, evo prilika je možda da građanima na službenoj stranici ako proceduralno predsjedavajući smatra da nemate mogućnost da odgovorite usmeno na ovo o čemu vam govorim, onda odgovorite u pisanoj formi i ja ne postavljam pitanje zbog sebe, nego zbog onih koji su zainteresirani pa možete na službenoj stranici odgovoriti vezano za subvencioniranje kako, na koji način. I rješavanje ovog nagomilanog haosa. To je velika šansa za vas. I molim vas ne mogu a da ne kažem na kraju ne odnosi se samo na vas, kada se obraćaju zastupnicima itd pogotovo i ministri, ja još uvijek sam barem čini mi se muško i u muškom rodu treba mi se govoriti Zvonke Marića. Ja, to znači da je ženski rod. Zvonka Marića valjda. Kaže se Senad kaže Senade, ne znam neko prezime Marković ili tako dalje. I molim vas s obzirom da vodimo malo o tom računa jer znate kaže Zvonke Marića, meni je to nedopustivo. Hvala vam.

Predsjedavajući:

Imamo još prijavljenog ministra Delića da ponudi odgovor zastupniku Marjanoviću.

Ministar Adnan Delić:

Zahvaljujem predsjedavajući. Pozdravljam sve građanke i građane Kantona Sarajevo, uvažene zastupnice i zastupnike. Pitanje uvaženom zastupnika Marjanovića je bilo vezano za inicijativu koja se odnosila na zabranu parkiranja automobila u kompleksu Centra Skenderija i to na poziciji koja ujedno predstavlja i dio krovnog prostora Collegium artisticuma. Ono što je bitno da naglasimo jeste da od kako postoji Centar Skenderija ovaj dio se koristio kao prilazni put, jedan dio prostora na platou Skenderije i također koristio za parkiranje automobila i ukoliko bi usvojili ovu inicijativu trenutno o zabrani parkiranja automobila nanijeli bi veliku štetu u kontekstu prihoda same Skenderije obzirom da su to zakupi parking prostora na godišnjem nivou. Samim bi tim povukli i određene sudske tužbe vjerovatno po pitanju onih kojima su ta parking mjesta izdata. I u tom kontekstu vjerovatno nanijeli određene negativne štete po pitanju poslovanja same Skenderije. U svrhu dobre saradnje i Centra Skenderija i Collegium artisticuma u narednom periodu Centar Skenderija po instrukcijama i resornog Ministarstva evo i uvaženih zastupnika će raditi i nastojati da se taj prostor rastereti što je moguće više a naravno da ne nanesimo i štete u poslovanju samog Centra Skenderije. Parkiranje automobila sada za sada po elaboratima koji su urađeni u kontekstu konstrukcija i njihove nosivosti ne bi trebali da nanesu nikakvu negativnu štetu po sam krov Collegim artisticuma. To je jedno pitanje. I mislim da je bilo još dva pitanja od uvažene zastupnice Bibije Kerle i uvaženog zastupnika Vedrana Jakupovića a odnose se na Agenciju za investicije. Nadamo se da ćemo do kraja godine uspjeti izmijeniti ili donijeti novi Zakon o KAP-u ili uraditi izmjene i dopune trenutnog Zakona u nekoliko članova koji će tretirati pored same privatizacije i privlačenje direktnih što domaćih, što stranih investicija na području Kantona Sarajevo. Već na neki način smo ušli u pregovore oko izrade Strategije privlačenja direktnih stranih i domaćih investicija. I ono što smo odmah na početku uradili jeste update investicionog profila Kantona Sarajevo i svakako svakodnevno mislimo o investiranju na području Kantona Sarajevo jer smatramo da je to jedan od glavnih načina kako da prevaziđemo sve negativne posljedice COVID pandemije. Nadam se da su zastupnici zadovoljni odgovorima. Ukoliko trebaju dodatna pojašnjenja uputit ćemo svakako i pismene odgovore. Hvala.

Predsjedavajući:

ministar Samir Avdić također želi da da odgovor dopredsjedavajućoj Smiljani Viteškić.

Ministar Samir Avdić.

Predsjedavajući čujemo li se? Hvala. Pozdrav svim zastupnicama i zastupnicima, vama predsjedavajući, i naravno građanima i građankama Kantona Sarajevo. Pitanje zastupnice Smiljane Viteškić vezano za imenovanje upravljačkih struktura JU Narodno pozorište. Želim vas upoznati da je ostalo još imenovanje pet institucija. Na sutrašnjoj sjednici Vlade će biti imenovane upravljačke strukture, a odnosi se na UO i NO. Već naredne sedice imat ćemo upravljačke strukture javnih ustanova kulture Kantona Sarajevo. Nadam se zastupnice da ste zadovoljni odgovorom.

Predsjedavajući:

Hvala ministru Avdiću. Zastupnik Marjanović je izrazio nezadovoljstvo odgovorom.

Poslanik/zastupnik Damir Marjanović.

Zahvaljujem se predsjedavajući. Prije svega ću zahvaliti ministru Deliću na njegovom odgovoru koji je bio precizan. S tim što ću samo sugerirati i rado ću dostaviti upravo nalaz inspekcije Općine Centar vezano za ovaj dio gdje se jasno vidi o kakvom nivou oštećenja govorim u Collegium artisticum, posebno izazvanom najvjerovatnije parkiranjem. S druge strane dostavit ću i urbanistički plan u kojem se jasno kaže za šta služio taj dio i da definitivno nije predviđen parking da bude. I treća stvar, jako cijenim ovo što kolega Delić se uključio u cijelu priču zahvaljujem se još jednom na detaljnom. I zamolit ću ga da napravi analizu slobodnih parkirnih mjesta koliko ispred Skenderije, toliko unutar garaže Skenderije. Siguran sam da te upravo godišnje karte o kojima pričamo, bez ikakvih problema bi ti automobili pronašli lokaciju na ovim mjestima zvaničnim parkinzima koji se koriste u Skenderiji. I normalno, bilo bi sada zanimljivo napraviti analizu koliko je oštećenje bez obzira na sve, na samoj konstrukciji, koliko će koštati ta rekonstrukcija. Pa napraviti jednu standardnu cost-benefit analizu da vidimo da li bi se nešto isplatilo ili ne bi. Ali u svakom slučaju podvlačim još jednom, zahvaljujem se ministru Deliću što se uključio u ovu problematiku zajedno sa kolegom Samirom Avdićem u nadam se i siguran sam da ćemo pronaći zajedničko rješenje za ovaj problem, i sa menadžmentom Skenderije i sa ova dva Ministarstva koja su izuzetno aktivna po pitanju rješavanja ovog problema. Hvala velika.

Predsjedavajući:

nemamo više prijavljenih zastupnika za nezadovoljstvo odgovorima. Prije nego što zaključim rad na današnjoj sjednici koristim priliku da u ime svih zastupnika u Skupštini Kantona Sarajevo i u svoj lično ime uputim iskrene čestitke svim pripadnicima islamske vjeroispovijesti u povodu nastupajućeg Bajrama sa željom da ga obilježite u zdravlju i radosti sa svojim porodicama, prijateljima i komšijama. Bajram šerif mubarek olsun.

Obzirom da smo iscrpili sve tačke današnje sjednice zaključujem rad na 36. Radnoj sjednici i zahvaljujem se uvaženim kolegicama i kolegama.